


Ⓕ V. 2





VIATOR
CHRISTIANUS

In

PATRIAM

TENDENS

Exemit Camale Mon. Regij

Per opus Varsav.

Motus Anagogicos;

Multo auctior, & locupletior.

SANDOMIRIÆ

Typis S. R. M. & Collegii S. J.

Annò Domini MDCCLXIII.



Via est Vita præsens, quâ
ad Patriam tendimus.

*S. Augustinus de Con-
solat: Mort: Ser: 1.*



A P P R O B A T I O

Liber sub titulo: *Viator Christianus in Pa-
triam tendens &c.* ut reimprimatur, fa-
cultatem dedi Sandomiriæ D. 17. Julii
Annô Domini 1763.

JOANNES CANTIUS LIGĘZA S. T. D.
Insignis Collegiatæ Sandomiriensis Canoni-
cus, in Troyca Curatus, Librorum Censor.

mp.

M A R I Æ
D E I P A R Æ,
S E R E N I S S I M Æ
Cœli terrarumquē
R E G I N Æ,
Ter Optimæ, Ter Maximæ
I M P E R A T R I C I.

Augustissima Domina.

O Pusculum hoc tenue, servitutis
demississimæ, obsequii humillimi,
amoris studiosissimi monumentum
supplex ad Tuæ Majestatis aram ap-
pendo. Et ne mihi in Via vires ani-
miquē deficiant, ad tuum o! **MARIA**
(a2) Sinum,

*Sinum, cursum hunc dirigo: quia à sæ-
culo non est auditum, quemquam ad tua
currentem præsidia, tua implorantem
auxilia, tua petentem Suffragia, à Te
esse derelictum. Quamdiu advenæ & pe-
regrini sumus in regione longinqua, &
procul à Patriæ finibus extorres degi-
mus, ad Te omnes o! Stella Maris, super
hoc mare magnum, & spatiosum necessa-
rio sublevata, micans meritis, illustrans
exemplis, sicut ad medium, sicut ad præ-
sidium, sicut ad portū, sicut ad negotium
seculorum respiciunt omnes viatores, &
qui nos præcesserunt, & nos qui sumus, &
qui sequuntur, & nati natorum, & qui
nascentur ab illis. Tu Mater misericor-
diæ de via fessos reficis, si qui torpent
excitas, benè currentes ad cursum con-
summandum animas. Te sequens Via-
tor non deviat; Te rogans non desperat;
Te cogitans non errat; Te tenente non
corrui; Te protegente non metuit; Te
Ductrice non fatigatur, & ad portū per-
venit.*

venit. Tu igitur Mater viventium,
Virgo, via Regia, per quā ad nos Sal-
vator venit, procedens ex tuo utero, tan-
quā Sponsus de thalamo, trahere nos post
Te, ut deponentes omne pondus, & cir-
cumstans nos peccatū, curramus ad pro-
positum nobis certamen, aspicientes in
Auctore fidei & Consummatore JESUM
Filiū tuum, ut non fatigemur animis
nostris deficientes, (Heb: 12.) sed fer-
vidē, & constanter sub Tua protectione
Cursum consummantes perveniamus ad
Patriam. Ubi Tu Mulier amicta sole,
gaudium omnium Cœlitum, post Filium
Tuum, illuminas universum Cœlum, om-
nes latificas stellas, accendis soles. U-
bi tu Esthere felicior, formosa valdē, &
incredibili pulchritudine, omnium San-
ctorū oculis grata, & amabilis videris,
& videberis, æternum decus cœli & deli-
cium. Ubi Tu Juditha fortior, gloria
Jerusalē, letitia Isrāel, honorificatio po-
puli honorificati, æternum triumphabis.

O Do-

O Domina! trabe nos omnes post te, & sicut Aquila, provoca pullos tuos ad volandum, ut assumentes pennas velut aquila, volemus & requiescamus in monte illo, ubi felix jucunditas, & jucunda felicitas (teste Augustino) Sanctos videre, cum Sanctis esse, & esse Sanctum: DEUM videre, & DEUM habere in æternum & ultra. Ubi vacabimus, & videbimus; videbimus & amabimus; amabimus & laudabimus.

Hæc vota mea & conatus, ut benignè accipias intra Sacrarium exauditionis Tuæ, humillimè obsecro.

Augustissimæ Majestatis Tuæ,

Minimus & indignissimus,
Servorum,

A. K. A.C.

IN GENTILITIUM
ILLUSTRISSIMÆ
DOMUS DECUS.



Passibus ambigua fortuna volubilis esto;
Tutus in *Osoria* nonne Viator erit?
Districtus forti semper quem Marte tuetur
Ensis, & in Superas Crux vehit arte plagas.

ILLUSTRISSIMO,

A C

EXCELLENTISSIMO DOMINO,

D O M I N O

A D A M O

P E L K A

C A S T E L L A N O

P O Ł A N E C E N S I &c. &c.

MAGISTRO EQUITUM

LORICATORUM,

D O M I N O,

B E N E F A C T O R I

G R A T I O S I S S I M O .

DEDICATORIA.

Vlator Illustrissimam Domū
Tuam petit MECÆNAS
GRATIOSISSIME: Quem si
cernis, Christianum esse haud
dubita, quia Legum observato-
rem experierê. Vix etenim A-
vito Osoria Magnifica Tua limi-
na conspexit, jam à se Tibi cen-
sum deberi negat minimè. Ho-
norum nutricem imitatur fortu-
nam, quæ quò magis evadat fel-
cior, sese summis onustam digni-
tatibus Tibi tradidit tributariè
dispensandam in cæteros, ut vel
sic omnium Protoplastes ADA-
MUS permaneres. Non fecisti
quidē satis tantis fortunæ votis,
cum plūs fecisses, ubi non illa

A

Te,

Te, verum Tu illam beasti, non
Tibi illa, ast illi Tu pretio extiti-
sti, caeca olim, nunc plena lucis,
cum illam Majorum Tuorum illu-
strassent Cerae, quia id solum
innatum Tibi. Miraris? Te ipsum
de Te consule, & certe id Tibi
inesse reperies, quod in Te pro-
no cultu adoret universus. Emi-
net in Te pietas in Superos, &
jam hanc Divorum Parentem Tu-
am fecisti. Celebrant eam in Te
complures aere Tuo constructae
Arae, fovent Divino honori A-
des conditae posteritati reco-
lendae. Nec solitariam eam pos-
sedisti, cum singulas adjunxeris
probitates, quas unice in vitae
socias adscivisti. Vivit in Te fer-
vens Patriae amor, quo sic arserit

Majores Tui, Tuquè flagras, ut
pro illius integritate mori vobis
vivere reputetis. Satis magni
ducunt alii, si veri Patriæ nomi-
nentur Filii, vobis parum esset,
Patres Patriæ coli, quā non tan-
tum Heroico nutritis Sanguine,
verum ad feliciorem statum
non semel victricibus regenerâ-
tis armis, Gentilitiis vexistis Ro-
tis, vehitisquè. Et nè fors illius
intausstè volvatur amplius, his
unā ademistis partē, triumphalē
substituistis Ensem Tutores so-
lertissimi. Primos, secundos nū-
quam Mars Lechicus affecutus
Osorios, per quos nova semper
suæ gloriæ legit spolia. Habue-
rat (numerosos silentiō permit-
tes

tes venerari) Perillustrem Pin-
cernā Pilsnenfem, Cataphractæ
Cohortis Colonellum, Genitorē
Tuum, verūm ipsis invidendum
Coelis, sapientiā admirandum,
dexteritate, atq; prudentia in re-
bus gerendis parem nemini, zelō
boni publici præcellentē singu-
los. Hunc ad Comitia generalia
Legatum venerari, intra Senato-
rias curules pro Orbe Polono
perorantem audire, mirari non
imitari oportebat. Os illud sū-
mi Oratorum expeterent, desi-
derarent facundiam, eloquentiā
exambirent. Legit hæc omnia
in vivis adhuc Perillustribus Mi-
cháèle, Joanne, Josepho, Geor-
gio suis Fratribus, Tuis Patruis
univer-

universus, lugetque in mortuis,
immortali tantum fama Eorum
tristes detergens lacrymas, suos-
que mærores leniens Te super-
stite, Qui omnia Eorū ingenii a-
nimique dona collecta tenes, au-
ges, ac illustras. Summa Tua de
Republica merita ampliores Ti-
bi comparaverē titulos, sublimi-
ores attamen iis deberentur, ni
illos malles mereri, quā habere.
Verius te suū Palatinatus Sando-
miriensis Thesaurū, quā The-
saurariū agnoverat, illis præpol-
lentem naturæ dotibus, à quibus
sua Patriæ æstimatio. Adorat Te
nunc Castellanum Illustrissimū,
optatamq; sibi in Te locat secu-
ritatem exploratè illā obtentu-
rus. Junxit Tibi Sanguis Nobi;

lissimus suis ornatos Titulis
Gielbutovscios, Bukovscios,
Romerovios, Ustrzyccios, Błon
scios, Maliccios, Brzescianscios,
Bogdanovios, Chrzaštovscios,
Wafilkovscios, Zapłatyńscios,
Mizanios &c. dignaque Osorii
diffudit talenta, quibus perenna-
turæ Gloriæ curram Orbi Polo-
no erexistis, onerâstis. Facun-
diores habe Magni Nominis Tui
Oratores, præclara gesta Tuæ cū
in his celebrandis eloquio diser-
tissimi fileant, in præmiandis
Honore, pauperē se dives fatea-
tur fortuna. Hinc & Viator
Christianus quali Te dignaretur
munere minus comperit, præ-
terquā si Tuæ innixus benevo-
lentiæ, ipse in tributum Tibi a-
beat.

beat. Novit is perbellè, quod
beneficium Tibi fieri existimes,
cum illud præstas: unde Tu ser-
ga se gratis diffidit minimè, Ti-
bi suam committit aleam. Nihil
in Viatore hoc devium, quivis
illius gressus, progressus in virtu-
te, indubitatus terminus viæ ejus
vita sine termino beata. Tibi ni-
hil amcènius, gratius nihil, quàm
tanto gaudere domestico. Itaq;
hunc eò, quo polles animo, in tu-
ū recipe, ut sub Avito Illustrissi-
mæ Domus Tuæ Osoria tutus
faustusq; quiescat. Et si quid in
eo obscuri, Magno Tuo illustre-
tur Nomine, quod summis dica-
tum dignitatibus ubiquè geras
maximum.

Ita vovet devinctum Tibi Monasteriū
Copriunicense S. Ordinis Cisterciensis.

EGO M. FRANCISCUS PRZEWOSKI,
S. T. D. & Professor, Ecclesiarum
SS. Omnium Crac: Præpositus, Scholasti-
cus Curelovienfis, S. FLORIANI Clepar-
diæ Canonicus, Ordinarius Librorum per
Dieceſim Crac: Cenſor, S. R. M. Secreta-
rius. Librum cui titulus *VIATOR*
CHRISTIANUS, Authore Perilluſtri
& Reverendiſſimo Dño ANDREA AN-
TONIO KRZESIMOWSKI Abbate B.
MARIE Virginis de Copriunico Sacri Or-
dinis Cisterciën: per utramq; Poloniam,
Pruſſiam, ac Magnum Ducatum Lithuanie
Progenerali, S. R. M. Secretario: accura-
tè & diligenter legi, qui cùm nihil in ſe
Orthodoxæ fidei, bonisq; moribus diſſonum
contineat: quin imò ſit verè aſceticus, ad
mentem elevandam in DEUM, elicien-
doſq; omnium Virtutum actus, non ſo-
lùm vitam monaſticam & ſolitariam viven-
tibus, verùm Omnibus Chriſti fidelibus
ſummè proficiuus: Eapropter eundem an-
tea cum Licentia Superiorum jam impreſſũ,
nunc magis auctum & locupletatum re-
imprimi, & in publicam lucem edi, do &
concedo facultatem. Dat: Crac: in Colle-
gio Majori, die 29. Jan: Año Doñ: 1693.

Idem qui ſupra. mpp.



C A P U T I.

Manuductio Viatoris,

Cui recta via proponitur ad Patriam.

I.

Omnes, Viatores sumus &
Peregrini.

*Omnis, qui ad supernam pertinet Ci-
vitatem peregrinus est mundi, & dum
temporali utitur vitâ, in Patria
vivit aliena. S. August:*

Sicut omnes, quotquot nascimur, sive paupes, sive principes, mortales sumus ita omnes Viatores, omnes Peregrini. Toto aberraret cœlo, qui sibi Patriam in exilio fingeret. qui manentem Civitatem in itinere somniaret. Mundus omnibus diversorium est.

Unde benè S. Bernardus: *Sancti Viri Peregrini
sunt & hospites in hoc sæculo. Hinc reprehenditur Pe-
trus, quòd tabernaculum in monte fieri voluerit: quia*

A

Sanctis

S. vñs in hoc mundo tabernaculum non est. Et S. Augustinus, cuius diviti modum pecuniis utendi præscribens ait: Utere nummò, quemadmodum Viator in hospitio, utitur mensâ, calice, urceo, dimissurus non permanens. Tract. 40. in Joan:

Quia omnes peregrinamur, imitemur homines peregrinos, & Viatores. Viator seu peregrinus sæper ad Patriam suspirat, ad Patriam sollicitè tendit, vestitum & victum habens: non vult aliis onerari. Peregrino diu stare, quiescere, sedere, epulari splendide, moras hic necere, amœnitatibus, aliisq; illicitis distineri non licet. Nam stultus ille Viator est (inquit S. Gregor:) qui in itinere amœna præta conspiciens, obliviscitur ire, quò tendebat. In via es o homo, ambula, ut pervenias, ne te nox in via occupet.

Idem inculcat nobis mellifluus Doctor cum dicit: Peregrinus viâ regiam incedit, non declinat ad dextram, neq; ad sinistram; si forè iurgantes viderit, non attendit, si nubentes, aut choreas ducentes, aut aliud quodlibet facientes, nihilominus transit, quia Peregrinus est, & non pertinet ad eum de talibus. Ser: 7. in Quadr:

Infelicissimam Viator fuge viam illorum, qui mundo & mente capti, hic sibi præfigunt Patriam, hic fines vanissimos, honorum, voluptatumque eligentes, homicidâ animæ suæ præponunt Christo, voluptatulam pestilentem deliciis cœli, hæc obres caducas, animam suam & æterna bona (teste S. Aug:) vendunt diabolo, accepto tanquã pretio, dulcedine temporalis voluptatis, cursumq; eheu! misere abripiunt. O mortaliū (exclamat B. Laurent: Justin:) lugenda conditio! quæ cum sit exul à patria, exultat in via!

Cum ergo vita nostra, sit brevissima in hoc mundo peregrinatio, (uti inclamat sæpius aures nostris D. Paulus ad Corinth: c. 7. Hoc itaq;

itaq; dico fratres. tempus breve est. ut quicunq; utuntur hoc mundo tanquã non utantur) omnes dies peregrinationis nostræ. quos decurrimus, benè & fructuose impendamus

Ubi in novissima hora exierit è corpore spiritus. mox tibi dicetur. Tempus non erit amplius. ut ergo in hac vita. quæ est Phase: (Exod: 12.) id est transitus. sic transeamus per bona temporalia. ut non amittamus æterna. imò ut novissimâ horâ cum Christo transeamus ex hoc mundo ad Patrem; sæpius insonet nobis vox ejusdem Pauli: Hora est (Roman: 13.) jam nos de somno surgere. Habes in anno. 12. Menses, 52. hebdomadas, 365. dies, 8. millia horarum & 760. in articulo illius diei. dum anima tua ibit in domum æternitatis recogitabis omnes annos, dies. omnes horas in amaritudine animæ tuæ.

De Mercatore quodam legitur. (apud Coſterum in Domin. 21. post Pentec:) quòd dum mortui proximis sanâ adhuc mente vigeret. in præſentia testiũ sequens condiderit testamentũ dicendo: Relinquo corpus meum terræ. animã verò diabolo consigno. quia hæc propter injustitias meas ad ipsum pertinet. Huic insuper consigno animas uxoris. & filiarum mearũ. quæ dum superbis indui voluerunt vestimentis. me cõegerunt. ut ad illa requisita per fas & nefas congregarẽ pecunias. totum vitæ meæ tempus hisce impendendo. Commendo quoque eidem diabolo animam Confessarii mei. qui mihi abolutionem impertitus est à peccatis meis. nec tamen me ob illa unquam reprehendit. aut ad restitutionem iniquè partorum adstrinxit.

Chrysaorius ille. de quo magnus Gregorius. cum à dæmone citaretur ad reddendum flagitio-

fissimæ vitæ suæ rationem, magnis vociferationibus obtestari cœpit, ut modicum aliquid temporis indulgeret: *Inducias usq; mane*. Quid non obtulisset ad exigui temporis usuram? Non percussisset opibus, & facultatibus suis, si tam vili, tanta res venalis fuisset: sed non potest pretio vel breve tempus emi.

Tempore nihil pretiosius, ait S. Bernardus, cujus vel horam unicam felicitati totius mundi præligerent Beati, & damnati omnes, hi ut salutem, illi ut augmentum æternæ gloriæ operari possent. Imò, tam pretiosum est (attestante S. Antonino p. 2. t. 9. cap. 1.) tempus, quòd damnati darent omnes thesauros mundi, si haberent in potestate sua, pro habendo momento temporis, in quo possent poenitere: & evadere tantas poenas.

O! vita præsens (ingemiscit S. Bernardinus t. 1. ser. 13.) quàm multos decipis, quæ dū cognosceris, nihil es, dum videris umbra es, qui te quærunt non te cognoscunt, & qui te cognoscunt, non te quærunt. Vera non est via, quàm tu ostendis, fugitiva est velut somnium. Aliis ostendis te longam, ut perdas in finem, aliis largam, ut ficiant quæcunque volunt.

Quanta tamen ô DEUS! fugientis & avolantis temporis vitæque habetur ratio. Transsit inter crepundia infantia, inter levitates & libidines adolescentia, & juvenus, inter vanissimas rerum caducarum curas ætas reliqua. Præsentis diei 24. horas in computum voca, quòt ex his sibi rapiunt somnus non necessarius, gula, otium, ludi, confabulationes. Volat verbum irrevocabile, volat tempus irremea-

CHRISTIANUS

5

remeabile, nec advertit insipiens, quid amittat.

Vade nunc ad aulas Principum, & quid in illis invenies, quàm homines nauci, qui DEUM offendant, tempus perdant. Exi in plateas, perambula vicos, & videbis ingentem erronum & vagabundorum turbam, qui amore suorum cadaverum capti spatientur, & iis placere concupiscant. O vitam miserrimam! ô gentem ingratam! ô immemorem! ecquid cogitas? quo vadis? hacne tu ratione te DEO satisfacturam arbitraris? ita sanguinem Christi remuneraturam?

O homines insensati! sequimini perfidos hæreticos, qui traducentes tempus otio, voluptatibus, & oblectamentis nolunt bonum operari, inquietes: Christus mortuus est pro nobis, quod sufficit, sed in fine animadvertent: Ecce venio cito, & merces mecum est reddere unicuique secundum opera sua. Quia qui fecit te (inquit S. Aug:) sine te, non salvabit te sine te.

Totum ergo illud tempus amittitur, quod DEI amori, ejusque obsequiis non impenditur. Animum etiam adverte ad Sacros Regum libros, ubi Saul nonnisi duobus annis regnasse dicitur, cum tamen manifestum sit, eum diademate coronatum publicèque Regem habitum, per annos omninò quadraginta. Utrumque istud Sacer textus asserit, quod tamen conciliari non potest, nisi D. Gregorio assentiamur, quòd cum Saul duobus tantum annis amaverit DEUM, eique fideliter servierit, reliqui regiminis nulla in DEI volumine ratio habeatur, ita ut anni triginta octo

eva

evanuerint, nobisq; insigne relictum est documentum, plures nos vitæ annos numerare non posse, quàm quot bene, utiliterq; impendimus.

Multos etiam reperies Religiosos, qui de viginti, aut triginta annis in religione traductis gloriabuntur, qui fortè nonnisi horam, aut diem unicum vixere, cum propter DEUM pauca, plurima verò propter usus suos, propter amorem proprium tepide, ignaviterque peregerint. Quæ res à Thoma Kempensi his voces extorsit: *Multi computant annos conversionis, sed sæpe parvus est fructus emendationis.*

Pudeat meminisse illius, quod de Jacob dicitur (Gen: 29.) *Servivi Jacob pro Rachel septem annis, & tu pro DEO nec septem diebus, imò potius neque septem horis.* — Tot ergo saltem consecra dies DEO pro tua salute, quot Jacob Labano annos pro sua Rachele. Dicebat ille, *Serviam tibi pro Rachele septem annis.* Quid tu? *Serviam tibi cō DEUS! pro anima mea septem diebus! O verè sacrum septenarium! si per septem dies totum te impendas in DEI obsequium.*

Illi Christi (Lucæ 9.) ad Jerosolymam querimonia, sit tibi quotidiana meditandi materia. *Quia si cognovisses & tu, & quidem hœc die tua, quæ tibi ad pacem.*

O si cognosceres! quæ tibi evenient super omnem fidem incredibilia, super omnem timorem horribilia, super omnem stuporem admirabilia. in articulo illius diei, quando recoles pavida mente, & repetes querula voce illa verba: (Job: 7.) *Dies mei transierunt!*

Ergo

CHRISTIANUS

7

Ergo infigatur menti nostræ illud S. Bernardi monitum ep. 23. Nunquam justus ar-
bitratur se comprehendisse, nunquam dicit satis est,
sed semper esurit, sitisque justitiam. Id, ut si sem-
per viveret, semper quantum in se est, justior esse
contenderet, semper de bono in melius proficere
totis viribus conaretur. Non enim ad annum
vel ad tempus instar mercenarii, sed æternum di-
vino mancipat se famulatui. Vis coronari?
esto fidelis usque ad mortem. Justorum enim
semper quasi lux splendens (Prov: 4.) crescit
usque ad perfectum diem,

Affectuosæ Aspirationes.

HEU! ingratitude mea pessima, Optime &
Benignissime DEUS! æternis tibi bene-
ficiis sum obligatus, & nullo momento tem-
poris, ut debui gratus fui. Tota vita mea,
purissimum est donum tuum; omniaque vi-
tæ meæ momenta, merissima beneficia tua.

Creâsti me ad imaginem & similitudinem
tuam, ad gloriam tuam, & salutem meam,
Conservâsti me hactenus, tantis universi im-
penlis, & p̄pter me omnia. Redemisti me
à morte æterna, vitâ & morte Unigeniti tui.
Illuminâsti me fide tua. Justificâsti me to-
ties gratiâ tuâ indignam. Pepercisti mihi to-
ties, damnationis reo, & in spem salutis me
revocâsti. Subduxisti tot peccandi occasioni-
bus. Liberâsti me à tot malis, quæ evenire
mihi poterant. Suppeditâsti mihi plurima
ad salutem media. Benefactorem te agnovi,
& non colui.

Uti

Utinam! ô Benefactor meus, liceret ad hoc punctum, totam vitam revocare, & quidquid neglectum est compensare! Utinam possem redimere, & excellentissimis excelssimæ tuæ charitatis actibus implere omnes horas illas ô DEUS! qui charitas, qui ignis consummens es!

O! si à primo instanti usûs rationis ardentissimè fuimèq; te amâssem! si nullum vitæ meæ momentum sine tui amore præterisset! ô si liceret revertere annos meos & peractæ ætatis spatia amoris tui actibus replere! Utinam omnia, quæ cogitavi, dixi, & operatus sum; ex tui ardentissimo amore semper fuissent!

O quàm serò te cognovit ô pulchritudo divina! ô quàm serò amavi te ô bonitas infinita! Eheu perit hora, perit momentû, quo non amavi! Utinam nulla hætenus fuisset, nulla deinceps sit reliqua vitæ meæ actio, nulla corporis animiq; motio, nullum viriû sensuum, aut potentiariû mearu internarû exterharumq; exercitium aut functio, quæ non in quàm maximû gustum tuum, oblectationemque cedat tibi.

Hoc volo, hoc desidero, hoc intendo, & incipiendo ab hac actione, quam hoc momento ago, omnes & singulas reliquas usque ad ultimum halitum vitæ meæ, imò per totam æternitatē, omnes inquam & singulas actiones meas, sanguine Filii tui asperfas, ac ipsius meritis unitas, tibi per Filium tuum offerre.

Omne momentum vitæ meæ volo, & opto, ac intendo, ut sit continuus amor tuus mi DEUS! quô Te amem, laudem, honorem, benedicam super omnia, omni possibili amore, quô te omnes amant, benedicunt, ac laudant.

Servi-

CHRISTIANUS 9

Seruiat tibi Domine Deus meus, & ad infinities, infinities, maiorem honorem, gloriamque cedat. quidquid cogito, quidquid loquor & quidquid totâ vitâ meâ agam, loquar. cogitabo.

Quam pœnitet me, quòd alia extra te dilexi! O si tot hodie millena haberem corda, quot, annis, mensibus, hebdomadis, diebus, horis, momentis vixi, ut possem recompensare amorem neglectum Dei mei: saltem ex hac hora volo & desidero, quolibet anno, mense, hebdomadâ, momento, imò per omnem æternitatem, cor meum millies millesies, Christifor- miter, Mariané, offerre in holocaustum tibi.

Sit in posterum omnis respiratio mea, & potissimum ultimâ exhalatio mea, viuum holo- caustum amoris tuo & honori tuo, altissima cha- ritate oblatum. Scio tempus breue esse, igitur non patiar dies vitæ meæ, imò neque horas & momenta sine fructu præterire.

Amen te Deus meus, quia dignissimus es, optima bonitas, pulcherrima pulchritudo, cha- ritas infinita. Ament demum mecum, omnes tribus, linguæ, populi. O amo! amo, amo te Deus meus, totâ animâ meâ, & totis viribus meis, & ab omnibus amari volo.

Utinam continuò eâ flamma amoris tui ar- derem, quâ ardent Seraphini, quâ ardet to- tum cælum, quâ ardes tu: Utinam possem Deus meus hoc momento, & quoad vixero omnibus momentis facere aliquid, quod tibi summè placet. Utinam innumera millia cordi- um, quotquot tibi placuêre, vel placere possunt, ipse possiderem, ut continuò immensis tui desi- derijs æstuarer!

O mi Deus! da mihi continuum amoris tui incendium, trahere me post te, curram ad te & non deficiam. Accende ô Deus meus, vivam flammam beati amoris tui in medio cordis mei,

II.

Viator, Quasi à facie Colubri fuge peccata. *Eccle 21.*

Peccatum mortale, non tantum actu exteriori consummatum, sed sola interna deliberata, advertente ad gravem Dei offensam, adeoque voluntaria cogitatione, delectatione, vel assensu, Commissum importat, ingratam, injuriosam, impudentem, periuram, perfidam & sacrilegam aversionem, & conversionem à Christo ad Antichristum, ab æterno Patre omnium Conditor. ad Sathanam orbis exterminatorem.

Nam peccatum est offensa & contemptus Dei summi boni. Est deinde sanguinis Christi conculcatio, & ad instar rei immundæ reputatio, quia peccans proicit animam tinctam, sanguine Christi in cænum peccati. Est rebellio creaturæ contra Supremum Principem, imò voluntas perdendi Deum si perdi posset eumque perimendi quidam conatus, (ut ait S. Bernardus) homo peccando vult interimere aut sapientiam Dei, volendo, ne suum peccatum videat, aut iustitiam volendo ne puniat, aut omnipotentiam, volendo ne posset punire, adeoque peccatum est quoddam in voto Deicidium, quo vult interimere Deum, qui sine sapientia & iustitia esse non potest.

Hinc Spiritus S. testatur Prou 18. quod
impius

CHRISTIANUS

II

impius cum in profundum venerit contemnit. Ubi quia indefinitè dictum est contemnit, voluit idem Spiritus indicare peccatorem actu mortaliter peccantem, omnia excogitabilia in cœlo & in terra. & subtus terram, creata & increata (præter sui criminis obiectum) contemnere, diuina & humana, cœlestia & inferna. Videlicet tremendam SS. Trinitatis potestatem, Iesu Christi Salvatoris sui vulnera, passionem, mortem & sanguinem, Angelorum custodiam, Sanctorum intercessionem. Ecclesiæ triumphantis gloriam, militantis suffragia.

O Deus! quis non timebit quasi a facie Colubri fugere peccatum? quod simul ac semel tot pulcherrimorum spirituum miliones tam infanda fuligine tinxit, & transformavit in turpissima monstra, quibus nec tota natura creata, nec humanum vel Angelicum ingenium, aliquid fœdus aut horribilius concipere, vel exprimere valeat.

Unde non immerito S. Joan. Chrisos: hom. 28. in Epistol. ad Rom. peccatum appellauit magnum dæmonem, dæmonem voluntarium dæmone maius, animamquè hominis per peccatum conueri in dæmonem, non quidem substantiâ sed voluntate. S. Catharina Senensis peccatorem vocat, diabolum incarnatum.

Ea nimirum obstupescenda, quæ in vita B. Catharinæ Genuensis leguntur apud Lancic: opus. 26. n. 7. Certum habeo inquit illa, quod si quis cerneret quam enorme unum tantum peccatum sit, potius eligeret, animâ & corpore in succensa fornace viuus consistere, quam in se peccatum tolerare. Etsi universum mare ignis esset, ad effugiendum peccatum sese in me-

dium ejus usq; ad fundum demergeret

Eadem Virgo ostensâ sibi cœlitus ad unicum temporis momentum minime actionis Deo displicentis, quasi umbratili deformitate ac tarpitudine, adeo fuit consternata, ut in his voces proruperit: si hæc solâ obscura visio, quæ non nisi momentanea fuit, diutius durasset, licet corpus habuisssem prorsus ad mantium, interiissem

S. Catharina Senensis impudicæ secum loquentis mulieris foetorem non tolerans, nares obturavit: suo verò confessorio Raimundo accusum hunc admiranti, dixit, se, ni hoc fecisset, præ animæ illius fœtore vomituram. Sursum in vita.

Legitur de quadam Virgine (uti testatur S. Antonin. p. 4. t. 14) quæ diu castè vixerat, & cum instigaretur à diabolo de luxuria ad experiendam delectationem ejus maximam, & quidam etiam vivens honestè nimis familiariter cum ea conuersaretur, etiam tentatus est ad similem actum. Demum victi à diabolo, commixti sunt simul. Quâ delectatione expertâ ad tantam amaritudinem devenit, quod virginitatem amisisset, propter vilem & turpem & momentaneam delectationem, ut præ amaritudine mortua sit.

Hinc S. Anselmus Archipræsul Cantuar, non dubitavit, sequentia verba, tum voce tum scripto posteritati notificare & peccatorum cordibus insculpere: *Si hic peccati pudorem, & illic cerne-rem inferni horrorem, & necessario uni illorum deberem immergi, prius me in infernum mergerem, quam peccatum in me committerem, mallem enim purus à peccato, & innocens gehennam invoire, quam peccati sorde pollutus cælorum regna tenere.*

Sanctus quidam Eremita miraculis clarus, &
in

in dæmones potens, ne vanâ gloriâ elatus De-
am offenderet, ab eodem postulavit impetravitq;
ut ipse à dæmone possideretur. Ita Viro San-
cto peccatum erat ipso dæmone formidabilius
Surius 8. Ian.

Refert S. Hieronymus in vita S. Pauli Ere-
mitæ. quòd cum Decius persecutor Ecclesiæ
grauissimè excruciaret Christianos, Iuvenem
quendam uti callidus hostis occidere nitebatur,
quem iuuenili ætate florentem in amænissimos
hortulos adduci præcepit. & super stratum plu-
mis lectulum resupinari iussit: & ne inde se ex-
cutere posset blandis serico nexibus irretitum,
relinqui. Quò, cum recedentibus cunctis me-
retrix speciosa venisset, cepit delicatis stringe-
re colla complexibus. Quid ageret miles Chri-
sti, quò se conuerteret nesciebat. Et quem tor-
menta non vicerant, superaret voluptas? tan-
dem cœlitus inspiratus præcisam mordicus lin-
guam in osculantis se faciem expuit, sic libidi-
nis sensum succedens doloris magnitudo supe-
rauit.

Cum ergo te appetitus (uti nos S. Basilius
magnus adhortatur) inuasit peccandi, ve-
lim cogites horribile illud & intollerabile Christi tri-
bunal, in quo præsidebit Iudex in alto & excelsio thro-
no. Ad hæc cogites profundum barathrum, inexplica-
biles tenebras. Habitatio reprobtorum paucis de-
scribitur à misero ejusdem loci incola diuite
Epulone Luc. 16. Est locus tormentorum.

Deinde cum in periculo versaris peccandi,
illud benè scias ac consideres quia peccatum
mortale tuis viribus committere potes, sed tuis
viribus delere non potes, supernaturali au-
xilio opus est. Nam ad talem peccati detesta-
tionem, ejusque tam perfectum odium sicut per-
fectum

fectum Dei amorem, vires naturæ nullo modo sufficiunt.

Opus est spiritus sancti gratiâ quâ illustretur intellectus ad peccati malitiam benè apprehendendum. (iuxta illud Ierem 21. *Postquam convertisti me, egi pœnitentiam. Et postquam ostendisti mihi, percussifemur meum confusus sum Et erubui*) & voluntas excitetur & adiuvetur ad tantum malum dignè odio habendum.

Etiâ verum est (quod docet S. Thomas 1. 2. q. 113. a. 9.) quòd iustificatio impij aut conversio peccatoris non solum sit opus gratiæ excitantis & adjuvantis infirmitatem voluntatis humanæ, sed inter omnia Dei opera maximum & excellentissimû & maius sit convertere impiû quàm creare cælum & terram (qui enim solo verbo creavit cælum & terram, ad delendum peccatum, & convertendum impium fecit potentiam in brachio suo, nec solum potentiam, sed & misericordiam suam infinitam adhibere debuit, neq; solo verbo usus, sed ipsum Verbum caro fieri debuit, quod & multa dixit. & multa fecit, & multa indignissima tulit, ut perditus quæreretur & inventus iustificaretur) si itaq; tanta res sit conversio peccatoris, quæ sit per actum contritionis, profectò solus homo ad hoc non sufficit.

Sicut aliquis catenis ferreis constrictus, non seipsum liberare potest, nec cæcus natus se ipsum illuminare, sed solus ille, qui solvit compeditos & illuminat cæcos. Hæc est enim voluntatis humanæ natura ut dicit S. August. *Ut ad malum prior quidem sit; ad bonum vero eius, sive ut eam faceret, qua nulla erat, sive ut resciceret quæ lapsa erat, Creatoris eius.*

Ex his ergo motibus Viator tanquam a facie Colubri

Colubri fuge peccatum, nam cum gustas paululum mellis, time ne postea cogaris absorbere Oceanum fel'is. ac time ne pro unica gutta consolationis, accipias mare ærumnarum, & æternæ plorationis. B. Polycarpus ait Herodi Procursuli rogum minitanti Octoginta & sex annos seruiui Christo, & in nullo me læsit unquam, quomodo ei maledicam? eum lædam? Euseb. l. 4. O Viator nemo tibi rogum minitatur, guttula mellis duntaxat proponitur, & Deo tanto benefactori maledicis. Audi S. Cyprianum de duplici martyrio ad Fortunatum Tam vili mercedula sollicitatus spontè deficiis ad eum, à cuius tyrannide te Christus suo sanguine redemit? cuius Sacramentis es initiatus.

Idem diabolum Christo & peccatori in die iudicii sic insultantem introducit. Ego pro istis quos mecum vides, nec alapas accepi, nec flagella sustinui, nec crucem pertuli, nec sanguinem fudi, nec regnum cæleste illis promisi, & tamen usq. ad lassitudinem multam, mihi in via iniquitatis seruierunt, pro una voluptatula carnem titillante, me audierunt, nonne ergo iustum est, Ut in eandem meam sortem descendant?

Affectus animi contriti.

Eheu! peccaui peccatum maximum! contemiscite omnes artus mei ad immane & horrificum hoc nomen, peccaui contra Deum Creatorem & Patrem meum, rem commisi, (ô non commissem) commisi inquam rem adeo admirabilem, quam infinito odio & detestatione persequitur Deus. Quid aliud possim velle, quàm lachrymas, gemitus, eiulatus, dolorem, pœnitentiam,

Deus

Deus ipse tametsi mutabilitatis expertus ac beatus. ad quem accedere malum non potest. tamen peccati super terram malitiam intuitus. quasi cum acerbo sensu ac gemitu tactum se dolore cordis intrinsecus fatetur. & proclamatur. atq; opera ipse sua damnatur; infectaq; vult esse. Peniter inquit me fecisse hominem & cum lacrymari per se ipse non possit, cælum quodammodo substituit, ut ploratu & lacrymis, hominum scelere provocatis. terrarum orbem, totis laxatis, & effusis imbrium habenis, totis cataractis apertis, etiam cum rerum creaturarum interitu, inundet atq; obruat.

Quis etiam dabit capiti meo aquas & oculis meis fontem lacrymarum? & plorabo die ac nocte. O quam congruentes! quam optabiles mihi sunt lacrymæ! O quis mihi det ut sit magna velut mare contritio mea, ex quo lacrymarum flumina exeat! & in illud intreat, ut iterum ac perenniter fluant.

Peccavi, miserum me! & peccatis meis Deo, Deo inquam, Deo) & ausim ego abominatio & execramentum nomen illud sanctum & ineffabile pronuntiare?) summo illi & æterno ac infinito Nomini me hostem, plusquam bello indicto constitui. Maiestatem illam increatam violavi & spreui, illam Bonitatem, quæ sola bonitas est, illam amabilitatem offendi! Multiplicatæ sunt iniquitates meæ super capillos capitis mei, & super numerum arenæ maris supergressæ sunt caput meum.

Vix inter homines homo (si tamen homo & non brutum aut bruto insensitior) comparui, vix libertatis arbitrio uti, cum ferè simul eo abuti cœpi. & Dei mandato ac voluntati, idq; penè continenter in singulos non modo annos,

annos, & menses. sed etiam dies ac propè horas aduersari. quasi idcirco in hanc lucem prodijstem, ut Deum mihi aduersarium, contra quem agerem. proponerem, ad quem amandum laudandumq; conditus eram! Proh dolor! vix bene discretionis annos attingi, & iam primo ætatis illo vere, vitâ plane lacteâ tot pœnales actus exercui, multiplices numero, uno alios atq; alios peiores.

Porrò quid dicam de annis maturioribus usq; ad hodiernum? nihil omnino intactum reliqui, quod non moverem in Tui. offensam, ah! quoties deliberatam! Dies diei, momenta momentis tradebant malitiam meam, contabescbam in fece peccatorum, & vulnera mea non sensi. multiplicatæ sunt iniquitates meæ super arenam maris, & tamen me securum reputavi.

Quæ? quot? & quales in districtum iudicium tuum, venient cogitationes, dicta, & actus mei, contra legem tuam, debitam urgentia vindictam Aderunt ex aduerso tot gratiæ tuæ prope infinitè neglectæ, si non contemptæ, tot instinctus tot diuini pulsus, cordis mei dilati, vel reiecti.

O quàm bonum erat mihi si natus non fuisset; & ut quid etiam nūc vivo? aut moriendum mihi dolore, aut vivendum dolori est. O dolor! ô amaræ, & ô amatæ lacrimæ singultibus intermixtæ vos ego vos solas volo, obrui te me, & mergite, replete me amaritudinibus, Vos ô lacrymæ este mihi panes die ac nocte, Vobiscum ô lacrymæ potum meum miscebo, potum expressum ex uva fellis & botro amarissimo, Vobis lavabo per singulas noctes lectum meum, vobis stratum meum rigabo.

O vos imbres, siue qui olim cataclismo mu-

dum

dum obruistis, sive qui etiamnum in terras perpetim caditis, aut casuri aliquando estis, non iam è nubibus possitis vos abruptite, sed ex oculis meis omnes decidite. O flumina! ô fontes! ne ex mari deinceps, sed ex oculis meis originem multò utiq; iustiore ducite. O maria omnia & abyssi magnæ! ô collectiones omnes aquarum! in meo vos pectore, in meo capite colligite, & per hos infelices oculos exite! His demum lacrymis his undis mergatur mundus. his, si ita vult mecum intreat, neq; ego illi neq; ille mihi superstes.

Quamquam quid hæ lacrymæ? quid hi gemitus? quid hi dolores criminibus meis eluendis expiandisque sunt? si mille mundos fletibus meis operiam ne unicum quidem abluam aut abstergam scelus.

Hæu me mi Iesa! quamnam potest esse abysus doloris. ut incam me coniciam? quæ possibilis animi acerbitas. ut sufficiat sceleri meo? O inferni ignes & flammarum vortices, frigidi cuiam vos estis ad mea urenda scelera O quanto melius fecissem si prius quam peccassem, in vos potius sine peccato cum D. Anselmo insilire voluissem.

Ergo depressus coram te, in delicto meo & opertus velut diploide confusione mea, pronus in terram, & procumbens in faciem meam, hoc unum ore confuso, oculis lacrymantibus, spiritu contrito & humiliato, hoc inquam unum inclamo: Pater! ô Pater! Ergonè te patrem voco? ita est, tu Pater, sed ego non filius ô Pater mi! & plûs quam Pater! ô Pater peccaui in cælum & coram te, peccaui in omnem iustitiam tuam, iam non sum dignus vocari creatura tua, fac de me quod vis, tantum dele ini-

qui-

quitatem meam. & á peccato meo munda me.

Mereor equidem, mereor repellí á te, & in mortem, ac omnia mala detrudi. sed tu moriens pro me expandis brachia, & manus tuas ad me quantumvis contradicentem, & aduersantem tibi, ut dulcissime amplexeris & stringas me. imò & caput tuum inclinas sive ut suavissima mihi oscula figas, melle dulcissimi cordis & amoris tui illita, sive ut hæc postrema verba mihi moriens in aurem infuseres: En morior amore tui. tu vicissim ama me!

O amo! amo te totâ animâ meâ, & totis viribus meis mi Deus! O Pœnitet pœnitet me. pœnitebitq; temper! ô doleo iterumq; doleo, & si possem infinito dolore dolerem O si quod factum est, possem infectum reddere! ô si tempus præteritum reuocare!

O millies iterumq; millies doleo. neq; aliam obcausam doleo, quam quia te offendi, summum Bonum, adeoq; mi Deus, si scirem quod annihilare me velles, aut ad æternas pœnas detrudere, dolerem etiam de peccatis ob ejus amorem. Propono cum gratia tua omnia in posterum subire mala potius, & millies mori, quam tibi peccare.

Actus breviores Pœnitentis.

Domine qui es summum bonum meum, quàm longè per peccatum recessi á te, & habito in regione hac longinqua miseriarum, ubi perdi di me, indignus planè quem terra sustineat. Miserere mei & salua me,

Deus tu scis insipientiam meam, & delicta mea á te non sunt abscondita. Delicta iuventutis meæ & ignorantias meas ne memineris Domine Deus propitius esto mihi peccatori, Iesu Fili Dei

viui miserere mei. Ablue me Domine sanguine tuo, sana me vulneribus tuis.

Hic ure Domine hic seca, ut in æternum pãcas, hic me castiga, & noli in futurum reseruare mala mea. Domine ne in furore tuo arguas me, nequẽ in ira tua corripas me. Non intres in iudicium cum seruo tuo Domine, quia non iustificabitur in conspectu tuo omnis uiuens.

Verẽ, verẽ, agnosco commissã mea, & pavesco. ne me proicias ô Deus meus! ut iratus Pater à facie tua, neq; me tantis meis enormibus malis irritatus hereditate cœlesti priues. & velut inutile terræ pondus, imò diaboli mancipium æternam tradas ad pœnam, sed parce pijsime Saluator qui latronem in cruce exaudisti, & Petrum lacrymantem ac Magdalenam pœnitentem suscepisti.

O Deus meus! amo te amo! & ideo doleo quòd te offenderim Deus meus! amo, amo, amo te ex toto corde meo, ex tota mente mea & ex omnibus viribus meis. Et ideo doleo doleo ex toto corde meo, ex tptã animã mea, ex totis viribus meis de omnibus etiam occultis peccatis meis.

Amo & ideo doleo, & doleo quòd non magis amem doleo, quòd non magis doceam, amo & desidero plus amare, doleo & desidero plus dolere. ô Deus amoris Deus doloris, & desiderij mei, sine me aut amore aut dolore, aut potius utroq; abrumpi & mori.

O quântum hoc esset mihi bonum vel, hoc exiguo modulo. compensare quadantenus amorem tuum. & indulgere dolori meo Famula tua Theressia ex amoris erga te vehementia mortua est. O inuidenda beatitas! ô mors optabilis

bilis & beata! Altera iidem magna serua tua Magdâlena de Pazzis amanti te animæ dicebat martyrium esse; quoddam. quòd videat te à se, non tantum amari, quantum amandus es.

Quale igitur martyrium & omni acerbius morte tormentum esse debet mihi, qui sic te amabilem, quemq; nunc prout possum amo, non modo non amaui, sed offendi, sed spreui, sed occidi?

Formula propositi emendationis.

Regressus sum o amantissime Iesu, sicut filius prodigus ad brachia & amplexus tuæ bonitatis abmiseram me! quæ nubes tam densa affectus depravati efficere potuit, ut non viderem & amarem te. Solem veritatis? Cæcus fui, cum te offendi, & amavi cæcitatem meam.

O infelix tempus in quo te non cognoui? o misera cæcitas, in qua te non vidi! o nefanda suaditas in qua non audivi voces tuas! o durum & infatuatum cor quod se immiscuit pulchritudini & amorì corruptibili tuarum creaturarum, te deserens, qui es pulchritudo, & bonitas æterna!

Sed o bonitas infinita, tu mihi oculos aperuisti ut agnoscerem & horrerem peccata mea omnia propter te, ut cognoscerem & amarem te super omnia, serò quidem te amaui amor æternæ, melius tamen est serò quam nunquam, faciam quòd nunquam feci, exhibebo me ex tota anima tibi gratum.

Procul hinc esto vita vetus, procul profanæ deliciæ, procul honores vani, procul omne peccatum. Nunquam o mi Deus amplius recedam ab amicitia & gratia tua. nunquam per ullum peccatum elongabor à te.

Si vis mi Deus! potes me ita mundare. ut te non offendam amplius, dic mihi obsecro, quod dixisti olim leproso, volo mundare, dic mihi quod dixisti Paralytico! Ecce sanus factus es iam noli amplius peccare. Ita propono, ita profiteor, & protestor coram tua Divina Majestate, coram Beata V. Maria, & tota cælesti curia, nolo amplius peccare, in æternum non peccabo, cum gratia tua.

Ne quæso finas Domine Iesu, & tu Sanctissima Mater. ut in posterum tam immani scelerare me obstringam. Voluntate libenti præli-go infernum, & omnium dæmonum ac damnatorum etiam possibilitum cruciatus, cum gratia tua mi Deus! quam cælum cum omni sua amænitate, jucunditate, delicijs existendo in peccato.

III.

Via recta ad Cælum Via Cruc'is.
Per quam viam ascendemus? 4. Reg 3.

Maximus ille & amabilissimus Gigas, paratus ad currendam cælestem viam, duas commemorat vias, quibus Viatores ter dunt ad felicem vel infelicem terminum. *Spatiosa* (inquit Mat. 7. *via est, quæ ducit ad perditionem, & multi sunt, qui intrant per eam. Arcta via est, quæ ducit ad vitam & pauci sunt, qui inveniunt eam.*

Spatiosa viam quâ currunt cæco impetu homines reprobi, quorum Deus venter est, qui ducunt in bonis dies suos, & eheu! in puncto honoris in momento lætitiæ, in exultationis exiguo fluxu ad inferna descendunt, est plenissima omni fraude & dolo, plena reptilibus ac bestijs omnium scelerum, nimirum avaritiæ, luxu-

luxuriæ, odij, superbiæ. Per hanc viam mundus mercator perduellis. suis spargit misera solatia, fallaces spes, breuem vilenq; fortunam, quæ vix afficit, & deficit, vix proficit & proficit, vix exponit & deponit, vix concedit & recedit.

Omissâ hoc loco spatiosâ ac periculosâ viâ in omni pio statu ac professione, non tantum scilicet Religiosorum, sed etiam cuiuscunque conditionis sæcularium arcta via est eligenda, nimirum via crucis, quia in genere omnibus dictum est: *Per multas tribulationes, oportet vos intrare in regnum DEI.* Deinde, *Regnum celorum vim patitur, & violenti rapiunt illud.* Non vinolenti, non somno, gulæ, luxuriæ, aut deliciis dediti. Frustra existimamus obtineri cælum posse, nihil patiando & carni indulgendo, quidquid illa appetit. *Impossibile est* (inquit S. Hieronymus) *ut presentibus quis & futuris fruatur bonis, ut hic ventrem, & ibi mentem expleat, ut à deliciis transeat ad delicias.*

Hâc viâ Dux & Antesignanus noster Christus præiit. Primus ille crucem baiulavit, primus passus est, nobis relinquens exemplum, ut sequamur vestigia eius. Neq; tantum passus fuit ad finem vitæ suæ, quando fuit crudelissimè cælus spinis coronatus, & cruci affixus, sed ab instanti suæ Incarnationis, tota ipsius vita fuit passio, fuit continua crux.

Post Christum Ducem nostrum transierunt hâc viâ Crucis & virgines, transierunt Martyres, transierunt pueri & puellæ. Tu solus hâc viâ Crucis ire renues? Christus portauit spinas tu vis te blandis rosis coronare? innocentissima Christi caro tam diris cruciatibus lacerta est amore tui, tu Dei amore non vis carnem tuam

tuam rebellem, nisi indulgenter tractare?

Deum seriò amare, est unicū compendium, ne comoda nostra quæramus, ut secundū Deum non secundum nos vivamus. D. Profper, de vita Contempl. l. 3. c. 1. hæc omnia scire ita complectitur depingens hominem suis commodis inhiantem: secundū se ipsum vivit, qui si potuerit est cum quibus vult, pergit quò vult, dormit quando & quamdiu vult, loquitur quæ vult & ubi vult, manducat & bibit, quando & quod vult Qui autem secundū Deum vivit, non quod cum carnaliter delectat, sed quod ædificat spiritualiter facit, & omnia desideria carnis spiritualis desiderij delectatione compescit, futura præsentibus antepōnit, carnem spiritui subdit.

Indulgenter tractare carnem est illam immortaliter odisse, ac ad æternum, quod cruciat ducere per momentaneum, quod delectat. Unde S. Bernar. (epist. 2.) Commoditatēs porcorum filiquas vocat, quæ cælestium famem extinguunt. Quomodo potest inquit esurire vel sitire Christum, plenus quotidie filiquis porcorum? Quomodo ignis & aqua simul esse non possunt, ita spirituales & carnales deliciæ. Verè ait aureus ille Asceta Thom. de Kem. 1. c. 24. *Nos ipsos decipimus per inordinatum amorem, quem ad carnem habemus. Quanto amplius tibi ipsi nunc parcis, & carnem sequeris, tantò durius postea pœnas lues, & maiorem materiam comburendi reseruas,*

Unde Hosius Cordubensis Episcopus ex mente S. Hilarij se perdidit; quòd sepulchri sui nimium amans fuerit, id est nimis corpus suum coluerit, totque cum illo alij æternum periere, quòd carnem suam luxu eduliorum, & vestium,

um. alijsq; sensuum delicijs & voluptatibus nimium indulgenter habuerint. cum obsequi. D. Paulo debuissent dicenti (2. Cor. 4.) *semper mortificationem Iesu in corpore nostro circumferentes, ut & Iesus manifestetur in corporibus nostris.*

Multi etiam sunt alij filij tenebrarum. qui carnem suam suauantur ut filiulam. qui iugiter & molli terfovent, qui rectâ in Epicuri hortulos & delicatæ inertiae umbram feruntur. Et illâ nimia corporis curâ fit, ut homines toti pulpæ fiant & tanquam fues. non animam habere alia de causa videantur, quàm ne caro & pinguedo putrescat. Illi nihil sapiunt altum, nihil cogitant diuinum, nunquam se humo attollunt, mens omnis & cogitatio apothecæ cancellis definitur. donec vita finiatur.

Diogenes uno in dolio cubabat, illi totos dies peregrinantur inter dolia & ollas, totas noctes volutantur inter plumas & rosas, animus totus est in patinis & potius in paropside quàm in oblide, plùs in foro quàm in choro. plùs in macello, quàm in sacello deniq; in cæno, quàm in cælo.

Quam tu delicatus es miles, si speras te posse sine pugra vincere. sine certamine triumphare. Stat sanguine palma, dolore lætitia emittitur, sola in Christi castris patientia coronatur. *Nisi granum frumenti cadens in terram mortuum fuerit. ipsum solum manet.* Silex nisi inter verbera non scintillat, aurum nisi ab igne non luceat. adamas nisi sectus. atq; detritus fulget.

Crux ergo seu mortificatio est arcta via, per quam cælum ingredi contendamus. Qui verò Crucem seu quancunq; mortificationem fugit in quocunq; statu, fugit viam arctam, semitam salutis, & incidit in vias difficiles.

Duplicem verbò communiter Ascetæ assignant mortificationem nimirum continuam, & discretam seu discontinuam. B. Albertus magnus (Paradisi animæ c. 38.) macerationis seu mortificationis continuæ actiones has ponit. primo, sponte castigare corpus ieiunijs, vigilijs, humilationibus, orationibus, cilicijs, disciplinis, abstinentiâ cibi & potûs delectabilis, ut in omnibus caro spiritui subiaceat. Secundo carni nullam voluptatem, sed solam necessitatem impendere. Tertiò non tantùm ventrem, & os suum coercere à cibi & potûs voluptate, sed & linguam compescere à verbis illicitis: & tactum refrenare à delectationibus. & cor a cogitationibus & affectionibus voluptuosis.

Continuam mortificationem suadent nobis auctoritates & exempla.

S Paulus monet: semper mortificationem in corpore nostro circumferentes. Et de se ipso alijsq: ait. Propter te mortificamur totâ die, non habuit requiem caro nostra. Et S. Bernardus suadet ad fratres de monte Dei scribens, *Semper exhibere corpus suum hostiam Deo placentem*, Hanc hostiam per continuam mortificationem Deo amor sacerdos immolat, quando corpus ieiunio, somno parco, cilicio, flagris, duro inter-orandum, vel lecto, situ, alijsq: actibus, affligat.

In vitis Patrum in ea regula, quam Angelus dedit Pachomio Macarij successori de mortificatione ita præscribit Deus per Angelum: *Corpora vestra affligatis per omnia, quia hæc est delectatio honorum operum orantes semper ac ieiunantes, ut possimus scaturientium demonum superare naturam.*

Hoc

Hoc incitamento monet filios suos magnus ille mortificationis urgendæ Author S. Franciscus de Paula sic scribens opus c. 7. *Mortificate membra vestra, saluari penitentia, quia taliter immunes eritis, ne in laqueos & tentationes sathana cadatis, qui nisi pigros, nescit vincere.*

Primum exemplum continuæ mortificationis seu crucis accipe in B. Virgine, de ea scribit Gregorius Turonensis, quod ex quo templum ingressa est, semper sit usa cilicio, somnus illi super nuda humo, vel duris tabulis paratissimus fuerit.

De S. Bernardo in uita ipsius legitur: Beatus Bernardus in afflictione corporis sui usq; adeo sibi mundum, seq; mundo reddidit crucifixum, ut confidamus Martyrum quoq; eum merita obtinere sanctorum, quem confessionis ordine, & parsimoniâ vitæ tam longum constat duxisse martyrium.

Scilicet de Iuditha l. 4. quia *habens super lumbos suos cilicium, ieiunabat omnibus diebus vitæ suæ præter festa domus Israël.*

Ioannes Rhod de magna virgine Ioannâ à S. Cruce refert, quâ se industriâ cruciavit: ait illam ingenti cruci adhæsisse, apprehensiq; prominentibus è stipite clavis, didactis late brachijs diu pependisse suspensam, ac volutam fuisse inter spinas à flagris iam ante cruentatam.

Aiunt S. Ludovicum Galliæ Regem, si quando Confessarij iussu consuetum cilicium deponerat, obvaletudinem afflictam ad tempus, eodie concessam hanc ut ipse dicebat, corpori suo indulgentiam, erogatis quadraginta scutis in pauperes redemisse.

Robertus Galliarum Rex, quintâ cuiusvis hebdoma-

domadis feriâ, vestem regiam exuebat, & cilicio ad carnem coopertus centum sexaginta pauperum pedes abluebat, ac prolixo suo capillo tergebat, Lyræus l. 2. c. 2.

S. Paula etiam in grauissima feбри. mollia lectuli strata non habuit,, sed super durissimam humum stratis ciliciolis quiescebat de ea S. Chris. ep. 103.

Lectus S. Martini erat nuda humus.

Tiberius Bisiniani Princeps sæpius nonnisi pane vescabatur, aquam bibebat, ferreâ catenâ collo circumdatâ, quâ se Deiparæ mancipium testabatur.

Gratum sibi esse S. Edmundi nostri cilicium ostendit Deus, quando illud abigne seruauit illæsum. Dum enim eius cubicularius (inquit Surius) cilicium & femoralia cilicina, quæ usu diuturno contriuerat, ab eo comburenda accepit, & ille quidem misit ea in ignem, sed ignis lambens ea consumere non potuit, tanquam vereretur sacrilegij notam sibi iniustum iri, si læderet ea, quæ beati viri carnem attigissent.

S. Eligius de sua prædestinatione anxius animi, hanc sibi vocem (nempè dæmonis instinctu) audire videbatur: Quidquid agis inutile est: casurus es, quia de numero es reproborû. At ille inconsueta mortificationis exercitatione pergebat. Et verò inter cilicina lintea orantem noctu vox è cælo lapsa recreauit: securus es, si ita ad finem perseveraueris.

S. Theresia post obitum cuiusdam apparens dixit Si qua ex causa vellem carere beatitudine tantisper, certè ut ampliùs pati possem, cuius nunc tantam mercedem in cælis video.

Eidem Sanctæ notus à dira & varia corporis afflictis;

afflictione S. Petrus de Alcantara post mortem apparuit, ac lætus dixit: O felix pœnitentia, quæ tantam mihi promeruit gloriam!

S. Agapitus ardentibus prunas capiti impositas sentiens, sic se animabat: Age anime mi, ne graue putes, si modò caput ignem ferat, quod paulo post coronâ redimitum immortalitatis, æternum triumphabit.

Abbas Olympius aliquando interrogatus, qualiter speluncæ suæ inhabitare posset angustias, & excessivos supportare calores, præter apum, muscarum. & culicum sanguinem continuò elicientium morsus & puncturas? Respondit; culices sustineo, quia vermem timeo immortalem, flocci facio calorem, quia ignem pertimesco æternum. Hæ afflictiones finem habebunt non illæ. S. Climacus in scala paradisi.

Altera mortificatio est discreta seu discontinua, æquam in varijs actionibus totius diei & in omni occasione possumus facere, videlicet in sensibus externis, & internis, in potentijs tribus animæ, in linguæ usu, in prauis consuetudinibus; in mortificatione honoris, amoris proprii.

Ita dum egrederis in publicum, oculorum cohibe curiositatem: ne aspice quod desiderare non licet. visum modestum & depræssum gere. Magdalena Redonia tertij Ordinis S. Dominici professa per Urbem incedens, nihil præter filices & lutum intuebatur. Vidit aliquando S. Mechilidis, dum in festo S. Ioan Euang sacris interesset. B. Virginem & hunc S. Apostolum illustrem radio splendoris admirabili, qui ex oculis emicans, in faciem Deiparæ dirigebatur, dumq; hæret isto prodigio attonita, audit à Ioanne, illum dum intra mortales uiueret,

ea fuisse erga Virgineam Matrem reverentiā, ut defigere in illam oculos nunquam fuerit ausus.

Cum S. Franciscus in quoddam domicilio propè Assisium valde stricto cum fratribus suis moram traheret, accidit ut Romæ coronandus Imperator Otto cum magna pompa illac transiret. At Vir sanctus cum secus viam maneret nec aliquis fratrum saltem aspicere de tugurio-
voluit, præter unum ex ipsis, qui gloriam huiusmodi modicum duraturam Imperatori constanter nunciari præcepit. Marip. ex v. visus.

Offert se aliqui curiositatis occasio? adhibe mortificationem. S. Carolus Boromæus nunquam per ullam fenestram prospiciebat. Pia Magdalena Redonia, quando ad eam filij literæ deferrebantur, ad tres quatuorve dies tenebat obli-
gnatas, tum ut curiositatem suam frenaret tum ut teneritudinem affectus materni compesce-
ret.

Aliquis te verbo, repulsa, contemptu, aut alia ratione offendit, optima adest te mortificandi occasio. Argumento est illa historia, quam sanctus Bernardus de maledica muliere posteris reliquit. Pessima hæc assueta quibus vis obtrectare, ausa est aliquando in publica plurium corona calumniari S. Malachiam Episcopum, & præsentem injurijs petere, calum. hypocritam, alijsq; nom inibus compellans. At ille nil respondit (inquit S. Bern.) quia mitis erat & verecundus.

Verfariis in periculo, violandi silentij, aut regulæ alicuius, aut præstandæ inutilis & otiosæ urbanitatis? Generoso recessu & mortificatione declina. Memorix proditum est de Ioanna Celerfia Attrebatî Religiosa, quod raro ad locum congressus seu colloquij veniret, ne unquam
aliquis

nisi de rebus necessarijs loqueretur. Unde ab alijs quibusdam sororibus maiori licentiæ deditis, soror sylvestris appellata est, sed illa tali conuitio immobilis à sua consuetudine non recessit.

Cibum sumis? etiam hic in quo franges appetitum tuum inuenies, siue a qualitate ciborum, siue quantitate. Nunquam sine aliqua victoria recedendum est. Franciscus Arias affert è B. Petro Card. Damiani, Abbatem, qui allatum sibi pitcem, cuius edendi desiderio tenebatur, cum pauper ad portam peteret sibi pro elemosyna id, quod Abbati appositum est audito eo, illi unâ cum scutella misisse pro elemosyna, ut seipsum mortificaret, seu peruinceret, pauperem autem, unâ cum accepta scutella in conspectu plurium è terra sublatum in cælum.

Dum graviter à carne, mundo, & diabolo tentaris generoso animo recede. eligas cum S. Casimiro millies mori, quàm fœdari & in Deum tuum peccare. Refert Iacobus de Vitriaco. sanctimoniale quandam pulchram fuisse facie, quam Princeps diues & potens, (in cuius potestate fundatum erat Monasterium) concupuit, & cum nec precibus nec muneribus eam sibi usurpare posset, mandavit per nuntios Abatissæ, ut unum ex duobus eligeret, aut scilicet Monialem illam sibi corrumpendam transmitteret, aut ipse totum Monasterium ignibus succenderet. Terretur vehementer Abbatissa, ut potè quæ sciret. quoniam nisi quæ desiderabat obtineret, faceret peiora quam dixerat. Pauida igitur Moniali illi sanctæ, Regis edictum crudele denūciat. Quæ tremens & dolens capit inquirere, cur eam præ cæteris Monialib? sic amaret? audiuit

audivit ex nuntijs: propter pulchritudinem in-
quiunt oculorum tuorum in te ardenti amore
succensus est. Exhilarata illa, atque segregata
parum à cæteris, ambos sibi oculos piâ crue-
litate euulsi, atq; componens in disco præsen-
tauit ministris Principis dicens: Ite & Principi-
vestro hæc præsentate ex me, ei dicentes: Ec-
ce sagittæ, quæ cor tuum importuno ardore
confoderant. Habes quod desiderasti, nunc eis
utere pro libitu atq; oculos cordis mei intra-
ctos atque illos relinque. Specul exem. 20.

Nunc ergo & nobis gemendum est, subju-
go mortificationis, nunc mortificemus membra
nostra, quæ sunt super terram, ut illa collo-
cemus in cælo, ubi gaudebimus de amaritudine,
de molestia, de dolore, diuini amoris causa su-
scepto. Magnum prædestinationis pignus est
assidua corporis mortificatio. Nam sicut reprobis
mirum in modum quærent ea, quæ postea,
carni in saragine inferni cruciandæ, immortæ
liter torrendæ, commoda blanda, grata sunt,
ita prædestinati contra carni suæ insensu hoc
agunt, quod nunc illam cruciat. *In novissimis
enim*) Eccles. 6.) *inuenient in ea*, id est mor-
tificatione, & convertetur in oblectationem,

O quam felix est ista mortificatio (ait Thom
à Kemp. op: 8 n. 2.) quæ mihi aperit ianu-
am æternæ vitæ, id quod sit in portis mortis,
per quas eximus è tugurio temporis, & intramus
per angustam mortificationis portam in immen-
sum æternitatis palatium. *Tunc mortificatio quasi
myrrha electa dabit nobis suauitatem odoris.*

Hæc te Viator consolatione solare, crucem
unius horulæ, æterno præmio & solatio com-
pensari. Curramus ergo (ut Anselmus urget)
*credendo, sperando, diligendo corpus affligendo, bene
operando.*

operando. Certè abſtinentiæ, lacrymæ, preces, vigilæ, ipſæ ſunt viæ, quæ in cælum ducunt, teſte Ephrem.

Actus deſiderij patiendi pro Chriſto.

QVis me ſeparabit à charitate tua mi Deus? non timor mortis, non fames, non nuditas, non perſecutio, non gladius, non flagella, crux; ærumnæ, mors, & quæ dura, horridaq; mortalibus videntur.

Tibi mi Domine me totum addico, totum in tui amorem concedo, totus tibi adhæreo, quod tu amas, meq; amare vis, amo, quod non vis, nolo, quod de me diſponis, accepto, ſive in vita, ſine in morte, ſine in tempore, ſive in æternitate, ſequar te quocunq; ieris, ibo quo duces, ſi per ſpinas & cruces, per inopiam & contemptum, per labores & ærumnas, per ſanguinem & mortem.

Patiar quia tu præcipis, quem ardentiffimè amo ſuper omnia. Tibi me totum in holocauſtum conſecro ô Deus cordis mei & pars mea Deus in æternum! Nolo vivere ſine vulnere, quia te mi Jeſu video pro me totum vulneratum.

Quidquid unquam perpeſſus ſum, & quidquid patior, patiarq; omne illud ex motivo ſanctiſſimi amoris tui offero gloriæ tuæ. Amor tuus perſiciat dolores meos, efficiatq; ut quantum me cruciant, tantum delectent.

Tu Rex & Dominus meus paſſus, es amore mei tanta pro me! & ego ſub ſpinoſo capite membrum ero delicatum? Senſit hoc orbis & ingemuit, ſenſit terra & contremuit, & ego non ſentiam? Ecce paratum cor meum ire extra caſtra, & improprium tuum portare, ferre crucem tuam & ſequi te.

Amo

Amo te Deus meus. & paratus sum pro te omnes morbos & dolores omnes cruces & tormenta. famem & sitim, dæmonum tentationes quamlibet ignominiam & iniuriam, quemlibet mei contemptum tolerare, insuper pro te pati & mori milles millies, millies.

O si possem pro tui amore & honore vitam & sanguinem profundere, ac perferre universa Martyria quæ SS. Martyres pertulerunt, ac omnes labores subire, Utinam saltem omnes habitus mei sint gemitus dolentis ac pœnitentis cordis mei.

Insuper mi Deus! Si tibi placeret, advoca ipsas etiam tartareas potestates inferni vires omnes dæmonesq; euoca, qui quidquid possunt funestum, durum, horridum, atrox, exaggerent. Neq; capio ut animam meam mihi ut Iobo facere coacti sunt, seruent, sed ut eam etiam cruciatuum immanitate à corpore separent. En collum & pectus. Exige sanguinem, exige spiritum, mille gladijs: ignibus, rotis exhibebo singula membra, & membrorum articulos.

Accipe Domine cor serui tui in holocaustum gloriæ tuæ, sim tibi totus hostia diuini tui bene placiti. Dispone de me liberè et de tuo proprio iumento pro gloria tua.

IV.

Compendium viæ cælestis est breuissimum per Heroica.

Vidisti Virum velocem in opere suo Prou 12.

Viator, viâ Regia, seu viâ crucis incedens ad patriam, si velit quandoq; brevissimo tempore iter suum conficere, & peruenire ad terminum, in spiritu fervoris, seu per actiones heroicas.

heroicas progredi debet. Per has citius summum attingitur, & quod alij durano tempore, Viator heroicis breuissimis momentis assequitur.

Præstantissimus est talis seruator eorum. qui incumbant actionibus heroicis, generosis, insolitis, & ita celeribus. ut incredibili velocitate sua, omnes alias vulgares transcendant actiones & ad thronum gloriæ magni Dei pervenientes Angelos omnes & ipsum Deum in sui admirationem & amorem abiciant.

Talis fuit actus Abraham. qui ad unicam vocem Domini, exnunc voluit unicum filium suum immolare. Unde audiuit. *Quia fecisti hanc rem, benedicam tibi.*

Eius generis fuit actus heroicus S. Bernardi. Clericus quidam veniens ad hunc sanctum Abbatem importunè instabat, ut in Monachum reciperetur. Dum eidem suaderet S. Pater. ut ad suam reverteretur Ecclesiam homo ille velut insanus, totâ vi percussit maxillam sancti Patris, ad hunc tam gravem ictum, ne minimè Pater sanctus edidit impatientiæ signum l. 3. c. 6

Alexius prima nocte nuptiarum, ipsam intactam reliquit, paupertatis propter Iesum experiendæ studio, & amore castitatis S. Casimirus maluit vitam amittere, quam Virginitatem

Charitate inter se contenderunt apud Antiochiam Theodora Virgo; & quidam miles. Illa ob Christi confessionem ab infidelibus in prostibulum truditur: miles verò eam primus adiens persuadet, ut mutatis secum vestimentis virili habitu evadens, virginitatem intactam conservet, Cumq; ipse cum muliebri vestitu deprehensus, pro Virgine ad supplicium traheretur.

non

non sustinuit illa, ut cuius ope pudicitia tutata fuerat, ei necis causa fieret: palam proclamavit, se esse ei pœnæ addictam, non ipsum: e contra ille, se iudicis sententiâ damnatum, non illam: certârunt, uterq; alterum sua morte redimere cupientes. At verò quoniam Christum confitentibus, mori, vivere erat, Deo disponente, ambo simul capitis obtruncatione gloriosum Martyrium peregerunt. S. Ambros: l. 2. de Virg: sub finem tom. 3.

Eximius ille vir Cæsar Buzius, dum quoddam tempore videret Augustissimum Sacramentum deferri ad ædes ægroti, statim nudato capite, facem manu præferens contempto nobilium virorum occurſu, à quibus se videndum & vilipendendum sperabat, præibat ad ædes ægroti.

Theodosius Imperator magnam sanctimoniam & perfectionem consecutus est unico actu heroico. Nimirum in ludis theatralibus frænâ do oculorum licentiam & curiositatem: quotiescunq; enim occurreret aliquid aspectu incundum, gratumq; & populus magnis lætitiæ vociferationibus, spectaculo acclamaret, tum se demittere, aut omnino claudere oculos solebat, ne quid eorum cupiditati indulgeret.

Considera Viator quia Deus à creaturis suis vinci humanitatis officio non vult. amat illas, blanditur & longè alia ratione, quàm soleant terrarum Domini suorum subditorum agnoscere obsequium, remunerat.

Discimus ex Historiis Ottomanorum, quendam Machometem, qui intimus & carissimus Solymano fuit, non aliter pervenisse ad tantos honorum & fauorum gradus, quàm actionis unius feruore animosoq; plenæ officio epistolam

Iam legebat Solymanus innixus fenestræ, quâ in viridarium erat aspectus: hæc legentis manibus excidit, & viridario illapsa est, illico tota nobilitas aulæ ad gradus currere, volare ad chartam: ut quisq; prior referendarum literarum honorem occuparet. Quid fecit Machomet ut anteverteret cæteros? præcipitem se de fenestra dedit: sublatamq; epistolam primus Principi suo retulit. Actus ille tam acceptus fuit Solymano, ut statim Machometem, auctoritate dignitate; præ cæteris atq; per omnem vitam habuerit in deliciis.

Ament sanè Solymani & orbis moderatores tam illustrem, & amore plenam actionem facilius tamen & admirabilius capitur diuinabonitas, unicum opus plenum affectu & feruore, obitum in eius seruitio, tales amantes non solum in hac vita, singularibus favoribus, verum etiam in altera magno gloriæ incremento prosequatuf.

Unus actus heroicus & extra ordinem feruens diuinam maiestatem (si ita loqui liceat) rapit in admirationem, & incredibilia elicit reciproci amoris argumenta. Ob hanc rationem surrexit è throno Iesus. stansq; Stephanum pro inimicis toto ardore supplicantem spectauit, veluti huius stupore prodigij attonitus.

Fecerat aliquando S. Theressia illustre & feruens nescio quod opus: crederes Deum sibi imperare non potuisse, quin diceret: Theressia, si mundum non condidisses, illum iam tui gratiâ & ex propensissimo erga te affectu, crearem.

Sic accipio illud Cantici Canticorum, ubi sponsus affirmat se abreptum esse unica cogitationum illius: *Vulnerasti cor meum soror mea sponsa*
in uno

in uno crine colli tui. Prima B. Virginis cogitatio qua se sub immaculatam Conceptionem suam, integre Deo dedicabat, sic diuinum cor, & affectum rapuit, ut illico favores omnes & gratias in illam congerisset.

Mariam aliam adeamus videlicet Magdalenam, hæc ob unicam heroicam actionem, & feruentem insolitum illum Christi favorem & benevolentiam consecuta fuit. En puella nobilis ad pedes Iesu prosternitur, præsentibus connivis. *Pia impudentia* inquit Augustinus, *quesivit sanitatem, irruens importuna convivio, opportuna beneficio.* Vocet ille piam impudentiam, ego feruorem indagitare malo, & assero hoc unicum opus fuisse fontem, ex quo admirandi illi diuini amoris riuus, quibus deinde affluxit emanarunt.

Hæ nimirum nobilissimæ ac generosæ actiones, mirum in modum accelerant iter ad egre-
giam sanctitatem. Hæ actiones sunt, gratiæ prodigia, & germina spiritalis feruoris, ita ut labinde unus actus heroicus, non solum aucupari soleat, singulares favores diuinos in hac vita, sed etiam in altera incredibilia consequantur amoris diuini & gloriæ argumenta.

Affectus anima ad heroica anhelantis.

O mi Deus! ô amor infinite! ô diuina bonitas quid dicam, aut quid respondebo tibi? non possum respondere unum pro mille, inô infinitis excessibus charitatis tuæ, qui me in admirationem rapiunt.

Quid non egisti? quid non agis ut ameris? ut corda nostra tibi deuincias atq; alliges? Prior enim mirabiliter dilexisti nos, sic ut filium tuum unigenitum dares. O nimia charitas! ô in immen-
sum

sum excessus! Ergone amoris tui in nos contestatio ac tessera, imò pretij, quo nostrum amore a licitaris, quasi auctarium est Filius tuus Unigenitus?

O amor mundi & gaudium cæli, quid tibi & mihi, qui debeo odium esse & horror totius universi similis similem amat, quid tu optimus diligis me pessimum? quid tu sapientia amas stultitiam potentia infirmitatem? misericordia miseriam? pulchritudo turpitudinem? quid deniq; Tu Bonitas amas me malitiam?

Qua verò in re animum meum & ingenium occupo, si non excogito modos, quibus testificer me diligere te? O ingeniole amor, nunquam te tantum amabo, quantum dignus es!

O si omnibus actionibus meis & operibus tam ferventi, tam heroico affectu & obsequio possem te glorificare, amare, recreare, & ex hilarare dulcissimum Cor tuum, purissimè & perfectissimè propter te Deum meam, propter gloriam tuam, gustumq; tuum quàm maximum, & consolationem dulcissimi & beatissimi cordis tui!

O si possibile foret, desiderarem agere, heroicè, Marianè Christi formiter, & egisse quidquid actum, quidquid agitur, agi potuit, ageturq; placitè ac digne te Deo meo, à quocunq; ubicunq; in omni intensione & intentione, ac extensione possibili in omni multiplicatione replicatione & modo quovis possibili, & exoptabili, ac desiderabili.

Utinam mi Deus! agendo semper, aut quod tibi omitti placet, omitendo, patiando item quæcunq; in anima & corpore propter te, ad quæ omnia in tui gratiam, amorem & gustum, paratum promptumq; exhibeo, utinam inquam
tibi

tibi totus ac penitus secundum omnia in purissimum acceptissimumq; holocaustum cedam, & totus instar thuris aut thymiamatis tibi in suavissimum odorem consumar, imò & annihilor?

Utinam haberem omnium Martyrum animas, omnes vellem exspirare pro te martyrio doloris & amoris tui ô Deus, digne pro quo per martyrium omnis vita omnium mortalium immoletur. Pro te mi Deus semper & ubiq; colligari, guttatim interire & omnes tyrannicas Antichristi, ac diabolorum persecutiones si voluntas tua adierit, volo pati.

Hæc sunt vota, hæc suspiria, quæ sacrifico tibi, hæc desideria cordis mei, quæ offero tibi. Accende quæso cor meum mi Deus! in amorem tui, ut diligam te ex penitissimis cordis mei medullis.

CAPUT II.

De prædestinatione Viatoris, quæ est scopus & terminus viæ nostræ, & medijs ad eandem consequendam.

I.

*Si non es prædestinatus, fac ut prædestineris.
S. Augustinus. Satagite, ut per bona opera certam vestram vocatorem & electionem faciatis 2. Pet. 1.*

Cogitanti mihi de inscrutabili prædestinationis divinæ mysterio, silere magis liberet, quam loqui,

loqui, (habendo præ oculis mentis effatam illud à Salomone prolatum Prou: 25. quoniam: qui scrutator est Maieftatis opprimetur à gloria) & quod olim Ezechielì Prophætæ,, hoc mihi humiliter profitendum effer, hujus torrentis aquas ita profundas & altas effer, ut tranfuadari omni nõ non poffint. Vnde meritò exclamat Apoftolus Rom. 11. *o altitudo diuinarum fapientie & fcientie Dei, quam incomprehenfibilia funt iudicia eius!*

Certum tamen effer (ut cætera omnia inſcrutabili Dei fapientie, & incomprehenſibilibus iudicijs relinquamus) quòd prædeftinatio nihil effer aliud, quàm æterna & omne tempus præcedens deſtinatio, quã Deus ante mundi conſtitutionem creaturas aliquas ad gloriam, & beatitudinem cæleſtem elegit & deſtinauit. Unde dicit eo ſenſu Apoftolus Ephes. 1. *Elegit nos in iſpo ante mundi conſtitutionem.*

Ita S. Auguſt: lib: de bono perſeuer, cum dicit; quòd prædeſtinatio effer præſcientia & præparatio beneficiorum Dei: quibus certiffimè liberantur quicunq; liberantur. Ex his autem verbis S. Aug: colligitur ad completam rationem prædeſtinationis, prout ab illo & SS. Patribus ſumitur, debere per eam intelligi, non tantum electionem & deſtinationem ad gloriam & beatitudinem, ſed etiam præparationem omnium mediorum, ad illam conſequendam, propositumq; ac voluntatem media illi tribuendi, ita ut prædeſtinationo non tantum reſpiciat gloriam conferendam, ſed etiam ſimul omnia grãtiæ dona. quibus ad illam gloriam homines perducuntur.

Et ſic tres præcipui effectus prædeſtinationis numerantur, nempe vocatio, iuſtificatio, & glori-

D

ficatio.

ficatio iuxta doctrinam Apostoli Rom. 8. *Quos prædestinavit hos & vocavit, & quos vocavit, hos & iustificavit, quos autem iustificavit, illos & glorificavit.* Ad gratiam vocationis reducuntur omnia auxilia & adiumenta, non solum interna, sed etiam externa, quæ ad iustificationem suo modo simul cum internis concurrunt: ut externa Evangelij prædicatio, à parentibus Christianis ortus & educatio: occasionum peccandi remotio, cum pijs & bonis conversatio fraterna correctio, & his similia. Ad gratiam iustificationis pertinent omnes alij habitus supernaturales, qui simul cum ipsa gratia habituali infunduntur, ut habitus fidei, spei, charitatis, & aliarum virtutum supernaturalium, item dona Spiritûs Sancti, gratiæ Sacramentales, ac donum finalis perseverantiæ.

Duo autem sunt effectus reprobationis, Primus est permissio peccati, unde dicit Apostolus Rom. 9. *Quod Deus volens ostendere iram, & notam facere potentiam suam, sustinuit in multa patientia mala iræ apta in meritum.* Et ad hunc effectum reducitur obduratio, seu excæcatio reprobi: Cum nihil aliud sit quàm ipsa peccati permissio, quatenus Deus permittendo peccatum, simul iusta aliquâ ex causâ subtrahit reprobo peculiare aliquod gratiæ suæ auxilium, quo eius cor emolliretur, vel illuminaretur intellectus. Secundus verò effectus reprobationis est, æterna ipsius reprobi punitio, ut patet ex illis Christi verbis. Matt. 25. *discedite a me maledicti in ignem æternum.*

Firmiter ergo tenendum est, & fide Catholicâ credendum, neminem à Deo reprobari & ad pœnâ æternam damnationis deputari, nisi ratione præ-

prævisorum demeritorum. Huic veritati oppositus est error Caluini, qui lib: 3. Instit: c. 23. parag. 5. asseruit Deum ante prævisionem cuiuscunq; peccati, non tantum exclusisse aliquos à cælesti gloria, sed etiam efficaci voluntate eos ad pœnam æternam deputasse. Unde c. 23. parag: 9. ait; Deum ut ipsi reprobri efficaciter ad hunc finem à se intentum perveniant, non tantum eos gratijs ad salutem necessarijs privare, sed etiam injicere ijs peccandi necessitatem, quam evadere non possint.

Hæc blasphemia refellitur, & veritas nostræ fidei probatur autoritate scripturæ varijs in locis, in quibus testatur Deus se nolle, ut ullus pereat, sed ut omnes peccatores ad pœnitentiam convertantur, & sic vitam æternam consequantur. Ezech. 18. *Nunquid voluntatis meæ est mors impij dicit Dominus Deus, & non convertatur à vijs suis & vivat?* Et c. 33. *Vivo ego dicit Dominus, nolo mortem impij, sed ut convertatur impius à via sua & vivat,* Mat: 18. *Non est voluntas patris vestri, ut pereat ex his pusillis.* Luc. 11. *Quis ex vobis Patrem petit panem, nunquid lapidem dabit illi?* Axioma Theologicum est. *facienti quod in se est, Deus non denegat gratiam.*

Docet etiam S. Thomasq. 14. de veritat. 2. 11. ad 1. Si quis in filijs nutritus ductum rationis naturalis sequeretur in appetitu boni & fuga mali, certissime est tenendum, quod Deus ei vel per internam inspirationem revelaret necessaria, vel ad eum prædicatorem dirigeret.

Imo si Deus revelaret per Angelum, quod quis sit futurus ex numero damnatorum, non ideo esset desistendum à bono faciendo. quia nesciret, an illa revelatio sit absoluta vel tantum

conditionata. v. g. Petrus certo damnatorum erit ex numero, nisi se emendaverit, hoc fecerit vel omiserit. Ista locutio fuit conditionata, quâ per Ionam Deus fuit usus ad terrendos & ad pœnitentiam movendos Ninivitas: *Adhuc quadraginta dies & Ninive subvertetur.* Ionæ. 3. c. Quid inde? Deus quia prædixit per Ionam non parceret? nequaquam. pro locutione acceperunt conditionata: Crediderunt viri Niivitæ in Deum & prædicaverunt ieiunium & vestiti sunt saccis &c. Nisi ergo Deus adderet, se non loqui conditionatè sed absolute, tunc necessario seu in fallibiliter sequeretur damnatio.

Communiter itaq; docent SS. Patres, electionem absolutam & efficacem prædestinatorum ad gloriam factam esse, nonnisi post prævisionem meritorum ac finalis in gratia perseverantiæ. Clare patet ex scriptura hæc veritas Matt. 20. ubi Christus dicit: *Sedere ad dextram meam vel sinistram non est meum dare vobis, sed quibus paratum est à Patre meo.* Quibus verbis (ut SS. Patres docent) Christus innuit, non favori & gratiæ, sed laboribus & meritis paratam esse sessionem in regno suo. Ita hunc locum explicant S. Epiph. hæresi 69. S. Cyrill. l. 10. thesauri c. 16. & Hieron. lib. contra Iovinianum, ubi ait ideo Christum Dominum ibi dicere Non est meum dare vobis ut noverit unusquisq; mansionem sibi in cælo non ex sola Christi largitate, sed etiam ex proprijs operibus esse præparandam.

Item S. Math. 25. *Venite benedicti &c: possidete paratum vobis regnum &c. esurivi enim &c.* quibus verbis apertè insinuat, regnum cælorum ab æterno esse iustis præparatum ob prævisa eorum

eorum bona opera, quod patet ex particula causali. enim. S. Ambrosius I. 5. de fide c. 3. expresse concludit: *Quorum merita præsciuit, eorum præmia prædestinavit.* S. Augustin. Ser. 7. de verbis Domini ait: *Quos voluit hos Deus elegit, elegit autem (sicut dicit Apostolus) & secundum illorum iustitiam.*

His SS. Patribus adiungi potest Franciscus Salesius, qui in opusculo de amore Dei l. 3. c. 5. id expresse docet. & probat ex verbis cuiusdam Collectæ, in qua Ecclesia Deum alloquens dicit, illum misereri omnium, quos suos fide & opere futuros esse prænoscit. Quibus verbis (ut ille dicit) fatetur Ecclesia, gloriam ijs esse destinata, quos divina sapientia prævidit gratiæ suæ vocationi obtemperaturos, & per illam ad fidem viam, quæ per charitatem operatur, esse perventuros.

At verò non paucos intricata hæc quæstio potest anxios reddere, & non abs re, si illud in mentem venerit, quod dicit Apostolus: *Cuius vult miseretur, & quem vult indurat.* Voluntas eius quis resistit? ô homo tu quis es qui respondeas Deo? an non habet potestatem figulus luti ex eadem massa facere aliud quidem vas &c. Et. 2. Tim. 2. in magna domo non solum sunt vasa aurea & argentea, sed etiam lignea & fictilia, & quædam quidem in honorem, quædam in contumeliam. Unde S. Augustin. dicit super Ioannem: Quare hunc trahat & illum non trahat, noli velle diiudicare si non vis errare.

Hæc tamen omnia & similia Sacræ scripturæ loca intelligenda sunt de divinis decretis ex prævisione bonorum vel malorum operum provenientibus, quod docet Apostolus: *Quos præ-*
D3 *scivit,*

servit, hos & prædestinavit, id est quos præscivit bene victuros, hos prædestinavit. Ubi Deus dicitur prius præsciuisse, deinde prædestinasse. Porro præscientia ante prædestinationem nulla alia rectius intelligitur quam præscientia meritorum, puta fidei, dilectionis, pænitentiae, ut exponunt SS. Patres in hunc locum. Cyrillus Chrysostomus, Theodoretus, clarissime autem S. Ambr. de fide c. 3. lib. 5. Quos præscivit prædestinavit, non enim ante prædestinavit, quam præscivit, sed quorum merita præscivit, eorum merita prædestinavit.

Hoc ipsum expresse ipsa æterna Veritas insinuat Mat. 19. *Si vis ad vitam ingredi serva mandata.* ex quibus verbis Christi patet, merita esse motivum prædestinationis, ac conditionaliter fieri prædestinationem Dei, nihil enim sine aliqua prædestinatum est conditione. Prædestinatum est ut salvetur mundus, sed per aquam baptismatis & mortem filij Dei. Prædestinati sunt omnes boni ad gloriam; eâ tamen conditione, si fidem tenuerint, si charitatem, si humilitatem, si misericordiam, pietatem & his similia habuerint, atq; perseveraverint in via pia & Sancta: tales enim futuros eos prævidit, quos Deus ad vitam prædestinavit, & quasi prædestinando eis diceret. Ego quidem ad vitam vos prædestino, si tamen mandata mea custodieritis & si in bono tandem sine inventi fueritis.

Communis etiam S. Patrum est doctrina, nostram prædestinationem non esse simplicem, sed esse compositam ex duobus, prædestinatos videlicet nos esse ad Crucem Christi & regnum, ad patientiam Christi & ad gloriam Dei. Ad primum ceu medium, ad posterius ceu finem. I

I nunc, quisquis es quære, si paucis sunt vel plures, qui salvandi erunt. Videbis paucissimos ad gloriam, propter huius conditionis defectum videlicet merita, prædestinatos. Hæc salvandorum paucitas omni ævo proposita, nobis est ad cautelam.

Ante diluvium ex tanta hominum multitudine octo solum animæ in illo nauigio sunt servatæ. Sodomæam terram Dominus eversum nec decem reperit probos. Cùm Moyse sexcenta millia virorum absq; parvulis & mulieribus educeret Ægypto, duo tantum è tanto numero in terram promissionis pervenerunt, exceptis Sacerdotibus.

In amplissima Ninive solus Tobias cum uxore & filio: in Babylone Daniel cum tribus socijs ambulabant coram Deo & erant perfecti: In omni terra unicus Iob inveniebatur iustus Non minus flebili Ieremias Propheta questu hanc proborum paucitatem deflet: *Nullus est qui agat penitentiam super peccato suo dicens, quid feci?*

Deplorat eandem beatorum paucitatem ipse Christus: *Væ vobis divitibus qui habetis hic consolationem vestram. Væ qui saturati estis, væ vobis qui ridetis. Invitati ad lautissimam cænam, ceperunt simul excusare. E tot divitibus, onustis, scilicet camelis, unicus Zachæus depositâ gibbi sarcinâ, (sic Beda loquitur) hoc est opum onere relicto Christum sequitur. Unica Magdalena è vitæ prostibulo ad Vitæ innocentiam transit.*

S. Chrysostomus ausus est quondam dicere de Urbe Antiochia populosissima, idq; eo tempore, quo spiritus primæux. Ecclesiæ nondum intepuerat: *Quot esse putatis in civitate nostra, qui salvi fiant, infestum quidem est, quod dicturus*

Sturus sum; dicam tamen: Non possunt in tot millibus centum inveniri, qui salventur, quin & de his dubito. Quanta enim iniuvenibus malitia, quantus in senibus tepor.

Mirabilis & stupendus casus refertur à S. Vincentio Ferrar: qui postquam (ut Deo liberius vacaret) resignavit sua beneficia, petiit desertum, ibiq; pie ac sanctè vivens postea obiit. Nocte sequenti suo Episcopo apparuit lumine coruscans, eiq; dixit: Reverendissime Domine age pœnitentiam, emenda vitam, alioqui æternâ privaberis gloriâ; & scias velim, quod heri eodem, quo discessi momento, ante Iudicem meum mecum comparuerunt triginta animarum millia, ex quibus ego & S. Bernardus statim obtinuimus cælum, tres aliæ venerunt ad purgatorium, reliquæ omnes damnatæ fuerunt ad infernum: Et hoc dicto disparuit.

Horrendum est, quod Franciscanorum historiæ referunt: Bertholdum virum eiusdem familiæ insignem, in Germania inter verbi divini promulgationem ex cathedra in vitium quoddam ita acriter intonasse, ut mulier quædam eodem vitio detenta, & ab alto, dolore intrinsecus tacta, in mediâ concione exanimis conciderit, omnibus viso spectaculo, & in genua procumbentibus, mulierem revixisse, & inter alia dictu audituq; horribilia retulisse: Unâ secum ad districti Iudicis tribunal adducta simul esse sexaginta animarum millia ex diversis mundi partibus, & ex omnibus iss, tres tantum purgatorio adiudicatas, cæteras omnes ad supplicium æternum damnatas.

Omnibus etiam Religiosis illud sit benè impressum: Vidimus multos & audivimus à patribus

bus nostris (quod non sine timore confiteor)
ascendisse primitus quodammodo usq; ad cœ-
los, & inter sydera nidum suum collocasse. post
modum autem cecidisse usq; ad abyssos. Quæ
cum confidero, contremiscunt omnia ossa meæ:
Quoniam non securatur homo vivens super
terram. S. August. Soliloq. c. 9.

Multi enim sunt vocati ad statum religiosum,
sed horresco dicere, pauci electi! dicam ergo pro
maiori consolatione nostra: Non omnes electi.
Verè enim non omnes electi! si enim ex duo-
decim Apostolis, omnibus à Christo ad Aposto-
latum vocatis, non omnes erant electi, Iudæ vi-
delicet prævaricatore; quis credet, quis sibi ima-
ginabitur, omnes, quotquot ad statum Religi-
osum vocantur, electos esse? Si inter duodecim
membra sacratissimi illius Collegij cuius caput
ipsemet Christus, putridum unum inventum
est, quas reflexiones facere poterimus, super ea
religiosa habitacula, in quibus non duodecim
tantum, sed triginta, quadraginta, quinquaginta
imò cētū quādoq; Religiosi cohabitant?

Audite Bernardum nostrum: Nusquam est
securitas fratres, neq; in cœlo, neq; in parady-
so, multò minùs in mundo: In cœlo enim ce-
cidit Angelus in præsentia divinitatis. Adam
in paradyso de loco voluptatis: Iudas in mun-
do de schola Salvatoris. Hæc idcirco dixerim,
ne quis sibi de illo blandiatur, quia dicitur
Locus iste Sanctus est: Quia non locus homines
sed homines locum sanctificant.

Miserabilem Iudæ lapsum considerans D. Hiero-
nymus omnibus terrorem incutit in Psal. 108.
Episcopatum eius accipiat alter, ita discurrens: Non
solùm illo tempore de Iuda dictum est, sed usq;
hodie

hodie dicitur, & usq; in iudicii diem: Si ipse Iudas Apostolatū perdidit, custodiant se Sacerdotes & Episcopi: Si Apostolus cecidit, facilius potest Monachus cadere.

Ad cautionem ergo & terrorem aliorum permisit Deus tragicos in quibusdam religiosis casus, ut discamus secundum doctrinam Pauli, cum metu & tremore nostram salutē operari. Quantum enim displiceat Deo in religioso tepore negligētus regulæ contemptus observantiæ regularis patet ex hac historia.

Fuit in quodam Monasterio Frater quidam, qui suā regulā neglectā exorbitavit per modum continui. De suis admonitis excessibus hæc elatis reposuit supercilijs: *quod fieri debet, fiet infallibiliter.* Non ero in fine vitæ alius, quàm me Deus, quod sim & qualis sim futurus, prævidit. Sic monasterio valedicens ac omnibus peccatorum sordibus se inquinans oreo cessit præda August: lib. de bono perseverant: In eiusmodi alio in loco ait: *Quorum cor si non esset fatuum, non recederet fatum, &c.*

Quantum etiam Deo displiceat, sibi attribueredonum perseverantiæ, & quàm Deo recedentissimus fragiles expertus est inter alios Monachus ille, de quo Discipulus in serm. de tem. Ser. 107. In solitudine Angelicam ut ita dicam duxerat Monachus vitam, nihil in eo desiderari poterat, nisi quod bona à se acta sibi adscriberet, quasi hucusq; suā perseverasset virtute in bono, non revocans ad mentem Christi effatum: *Sine me nihil potestis facere* Ioan. 15. c. Dæmon ingruente nocte sæminam mentitur, a via per cretum aberrantem. Tam ad motum multa præcedens, ut intromittatur, motiva dixit.

CHRISTIANUS

dixit: ut voti sui fuerit facta particeps. Intue-
tur monachus hospitem, speciosæ. quæ præfer-
bat sæminæ, speciem. Hæc ornatè loquendo,
ridendo. ita inescavit solitariū, ut in turpes abi-
erit ac consenserit amores. Extendit brachia, in
amplexus fictæ ruiturus Hælenæ. At dæmon se
retrahens unâ cum alijs dæmonibus eum irri-
sit in aère. Monachus verò in malo, qui longo
prius tempore in bono fixerat, luxuriosè vi-
vendo, pedem fixit, de conversione omnem abij-
ciens spem, quamvis, pessimè.

Quid ergo consilij, quid remedij ad hoc ut,
non tantum Vocati sed & Electi esse possimus?
Dignè nimirum ambulandum vocatione nostra.
Quod ipsum innuit Apostolus: Quapropter fra-
tres magis satagite, ut per bona opera certam vestram
vocationem & electionem faciatis. Coincidit, quod
monet D. Angelicus: Prædestinatis conandum
est ad benè operandum & orandum, quia per
eiusmodi prædestinationis effectus, certitudina-
liter impletur. Quod etiam expresse insinuat
Mellifluus Bernardus: Ipsa cælestis regni præ-
destinatio ita ab omnipotenti Deo præordinata
est, ut ad hoc electi ex labore perveniant, qua-
tenus mereantur precibus & meritis obtinere,
quod ipse Omnipotens Deus ante tempus dis-
posuit donare.

Affectuose aspirationes ad DEUM ut est prædestinator.

Actum esset de nobis, Christe Redemptor aman-
tissime. nisi tuo interuentu & sanguine ab in-
teritu erepti, spem vitæ haberemus. Gratias
igitur tibi habeo, quia hæc redemptio tua suf-
ficientissima est ad saluandum omnes quantum
in se est. modò velimus, nostrum flectere arbi-
trium, & adniti quantum in nobis est, ut cum
gratia

gratia tua salvi fiamus. Quia tu ore Prophetarum dixisti: *Quid ultra potui facere & non feci? Perditio tua ex te est.* Et ut Augustinus testatum reliquit: *Creare te potui sine te, salvare te, non possum sine te.*

Quod sim capax æternæ vitæ tu dedisti, perfice quod dedisti, dispone, trans mitte me ad finem illum quem proposuisti mihi, & ad quem viribus meis pervenire non possum. Potero vero & spero, perveniam, per te, qui fecisti me ad te

Tu scis quâ mihi eundum sit ad te Tu nosti finem tu media, Tu dispone ascensiones in corde meo è valle lacrymarum ad te Da mihi gradus, da scalas, per quas ascendam, tene me ne excidam, duc ne errem, firma me, ne lubricè præcipiter, ne superbia, morsus diaboli me infelici vertigine deorsum agat in præcipitium superborum, in abyssum impurorum, in barathrum æternum, & igneum carcerem damnatorum.

Et cum non simus sufficientes cogitare aliquid à nobis quasi ex nobis, nec ullum possit quod cogitationem antecedit principium reperiri, non est à nobis sed à te salutis nostræ initium Tu das gratiam ut gloriam mereamur, Quidquid est in me ordinans me ad salutem, comprehenditur totum sub effectu prædestinationis, etiam ipsa præparatio ad gratiam. Præpara me ad gratiam, & per hanc ad gloriam tuam Da ut obedientiam inspirationibus tuis. Quia dum illis non pareo, timeo, ne me subtraham à gratia illa, quam mihi præparabas, & per quam me ad gloriam disponebas in mirabili serie prædestinationis tuæ.

Da ut quidquid ad prædestinationis felicitis statum pertinet, nunc statim exequar. Hoc erit signum,

gnum quod dilexeris & elegeris me, si docueris me bene semper id eligere. quod tu magis diligis.

Domine sit cor meum lingua mea, omnia opera mea calamus manus tuæ velociter in libro tuo scribentis me. Doce cor meum, cogitationes, verba opera mea, manus meas, quomodo inscribere me etiam illa debeant in libro tuo sancto O qui non vis mortem peccatoris, sed ut convertatur & vivat, viam per te in notitia & albo electorum.

Ne me omitte, ne me proscribe, vivā in gratia hic semper, ibi æternum in gloria; non in morte ignominia ac odij tui. Ne permittas ut me deleam, vel merear deleri de libro vitæ. Qui enim a gratia tua per mortiferum peccatum deficiunt delent se, quantum in illis est de libro gratiæ & gloriæ. Neq; in te Deus est illa mutatio, sed in illo, qui liberè consentiens peccato, se delet de libro tuo & inscribit se inferno. Tu autem scis illam ordinatum ad gloriam, dum est in gratia si perseveret: non ordinatum, dum excidit, si non redeat. Doleam Domine, ac deleam quid quid est in me, quod me potest delere de libro viventium, & cum iustis non scribi me facit. Tu iuva tuā gratiā me præveniente, comitante, subsequente coronante.

Tu convertis nos ad te & convertimur. Ne ergo permittas ut sim inter vasa iræ tuæ apta in interitū, sed inter vasa misericordiæ, Osten de divitias misericordiæ tuæ in me Dirige, accipe meā libertatē, serviat illa tibi, & sit mihi salutis non æternæ perditionis instrumentum.

Non sum sollicitus an tot simus salvandi quot Angeli remanserunt, an verò tot, quod rebelles Angeli ceciderunt & quot Angeli sunt creati.

Tibi

Tibi soli cognitus est numerus electorum, in superna felicitate locandus. Fac me ita de me sollicitum, ut sim in illo numero beatorum? da ut ad id consequendum nihil plane omittam.

Da mihi talem hac in re tam perplexa sollicitudinē, quæ tibi maximè placet, ut hanc sollicitudine non piger, spiritu feruens, tibi serviam Domino prædestinationis meæ à quo pendeo.

Iuvet me obsecro ad felicem illam vitam janua cæli & Regina, quæ amabili elogio vocatur Mater primogeniti, ac Regis prædestinatorum. ac Mater pulchræ dilectionis, & sanctæ spei, tessera prædestinationis nostræ; per quam dedisti nobis Iesum, cuius sanguine spero me inscribendū libro tuo; per illam te rogo, ut illo sanguine deleas de corde meo quidquid potest me delere de libro vitæ. Move tuos omnes qui tecum sunt & qui mecum sunt, move corda omnium, qui aliquid in hoc possunt ut me adiuvent.

Adoro in hoc etiam infinitam misericordiam bonitatis tuæ, quod aliquos è stercore in illam salutem erigas, à qua plurimi deficiunt, secundum communem cursum & inclinationem naturæ in perniciem æternam pronæ. Tremo ad ista ego ideoquē dicam cum publicano; *DEUS propitius esto mihi peccatori!* Dicam cum cæco: *IESU Fili David miserere mei!* Domine ut videam, ut videam te in æternum, ne sim inter cæcos æternum.

Quamvis verò etiam mi Deus! à merito redemptionis me unicum tanquam indignum. super quem effunderetur divinus sanguis tuus amoveres. & libro salvandorum deleres, tamen amarem te, desiderarem desiderare te. amare te, propter eundem te, prout & nunc scio incertus licet an amore, an odio dignus sim, & hunc actum
meum

meum continuo ac in æternum continuari cupio

Plus abbuc ultra dulcissime Amor meus me
resolvo & declaro, si voluntatis tuæ esset mihi
unico nutu significare me isto temporis momen-
to vivum cum corpore & anima ab inferni fau-
cibus absorbendum. & solum pœnas omnes da-
mnatorum (illis liberatis) æternaliter sustinere
debere: ah! horreo quidem & tremo secundum
naturam, tamen ex divinæ gratiæ motu, ad tuæ
voluntatis beneplacitum adimplendum statim
dicerem: *Dominus es quod bonum est in oculis tuis,
hoc facias.*

II.

Pactum cum Deo Viatoris.

Pactum sempiternum erit eis. Ezech. 37.

INter alia média ad finem prædestinationis con-
sequendum, est etiam hoc efficacissimum, cum
sæpius mente ad Deum evolamus. Nam frequen-
ter cogitare de Deo ac ex toto corde amare
Deum, est negotium maximum, & pretiosissima
omnino occupatio, quâ nihil nobilius etiam in
cælo agitur. Christus ipse Mechtildem (1. 3. c. 2.
spir. grat.) docuit optimum cordis negotium
seu occupationem esse, Deum toto corde feruen-
ter amare, & desiderare, atq; in meditatione
dulciter de ipso cogitare.

Expendet enerrima illa. & tibi quoq; (Deutor.
10.) à Deo dicta verba: *Et nunc Israel, quid Do-
minus Deus petijt à te nisi ut timeas Dominum De-
um tuum, & diligas eum ac servias Domino Deo tuo
ex toto corde tuo: Et Eccl. 7. idem nobis inculcat.
In omni virtute tua dilige eum qui te fecit. Ubi le-
gunt alij: In omni potentia tua, omni vi, omni
tempore,*

tempore, Deus & quod Creator, & quod summum Bonum ac ultimus noster finis sit, amari à nobis debet.

Notum est illud de mellifluo nostro Bernardo sibi sæpius dicente: *Bernarde ad quid venisti? Idem tibi dic: Ad quid existi de nihilo? ad quid venisti in mundum? ad quid creatus es ad quid natus? ut otio torpeas? ut cibo, potui, somno, voluptatibus te dedas? Pecori quod bonum est quæ natura eius est? nonnisi complere ventrem, dormire, gestire tale tu bonum quæris? coheres Christi quid gaudes, quia socius es pecorum? Duc in altum ad quid existi de nihilo, & venisti in mundum, ut Dominum Deum tuum laudes continuo, & reverearis. eiq; servias, tandem saluus fias.*

Mente revolve similia Augustini verba: ut amor Dei inte ampliùs excitetur, & crescat, considera diligenter, à quo, quare, vel ad quid, creatus sit homo. Ad laudandum Deum, ad serviendum ei, ad fruendum eo Ipse Christus hoc incitamento usus est dicens S. Brigittæ l. 1. c. 1. *dilige me ego creavi te: S. Chrysost. homo ideo factus est, ut Deo placeat,*

Beata Catharina Genuen: dicebat: *Ego sum creata ad amandum Deum & eum oblectandum. Eadem sæpiùs exclamabat! ô Deus! ô amor! ô Domine mi! cessa, cessa tantopere amare. Amor quo hanc creaturam amplecteris nimius. est, & ille quo te creaturæ diligunt, nimis exiguus.*

Audiamus Angelicam S. M. MgdaLENæ de Pazzis vocem, sic in æstu suavissimo exclamantis O animæ creatæ ad amorem, quare non amatis Amorem? Quid est Amor nisi Deus? ocquid est, quod nobilissimâ hâc occupatione feré

ferè neglectâ, nos amore rerum, amore nostro indignarum destinemus? Miratur etiam S. Philippus Neri, cum quærit: *potestne fieri, ut homo qui Deum credit, possit aliud præter Deum amare.*

Nec immeritò B. Petrus Card. Damiani Iuditham Virginem ab hoc laudat: *Iudith igitur divini aestuabat amoris in populosa urbe artifex, amor solitudinem reperit. Et Agneti Imperatrici scribebat idem: Mens humana intra silentium in amore Dei per ardorem spiritus inflammatur.*

Confidera quòd aliquando Deus dixerit Philippo Nerio in Metropoli orbis habitanti: *Philippe in urbe Roma tanquam in deserto vivendum est.* Id enim clarè docere erat, posse ubiuis locorum haberi illam cordis solitudinem, ita. ut nec impedire eam possint occupationes ex charitate susceptæ, neq; conversatio hominum, quam status cuiusq; exigit, & cui se hic sanctus ex instituto Ordinis sui impendebat.

Ut ergo inter mundanas varietates per amorem Dei, ibi nostra fixa sint corda, ubi, est finis noster, ac nihil sit in nobis vanum, nihil casu ac temere factum, sed quidquid est, sit actus humanus & supernaturalis, ac à nobis tendat ad Deum tali obsequio dignum, anima cum Deo inire fœdus societatis non trepider.

Deus dignatus est olim pactum inire cum homine, ac etiam ipsi mali sæpius pangunt fœdus cum inferno iuxta illud Isaia: *Cum inferno fecimus pactum,* quidni etiam nos cum cælo & Deo illud ineamus? Fiat hoc pactum coram Beatissima Virgine Seraphinis, & omni amantissimum Deum choro, per quos petamus gratiam, ut sicut pauper illa vidua dando duo minuta plus omnibus dedit, quia desiderabat dare, quidquid

quidquid diuites dabant, & plús, ita nos modicum id quod facimus, offeramus cum desiderio faciendi, quidquid gratissimum Deo esse potest.

Non tantum verò generatim omnia, sed exemplo S. Gertrudis minutim singula ut consecrentur, Deo consecres & offeras videlicet voces singulas, quas lecturus, characteres, quos scripturus, bolos, quos confecturus, verba, quæ prolaturus, gressus, quos facturus, authelitus omnes quos dormiens, vigilans, ducturus es. Hoc non tantum est Dei gratiam habere, sed cum gratia perpetuò operari.

Pactum Dominica.

Vnde mihi ut præsumam loqui ad Dominum meum, cum sim pulvis & cinis, imò verò execrabilis & abominabilis peccator? ignosce Domine, & fac mecum misericordiam tuam, ac simul dignare pactum amoris mei admittere, quo paciscor tecum.

Quoties hâc die, horâ, & quovis momento vitæ meæ dixerò: Benedictus Deus! vel Laus tibi Domine! ille actus sit interpres cordis & amoris mei, quo vellem tibi inclinare cælum terram, cum omni bus abyssis, ô Trinitas sancta! Trinitas supermirabilis, & superinenarrabilis, & superinaccessibilis, superincomprehensibilis, & superintelligibilis, exsuperans omnem sensum, omnem rationem omnem intellectum ac intelligentiam, omnem essentiam super cælestium animorum.

Toties volo omnia, quæ debentur tibi Deo nostro à creatura omni perfectione ac intensione, itè quæ tibi unquâ exhibita vel exhibenda sunt, & quæ à te ipso sunt, te comprehensivè cognoscente.

To-

Toties omnibus cogitatis, dictis, ac factis meis hoc nomen tuum Deus! seraphico quoque compendio complecti vellem. ac in hoc nomine Deus! collectas omnes infinitæ æternitatis laudes offerre.

Sæpe sæpius corde procidam ante te, aut dicet tibi lingua mea. Domine ego servus tuus! vel Dominus meus & Deus meus.

Toties agnosco te Deus meus principium meum, propterea toto animo & corpore te, prostratus, adoro. in centrum nihili mei, ac infra omnes me demitto, & Maiestati tuæ in persona cælestium, terrestrium, & infernorum inclino, omnes omnium creaturarum affectus assumo, ipsæque te colo, veneror, adoro, hancque adorationem in æternum continuare cupio

Toties corde protestor, quod si plures animas haberem. plures vitas, plura corda, adeoque infinita, ea omnia tibi in holocaustum lubens darem; & si ego pluries essem ego, adeoque innumerabiliter, quoties essem ego, toties pro te vellem esse.

Quoties signum Missæ vel elevationis Sanctissimæ Hostiæ percepero: tunc volo ac desidero conglobare ac congregare omnia omnium sacrificia, cultumque tui & omnes sacrificantium affectus & celebratorum usque ad diem iudicii, etiam à sacerdotibus novi orbis.

Toties compensare cupio omnes superstitiones & adorationes subtractas tibi Deo uni & vero, impenas lapidi & falsis, numinibus. Hoc eodem actu te mi Deus præfero, & ex alto appreciative super omnia, ac demum me scabellum pedum tuorum ac totum mundum tuis pedibus profunde subijcio.

Toties omnes pios affectus, quos unquam Iesus & Maria singuliq; electi tui elicuerunt, eliciunt & in æternitatæ elicient, tibi offero, quos universos approbo, ronovo, gaudeo, pro illis gratias ago, & tanquam meos tibi præfento, & in æternum continuo.

Quoties pectus percussit: aut dixerit. Peccavi Dominus! vel: pænitet me peccasse! Omne tunc odium detestationem, dolorem, omnes intensissimos compunctionis, contritionis, affectus assumo, quos unquam verè pænitentes, & sua vel aliena peccata deflentes elicuerunt, imò exhibitis etiam omnium actibus amoris alijsq; possibilibus, volo cum oblatione satisfactionis Christi, & eius actuum infiniti valoris, implere momenta actionum peccaminosarum.

Toties doleo, quod peccatores, præsciti, condemnati, & reprobi omnes te non diligunt, ô si exilis amor meus & minutus suppleret, amorem, odia & defectus illorum! ô si irritare, annullare, possem omne malum ab omni creatura commissum!

Toties doleo dolore Sanctorum & ipsius Beatissimæ indolentis ad offensas Dei, & hoc parum est, doleo dolore tuo Theandrico.

Quidquid cogitatione agitanero, quidquid de te dixerit, audiero, legerit: toties desidero suspirare ad te, atq; totis medullis cordium amare te, amare te cordibus, omnium hominum & Angelorum, mille obsequiis servire tibi, mille millenis laudibus delectare te, omnes guttas sanguinis mei mutare in corda, & immolare eadem tibi Deo meo igne amoris tui, ac demum omnes actus sanctissimos cuiusvis creaturæ intellectus ualis & possibilis, ad gustum tuum concentrare, in cor meum

Toties

Toties opto clamare die noctuq; Benedictus Deus! Te decet laus, te decet hymnus tibi bene dictio & claritas, honor, virtus, & fortitudo Deo nostro, in cælo. Eucharistia, ac ubiq; præsentia in sæcula sæculorum.

Non verò corde solo, non linguâ solâ te amo mi Deus, & ad te feror, sed omni gestu, omni passu, omni actu animæ meæ, omni motu corporis mei, omnia mea in holocaustum offero tibi. Tua hæc est anima, tuum corpus. Tuum hoc est caput meum, ut cogitem de te, oculi ut non videant nisi quod delectet te, aures, manus, pedes, & reliqua omnia, ut suis munis non alia de causa fungantur, nisi propter te. Tibi serviat omnis creatura tua, omnis cogitatio mea, omnia membra ac momenta mea.

Quia verò vitæ meæ necessitates & occupationes me non sinunt, huic semel expressæ intentioni actualiter semper intentum esse, idcirco cupio & declaro hanc meam oblationem toties pro renovata & actuali valere debere, quoties oculis in cælum aspexero, aut suspiravero: dicens: Renovo omnia: vel ô amor: ô Deus meus! vel qui d simile: protestando expressè contra omnes diabolicas tentationes, suggestiones fraudes: & contra omnes distractiones obliviones, cogitata, dicta, vel facta huic meæ intentioni & pacto contraria

Quæ omnia mea & totius mundi opera licet abiecta & inutilia sanguine Iesu aspergo, meritis Beatiſsimæ Virginis & omnium Electorum unio, in corde Iesu depono, ac per manus ipsius tibi Deo meo vivo & vero dono, offero confectum ad purissimum gustum tuum, ad nullum præmium meum, eo solo respectu, quia dignus es coli, laudari, amari, ac ideo, quia Deus meus es!

Pactum feria secunda.

O Corde toto mente tota, viribus totis, totâ animâ & fortitudine spiritûs corporisq; amabilis & amans bonitas amantissimi Dei mei nunquam cor ullum exhauriet te amando! nunquam tantum amabit quantum es amabilis, quantum amas, & quantum bonus es!

Ab æterno mi Deus fuisti! & ego te necdum amabam! sed amabas te! gaudeo, nunc ialtem effice, ut in æternum amem te tecum. qui ab æterno amasti te sine me, & me tecum. Utinam ab æterno incepissem amare, adorare, delectare te! Utinam nunc suppleam ea tempora omnia, quibus non amavi te, utinam, quamdiu fuero, amem te.

In manibus tuis tempora mea, ô Deus æternitas! serviant tibi, ament te, ancillæ horæ meæ ac ultimæ potissimum! Da mi Deus, ut nihil perdam temporis mei, sed illud impendam tibi, ac redimam horas meas, & momenta temporis infelicis, quo te offendi.

O alpha & omega temporum, ac rerum meorum omnium. Dies meus totus, est quoddam alphabetum vigin i quatuor horis, uelut literis totidem constans, è quibus variè compositis universum æternitatis meæ volumen colligitur: Fac tibi ex his horis, velut literis laudem tuam, orationem talem quotidie, qualis tibi maximè placet super omnia Deus meus! ut singulæ meæ horæ sint ad te, sint laudes tuæ,

Utinam in uno corde cordibus infinitis, per momenta singula sæculis in uno actu bono infinitis bonis actibus possim amare te Deus meus! ô si per possibile, impossibile liceret mihi hodie per æternum continuandam, Theandricam te

oragnam

dignam, statuerem gratitudinem & amorem tibi! O si maiestuoſo tuo honori impendere quovis ſuſpirio & reſpirio poſſe. quidquid ſupernæ mentes & electi tui impenderunt. impendent poſthac & ſi ſuperare liceret, in id pia æmulatione intenderem.

Utinam mi Domine! quotieſcunq; hoc tuum nomen Deus! mente, voce, calamo expreſſero, illa ipſius memoria ſit humillima. & cordialiſſima gratulatio. quòd ſis Deus! ſit deteſtatio peccatorum meorum & totius mundi quibus iniuria irrogata eſt à nobis tibi Deus! ſit effuſio cordis mei. quia amo te toto te!

Sit immenſum deſiderium meum, vellem omnium idololàtrarum atheorum, politicorum diſſidentium. & omnium te verbis vel factis negantium. & vacuum quoddam Dei nomen in ore gerentium malitiam fide mea, ſpe mea, charitate mea, æterna & exaggeratiſſimâ reverentiâ reſarcire! imò in perſona omnium dæmonum ac damnatorum, & omnium irrationalium creaturarum, procidere ante te, in omnibus locis adorare te, ita ut omne genu ſectatur, dum ſectatur meum.

Et quia Particeps ego ſum omnium timentium te, ideo quoties etiam orantes alios videro, aut Religioſos intentos tuis laudibus canentes & pſallentes audiero, toties verto me ad quatuor mundi climata, & clamo amoroſo affectu: Regna terræ cantate Deo. pſallite Domino! Benedicamus Patrem & Filium cum S. Spiritu, laudemus & superexaltemus eum in ſæcula: Laudent illum glorioſum, cæli & terra & omnis creatura quæ in cælo eſt ſuper terram, mare & quæ in ea ſunt, & laudent, & superexaltent eum in ſæcula.

Quo-

Quoties horologijs sonitus vel arteriæ meæ pulsus animaduersus à me fuerit: toties quidquid in toto orbe boni actum est, approbo & renovo: toties maiori, quàm unquam feruore spiritûs, millesq; & milles maiori ac maiori, proportionè illius ad purum gustum tuum, ad nullum præmium meum vellem mi Deus! te omni amre dignissimum, amare mille millibus cordium, millibus cogitationum suspiriorum, desideriorum, amore tuo, & igne feruentissimorum Seraphinorû.

Deus meus per omne quidquid in IESU, MARIA, in omnibus electis tuis; & in te ipso amas, offerotibi singula momenta vitæ ac mortis meæ, cum omnibus, quæ agam ullo sensu interno vel externo, ad summam super omnia gloriam tuam.

Eadem singula mea, & si tibi placet. Deus meus, omnium creaturarum opera tibi sacrifico, & illa coniungo cum omnibus meritis Christi. Beatissima. & Ecclesiæ triumphantis, aspergo illa Sanguine IESU.

Pactum feria tertia.

O Amabilissime Deus! tu es Dominus meus, & ego subditus tuus, quid iam imperas Domine? aliud nihil quàm amorem. O quale regnum Dei mei! in quo regit bonitas, in quo lex amor est, & amare tributum est, quàm bonus es mi Domine! cuius imperium amor est,

O amantium Rex! tantine est amor meus, ut nisi amem oderis me, & morte afficias me, eâq; eternâ? ita scilicet sum carus, ut tantis minis ad amorem me tui, id est ad felicitatem meam compellas. Quid possum aliud mi Deus, quàm amare te, non quia minaris, sed quia ex amore minaris?

Quæ verò est impudentia mea, si hoc unum cor

cor quod habeo, & id miserum; non totum a-
amori tuo impendam? non consecrem? nunquid
dignus sum tot infernis. quot in cælo stellæ
micant, si non totum cor meum, vitam & ani-
mam meam tibi dedicem?

Beati in cælo Deus meus videntes, potius pa-
terentur inferni flammæ, & omnes possibiles a-
lios cruciatus, quàm cessarent vel momento à te
amando.

Ac proinde mi Domine, siue saluandus, siue
damnandus sim, omni possibili modo te etiam
exnunc volo colere, amare, delectare. Nam si
ex misericordia tua, quod spero, salvabis me,
possumne tam bonum non amare? sin ob pec-
cata mea, adeoq; iustè damnabor, saltem tunc
amabo te amore dignissimum. Amo te non tan-
tùm quia bonis tuis me cumulas, sed etiam si
his retractis omnibus, malis nunc & in æternum
me subijceres te, amarem, quia te amo non tam
ob id, quod ego sum ex munere tuo, quàm ob
id, quod tu es ex natura tua.

Quoties igitur Vivens dixerò Paciscor, vel
Benedicam Dominum in omni tempore, aut quid
simile, tunc omnia excogitabilia & possibilia
amoris, honoris, laudis, glorificationis, ac servi-
tutis obsequia præstare, non attentâ etiam fu-
turâ mea damnatione, in æternum volo ac con-
stituo. Eo etiam pacto, ut me postea ad infero-
rum supplicia relegatum, præserues ab illo exi-
tiali dæmonibus ac damnatis infixio tui odio
blasphemij, ac maledictionibus rabiosis ac des-
peratis.

Hanc enim gratiam corde & corpore prostra-
tus, peto à te mi Domine! ut sicut ab omnium
beatorum cœtu iudiciorum tuorum relictus in-
finitis

finitis laudibus celebratur in cælis, ita si ego (stante tali & quidem æternum de me duraturâ dispositione) in profundissima illa voragine constitutus fuero, incessabili laudis & benedictionis præconio valeam, correspondere (etiam frendentibus contra me diabolorum & damnatorum cateruis) ita ut unus & solus ego in medio illius maledictæ cohortis, approbem, adorem, & laudem fines ac motiva rectissimorum iudiciorum tuorum, quibus me & omnes infernum meritis dampnasti, ac solus ego tot tibi benedictiones rependam, quot in te a ceteris maledictiones evo-
mentur.

Tu scis Domine desiderium meum, quia amo te, amo in vita, in morte, in æternitate, Ad unicum honorem, laudem, gloriam & gustum divinissimi cordis tui dono & offero tibi animam meam, cor meum, & corpus meum, cum univ-
ersis potentijs, membris, ac sensibus internis atq; externis? videlicet intellectu, memoriâ volun-
tate, visu, gustu, auditu, odoratu, & tactu, cum carne, ossibus, vita, sanguine, venis, arterijs, respirationibus, atq; gemitibus.

Omnes insuper cogitationes, verba, opera, gressus, gestus, motus, & singulos oculorum ictus, & nutus: deniq; omnes animæ & corporis functiones, usum, motus & operationes in vigilia, & somno, bonas & indifferentes; omniaq; temporis mei momenta: mortem meam, æternitatem meam, ac totum meum esse in natura, & gratia in obsequium servitutis, laudis, glorificationis amoris, ac beneplaciti tui tibi dedico.

Et hæc omnia, quæcunque per gratiam tuam sum dicturus, cogitaturus, & factururus, agere volo eodem affectu, spiritu, & intentione, quibus
Chri-

Christus filius tuus operabatur in terris. ita ut tibi omni actu respirio, ac suspirio, omnem laudem, cultum, honorem, & gloriam tribuam, quam tibi suis ille actionibus theandricis exhibuit.

Pactum feria quarta.

Quid petis à me Deus meus? audio suavissimam tuā vocē: Præbe fili cor tuū mihi: Ecce habes! tibi sponte & hilariter dono, quidquid mihi dedisti, cor, animam, vitam, sanguinem, intellectum, & voluntatem, meam.

Nolo cor meum nisi tuum; nolo amare nisi te, nolo vivere nisi in te & propter te, nolo sapere nisi te, nolo velle nisi te, jam tuus sum, non sum meus.

Quia verò mi Deus vivo ego, quasi non ego, sed tu vivis in me; utinam mi Domine, qui es omnia in omnibus, per quamcunq; hypotesin in me fungereris vice cordis, mentis, animæ, viri-ut, fortitudinis meæ, quàm bene ex toto corde, mente, anima viribus, fortitudine amarem te!

Omnia opera nostra operatus es in nobis Domine: (Isai: 20.) Tibi ergo sit unicè, tibi gloria ex me, non mihi. Tu ergo tui amorem in me operare. Tu te in me ama & hoc sit exaggeratissimum solatium meum! nam licet ego te amare non possum, quantum mereris, tu certe id potes, & vis, & facis semper, semper es in me, & in me existens, non minus amas: te, quàm existens in empyreo illo gloriæ tuæ throno.

Ament etiam & loquantur tibi oculi mei: quoties illis toto vitæ meæ tempore cælum asperoxero, toties desidero tibi offerre omnia illa cordium sanctorum desideria, quibus, accendebantur sancti, cum cælum aspicerent: toties offerre tibi

tibi desidero totum illum amorem, quo amaris in cælo à te ipso, à MARIA, & ab omnibus electis tuis. & desidero illis adiungi, ut amem: toties eo dilectionis ardore omne bonum volotibi, quo filius tuus suo divino humanoq; vult de tuo bono, gaudia ipsius gaudeo.

Amet te & benedicat tibi lingua mea; quoties illam movebo, toties vellem omnia membra mea convertere in corda & linguas ardentissimorum Seraphicorum, ut ament & laudent te: toties desidero loqui linguis omnium gentium, imò omnes guttas arenas atomos in choro, & cælos te laudantium convertere omnium Sanctorum, possibili affectu ac brachijs amoris te constringere, huncq; amorem & adorationem in æternum continuare.

Amet te cor meum, & amore tui ardeat, quia dignus es, ac simul dolore, quia offendi te, disrumpatur. O si in hoc actu amoris simul & doloris non immorer tantum, sed etiam immoriar! O si hoc instanti cor istud perfidum obrueret pudor, disrumperet dolor, Doleo millies, doleo infinities, quia ex toto corde diligo te o amantissime Deus! Ah! utinam optime Deus offense à me? utinam quidquid temporis, quidquid operæ, quidquid cordis impendi amandis alijs rebus, tibi unice impenderem.

Ament te omnes cogitationes meæ, & quoties illas ad te direxero, toties mi Deus mente procido ante te! pronus ac supplex adoro te, factorem meum, ego figmentum tuum, toties opto corde Iesu filij tui te laudare, per quem maiestatem tuam laudant Angeli, cum quibus laudo, & adoro cum Dominationibus tremo cum potestatibus, concelebro cum Virtutibus, amicum cum Seraphinis.

Ament

Ament te omnes respirationes meæ, sed ultima potissimum, dum expirabo, sit holocaustum amoris tuo & honori, sit gratulatio, sit compendium omnium bonorum actuum, qui unquam ab ullo vivente facti sunt vel fient, Nunc offero, & milles ac milles oblatas volo meas omnes respirationes usque ad ultimam, ad summam gloriam tuam.

Insuper quidquid dixero, quidquid cogitavero, & fecero, totum opto, ut tuum, ut & ad maiorem tui gloriam, cum omni pura & simplici ac deiformi intentione, quam unquam habuit Beatissima Virgo, & omnes sancti, & ipse Sanctus Sanctorum Redemptor noster IESUS CHRISTUS.

Desidero omnibus actibus ac operibus meis, ac totius mundi addere numerum & pretium infinitum, ac fines omnes, qui unquam in divina tua mente sunt optimi, ac augere numerum singulorum bonorum operum & intentionum bonarum quovis momento infinito quibus, à me vel ab ulla creatura honoraris. Imo opto singula, quæ facio ad supremum tibi placendi, seu intentionis eminentissimæ apicem elevare.

Pactum feria quinta-

Obscuro Domine si inveni gratiam in oculis tuis, liceat mihi pauca quærere, ô bonitas, quid est quod me ames, & sic ames, cum odisse me deberent omnes creaturæ? quid est quod amari cupis à me, inter amatores tuos me felix, qui indignus sum, qui sum inter dæmones servus eorum factus.

Imò verò præcipis bone Deus! ut te amem,
& nisi

& nisi faciam, minaris, an opus est his vinculis, ut ad tui amorem obstringar? an careo corde, quo te infinitum bonum amem? iam si amor amore compensari debet, quis amor amoris divino par esse potest?

Ab æterno amasti me, cum necdum essem aut redamare possem, mundum creasti & conservas etiamnum mei causa: Angelis mandasti, ut me custodiant, merces mea magna voluisti nimis, peccantem ad penitentiam & gratiam revocas, sed illud amabilius, quod volueris Deus Homo fieri, tam dira pati ac deniq; in cruce mori pro me, insuper vicinus morti corpus & sanguinem tuum in Sacramento reliquisti, pignus tui amoris admirabile.

O IESU plusquam amabilis! post tantum amorem non amabo te? aut non amabo te intensius, quàm aliqua tuarum creaturarum? imò in testificationem amoris mei, vellem omnes excedere te amando. Vellem omnibus actibus simul sumpris totâ æternitate elicitis, ac eliciendis aut uno aliquo illis omnibus, præstantiore eoq; in infinitum multiplicato & aucto te Deum meum colere, amare, & exhilarare.

Sit tibi satis Deus meus! amo te toto me, toto te! amo te millies omnibus momentis vitæ meæ, plus quàm me, plus quam satietatem animæ meæ, plus quàm ipsam beatitudinem meam in hoc morior: amo te!

Et quia magis ac magis opto amare te, hoc cum anima mea pactum in eo, quotiescunq; dixerò, amo te, paciscor, peto à te, laudo te, rogo ut intelligas omne id quod hætenus dixi, & quod ulla creatura & omnes in cælo in terra simul sumptæ tibi gratum egerunt, agentq; tanquam deo repetitum & millies approbatum, Obsecro

Obsecro ut intelligas. quia eo momento, quo ad te suspiravero, intendo tibi Domine omnes laudes dare & offerre quæ dantur & dari possunt, quovis modo, libris, voce, silentio admiratione, amore, obedientiâ, opere, quasq; tu ô Sanctissima Trinitas unus Deus tibi das in æternum & ultra

Opto tunc omnes actus meritorios & quicunq; tibi Deo meo grati fuerint, & erunt in Christo, in Virgine Beata, in Sacrificijs, Martyrijs, conversionibus animarum mortificationibus, elemosynis, actibus heroicis, approbare, ratificare, offerre, cuivis actioni includere, replicare in momenti & atomis rerum.

Quoties signum Missæ vel elevationis Sanctissimæ hostiæ percepero, toties in persona omnium hominum, quicunq; fuerunt, sunt & erunt, volo mi Deus procidere ante te. agere tibi gratias pro institutione huius Sanctissimi Sacramenti. Ubi vera fide credo, & profiteor te esse vivum Deum, & hominem sub speciebus panis & vini, per verba tua consecrativa, ore Sacerdotis, habentis intentionem agendi, quod tu egisti prolata Credo & profiteor, quod sit vera realis transubstantiatio panis in carnem tuam divinam, vini in sanguinem, remanentibus solummodo accidentibus panis & vini per tuam omnipotentiam.

Toties ago tibi gratias, pro abyssali, ac imperceptibili bonitate tua, quâ hoc Sacramentum tuum instituisti, ut in hac lacrymarum valle existentem, divinitatis tuæ quodammodo faceres participem. Gratias tibi pro stupenda, in æternitate revelanda, patientia tua, quâ tam execranda toleras à Paganis, idololâtris, hæreticis, ac malis catholicis.

Ac insu-

Ac insuper benedico te pro magnificentissima invisibili quidem oculis nostris, certissima tamen assistentia, quam præstant tibi in Eucharistico Sacramento beatorum spirituum ordines.

Eadem verò singula mea, & si tibi placet Deus meus omnium creaturarum tibi opera sacrifico, & illa coniungo cum omnibus veteris legis & novæ sacrificijs cruentis & incruentis, cupereque omnibus, quæ facta sunt, vel fieri possunt missæ sacrificijs interesse, omni omnium sacrificantium, eisque assistentium, adeoque ipsius, IESU & MARIÆ pietate.

Utinam etiam singulis momentis possem IESUM in Eucharistiæ Sacramento percipere cum illo apparatu, quo illum ulla unquam anima, vel re ipsa vel etiam desiderio accepit unquam! ac te Deus ipso corde IESU amare infinitis modis in infinitum

Pactum ferie sextæ.

O Deus! si me ad thronum illum gloriæ tuæ vel semel evocares ad te, ad unam quasi horam, quomodo istic ego, quā reverentiā me prosternerem, te adorarem, te amarem, veniam peterem. Ecce nunc idem es in me intimè, qui istic es, nec esse minor potes, da ergo, ut ita, uti tunc facerem apud te, hic adorem, amem, deprecer te, dum es apud me, in me.

Quia verò mi Deus tu idem es semper, ego verò tædio, alijs cogitationibus, ex alio in aliud eo ambulatoriā inconstantia voluntatis, adeoque non sum semper is, qui sum nunc, nec semper ita expeditus, ut de te cogitem, & excogitem actus, qui tibi placent exquisitæ ac profundæ humilitatis, contritionis, gratulationis, amoris,

amoris, intentionis, quâ vitam totam, ultimum vitæ punctum & ipsam æternitatem meam offeram tuæ divinitatis amori & honori æterno, illô modô, qui tibi maximè placet, nunc petita à te suppliciter veniâ, hoc tibi Domine de me certum esse velim.

Quoties respiratione aut motu cordis ad te suspiravero, vel hoc nomen tuum DEUS pronuntiavero, ille actus sit interpret cordis mei, quo vellem, ut nomen tuum pronuntiatum sit instar voluminis, vel bibliothecæ infinitæ continentis omnes actus placentes tibi: significetq; desiderium meum, omnibûs illis actibus, qui unquam fuerunt vel erunt tibi grati te amandi, laudandi, adorandi, gratulandi, pro te patiendi!

Quoties mi Redemptor amantissime! tuam imaginem aut crucem aspexero: toties supplex corde & spiritu procido ante te pro me Incarnatum, in horto orantem, ac sanguinem sudantem, positam in agone, ab Angelo confortatum, osculo Iudæ proditoris traditum, comprehensum, vinctum, per tot tribunalia tractum, tota nocte incarceratum, productum ad Pontifices, ferreâ militis manu colaphizatum, reum mortis condemnatum.

Procido ante te crudelissime flagellatum, dolorosissimâ spineâ coronâ redimitum, innocentem sceleratissimo Barabbæ postpositum, ad infame supplicium damnatum, extra portam Calvariæ locum cruce onustum protractum, vestimentis nudatum attritis clavis cruci affixum, felle & aceto potatum, tot blasphemijs illusum, pro crucifixoribus exorantem, capite inclinato expirantem, ex aperto pectore aquam & sanguinem, profundentem, ac demum de cruce de positum, novo sepulchro illatum. F Quoti-

Quotiescunq; signum Sanctissimæ Crucis fronti, ori, cordi impressero: toties gratias tibi ago dulcis JEZU quia cum potuisses propè infinities modo longè faciliori, genus humanum saluare, tamen elegisti, usq; adeo difficilem, plenum doloris & ignominiarum, usq; ad ultimam guttam sanguinis pretiosi in ara Crucis effusi.

Gratias tibi Domine, quia ab æterno ita dilexisti me (dum illo momento æternali & decreto ab æterno facto resoluiſti te, ut assumptâ naturâ humanâ in personam Verbi, hominem, DEUS factus homo à peccatis redimeres, mortis chyrographum deleres) ut si totum genus humanum esset immune à peccato nec ullâ egeret redemptione, & solus ego ac unicus prævaricator essem, tu pro me solo, vitam & sanguinem æterno Patri exposuisses.

Quoties mediator efficacissime, de tua passione, sanguine, mortè, dixero. audiero aut cogitavero vel scripsero: toties in persona omnium Ethnicorum de te nescientium, aut scire notentium, in persona omnium in peccato mortali existentium, ac demum omnium Schismaticorum Hereticorum, Persarum, Iaponiorum, Turcarum, Sinenſium & quicunq; infideles sunt & erunt ad orientem & meridiem ad occidentem & septemtrionem, ac demum nomine cælestium, terrestrium, & infernorum adoro veneror & exalto te ab his omnibus adorari & exaltari cupio. dignus enim es Domine ut à toto mundo adoreris & ameris in æternum.

Quoties mi DEUS! tua recolendo beneficia, cor meum intra me incaluerit, aut ad te suspiraverit: aut lingua dixerit: ô mi DEUS! ô amor! quid retribuam tibi pro omnibus, quæ tu tribuisti

buisti mihi? toties cupio millies millesies in mille dividi partes, & tot millenis cordibus te amare: toties opto omnibus omnium quæ a te creari possunt, cordium viribus & amoribus, ad te ferri.

Imò toties libentissimè cor meum totum transcribo, cedo, dono, ut iam non sit meum, sed tuum cor; ut iam nihil sui aut mei amoris habeat, sed tantum tui; imò, ut iam non tam ego te amem, quam tu ipse te corde meo ames. iam non meo O ama, ama te illo ardentissimè! Creator meus, & omne bonum meum, ama te quia dignus es, utere illo ad omne arbitrium tuum, posthabito omni arbitrio meo, quod in tuum transfero, & cuius tibi clauem, insq; omne permitto, resigno, trado.

Hæc omnia & singula tibi mi DEUS offero in unione perfectissima, & inseparabili omnium sanctissimarum cogitationum, verborum, operum, actionum, virtutum, laborum, dolorum, passionis, mortis, & effusi pretiosissimi sanguinis, de vivifico & amabilissimo latere & corpore tuo.

☉ *Pactum Sabbathi.*

HÆc est voluntas tua, tuo Bernardo dicente ac revelante Deus, qui nos totum voluisti habere per MARIAM, ut illam totis medullis cordium, totis præcordiorum affectibus veneremur. Fiat voluntas tua mi DEUS! da quod iubes, da ut illam tuo exemplo amem, qui illam adeo honorasti, da ut illam plùs amem, quam illam oderint omnes diaboli, & omnes hæretici, omneq; inimici tui.

Indignus quidem sum Virgo Beatissima ego peccator homuncio, ut labijs pollutis loquar de

te & colam te. Fac me tamen obsecro saltem unum de mancipijs tuis. Summa felicitatis meæ hæc est, esse aliquid tui. En habere me corde & corpore prostratum tuis pedibus! calca hunc aspidem, quia tibi dictum est: super aspidem & Basiliscum ambulabis, De meo scriptum accipio: Ipsa conteret caput tuum.

In signum ergo perpetuæ servitutis meæ & amoris mei, liceat mihi nunc vobiscum ô IESU, ô MARIA, perpetuum inire pactum.

Quoties de tua MATRE loquendo, scribendo dixerò, Domine gratias ago: toties pro omnibus donis naturæ, gratiæ, gloriæ. Virgini Beatissimæ concessis laudo & benedico te, quam immaculatè concipi atq; nasci, licet generis nostri filiam, omnipotentis imperio tuo iussisti ac voluisti.

Gratias tibi SS. Trinitas pro decreto redemptionis humanæ à te facto, idq; per Incarnationem Verbi æterni. Pro eo, quod DEUS Verbum suscepturus hominem non horruerit Virginis uterum, sed cum novem mensibus diebus ducentis septuaginta sex eundem inhabitare dignatus sit, similis per omnia nobis factus est.

Gratias liberalitati tuæ mi DEUS! pro omnium donorum thesauro, quem in Sanctissimam purissimam ac pretiosissimam Matrem tuam effudisti, præcipuè pro amore illo, quo eandem amas, pro omni dignitate in cælo & in terra, & quid quid miraculorum, imaginum, librorum est, quidquid illius honori fiet vel factum est unquam, ac pro beneficijs orbi universo per MARIAM concessis ac destinatis.

Quoties de te Virgo Beatissima dixerò, aut imaginem tuam aspexero, aut alios loquentes de te audie,

te audiero: toties credo ô veritatis Mater MA-
RIA, quidquid de virtutibus, gloria, beneficijs
tuis revelatum unquam, aut credibiliter asser-
tum fuit. Speciatim verò credo te DEO magis
placere, atq; apud eundem preces tuas plus pos-
se, quàm omnium electorum simul tam Ange-
lorum quàm hominum. Credo tefolis tuis pre-
cibus in cælo pro animabus purgatorij fufis à
purgatorio eas liberare, & pœnis illarum mitiga-
re. Credo dolorem tuum in passione filij omni-
um Martyrum tormentis intensiorem fuisse. Cre-
do te cum glorioso corpore in cælos assumptam
Filio tuo proximam exorare, quidquid oras.

Quoties te salutavero & dixerò: Ave gratia
plena. Rogo clementissima, purissima, ut intel-
ligas ac si dicerem.

Ave ancilla Trinitatis humillima.

Ave Maria præelecta Dei patris Filia sublimis-
sima.

Ave Maria Sponsa Spiritûs S. amabilissima.

Ave Maria Mater Domini nostri Iesu Christi
dignissima.

Ave Maria sponsa Sanctissimi Ioseph castissima

Ave Maria Soror Angelorum pulcherrima.

Ave Maria promissa Prophetarum desiderati-
ssima.

Ave Maria Regina Patriarcharum gloriosissima

Ave Maria Magistra Evangelistarum veracis-
sima.

Ave Maria Doctrinx Apostolorum sapientis-
sima.

Ave Maria confortatrix Martyrum validissima.

Ave Maria fons & plenitudo Confessorum sua-
vissima.

Ave Maria honor & festivitas Virginum iucun-
dissima.

Ave

Ave Maria consolatrix vivorum & mortuorum promptissima.

Ave candidissimum liliū, fulgidæ semperq; tranquillæ Trinitatis, rosæq; præfulgida calicæ amantitatis, de qua nasci, & cuius lacte pasci, Rex cælorum voluit.

Cupio te revereri omni eâ reverentiâ, cuius es capax, quâ te in terris honoravit Filius tuus obedienter tibi subditus, quam idem tibi exhibet etiamnum in cælo, quam exhibent omnes pijs tuis imaginibus præcipuæ miraculosis, in toto orbe aut nomini, & exhibebunt in sæcula.

Laudo te omni illâ laude, quam tibi exhibuit in terra & in cælo Filius tuus Deus: omni laude quâ te unquam laudarunt devoti tui, seu verbo, seu scripto, & quâ laudabunt te in omnem æternitatem, tum illi, tum omnes Angelorum chori, & quâ te laudarent singulæ maris guttæ, terræ pulvisculi, herbulæ, arbores, si linguam & loquendi facultatem haberent.

Saluto te ex affectu Gabrielis Archangeli, omnium cælestium spirituum & electorum Dei, omnium qui te iam salutarunt, salutant, & salutabunt, imò vellem salutare corde & ore filij tui, modo tibi gratissimo mibiq; possibili te saluto, ac in persona omnium cælestium, terrestrium, & inferiorum antete Dei Matrem procido. Affectus, & amores, ac honores omnes tuos approbo, de illis gaudeo.

Quoties dixerō amo te toties ita te diligo ô dilectissima Deo & hominibus MARIA, ut paratus mihi videar gehennam pati prius! quam culpâ mea minimum gloriæ tuæ detrimentum pati. Desidero amare te si fieri posset, amore quo te amat SS. Trinitas, humanitas tui IESU, quo
omnes

omnes Angeli hominesq; te amant vel amabunt, desiderando, ut orbis terrarum universus te no-rit, amet, colat perfectè, etiam si ad hæc tibi pro- curanda, sine spe ullius præmij deberem pati in- gentia, & mori milles.

Quoties dixerò: offero tibi; toties ô Domina mea, me in tuam benedictam fidem, ac singula- rem custodiam, & in sinum misericordiæ tuæ, hodie & quotidie, & in hora exitus mei, animam meam, & corpus meum tibi commendo, omnem spem meam & consolationem meam, omnes an- gustias & miseras meas, vitam meam, & finem vitæ meæ, tibi committo, ut per tuam sanctis- simam intercessionem, & per tua merita omnia mea dirigantur & disponantur opera, secundum tuam tuq; filij voluntatem.

Omnes hæc, ac indifferentes actiones meas, & totius mundi, ad tuam gloriam mi Deus offero, ut omnia & singula vitæ meæ ac mortis momen- ta, fiat mihi, tibiq; æterno solatio IESU & MA- RIÆ æterno honori, & amor, in felici beato- rum Angelorum æternitate.

De cultu Magnæ DEI Matris.

Inter omnia DEI creata, nihil est DEI Matre excellius. Hæc est enim honos totius creature & præcipue generis nostri, quæ nec primum similem visa est, nec habere sequentem ait S. Bernar Hæc est, qua minus est, quidquid sub Deo magnum est. S. Anselm. Si ergo Deum amas, & semper plus amare vis, ama etiam id quod maxime amat DEUS Ergo post DEUM æstima, ama cole, super omnia Virginem, Sicut enim DEUS summè collendus est, quia sumè bonus & dignus est ita, unumquodq; aliorum, prout magis minusve ad primam bo- nita-

nitatem dignitatemq; accedit, æstimandum. & observandum est.

Hæc enim dignissima Mater DEI, est advocata, Patrona & Mater nostra, tam pia, tam potens, ut omnem ad eam conversum & ab illa respectum impossibile sit perire S. Anselm: Imo nullus est qui saluus fiat, nisi per hanc Sanctissimam: nemo est qui liberetur à malis, nisi per hanc purissimam; nemo cui celeste donum conferatur, nisi per hanc charissimam S. Germam.

Si à dæmone infestaris, si criminum immanitate turbatus, iudicii horrore perterritus, tristitiæ & desperationis barathro incipis absorberi, cogita MARIAM, MARIAM invoca. Si Filij DEI in hac vita gratiam & consolationem ambis, eiusdemq; aspectu in vita altera beari quæris, Matrem, honora. Si demum corporalibus premeris necessitatibus, & quibuscunq; in hoc oceano iactaris fluctibus, respice stellam maris. voca MARIAM. Suadet S. Bernar.

Deinde SS. Doctores censent, puciliarem devotionem erga Beatissimam Virginem MARIAM, probabile admodum prædestinationis seu electionis esse signum. Ita expressè S. Bonav: in speculo Virgi: Qui dignè coluerit illam, iustificabitur, & qui neglexerit illam, morietur in peccatis suis. Reddit rationem S. Bernardus; Quia quando pro homine peccatore exhibet Filius Patri latus & vulnera, Mater Filio pectus & ubera, non potest fieri repulsa, ubi tot concurrant charitatis indicia. Nec tamen illibati aut felices statim dici debent, qui leve aliquod obsequium Virgini Beatissimæ impendunt, & mores eius, vestigia & virtutes imitari negligunt. tales enim non incongruè, qui quôtidie peccata peccatis accumulunt, & Virgine

nem

rem aliquibus colunt precibus, assimilari possunt Philistæis, qui genu unum coram Arca Domini flectebant, alterum coram idolo Dagon.

Affectuosæ salutationes Virginis Beatissimæ.

Saluto te humillimè Domina mea clementissima, purissima. Quæ es ab æterno Patre in filiam electa ante sæcula; à DEI Filio electa in Matrem, à Spiritu Sancto electa in sponsam. Promissa & expectata à constitutione mundi. Impetrata precibus steriliū parentum, concepta citra omnimodam labem, ab omni actuali peccato præservata: Omnibus virtutibus maternitatem divinam decentibus exornata. Nata ad orbis decus & salutem: insignita Sacro nomine **MARIÆ**, decimo quinto die à natali.

Lando & glorifico te Sanctissima Virgo, quæ es Stimula in templo oblata, Virginitatem prima voto firmans. Vitam in templo cælestem agens usq; ad 14. ætatis annum. Purissimo Patriarchæ Josepho cælitus in sponsam data A Legato supremæ **TRINITATIS** submissee salutata & compellata. Responso pudoris atq; obedientiæ pleno tuum assensum exhibens. **DEI** Filio grvida facta. Elisabetham invisens, & Baptistam necdum natum implens divino spiritu. Pro sponsi angore ad virginei uteri tumorem stupentis piè sollicita A **JOSEPHO** divini arcani conscio facto longè magis dilecta magisq; culta.

Ave **MARIA** expectans & desiderio desiderans horam salutaris partūs. Bethlehemum veniens & ab omnibus diversorijs exclusa Sanctam spelun-

speluncam DEI ortu nobilitandam reverenter
subiens. Nixa Virgineis genibus ad orandum,
altaq; imminentis Mysterij contemplatione sus-
pensa Virgo quem genuisti, adorans & ample-
ctens. Sitibundum parvulum Hominem DE-
UM lactans. Hebræorum Pastorum pietati o-
fresso recens nato Messia, satisfaciens Circum-
cisi Puelli gemitibus ingemiscens. Nomen IE-
SU imponens, idq; cum summa veneratione
pronuntians. In barbaris Regibus Natum ado-
rantibus gentilis ecclesiæ primitias comiter exci-
piens.

Procido ante te, Virgo Deipara purganda le-
gali rieu templum ingrediens, & Primogenitum
tuum offerens. Dans IESULUM Simeoni am-
plexendum ac funestas vaticinat ones audiens.
Fugiens in Ægyptum, dum innocentes obtrun-
cantur Rediens post septennale exilium in Pale-
stinam Commorans in Nazareth & tanti Pueri
divino contubernio fruens. Subtractum sponte
Filium duodenem sollicitè vestigans. Post tres
dolore plenos dies, repertum in templo Filium
una abducens. Charissimo Sponso JOSEPHO
morienti, oculos claudens. Primum miraculum
in nuptijs Canæ à Filio impetrans. Filium Apo-
stolicis laboribus occupatum assidue affectans,
eiusq; divinas conciones observans.

Amo te, clementissima ac purissima Virgo Fi-
lium dilectissimum ad carnem ultimam & mor-
tem properantem supremum salutans. Compa-
ssa Filio comprehenso, à discipulis deserto, per
varia tribunalia raptato, flagellato, spinis co-
ronato, iniquissime condemnato Occurrens Fi-
lio crucem bajulanti & ad Calvariae montem
succeedenti. Audiens crudeles ictus malleorum,
Spectans.

Speſtans Filium latrones inter medium penden-
tem, Ioannem tibi à Filio commendatum acce-
ptans, & in Joanne nos omnes. Filium DEI ac-
tuum in medijs doloribus exſpirantem intuens.
Cernens Filio iam mortuo lanceâ latus aperiri.
Depoſitum è Cruce ſancto gremio dolenter ex-
cipiens. Tumulo, divinum Corpus inferens, tum
in mæſtam cubiculi ſolitudinem te abdens.

Sis in æternum benediſta MARIA Redivivi
Nati conſpectu & amplexu prima exhilarata.
Filium cælos penetrantem contemplata. Spiri-
tum ſanctum tibi atq; Apoſtoliſ ſuperſuſum ex-
cipiens, Inter Apoſtolorum Miſſas Filij cruen-
tam mortem incruento ſacrificio recolens Fili-
um ſæpè in Euchariſtico Pane præſertim Ioan-
nis manibus ad Materna viſcera revocans Soli-
cita de fidei propagatione & populorum conver-
ſione ad fidem, curam gerens ſub vitæ mortaliſ
finem ad Filij perpetuum in cælo conſpec-
tum, ardenter aſpirans ſuaviſſimè in mortis ſo-
mnum connivens ex Sanctiæ amoris vehementiore
impetu. Exequijs celeberrimis Apoſtolorum Vir-
gineo feretro ſuccolantium humeris elata E tu-
mulo excitata, corpore & animo glorioſa in cæ-
lum cum triumpſo illata. Coronam ſupremæ
potèſtatiſ accipiens ab æterno Patre.

Brevior ſalutatio Beatiſſima.

Ave MARIA gratia plena Dominus tecum.
Ave Filia Dei Patris, Ave Mater DEI Filij,
Ave Sponſa Spiritûs Sancti Ave templum to-
tius SS. Trinitatiſ In Patris potentia, Filij ſa-
pientiâ, Sdritûs S. gratia, SS. Trinitatiſ effica-
cia; ex affectu Gabrieliſ Archangeli. omnium
ac ſingulorum cæleſtium Spirituum & electo-
rum

rum DEI, corde & ore Filij tui: modo tibi gratissimo. mihiq; possibili te saluto.

Beatam te dicant omnes generationes, & magnificent in æternum, quia te Ancillam humilem respexit DEUS, ac fecit tibi magna qui potens est, ut esses Mater DEI, Regina cæli Domina mundi.

Concludo oratione S. Bernardi.

serm. 2. de aduentu Domini.

PER te accessum habeam s ad Filium ô benedicta Inventrix gratiæ, Genitrix vitæ, Mater salutis: ut per te nos suscipiat qui per te datus est nobis. Excuset apud ipsum integritas tua, culpam nostræ corruptionis & humilitas DEO grata, nostræ veniam impetret vanitati Copiosa charitas tua, nostrorum cooperiat multitudinem peccatorum, & sæcunditas gloriosa sæcunditatem nobis conferat meritorum Domina nostra, mediatrix nostra, tuo Filio nos reconcilia, tuo nos Filio commenda tuo Filio nos repræsenta. Fac ô benedicta per gratiam, quam invenisti; perprærogativam, quam meruisti; per misericordiam quam peperisti: ut qui te mediante, fieri dignatus est participes infirmitatis & miseræ nostræ, te quoq; intercedente, participes faciat nos gloriæ, & beatitudinis suæ. **IESUS CHRISTUS** Filius tuus, Dominus noster, qui est super omnia DEUS benedictus in sæcula Amen.

Actus gratitudinis ad finem septimanæ eliciendi.

Quid retribuam tibi Domine, pro omnibus quæ hisce diebus, & omnibus momentis vitæ meæ

meæ tribuisti mihi? quid merui, quia inter tot
milliones hominum quos pro uno solo pecca-
to, alios pro paucis admodum, iusto iudicio
tuo damnasti, æternis pænis addixisti, à Tu
visione beatifica elongasti, mihi post tot innume-
ra peccata, abyssi deceto, ad respiscendum
pænitentium, spatium ad usq; hodie, ad id mo-
mentum misericordissimè contulisti?

Quid pro bonis publicis & privatis, pro con-
servatione, cooperatione, & gubernatione omni-
um creaturarum retribuam? Quid pro bonis
operibus, verbis, cogitationibus, te donante à
me conceptis referam, quippe qui nihil boni
cogitare possum, nisi te largiente! Quid pro au-
xilij & inspirationibus tuis? O Domine pro his
omnibus sis benedictus in æternum.

Quid autem pro his omnibus reddidi tibi: E-
heu! reddidi mala pro bonis, quia toties ausus
sum gravissimis peccatis meis te offendere, te
contristare O utinam ea nunquam commissem,
non corde, non ore, non opere.

O amabilissime DEUS! amorè tui solius, odii,
execror, & abominor omnia ab annis adolescen-
tiæ meæ, usq; in hanc horam commissa facino-
ra mea, ac totius mundi, specie diversissima,
qualitate infanda & pudenda, quantitate im-
mensa, frequentatione assidua numero inexpli-
cabilia malitiæ autem gravitate per omnem æter-
nitatem & mille inferno inexpressibilia.

O si præ infiniti doloris & contritionis ma-
gnitudinæ, propter hos enormissimos excessus
meos perpetratos contra te, cor meum intra me
colliquefieret ô si mi Deus eadem peccata mea
& me, in pulverem & in nihilum redigeres, eo
præcipue motivo, ut infamis & infernalis ille
chara-

character, macula, & offensa, oculis infinitæ bonitatis tuæ in æternum ampliùs non appareat, sed maneat oblitterata ac funditus extincta.

Ac demum in suppletionem amoris & laudis, quam tibi ut debui non impendi, offero tibi mi Domine, innovo omnia obsequia iustorum, omnes devotiones, ieiunia, vigilias: omnem pænitentiam, mortificationem & austeritatem Religiosorum: omnia vota, omnes cultus adorationes, & omnia SS. Missæ Sacrificia ac demum si quæ facta sunt Martyria. Offero tibi incendia amoris omnium Angelorum omnes laudes Sanctorum totius triumphantis Ecclesiæ. Hæc omnia quasi mea essent, dono tibi, offero.

Suppleo omnes defectus meos sanguine Domini mei, meritis Beatissimæ & Sanctorum omnium.

III.

Docet Viatorem semper & ubiq;^q
DEI sui meminisse.

*In omnibus vijs tuis cogita Dominum &
ipse diriget gressus tuos. Prou. 3.*

Viator aspirans ad Patriam, ne erret in terra deserta in via & in aquosa, semper ambulet coram Deo, & cogitet DEUM sibi intime præsentem: quia in Deo vivimus, movemur, & sumus.

Unde nos admonet S. Bonav Attende ut quid quid agas, & ubicunq; steteris, & quibuscunq; negotijs impliceris die ac nocte, omni momento & hora DEUM semper habeas in memoria, credens

credens & cogitans te esse vere coram eo & ipsum cogita te ubique aspicere Hæc autem cogita cum magna reverentia ac timore pariter & amore.

Quidquid semper operor (inquit S. Aug: c. 14. soliloq) *tu pariter semper præsens ades, ut potè perpetuus inspector omnium cogitationum, intentionum, delectationum & operationum mearum.* Idem ser. 46. de verbis Dom: Ipse timendus est in publico, ipse in secreto? procedis? videris. Lucerna ardet? videt te. In cubile intras? videt te. In corde versaris? videt te si peccaveris. quære ubi te non videat, & fac quod vis S. Franciscus Xavierus) Mansi disc. 8. - n. 1.) dicere solebat: *ubicunq; fuero, meminero, me in orbis terræ theatro celestis Regis & superum oculis versari.*

Præliantes nos, & fidei congressione pugnantem spectat DEUS, spectant Angeli, spectat & Christus. Quanta est dignitas, quanta felicitas, præsentem DEO congregari & Christo Iudice coronari! S. Cyprianus ep. ad Tiburt. Ergo non tam sæpe respirare oportet, (concludit S. Gregorius Nazian.) quam DEI sui meminisse. DEUS enim continuo & continenter nobis benefacit.

Certè continuo. DEUS benefacit, quia per eum nobis terra stat, fluit aqua, diffunditur aer, ardet ignis, lucet sol, cælum vertitur, nobis bruta animalia vivunt, serviunt Angeli. Verbo quæcunq; sub visum, gustum, odoratum & tactum cadunt, omnia munera tua comperies, quibus DEUS te pascit cum esuris, potat cum sitis, operit cum nudus es, fovet cum frigores, reficit cum deficis, sanat tum ægrotas.

Unde est summa infelicitas hominis, quod raro præ oculis Authorem bonorum habeat, quod

quòd in huiusmodi actione supinè negligens sit, periade ut bruta pisces. cum in mari vivant, moveantur. & sint, se tamen ibi vivere & moveri & esse ignorant.

Expende tecum, quia tu in mente Dei ab æterno eras. & iam te amabat, ac tibi beneficia destinabat. Sit etiam Deus in mente tua. Tobias Filio suo (Tob. 4) dicebat: *Audi fili mi verba oris mei, & ea in corde tuo, quasi fundamentum construe. Omnibus diebus vitæ tuæ in mente habeto Deum.* Sit hoc fundamentum vitæ tuæ Spiritualis, ut præsentis Dei memor in mente habeas Deum, qui te in mente habuit ab æterno. Nunquam fuit Deus, quin te amaverit. Et tu quando incipies amare DEUM? Vel iam serio incipe, ita ut qui ab æterno illum amare non potuisti iam nihil amittas temporis, quo eum non ames.

Et sicut nullum est momentum, quo homo non utitur vel fruitur bonitate ac misericordiâ DEI, sic nullum debet esse momentum, quo eum non præsentem habeat (inquit S. Bernardus) in memoria Sicut enim assidue respiramus, ita deberemus amare assidue ac orare Est qui putet (inito numero) se intra horæ spatium millies centies & ferè quinquagesies respirare. Toties corde saltem orandum esset, ac tot actus amoris ergâ DEUM edendi essent, si id fieri posset.

Est & summè periculosum homini non meminisse DEI sibi præsentis, quia sicut pisciculus ex aqua extractus mox perit & moritur, ita homo ex DEI præsentia per oblivionem egressus, necesse est. ut subitè pereat. *Non est, ait Propheta, Deus in conspectu eius (ideo) inquinatus sum*

ita illius in omni tempore, ideo homo sine præsencia DEI sæpius in gravissima ruit, & labitur peccata, in mentis cæcitatem, cordis obstinacioritatem, ac demum cæco impetu ruit in præcipitium infernale. Nam sine præsencia DEI homo fit, aut per luxuriam velut bestia, aut per superbiam velut dæmon.

Idem nobis inculcat Clemens Alexandrinus, lib. 3. de Pædag. c. 5. *Hæc solum ratione fit, inquit ille, ut quis nunquam labatur, si Deum sibi ipsi semper adesse existimet.*

Susanna ad adulterium invitata dicebat: Dan. c. 13. *Meliùs est mihi incidere absq; opere in manus vestras, quam peccare in conspectu Domini. Hoc remedio S. Paphnucius Thaidem meretricem sanavit.*

S. Ephrem Syrus in cella sua herbas quasdam legens & mundans, vidit lascivam quandam feminam per fenestram cellam suam introspectientem; quæ, ut illum ad illicita permoneret, interrogavit eum, an quidpiam ei deesset; qui respondit illi calcem sibi deesse, & lapides, quibus fenestram illam obturare, & claudare posset. Petulans verò mulier non cessabat verborum blanditiæ illum sollicitare ad illicita, protestando, quod inde recessura non esset, nisi eius obtinuisset consensum, Cui Ephrem respondit: Agedum igitur, contentus sum & condescendo tecum ad peccandum, cum hac tamen conditione, ut in potestate mea sit eligere locum, ubi pessimæ tuæ cõcupiscentiæ satisfacere possim; locus autem hic alius non erit, præterquam urbis Edessæ publicum forum. Cumq; illa hunc locum repudiaret eo, quòd tantam pollet subire confusionem, in conspectu omnium homi-

hominum peccando: S. Ephrem confestim subiunxit: Tu hominum times præsentiam, nec tamen in conspectu Angelorum, imò ipsiusmet DEI verecundaris? an ignoras DEUM ubiq; locorum præsentem, cunctorumq; operum tuorum spectatorem esse? Quæ verba, impellente cor eius Spiritu sancto, eam ad compunctionem veramq; perduxerunt pœnitentiam, adeo, ut deinceps castam omnino sanctamq; egerit vitam Mansi n. 2.

Iugis præsentiae DEI memoria est compendium. & summa perfectionis in hac vita; Deicit ipse Deus Abrahamum (Gen 17.) hanc veritatem dicens illi: *Ambula coram me, & es perfectus.* Maximè placuerunt DEO illi servi DEI, ob memoriam præsentiae ipsius, qui sunt reservati ad certamen cum Antichristo, hoc de illis refert scriptura. *Ambulavit Henoch (Gen. 3.) coram Deo.* in ore Eliæ, hoc frequentissimum fuit, intuenso mentis oculis semper præsentem DEUM: *vixit Domini, in cuius conspectu flo.*

De Pretiosissima Filij DEI Matre innuitur in Canticis: *Ego dormio, & cor meum vigilat c. 5.* Quæ verba multi SS. Patres explicant de B. Virgine, dicantq; eam etiam in somno DEI memorem fuisse. Unde pluribus Sanctis revelatum est, quod B. Virgo integras fere noctes orando. & meditando traduxerit, ut adnotat Cornelius in hunc locum. Et S. Bernardinus ait tom. 2. ser. 51. Somnus, qui abyssat, & sepelit in nobis rationis & liberi arbitrij actus, & per consequens actum merendi, non credo, quod talia in Virgine operatus fuerit. sed anima eius libere ac meritorio actu tunc tendebat in DEUM. Maximam utilitatem viatori adfert divina præ-

præsentia. præcipue verò quia nos arceat à gravioribus peccatis, puritatem cordis adfert, & in timore DEI conservat.

Sanctus Antonius Abbas cum in fine certaminis cum dæmone habiti dixisset: ubi eras o bone IESU? Dominum sibi respondentem audivit. Hic eram, sed expectabam videre certaminem tuum Mans, die 3. n. 8. Idem sanctus habendo quovis tempore præ oculis semper intime sibi præsentem DEUM, insigne pudoris exemplum reliquit, qui Lycum flumen vado transmissurus, cum nudandi essent pedes. iussit Theodorum vitæ comitem longius à se abesse, sed ne hoc quidem pudori eius facto satis fuit. siquidem ipse aliquid sui nudum videre erubescens, veste se exuere non potuit: Id quàm superis gratum esset, DEUS miraculò testatus est. qui famulum suum unò momentò in aliam ripam patrem intactâ aquâ transuexit. S. Athan invita.

Simile patet exemplum pudicitie in melliflugo nostro Doctore S. Bernardo: Contigit, ut Bernardus adhuc adolescens apud Matronam quandam hospitaretur. Considerans mulier adolescentem decorum aspectu, capta est laqueo oculorum suorum. & in concupiscentiam eius exarsit. Cumq; adolescens quiesceret, surgens ipsa de nocte impudenter accessit ad eum, quam Bernardus sentiens, nec consilij inops exnunc clamare cepit. *Latrones, Latrones.* Et ita usq; tertio improba mulier fuit repulsa. Quoniam hic invictus Heros scutò munitus de carne. & diabolo tam generose triumphavit? certe scutò divinitus præsentie. Et verò quis coram Iudice præsentie peccare audeat?

Huc spectat Innocentius tertius (l. 3. de cont.

mundi c. 14.) cum ait: Quis .non timeat Iudicem potentissimum, sapientissimum, iustissimum? potentissimum; quem nemo potest effugere; sapientissimum, quem nemo potest latere iustissimum, quem nemo potest corrumpere? iuxta hæc, quis est, qui videns talem potentiam, tam magnum Dominum offendat?

Deinde præsentia divina in nobis flammam divini amoris succedit. *Vis DEUM amare?* quaerit S. Thom. op. 61. c. 2. & respondet: *Prius oportet cognoscere.* Summum delectabile oportet præapprehendere cogitando, ut possimus diligere appetendo. Vide ergo intellectu semper DEUM, ut concipias affectu. Ad maiorem in dies, & momenta flammam amoris divini concipiendam ex continuo obtutu quasi præsentis DEI. S. Mariæ Magdalænæ de Pazziis frequentissimum fuit, cursare per domum obvias Sorores apprehensâ dexterâ ardentibus verbis ad amorem DEI excitare, hortum ingredi, spatia citato gressu conficere identidem succlamare: O amorem! ad aris campani turrim accedere, illudq; totis obnixè viribus pulsare, cum illis vocibus: Excitemus mortales omnes, ut amorem hunc ament. O amor! si mihi ferrea vox foret, quàm inclamarem? Amate hunc amorem mortales amare!

Insuper præsentia DEI nos ipsis Seraphinis assimilat. Pulcherrima Seraphinorum occupatio est coram DEO stare, clamando, & amare, ut Isaias vidit c. 6. Quisquis DEUM amat conatur illum ferre ubiq; in oculis imitando Seraphinos. Unde S. Gregorius Seraphin ex singulari propinquitate Conditoris sui incomparabili ardent amore. Tanto magis ardent, quanto viciniores hunc vident.

Cum

Cum ergo præsentem DEUM semper habemus Angelorum ritu vivimus, quamvis enim illi ad nostram tutelam deputati, curandis nostris negotiis intensissimi, fiant, non omittunt tamen DEUM aspicere, de illo cogitare, illum continuò stabiliq; amore complecti. Ita Raphaël Angelus Tobie comes, & inter homines versatus, omnia peragebat more aliorum, diserebat, loquebatur, cibum sumebat: interim tamen versabatur cum DEO, eundem sibi semper præsentem habebat, alio cibo, & potu, qui ab hominibus videri non potest utebatur, & Angelus erat.

Quidquid ergo facis, siue legis, siue oras, comedis, bibis, loqueris, ambulas, in omni loco, & actione accede ad DEUM viator, ad DEUM inimè tibi semper præsentem. Accedere autem potes, triplici viâ, vel ut reus de peccatis ingemiscens, per viam purgatiuam, vel carens virtutibus per viam illuminatiuam, aut velut sponsa ardens amore per viam unitiuâ.

Viâ purgatiuâ vocant viri spirituales, quando intellectus animæ peccati fæditatem proponit, ut illud detestetur, atq; exterminet quibus ipsa permota affectuum suorum pedibus (ut sic loquar) per voluntatem abit in timorem DEI, & à peccatis cum magna detestatione recedit.

Via illuminativa est, quando intellectus voluntati proponit amandam pulchritudinem virtutis, omniq; studio quærendam maximè Christi & sanctorum exemplo.

Via unitiva dicitur, quâ beneficiorum DEI, & perfectionum consideratione voluntas in DEUM fertur per amorem, eiusq; voluntati se conformat, atq; ad perfectam cum eo unionem aspirat.

Hinc

Hinc apparet triplex affectuum genus, quod triplici viæ respondet, in partes plures dividi posse.

Affectus viæ purgativæ sunt pudor, & confusio de peccatis, dolor de iisdem, timor divinæ iustitiæ, atq; hinc mortificationis desiderium, ut homo illi satisfaciat.

Illuminativæ: virtutum omnium amor, spes, ac desiderium eas acquirendi, rerum terrenarum & voluntatis propriæ abnegatio, imitatio CHRISTI. & Sanctorum.

Unitivæ: amor DEI, gratiarum actio, Zelus animarum, lætitia & admiratio de perfectionibus divinis, suspirium ad cælestem gloriam. Hæc ergo triplici viâ, seu affectibus iaculatorijs, sæpius per diem potest viator ad DEUM, & patriam Beatorum accedere.

Orationes iaculatoriæ, & Motus Anagogici quid sint? exemplis Sanctorum Patrum approbantur.

Dicuntur orationes iaculatoriæ, quia instar iaculorum seu sagittarum velocissimè transeuntium, in cor Divinum, tanquam in scopum iaciuntur, ut ab eo dona cælestia obtineamus! De his S. Augustinus ad Probam ep. 121. dicuntur Fratres in Ægypto crebras quidem habere orationes, eas tamen brevissimas, & raptim quodam modo iaculatas, ne illa vigilantier erecta, quæ oranti plurimum necessaria est, per productiores moras evanescat atq; hebetetur intentio. Et Cassianus in collationibus: *Frequenter, sed breviter orandum est, ne immorantibus nobis inferere aliquid cordi nostro insidiator possit inimicus.*

Hunc

Hunc brevem orandi modum per orationes iaculatorias seu motus Anagogicos exemplo suo nos Christus docuit. In horto enim iterabat hæc verba: *Pater si possibile est, transeat à me calix iste.* Sancti in cælo continuò clamant: *Sanctus Sanctus.* Basilus suadet peccatori ut ad imitationem Chana-næ identidem inclamet illud: *Miserere mei fili David.* Thais olim meretrix edocta à Paphnutione Abbate sic orabat, *Qui plasmasti me, miserere mei.* Beata Clara de monte Falco millies quotidie DEUM adorabat genua flectens, & totidem fundens Orationes iaculatorias. S. Franciscus tota nocte orabar hæc sola verba repetens: *DEUS meus, & omnia.* Narrat Theodoretus l. 9. Simeonem stylitam, innumeras quotidie adorationes peregrisse adeò, ut unus numeraverit aliquando mille ducentas quadraginta quatuor, alias omittens, quia lapsus destitit numerare.

Dicuntur motus Anagogici, id est sursum ducentes, nimirum quia illis à rebus terrenis abducimur, & ad superna levamur, ac tandem ad beatam cum DEO unionem evehimur.

Exercitium Aspirationum in via Pur-gativa.

O Miseram animam meam peccatricem! ah quid feci, quid cogitavi, quid dereliqui, quantum bonum offendi, quid amisi?

Pater mi! quid feci? peccavi in cælum, & coram te, peccavi super numerum arenæ, quæ est in littore maris.

Quis dabit capiti meo aquam, & oculis meis fontem lacrymarum, & plorabo die, ac noctes

Tibi

Tibi soli peccavi Domine! & malū corā te feci.
Qui palmaristi me miserere mei.

O me infelicissimū qui omnium peccatorum
sum reus

Quo ibo à spiritu tuo, & quō à facie tua mi
DEUS fugiam?

O mi DEUS! si me ejicis, quis me recipiet?
Delicta iuventutis meæ, & ignorantias ne me-
mineris Domine.

O IESU sis mihi IESUS.

Hic ure, hic seca, modo in æternum parcas.

DEUS propitius esto mihi peccatori.

Non audeo mi IESU! in cælum oculos leva-
re propter peccata mea,

DEUS in adiutorium meum intende.

Sancte DEUS, Sancte Fortis, Sancte & Im-
mortalis miserere mei.

O Domina mea monstra te esse Matrem!

Quæ utilitas mi IESU in sanguine tuo, &
meo; si descendero in infernum?

Non mortui laudabunt te Domine! sed nos
qui vivimus, benedicimus tibi.

Quid mali fecisti mi Domine, quia offendite?

O mi Deus! malo in posterum in ipso infer-
no ardere, quam te offendere.

Peccavi Domino!

O IESU! ô summum bonum meum, cur un-
quam offendi te?

Væ tempori illi, quō te offendi mi Deus!

Pactum facio mi Domine! tecum! ego tuus,
& tu meus eris in æternum.

Exitus aquarum deducant oculi mei, quia
non custodierunt legem tuam.

O Domine respice in me, quia ego servus tu-
us, filius ancillæ tuæ.

O Domi

O Domine. etiam si me occideris in te sperabo.
 Ah! doleo, doleo, quod aliquando ita me habuerim atq; si nullus esset DEUS! aut, atq; si dissimularem credere vel aduertere, quod sit DEUS!

In Via Illuminativa.

O Domine ante te omne desiderium meum, & gemitus meus à te non est absconditus.

Redde mihi lætitiā salutaris tui, & spiritu principali confirma me.

O Domine miserere mei, Non enim est volentis, neq; currentis, sed tui miserentis.

Serò te cognovi pulchritudo tam antiqua, serò te cognovi bonitas infinita.

Ibo, & ibo, quæram, quem diligit anima mea.

Domine IESU, noverim me, noverim te, nec aliud cupiam, nisi Te.

Quocunq; locò fuero, mecum IESUM desidero.

Vivat IESUS! & exaltetur DEUS salutis meæ.

Væ tempori illi, quò te mi DEUS! non amavi.

Loquere Domine quia audit servus tuus.

Domine, ante te omne desiderium meum.

Adjuva me, & saluus ero Domine.

O Domine ego servus tuus, & mancipium ancillæ tuæ MARIE.

Illumina oculos meos, ne unquam obdormiam in morte.

Nolo vivere mi IESU, sine vulnere, quia te pro me video totum vulneratum,

Gaudens gaudebo in Domino, exultabo in DEO IESU meo.

Ex te, in te, & pro te mi DEUS! sint omnia mea.

Benedic mihi ô SS. Trinitas, ô Dulcissima Virgo Mater, ô Angeli mi Custos, ô Patroni mei

Eia

Eia quæso multiplica in anima mea virtutes
Domine DEUS virtutum.

In Via Unitiva.

Misericordias Domini in æternum cantabo.

Benedicam Dominum in omni tempore,
semper laus ejus in ore meo.

O ignis qui semper ardes accende me! Para-
tum cor meum DEUS, paratum cor meum!

Quis mihi det, ut diligam te mi DEUS, a-
more Seraphico, & Theandrico, & Divino?

O patria nostra! patria secunda! à longè te vi-
deo, ab hoc mari, & exilio te saluto.

Cupio dissolui & esse tecum mi IESU!

Tædet animam vitæ meæ, quia lumen cœli
DEUM meum non video.

Unam petij à Domino hanc requiram, ut in-
habitarem in domo Domini omnibus diebus vitæ
meæ.

Quid mihi, & tibi ô IESU Fili MARIÆ Vir-
ginis?

Amo IESUM amore MARIÆ, amo MARI-
AM amore IESU.

O patria quando revertar ad te?

Vivat IESUS in corde meo.

O mi DEUS! quando transibo in te? quando
abibo in cineres dilectionis tui?

Vulnerâstis cor meum ô IESU! ô MARIA!
vulnerâstis cor meum.

O felix hora quando liberabor de corpore
mortis huius.

O amor meus! ô DEUS meus? vellem te amare
mille cordibus si tot haberem, & amore arden-
tissimorum Seraphinorum.

Cupio mi DEUS transire in te, transforma-
ti in te, perire propter te!

Nihil

Nihil cupio mi DEUS extra te, quia inquietum est cor nostrum, donec requiescat in te.

Moriar mi IESU moriar! modo inter desideratissimos, & suavissimos amoris tui amplexus.

Age, age bone IESU: tolle amorem meum totum à me, & converte ad te, accende, & rape, flagra, & dulcesce, iam amem te iam rapiar in te.

O liquescam! ô conflagrem amore DEI mei!

Utinam vivere possim ego, sed non ego, sed vivat in me DEUS, amor meus.

IV.

Viatori per creaturas ad Creatorem ascendendum.

Cor hominis disponit viam suam Prou. 16.

VARIÆ Viatori aspiranti ad Patriam solent occurrere creaturæ DEI, & opera eius, si ergo Viator noluerit errare, sciat, & curet per eas DEUM investigare, & per omnes semper amoris gressus ad Creatorem suum aspirare, Viatori creatura non sit Remora.

Philo discretissimus Iudæorum lib. de præmijs, scalas ad DEUM esse omnia creata asseverat, Via etenim patet nobis ab his quæ videmus, & contrectamus, ad opificem DEUM, quem non videmus: Consonat Basilij Seleu Episcopus orat 1. dicens Cum Deus res creatas in morem scalæ Viatoribus ad aptaverit, per eas sui amantibus ascensum ad se extruxit

Per creaturas DEUS tuum ô viator venatur amorem, cui capiendo, toto orbe, creaturarum ponit laqueos, Utinam & tu capiaris! utinam sis amoris Divini præda, ne fias alterius amoris præda

So. Omnis Creatura inclamat tibi hæc tua. Accipe redde, cave. Accipe creaturas, ut beneficium redde Creatori earum officium, cave abutens illis supplicium.

Cur amas hæc terrena, nisi quia pulchra & bona sunt? possunt esse tam pulchra & bona atq; ipse à quo facta sunt? quis sic delectat quàm ille, qui fecit omnia, quæ delectant? Interroga creaturam, si à se ipsa est, remane in illa, si autem ab illo est, non ob aliud est perniciosa amanti nisi quia præponitur Creatori.

Ad hanc piam ergo DEUM affectionem & continuum accessum omnes Viatorem Christianum creaturæ hortantur, sive enim rationales illæ, sive non; laudem tamen DEI sui, vel aperte vel occultè enuntiant.

Nulli ergo dubium, quin facillimè possit, qui eunq; huic studio animum applicaverit, ex aspectu cuiuslibet creaturæ in Deum assurgere & pijs affectibus ad DEUM aspirare. Probemus huius rei exemplum in Sanctis.

Scribitur de S. Fulgentio Ep. Ruspensi. Videns quondam hic Sanctus in generali conventionem nobilium Romanorum totæ Dominorum præsentium splendorem, Theodorico Gothorum Rege concionante, exclamavit: O DEUS! quàm pulchra oportet, ut sit cælestis illa civitas Ierusalem, si hic in terris sic splendet Roma terrestris, Et si in hoc mundo tantus splendor concessus est amatoribus vanitatis, quanta gloria reservata esse debet contemplatoribus Divinæ Majestatis.

Constantinus Magnus honorificè quondam scripsit S. Antonio Abbati, quod factum Religiosi, qui cum illo erant, valde admirabantur. Tunc inquit Sanctus ad illos: Quid admiramini Regem

Regem scribere homini? potius admiremini DE-
UM æternam suam legem scribere mortalibus,
imò in persona Filii illis locutum.

S. Franciscus videns ovem solam inter hædos
derelictam: Ecce inquit ut misera ista ovicula
mansueta est inter capellas, sic Salvator noster
inter Phariseos mansuetus erat. Idem S. videns
quodam tempore agnellum à porco comestum:
Ah parve agnelle, (inquit plorans) quam ad
vivum Salvatoris mei amarissimam mortem ex-
primis.

Anima quædam devota intuens fluvium, cui
cælum cum stellis, nocte serena representatum
erat, exclamavit: O mi DEUS eadem illæ stel-
læ sub pedibus meis erunt, quando recipies me
in Sancta tabernacula tua.

Francisca considerans pulcherrimum fluvium
in ripa in qua ipsa flexis genibus sedebat ad o-
randum, in extasim rapta aliquoties, hæc verba
lenta voce repetijt: Tam dulciter & suaviter
fluit gratia DEI, sicuti fluvius iste.

Cum novercali die, igni medullæ coqueren-
tur, pia cogitatio mentem Divi Francisci Bor-
giæ pupugit: æquænam illos flammæ urerent,
qui ob flagitia apud inferos pœnas æternas pen-
derent?

Alius arbores videns florentes suspirabat: ut
quid ego solus deflorui in horto Ecclesiæ? ut
quid sum sicca arbor nullum fructum faciens?

Alius intuens cursum solis dicebat: Quando
mi DEUS!! anima mea sequetur Agnum, so-
lem iustitiæ quocunq; ierit?

Regia & recta intentione creaturis usa est Esther
Regina, quando dixit: Tu scis (DEO loqueba-
tur) quod nunquam latata sit ancilla tua, ex quo huc
transi.

translata sum, usq[ue] in presentem diem, nisi in te Domine, Esther. 4.

S. Antonius magnus in rerum creaturarum contemplatione, tanquam in libro studens citra aliarum scientiarum notitiam summam sibi quâ pollebat, adscivit scientiam. Nesciebat literas, sed sedebat in monte, & studebat in libro creaturarum. S. Athanasius in vita S. Antonij Præclare scripsit S. Basilii in Hexamero. Univerſa hæc mundi moles perinde est, ac liber literis exaratus, passim contestans, & deprædicans gloriam DEI illiusq[ue] augustissimam majestatem arcanam aliquin, & invisibilem tibi intellectuall creaturæ copiose annuntians.

Quocunq[ue] ergo per universam sublunarem mundi machinam, quam admirabili ordine, in numero, pondere, & mensura creavit DEUS, & ingens quoddam volumen te docens hominem exposuit, ac quotidianis usibus concessit, oculos tuos converteris, in omnibus lauda Creatorem.

Continuò ad hanc laudem excitant te sol mundi oculus, quem DEUS facit oriri super bonos, & malos, luna noctis Domina, Planetæ suas terræ communicantes influentias, stellæ, orbis cælestes, ignis, ær, aqua, terra, volatilia, fluminum, & maris natatilia, quadrupedia, colorum, & odorum flores arborum fructus, herbæ, præta, campi, colles, mineralia, pretiosi lapides gemmæ, & omnia quæ in firmamento, ære, terra, mari continentur.

Ex his omnibus bonæ cogitationes, & sanctæ aspirationes ex objecto pro varietate huius mortalis vitæ, & negotiorum diversitate elici possunt. Damnatione tanè æterna digni sunt, qui abducunt creaturas à Creatore, & ex illis peccati materiam desumunt, Sed beati illi, & verè beati, qui

qui convertunt creaturam ad gloriam sui Creatoris, & impendunt vanitatem ad honorem veritatis.

V.

Praxis Aspirationum seu Affectuum pro qualibet occasione, & actione.

Dum calum conspicias.

1. **D**omine non sum dignus videre altitudinem cæli, præ multitudinem iniquitatis meæ.
2. O patria nostræ! patria secunda, à longè te video, ad te suspirat peregrinatio mea! Tædet animam meam vitæ meæ, quia non video **DEUM DEORUM** in Syon
3. Utinam mi **DEUS!** tantum te nunc amare possim, quantum omnes Beati in cælo hætenus te amârunt.

Dum aliqua grata, & venusta vides.

1. **S**i tanta mi **DEUS!** facis nobis in carcere, quid ages in palatio? si tanta solatia in hac die lacrymarum, quanta conferes in diè nuptiarum.
2. Quidquid mihi dare vult Dominus meus, præter se ipsam, dulce mihi non est; auferat totum, & se mihi det.
3. Quam durus, & aridus es anime mi sine **IESU!** quam insipiens, & vanus, si cupis aliquid extra **IESUM.** esse sine **IESU** gravis est infernus, & esse cum **IESU** dulcis paradisus.

Dum animum relaxas.

1. **O** Dilecte **IESU!** unicam cordis mei gaudium.

dium quia amoris mei delictum! da ut amando te semper sim hilaris, quia offendi te merito sim tristis,

2. Ego autem in Domino gaudebo, & exultabo in DEO IESU meo.

3. Utinam efficere possim dulcissime DEUS, ut omnia gaudia, quæ sunt, & erunt in mundo non sint nisi de te. Tu enim es vera dulcedo cordium, excedens omne gaudium, & omne desiderium.

In aspectu Solis, Stellarum.

1. O Sol mundi oculo, qui me toties peccantem aspexisti, utinam me deinceps, non nisi dolentem, & lugentem aspiceres.

2. O mi IESU candor lucis æternæ! quando in lumine tuo videbo lumen tuum? quando me totum liquefacies penetratum efficaci suavitate tua?

3. Ardeant tibi, & luceant DEUS meus sidera tua, & tot accende tædas amoris in corde meo, quot in cælo splendent stellæ.

In aspectu Ignis.

1. Hic ure Domine! hic seca, modo in æternum parcas.

2. O Domine amoris! deficiat, & convertatur in cineres cor meum, si non permitto, ut amoris tui flammis æstuet, & ardeat.

3. O si citius ut ferrum igni, ita & ego, tibi DEO meo uniri, ac in te transformari possem,

In aspectu Aquæ.

1. O Si derivare possem in oculos meos, flumina, maria, Oceanum, efflerem ista omnia hoc luctu: Eheu! peccavi Domino: dereliqui fontem aquæ vivæ.

2. O mi DEUS! quot sunt guttæ aquarum in fluviis, lacubus, fontibus, & mari, tot tibi laudes, tot ardentissimos amoris affectus in omnibus, & pro omnibus offero, & in te transfundo.

3. Immenſa dulcedo mi DEUS! utinam me totum rapiens absorberes, & absconderes! Quod enim est mari absorbere unam guttam, hoc tibi est absorbere me.

Ante quodlibet opus.

1. O Mi DEUS! titulus, & inscriptio omnium actionum, & cogitationum mearum est nomen tuum, quod est JESUS: tua enim sunt omnia, & propter magnam gloriam tuam, omnia mea do, dico, & addico tibi.

2. Quidquid videro, quidquid audiero, quidquid sensero, totum tibi serviat mi JESU, omne opus à te incipiat, & per te cæptum finiatur.

3. Desidero, ut quævis actio mea non tam sit actio, quàm amor tui, & major continuus, mi Domine!

Actus ante disciplinæ Exercitium.

1. **M**emor sum ô Domine! opprobrii, & confusionis quam pro me passus es in crudelissima flagellatione tua, quando virgineum corpus tuum virgis spineis cruentabant, loris nodosis, & uncis ferreis dilaniabant, catenis ossa ipsa, & costas divellebant.

2. O anime mi! ad tam funestam Salvatoris tui tragædiam ne quidem ingemiscis? si feram aliquam sic excarnificari cerneres, an commiseratione non tangereris?

3. Equum est mi JESU! ut qui flagellationis tuæ causa fui, illius quodammodo particeps

H

fiam

fiam. Unde offero tibi eam Domine in unione acerbissima Passionis tuæ: omnes ictus, & flagella tuo aspergo sanguine, ut hoc penitentia exerecitiū grātius tibi sit, cedatq; in satisfactionem pro peccatis meis.

Actus ante susceptum iter.

1. **O**ffero tibi mi DEUS, tot actus fidei, spei, charitatis, quot in hoc itinere intercedent superficierum corporis mei permutationes.

2. Sicut ero in continua loci mutatione, ita vellem mi JESU! continuo benedicere, & laudare te pro omnibus laboribus, & sudoribus, quos præcipue per triennium tuæ sanctissimæ prædicationis sustinūisti.

3. Quia proclivis sum ego ad omne malum, & peccatum, ideo commendo me tibi dulcis JESU; commendo me tibi Virgo Beatissima, & vobis SS. Angeli, & speciales SS. Patroni mei, vestro præsidio munitus non timebo mala.

In ipso itinere,

1. **O** Mi DEUS! quoties in hoc itinere cælum suspiciam, toties venerari volo omnes illos celestes spiritus, illasq; Intelligentias cælorum motrices, commendans illis necessitates colorum, per quorum agros transibo, ne grandines, tonitrua, tempestates illis noceant, ut maleficia dissipent, inducantq; æris temperiem.

2. Transeundo oppida, pagos, gratias tibi ago Domine pro beneficiis omnibus spiritualibus, & temporalibus concessis hujus loci incolis. Inno-vo tibi omnes cultus, laudes, affectus, & vota omnia, hic facta, & facienda: simulq; detestor omnia peccata, hic commissa, & committenda.

.3 In

CHRISTIANUS

107

3. In omnibus Ecclesiis tractus mei adoro te mi JESU ibidem Sacramentaliter existentem: tibi offero, & repræsentō omnia Sacrificia inibi facta, omnes devotiones, & affectus cujuscunq; orationis, & adorationis, sive elicitos, sive elicientes.

Dum insurgunt tentationes impure.

1. **A** Mor meus crucifixus est, & ego voluptati operam dabo? Absit! non decet sub spinoso capite membrum esse delicatum.

2. Discerpar in mille partes, rumparque potius, quàm ut amori Divino rem quampiam præponam. Malo Domine millies mori, quàm fœdâri. Malo in ipsam exnunc infernum descendere, quàm te deliberatè vel minimò peccatò offendere.

2. Eja adesto optime JESU! ne sanguis tuus in me pereat. Adsis clienti tuo MARIA. Amore tui Domina mea, non cogitabo, non dicam, non faciam. Adeste Sancti omnes, vestris præfidiis munitus sperabo in Dominò: & licet consurgant adversum me castra, non timebit cor meum. JESU, MARIA, JOSEPH dono vobis cor meum.

Cum deambulas.

1. **O**! Quanti sunt infirmi, & claudi, quibus ambulare concessum non est. Gratias tibi Domine quia corpus integrum dedisti mihi, & me hætenus incolumem conservasti.

2. Domine non sum dignus calcare hoc pavementum, per quod transeunt tot servi tui, quibus comparatus Vermis sum, & non Homo, opprobrium hominum, & abjectio plebis.

3. **O**! si quòvis momentò vitæ meæ, quovis

H. 2

gressu

gressu accurrere possem ad pedes tuos mi JESU, illosque lamberem, illos amplecterer!

Cum vides aliquod peccatum proximi.

1. COMPATIOR mi DEUS peccato hujus hominis, non credo tamen illud esse tantum malum, quantum mihi videtur. In supplementum offensæ tuæ offero tibi prætiosum sanguinem Filii tui, & in illo hoc peccatum depono.

2. Ego Domine majora peccata perpetravi, prohi dolor! & gravig te offenderem, nisi tua me gratia præservaret. Unde etiam toto corde tibi gratias ago pro auxilio mihi præstito.

3. Amore tui mi DEUS! doleo de omnibus peccatis, à quocunq; unquam contra te commissis, & committendis, quæ si possem impedire, & sanguine meo delere, vellem.

Cum vides aliquod bonum proximi.

1. SERVAT tibi mi Domine, quidquid est in coelo, & in terra, quia dignus es accipere laudem, & gloriam, & honorem ab omni creatura,

2. Sis benedictus Domine in firmamento cœli pro omnibus bonis aspirationibus, & auxiliis, quæ tam huic personæ, quàm omnibus tribuisti.

3. O si & ego possem te amare omnibus illis affectibus, omnibus cordibus, quibus amatus es, & amaberis, quàm libenter id præstarem!

Dum occurris divitibus.

1. O Quàm dives est mi dilecte! cui tu sufficis. O amor meus! quid extra te quæram? desint omnia, modò tu me, & ego te possideam.

2. Alii

CHRISTIANUS

109

2. Alii alia quærant, te solum ego mi JESU quæro, te solum desidero: DEUS meus, & omnia.

3. O si omnium hominum, quotquot fuerunt, sunt, & erunt, corda, & voluntates solus haberem, iis omnibus te solum quærerem, te summe diligerem unicum bonum meum.

Cum das Eleemosynam.

1. SI ego possem Domine DEUS meus, omnium egenorum miseriis subvenirem.

2. Offero tibi DEUS omnes divitias, omnes thesauros hujus mundi, omnia regna, omnes redditus, ita, ut si hæc omnia mea essent, illa amore tui pauperibus erogarem, & in tui cultum effunderem.

3. Gratias tibi Domine, quia me pascis à juventute mea, nam inops, & pauper sum ego.

In aspectu Imaginis alicujus Sancti.

1. O! Sancti, Sanctæq; omnes fideles sponsæ CHRISTI, saluto, & veneror vos. Gratias ago DEO meo, quod vos elegerit, & in sublimi gloria collocaverit.

2. Scribite me Sancti DEI in libro afflictorum, quia affligi semper desidero propter DEUM. Scribite me, cum SS. Virginibus, quia desidero cum illis sequi agnum quocumq; ierit, Scribite me in corde JESU, & in corde MARIE, ut nunquam obliviscantur animæ meæ.

3. O felices animæ! quando vobiscum gustabo, & videbo, quàm suavis sit Dominus! ô longa mora! ô tædiosa dilatio!

Cum vides Imaginem Crucifixi.

1. **O** Pater æternel respice dulcem natum toto corpore extensum, cerne manus innoxias pio manantes sanguine: vide inerme latus crudeli perfossum cuspide, & dimitte nostra crimina.

2. In tantum me diligis DEUS meus, ut te odisse videaris, cum posset guttâ redimere non dico cruoris, sed sudoris, redemit undâ.

3. Adoramus te Christe, & benedicimus tibi quia per Crucem tuam redemisti mundum.

In aspectu Imaginis SS. Virginis.

1. **A** Ve gratia plena Dominus tecum, vel: Salve Regina Mater misericordiæ.

2. Quis non diligit te Regina cordium, & Mater sancti amoris, quis non diligit Te? utinam omnes creaturæ tibi serviant.

3. Substerno tibi Virgo Beatissima me tuum licet indignissimum mancipium, tuisq; Virgineis pedibus cor meum subjicio, quia melius apud te erit; quàm apud me.

Dum recordaris alicujus peccati.

1. **O** Quàm justè me jam pridem in infernum detrudere poteras, iustissime judex, pro peccatis meis, & mihi elementer pepereisti.

2. O si quod factum est, possem infectum reddere! ô si tempus præteritum revocare! ô quàm bonum erat mihi, si natus non fuisset, neq; enim vitam mihi dedisti, ut te offenderem DEUS meus.

3. Detestor peccata mea corde Salvatoris mei
sicut

sicut cor JESU ea flevit, ita ea ploro & abominor. Nolo amplius in æternum peccare.

Dum conspicias hortos, agros, prata.

1. **O** Mi DEUS! hæc omnia, quæ nunc video videlicet agros, hortos, & simul omnes agros per totum mundum: omnia prata, & quidquid in eis ab initio mundi excrevit, nunc crescit, crescetq; ad finem mundi, omnes segetes, herbas, flores, gramina, & totam entitatem, substantiam, tibi tanquam mea, & me totum cum eis, & in eis in holocaustum suavissimum tibi offero; pro eis gratias ago; in eis te adoro, te laudo, & magnifico.

2. O si possem omnes arenas, atomos, folia, maris, ac pluviarum guttas, atq; nivium grana in celos, & choros Angelorum te amantium, & laudantium convertere, ô quàm libentissimè id facerem!

3. Vellem mi DEUS toties æstuantissimis desideriiis ad te moveri, quoties moventur folia, & rami in arboribus, herbæ, & gramina in campis, segetes in agris, animalia in terris.

In aspectu volucrum.

1. **B**enedicite omnes volucres celi Domino.

2. Quid est homo, quod memor es ejus mi Domine? omnia subjecisti sub pedibus ejus, volucres celi, & pisces maris.

3. Quis dabit mihi pennas sicut columbæ, & volabo, & requiescam sub umbra illius, quem desiderat anima mea!

Cum noctu decumbis.

1. **O** Amabilissime DEUS! quàm dormit securè.

cure, pro quo vigilat amor! nullas metuo insidias, ubi amor habet excubias,

2. O mi DEUS lux indeficiens! dum clauduntur oculi mei: fac ne simul! amoris tuo claudatur cor meum.

3. Gratias tibi Domine, quia dum nox in suo cursu medium iter haberet, omnipotens sermo tuus è regalibus sedibus venit.

Ante concionem.

1. **D**ignus es Domine accipere gloriam, & honorem. Utinam & ego omnes ad te Creatorem meum convertere possem!

2. Eja Domine video, ut infiniti pereunt tuo sanguine, & laboribus empti, & nemo potest venire ad te, nisi tu traxeris eum: quid ergo pollutis labiis, & corde præstare potero sine te? da igitur mihi gratiam, ad quod vocasti me, & ad sint mihi SS. Angeli, & Patroni mei, ut ad tuam unius gloriam fiant universa.

3. O Sanctissima Trinitas! aperi os meum ad benedicendum & laudandum nomen sanctum tuum. O JESU! da mihi guttam sanguinis tui cordialis, ut illo cor meum conspersum incalescat. O MARIA! da mihi guttam lactis tui Virginei.

Ante confessionem audiendam.

1. **O** JESU unica salus! sana quæso per me hanc animam peccatricem, quia tu cor contritum, & humiliatum non soles despiciere.

2. En pretium sanguinis tui, Sponsa tua ab hoste vulnerata. Doce me, ut prudenter cæcam, & ægram ducam in viam salutis æternæ, quia tu nihil horum odisti, quæ fecisti, & redemisti.

3. O

3. O JESU adfis, ô spes nostra miserere! O SS Angeli! ô SS. Patroni adjuvate me. En volo Domine potestate à te mihi, & ab Ecclesia collata absolvere pœnitentes meos. Quod fiat ad gloriam divinæ Majestatis tuæ.

In aspectu Judæi, Hæretici, Ethnici. &c.

1. A More tui mi DEUS doleo de omnibus hæresibus, blasphemis, irreverentiis, quibus ab omnibus unquam Judæis. Hæreticis, dissidentibus offensus es, & offenderis.

2. In persona omnium, qui nunquam tibi debitum honorem, laudem, & reverentiam reddiderunt, nec reddent: ut sunt Hæretici, Athei, Judæi, Turcæ, Idololatræ, magi, blasphemis, & omnes infideles, ego te mi JESU adoro, laudo, veneror, benedico, & exalto.

3. Supplico tibi mi DEUS, ut in omnibus toto orbe diffusis hominibus sanctificetur nomen tuum, ut omnes in obsequium fidei, quam mundo intulisti; tandem subdant colla, ut agnoscant te Dominum nostrum JESUM Christum. Ut omnis illa infelix communitas, sive infidelis synagogæ Judaicæ, sive obcæcatæ infidelitatis deponat tum obstinatam non credendi pertinaciam, tum velum, quod objicit idololatria.

In aspectu hominis cæci, claudi, muti &c.

1. P Rocido ante te DEUS meus, gratias tibi ago, pro me ipso, quia me talem esse voluisti, qualis sum, & si me alium esse voluisses, quàm sim, easdem humilis persolvo gratias.

2. Gra;

2. Gratias tibi ago, pro corpore meo, quod integris formasti sensibus: visu, auditu, olfactu, gustu, & tactu sine ullo naturali defectu.

3. Etsi fecisset me tua abyssalis prævidentia defectuosissimum, non ideo cessarem, à gratiarum actione. Idem ego cæcus, luscus, mancus, fordus, mutus, claudus, gibbosus, plicatus, leprosus, & quidquid in me reperiretur naturalis defectus, laudarem te, benedicerem te, gratias agerem tibi, quia me talem esse voluisses, qualis essem.

In aspectu Energumeni.

1. O Si quemadmodum integræ dæmonum legiones, unius hominis corpus feruntur ingressæ, ita ego uno corde cælum totum, id est omnes beatos spiritus complecti possem, & quemadmodum dæmon per os energumeni loquitur, quem possidet, ita vellem, ut in corde meo per os meum omnes tui Angeli, omnes electi tui, tuum amorem, gratias, gloriam loquerentur. O quàm felix tunc esset cor adeo plenum choris te canentium Angelorum.

2. Supplico tibi mi DEUS, ut potestates tenebrarum harum, per Sanctum Angelum tutelæ meæ deputatum, jubeas pro ultimo momento obmutescere, nec objicere ea, quæ potest animam reformidare, atq; iis perturbari.

3. Gratias tibi DEUS meus, pro sedibus Beatorum, & inferis damnatorum, quia ibi, & hîc agnosco, revereor te DEUM supremum Remuneratorem. Utinam possem, & liceret mihi (deputatâ videlicet, si id possibile esset, illorum maioriâ) dæmonum ac dampnatorum omnium, odi-

um, blasphemias, in laudem tuam, & incendia amoris tui commutare.

Dum accipis, aut aspicias librum.

1. **Q**uia mi DEUS! aduerto reatum, & culpam profiteor ante te, totus suffusus rubore, piis obortis lachrymis, aperio nunc librum actorum meorum pœnitendorum, ut in ultimo, quando libri conscientiarum aperientur, non damner cum hoc mundo.

2. Aut me dele de libro filiorum, imo creaturarum, aut parce ô Pater! delere me jubet impietas, & tua justitia, sed vetat Patris misericordia.

3. O DEUS, in cujus mente est liber vitæ, liber gloriæ, liber viventium; qui liber est notitia tua, quâ prædestinâsti ad vitam salvandos omnes; est firma notitia significativa prædestinatorum descriptorum in cœlis, quâ firmiter retineas te hos, & illos prædestinâsse ad vitam æternam. Da ut sim inter filios consecratos tuos. Domine qui nôsti, qui sint tui, tuus sum ego, salvum me fac.

In aspectu hominis, aut ipsius imaginis.

1. **C**reatus sum ad imaginem tuam mi DEUS: non secundum corpus, sed secundum rationem, & intellectum? Exorna tuam in me imaginem ita, ne illam fœdem unquam, sed mundam servem, Tuq; illam postea reponas inter alias imagines vivas in domo æternitatis tuæ.

2. In tua mente Domine ideæ seu formæ omnes objectivè fuerunt semper, ad quarum similitudinem nos, & omnia condidisti. Sed ipsa illa rerum omnium exemplaria, seu idea omnis est ipsa

ipsa tua essentia. Tu ipse similitudo mirabilis es, amabilis idea, ac exemplar omnium, quæ fecisti. Da Domine ut tu sis idea, & exemplar omnium, quæ facio etiam ego, nec discedam à forma tua.

3. O mirabiliter amabilis! ô amabiliter mirabilis conditor meus DEUS! idea mea æterna, Sim secundum cor tuum totâ mente cordis mei. Permaneas quæso in mente mea semper; ut habeam te in intellectu meo, cum tu me in mente tua, & exemplari habueris ab æterno.

Dum in periculo versaris peccati.

1. **T**imeo te, ô vindex iustitia ô mare, cuius tumentes super me fluctus, ego in me ipse miserabilis excitavi. Timeo abyssum, & rudentes inferni, cataclysmum, ignium æternorum. Timeo ne in illas tentationes incidam, quas, veluti pœnam, peccatis meis commerui, & ne subtrahas mihi illa auxilia, quibus me indigum reddidi, sine quibus tamen vides, me posse quidem vincere, sed non victurum. Ne intres in iudicium cum servo tuo; sed illa mihi suggere, quibus misericordiam impetrem, loco iustitiæ.

2. Domine mi DEUS, da mihi cordatissimum mei odium, ut ipse me puniam, ne incidam in manus iustitiæ tuæ. Potes me deserere, potes tentationes, quibus me prosternendum scis, à me non avertere, potes non dare illam efficacem gratiam, quam nôsti in thesauris tuis mihi fore accommodatam, ut salver; dare autem illam tantum, quæ sufficiat ad salutem. Parce Domine, peccatis meis, quibus hanc iram merui; & da, ut non minus deinceps merear misericordiam tuam, quam hætenus iram meruerim.

3. Quid

3. Quid si obæcatus, & obstinatè durus, illa mentis diritate obsurdescam, & obrigescam, quā tot alij post tot gratias à te acceptas in frigus quoddam, ac tenebras inciderunt? O si semper tuis, nunquam dæmonis, instinctibus paruissem! Quantum fuisset lucratus gratiarum, auxiliorum, cum quibus eram salvandus, & sine quibus, vel longè difficilius salvabor, vel fortè etiam non salvabor! Et sic utrinq; tremo, cum nec sim securus de peccatis mihi verè dimissis à te: & si dimissa scirem, nescio, an non sis mihi subtrahendus illam seriem auxiliorum, in qua sola eram salvandus, si illam peccato non abruptissem. Domine da mihi spiritum pænitentiae, ut discam præterita mea tempora redimere cum pænitentibus, Petro, Magdalena, Augustino, & omnibus, quos convertisti ad te.

In occurſu pergentium ad templa, vel icones thaumatargas Beatissima.

1. **E**Xosculor millies eorum vestigia, qui supplicum ritu ad ædes tuas ò admirabilis, & incomparabilis Virgo Mater MARIA procedunt: his meis spiritu pedissequum jungo, unaq; te veneror, amo, glorifico.

2. Quis mihi nunc det pennas columbæ, & volabo ad te? & requiescam in te. Quod corpore non licet, animo licet, Statuo me itaq; pro no corde, & corpore ante omnes clementiæ tuas aras, icones thaumatargas, & reliquias sacrosanctas, in iisq; te DEI mei Matrem, & universorum Dominam, omnium nomine, & affectu possibili admiror, benedico, obtestor, invoco.

3. Hos, aliosq; omnes omnium possibiles affectus

fectus elicere desidero, etiam cum dispendio ob
corum intensionem vitæ meæ, ut instar thymia-
maris tibi in odorem suavitatis consumar, sine
ullo respectu ad commodum vel præmium me-
um, sed ob merum tuum gustum, & consolatio-
nem dulcissimi cordis tui, quia digna es.

Dum moveris è loco uno in alium.

1. **Q**Uocunq; in loco sum ego, tu mecum es,
at in quocunq; loco tu es, non sum eti-
am ego tecum. Ego sine te nusquam, & nun-
quam esse possum, tu sine me potes, & es. Ah!
sis mecum etiam in hoc, ut sim semper tecum
per gratiam tuam hic, & per gloriam tuam ibi,
ubi sedes in gloria.

2. Diceris Domine moveri ad nos, appropin-
quare nobis, nempe per influentiam bonitatis
tuæ in nos! O appropinqua mihi! ne recedas à
me!

3. O im mensitatis divinæ immensitas in finita!
Tu es in me! ego sum in te! sentiam ô semper
sancte, sentiam te esse intra me, super me extra
me, circa me! satia me te ipso thesaure mi DEUS!

Cum occurrit cogitatio de æternitate.

1. **O** Verè æternam sempiternè sæculorum
Rex, æternitatis nec inchoatæ unquam,
nec ullis sæculorum myriadibus exhauriendæ,
da mihi, ut nihil perdam temporis mei, sed illud
tradam tibi; ac redimam horas meas &
momenta temporis infelicitis quo te offendi. Vel-
lem singula illa male à me, vel aliis, impensa
momenta, verti in æternas laudes tuas, & in
totidem sæcula, tibi gloriam canentium in æter-
num.

2. Omni, quem ab æterno bonum vidisti,
sine,

fine, offero tibi in tributum: æternitatis tuæ dies, & momenta singula vitæ hujus meæ, ac futuræ, singula illa, quæ in vita, morbo, morte, purgatorio putiar, omnia illa spatia infinitæ æternitatis, visionem, quâ te videbo, quâ te amabo, & omnem felicem occupationem beatæ apud te æternitatis meæ. & quidquid æternum agemus, nos electi tui omnes, quando misericordias tuas cantabimus in æternum! amorem tuum amabimus in æternum, & de tuo erga te, ac nos, deus nostro erga te amore, & gaudio gratulabimur in æternum.

3. O æternitas tua DEUS! utinam sicut æternitas uno amplexu omnia tempora complectitur, ita ego possim omnia mea, & omnium tuorum electorum sancta tempora, uno amoris tui amplexu implere, & in singula momenta dignos æternitate tua eminentissimi amoris actus exaggerare. Quidquid ab æterno à te, quidquid postea à tuis creaturis factum est, & quidquid in æternum fiet, quod tibi placeat, hoc tibi offero in satisfactionem pro malis meis, in gratiarum actionem pro donis tuis, in gratulationem de bonis tuis, quæ habes, & quæ ulli creaturæ dedisti, vel dabis!

Cogitando de æterna beatitudine.

1. NE patere mi DEUS! ut intellectu te visuro abutar ad eaquæ tibi non placent, ne patere, ut eô non strenuè utar ad ea, quæ tibi placent. Ausfer ab eo pulveres vanitatis, superflua, curiosa; & totum intellectum meum a te tam nobilem, tam tibi charum, tu totus occupa DEUS meus, ne ad vilia ista, & suâ nobilitate indigna se dignetur demittere, & quod cogita-

gitationes habebit, tot holocausta tibi offerat **DEUS** intellēctus mei!

2. Dum ab intellectu creato videris, ipsa tua essentia fit forma intelligibilis intellectu: ad quam excelsitatem intellectum elevans, illam per supernaturalem dispositionem, per lumen gloriæ, aptum reddis, ut illi superaccrescat virtus intelligendi, quæ est illuminatio intellectu. Ità claritas tua illuminabit nos, & nos faciet Deiformes. Nam cum apparueris, similes tibi erimus, & videbimus te, sicuti es. Domine, fac, ne me tanta dignitate reddam indignum!

3. Intellectus plus de illo lumine gloriæ participans melius te videbit, **ô Pater** luminum! Plus verò habebit luminis, & gloriæ, qui plus habebit desiderii, & charitatis; quò desiderii præparamur ad illud, quod amamus, & desideramus amplius hauriendum. Et tunc omnes videbimus essentiam tuam, alius tamen aliò perfectius, sicut stella differt à stella in claritate. Domine auge in me charitatem, auge desiderium tui, & sic perfectius te videbo, & amabo: ità ut amorem, ac desiderium sequatur visio, & è visione iterum nascatur amor, ut si beatum me faciens, te magis delectans in me, ac me in te amando occupans in æternum. O quid erit istud, quando experiar. Desidero desiderare, doce me amare!

CAPUT III.

Diarium Vlitoris,

Sive actionum per diem ordinatio.

1. **M**emineris semper, & ubiq; **DEUM**, te, cum cœlesti

coelesti curia intueri: Angelum, & dæmonem testuq; omnia diligentissimè observare.

2. Considera quænam agenda hodie, quid status, vocatio exigat; perinde, quasi in stadio curreres, opera tua omnia, ac passus dirige ad metam, id est ad DEI gloriam cordeardenti.

3. Sæpius ex te percunctare: Quò pergis anima mea? quid intendis studiis, cogitationibus, & occupationibus tuis? ad quem finem tendis?

4. Utere tempore, velut re omnium præstiosissimâ, & particula boni diei non te prætereat. Volat sæpius verbum irrevocabile (inquit S. Bern.) volat tempus irremeabile, nec advertit insipiens, quid amittat, libet fabulari, libet otiosiari, dicit donec hora prætereat. O! donec prætereat hora, quam tibi ad agendum prænitentiam, ad obtinendam veniam, ad acquirendam gratiam, ad promerendam gloriam, miseratio Conditoris indulget! donec transeat tempus, quo debueras properare ad Angelicam societatem, suspirare ad amissam hæreditatem, flere admissam iniquitatem.

5. In omnibus actionibus, locutionibus, & cogitationibus dicit tibi, monet Melliss Doctor Itane ageres, si hanc scires procerto horam novissimam. Et Doctor Angel. op. 62: diligentiam apponere debemus, ut singula opera nostra, & salus nostra, & omnis laus DEI, & universitatis utilitas, quasi ex uno opere dependeat: quasi nunquam ad id opus revertari, neq; aliud postmodum facturi.

6. In omnibus operibus tuis præcellens esto: dum oras, bene ora: dum confiteris, cantas, laboras, fac singula, quâ potes perfectione maxime

ximā, quia DEUS non est Remunerator verborum, sed adverbiorum. Imò omnia opera tua ita fac, ac si jam tibi sepulchrum foderetur.

7. In progressu cuiusvis etiam minimi operis, & colloqui, sæpè cor tuum ad DEUM eleva, ut inspicias, an illud ei placeat.

8. Ut verò semper collectus in DEO esse valeas, orationibus, quas iaculatorias nuncupant, frequentissimè per diem utere.

9. Quotiescunq; Domini DEI oblivisceris, ita, ut magna pars transierit temporis sine interiori ad eum motu, & conversione, ingemisce, ac pugnis percutè pectus tuum, cum ille debeat esse solus, unicuq; dilectus, & amor tuus totus, nec unquam ille tui obliviscatur.

10. Sæpius per diem Sanctos velut præsentés invoca, maxime Virginem Beatissimam, & SS. Patronos tuos cum Angelo Custode. viæ Duce, & comite.

11. Si lapsus fueris in viā, mox contritione resurge, & amore in DEUM.

12. Ut omnes actiones, & opera tua gratiora fiant DEO, demerge, & deponè illa sæpius in vulneribus JESU, asperge illa sanguine cordis JESU, offer per manus Beatissimæ, operibus & meritis Sanctorum unias.

13. Dum aliqua occurrit occasio peccandi, protestare exnunc, quòd malis mori, malis in ipsum infernum descendere, quam DEUM tuum, summum & infinitum bonum, vel minimo peccato deliberato offendere.

14. Sæpius per diem excita in te desiderium corde ardenti videndi DEUM in cœlo, illum cum Sanctis amandi & laudandi.

15. Dum in mentem occurrunt tibi peccata tua

tua, antè commissâ, exnunc illa detestare, tanquam rem summè detestabilem exosam & execrandam. atq; corde contrito dolens ejula, quia peccatis tuis amorem tuum JESUM tam graviter toties offendisti.

16. Deinde omnibus modis, quibus potes te vilifica, & credas omnes homines esse bonos, & meliores te, magisq; placere DEO.

17. Ante omnia verò semper primo mane per Actum Intentionis, omnes cogitationes verba, & actiones illius diei etiam indifferentes, ad DEI gloriam dirige. Quia non in magnis solum actionibus Amoris divini magnitudo reperitur; etiam in parvis, humilibus, & seceris existit. Amor inaurat & amplificat omnia. Et JESUS laudibus extollit viduam illam, quæ duo minuta æris contulit, & silencio præterit Salomonem, qui plus quàm mille milliones auri ad templi structuram contribuerat. Totum tempus hujus vitæ nobis concessum est, ad mereadum præmium æternum, ne igitur sine merito vel instans tibi elabatur, ipsa cibi potusq; sumptio, & omne aliud opus coram DEO meritorium erit, si S. Paulum monentem audieris. 1. Cor. 10. *Sive manucatis, sive bibitis, sive aliud quid, facitis, omnia in gloriam DEI facite.* Curandum ergo tibi, ne unquam opera tua regat casus, sed ratio. Sunt enim aliqua opera, quæ de se non sunt meritoria, neq; demeritoria, si tamen altiori intentione eleventur, evadunt meritoria.

18. Quâlibet horâ vel quadrante, aut quando vacat, renova illam voluntatem, quâ velis omnia deinceps à te elicienda esse majori fervore ad DEI gloriam, ac omnem actum virtutis, idq; semper majorem ac intensiorem.

'Actus Matutini.

*In JESUM & MARIAM primos oculos
somno evoluti Viator aperiatur, ac si presentes,
& suo lecto adstantes conspiceret: proinde prima
quasi sit respiratio: JESUS MARIA: Dein.
de paulo sibi factus presentior, dicat.*

O JESU & MARIA, mei dulcissimi amores,
dono vobis cor & animam meam: totus sum
vester, nullus meus in æternum. O JESU can-
dor lucis æternæ, DEUS, DEUS meus ad te
de luce vigilo. Anima mea desideravit te in no-
cte. Paratum cor meum DEUS, paratum cor
meum. O Domine quia ego servus tuus, ego
servus tuus! & mancipium Ancillæ tuæ MA-
RIÆ.

*E lectulo surgens, seq; muniens signo S. Crucis
dicat.*

**In Nomine Patris, & Filii, & Spiritus
Sancti.**

CUrandum postea diligenter, ne ulla negotia
peragas, antequam mentem ad DEUM, tan-
quam primum principium, & ultimum finem
eaves, ac SSS. TRINITATI debitum reddas
homagium. Adeoq; cum summa humilitate &
reverentia in genua procidendo. intueri quasi
cælum apertum, & innumera millia Angelorum
continuo clamantium & psallentium sacrum
Trisagion, cum quibus magna animi alacritate
clama amoroso affectu.

Sanctus,

Sanctus, Sanctus, Sanctus Dominus DEUS
Sabaoth. Pleni sunt cœli & terra gloriâ tuâ.

Benedicta sit Sancta TRINITAS, atq; indi-
visa unitas. Pater, & Filius, & Spiritus San-
ctus. confitebimur ei, quia fecit nobiscum mi-
sericordiam suam.

Benedictus sit DEUS Pater, qui me creavit
& conservat; unigenitusq; DEI Filius, qui me
redemit; Sanctus quoque Spiritus, qui sancti-
ficavit me. Gloria Patri, qui me sustentat per
suam potentiam. Gloria Filio, qui me gubernat
per suam sapientiam. Gloria Spiritui Sancto,
qui me sanctificat per suum amorem.

Benedicta sit Sancta & individua TRINITAS
ab omnibus Angelis & Sanctis, & ab omnibus
creaturis, nunc & semper & in sæcula sæculo-
rum.

Regi sæculorum immortalis & invisibili soli
DEO honor & gloria.

Adoro, laudo, & saluto te dulcissimum & ver-
nans cor JESU Christi, & ex totis viribus cor-
dis mei ago tibi gratias, quod me hâc nocte cu-
stodieris, DEO què Patri pro me laudes & gra-
tiarum actiones persolveris.

Immortales etiam vobis gratias ago SS. Vir-
go MARIA, SS Angeli & Patroni mei pro spe-
ciali tutela, mihi & omnibus in toto mundo ho-
minibus hac nocte exhibita: benedicant & col-
laudent vos omnes omnium anhelitus & respi-
ria, psallat cor nostrum vobis gratiarum can-
ticam, ut semper præsertim in agone nostro à
vobis adjuvari mereamur.

Dum surgis, adverte num diabolus te somno aliquo lascivo, aut motu quopiam sensuali ex tua occasione contaminare conatus sit, quod si factum fuerit, amaritudinem & dolorem assume, dicendo.

O Domine iustitiæ, & DEUS clementiæ: en de-
testabilis peccator omnia scelera & tætores
peccatorum meorum in immensum ignem amoris tui projicio: in sanguinolentis tuis vulneribus JESU crucifixe ea abscondo: in abyssum misericordiarum ea immergo: veniam da obsecro cunctis imperfectionibus meis; Domine mi JESU ablu me pretioso sanguine, da, ut non amplius offendam te.

O MARIA peccatorum advocata & refugium! obsecro te per JESUM. O JESU obsecro te per MARIAM, miserere & ignosce. Adgeniculator vobis, & a tribunali Justitiæ, ad tribunal misericordiæ appello. Malo mori milleies, quàm peccare amplius. Sic me JESUS! sic MARIA adjuvet.

Deinde petat benedictionem.

Benedic mihi hodie & quotidie Sancta & individua TRINITAS; Benedic mihi ineffabilis potentia Patris. Benedicite mihi manus, cor dulcissimum cum Filio Virginis Matris. Benedicat me virtus Spiritûs Sancti.

Anima Virginis Mariæ lucidissima illumina me. Corpus Virginis immaculatissimum custodi me. Lac Virginis nitidissimum Mariæ pascere me. Fletus Virginis Mariæ in passione Christi effusus confirma me. O Dulcissima Parens fons divinæ pietatis & gratiæ intercede pro me. O Virgo Mater misericordiæ impetra mihi,
ut à

ut à Filio tuo præviam hodie implere possim
mensuram meritorum meorum: ut casto ac hu-
mili corde & corpore Filio tuo, & tibi in omni-
bus actionibus meis servire & placere valeam.

Sancte Michâel Archangele tuere nos in præ-
lio, ne pereamus in tremendo iudicio. S. Gabri-
el, S. Raphaël. omnes Sancti Angeli & Archan-
geli DEI succurrite mihi peccatori.

Rogo vos cunctas virtutes cœlorum, ut nul-
lus inimicus mihi nocere possit, nec in via, nec
in aqua, nec in igne, nec in domo, nec dormien-
do, nec vigilando, nec aliquid aliud faciendo.

O Crux Christi adjuva me, † ô Crux Chri-
sti salva me, † ô Crux Christi libera me, † ô
pretiose sanguis Christi ne permittas damnari
& perire me, ô purpurea vulnera Christi ab-
scondite me.

O Sancti Sanctæq; DEI, omnes Sancti In-
nocentes, SS. Patriarchæ & Prophetæ, SS. A-
postoli, Martyres, Confessores, Virgines, San-
cti, ad quorum Ecclesiam vivo, Sancti Angeli
custodes statûs & officii mei, Sancti veteris te-
stamenti, orate pro me indignissimo peccatore,

Per merita Sanctorum Patronorum meorum,
per Crucem & pretiosum sanguinem Salvato-
ris mei JESU Christi, per merita totius trium-
phantis & militantis Ecclesiæ, Sancte DEUS,
Sancte Fortis, Sancte & immortalis miserere
mei. A subitanea & improvisa morte libera me
Domine: à peccandi occasione: à carnalibus de-
sideriis: à damnatione perpetua: à corde obsti-
nato & in peccatis obdurato: à spiritu superbiæ:
ab omni prava intentione: ab appetitu terrenæ
consolationis: ab appetitu voluptatum tempora-
lium: ab omni inani gloria: ab amaritudine, ira
& indignatione: à deliberato etiam veniali pec-
cato libera me Domine.

Añus

Actus Intentionis.

O Ter magne DEUS! ex quo, per quem, & in quo sunt omnia, proinde supremi iure dominii serviunt tibi omnia: tu scis desiderium meum, & gemitus meus à te non est absconditus. Sed quia præsentis vitæ necessitates minus sinunt mentem indefinenter laudibus tuis intendere, hinc tale tecum pactum mi Domine inire cupio.

Quoties hodie cælum suspexero: toties cordialiter cupio videre, & possidere te, dissolvi & requiescere in te, deficere à me, & transformari in te: toties intensissimo affectu cum Sanctis Seraphinis volo exclamare: Sanctus, Sanctus, Sanctus Dominus DEUS Sabaoth. Pleni sunt cæli & terra gloria tua.

Quoties de te cogitavero, dixerò, audiero: toties offero tibi vitam, passionem, & sanguinem D. N. J. Christi, Cor. SS. Matris ipsius & Matris meæ. Incendia amoris omnium Angelorum, cineres, tormenta, sanguinem omnium Martyrum, suspiria, lacrymas, labores, affectus omnium Confessorum, lilia, rosæ, corda omnium SS. Virginum.

Quoties pectus percussero: toties amore tui detestor & abominor omnia peccata mea, & aliorum commissa ab initio mundi. O si hodie committenda ubiq; impedire possem! & si uni impetrare gratiam, ne te offendat.

Quoties librum, rosarium vel quampiam rem in manus accepero: toties quidquid boni habent omnes bibliothecæ, omnes linguæ, calami, cogitationes omnes, totum tibi offero: toties vellem tuos dulcis JESU pedes amplecti, osculari, lambere.

Quoties

Quoties signum Missæ vel elevationis SS. Hostiæ percepero: toties offero tibi omnia Missæ sacrificia: peracta, & ad finem mundi peragenda: toties omnes actus falsi cultûs ab Ethnicis factos à malitia depuratos tibi offero.

Quoties imaginem alicujus Sancti vel Sanctæ videro: toties pro omnibus naturæ, gratiæ, & gloriæ donis Sanctorum, præcipuè, quorum hodie dies annua ingressûs in cœlum agitur, telando & benedico toties vellem gloriam accidentalem Sanctis tuis omnibus, & lumen animabus purgatorii impetrare.

Quoties ore vel corde dixerò: Benedictus DEUS! toties supplere volo actus divinæ laudis, amoris, & adorationis, quos poterant per totam æternitatem exercere apostatæ Angeli, & animæ damnatorum, aliæq; creaturæ rationales, possibiles.

Quotquot hodie passus ambulando fecero: tot elicere desidero actus charitatis: quo appretio, æstimo, & præfero te DEUM meum super omnia, ita ut secundo passû, sit duplo, triplo, decuplo, centuplo & millies millies ferventior & intensior actus charitatis meæ, quo magis appretiem, æstimem, & superexaltem te DEUM meum super omnia.

Insuper quoties cor meum, cor omnium animatorum movebitur: toties in omnibus cordibus replicari vellem, & illis te amare intensissimè: quoties cadent guttæ rotis vel pluvix, quoties cadent nives vel folia decident: toties nomine omnium cœlestium, terrestrium, & infernorum projicio & provolvo me ante te, in cœlo, Eucharistia, ac ubique præsentem,

Et hæc omnia in unione mutui amoris SS. Trinitatis, in unione omnium altissimarum intentionum ad gustum tibi dandum, & ad maiorem gloriam tuam. In protestationem supremi tui dominii, & nostræ subiectionis. In gratiarum actionem pro omnibus beneficiis mihi & toti mundo præstitis & præstandis. In satisfactionem pro omnibus peccatis meis. Ad solatium vivorum præcipue N. & defunctorum suffragiis carentium, & pro quibus orare teneor. Per manus beatissimæ Virginis Mariæ, per cor tuum ô JESU, & in corde tuo deposita, ac tecum mi JESU, do, dono, & offero divinæ Majestati.

Actus diversarum virtutum.

O MI DEUS! gratulor tibi & gaudeo cum toto cælo & terra, de tua divinitate, unitate, ordine, amore, nexu, cœternit te gloria, ac de omnibus excellentiis & perfectionibus tuis, & quod sis unus in essentia, trinus in personis.

Gratulor tibi de te beato DEUS: de oceano illo felicitatis immensæ, incircumscriptæ dulcedinis, gaudii exundantis in omnem æternitatem, & quod tibi benè sit ab æternò in æternum.

Adoro ex profunda abyssu mei nihili infinitam Majestatem, Sanctitatem, Bonitatem, Potentiam & Sapientiam: adoro te & amo summa & beatissima TRINITAS existentem in te ipsa, & unio hanc adorationem & amorem meum, cum amore, quo amas infinite te ipsam.

Isto etiam meo actu omnes alias adorationes, alios cultus, quibus hætenus affectus es, & quibus affici te conveniebat, uno fasciculo comprehensos tibi offero ac dedico.

Accipio personam omnium hominum in quatuor

tuor mundi partibus viventium. præcipue vero illorum. qui te non adorant. sed blasphemant. & illorum nomine ante te procido. te adoro cultu latriæ. tibi genu flecto.

Amo te. & amore desidero amore tuo. amore Mariano. amore supplente amorem eorum. qui te non amant. ut damnati & non creandi.

Cupio ut pauperculus amor meus tuo infinito unitus recreet. & exhilaret semper dulcissimum & amabilissimum cor tuum.

Gratulor tuæ divinæ Majestati. quod adæquate amari tantum nonnisi à te ipso possis. quantum amabilis es. Et gaudeo quod ameris à te amore infinito. & quantum amari es dignus.

Non invideo Seraphinis gradum illum gloriæ quem in coelis obtinent. sed quod plusquam ego te diligant. hoc damnum invideo ac doleo.

Desidero quovis respiro & suspirio vitæ meæ congerere ad tuam mi DEUS! majestatem adorandam omnes actus latriæ. adorationis. laudis benedictionis. glorificationis. amoris. omnium existentium. & possibilium cœlestium & terrestrium creaturarum.

Doleo de omnibus peccatis meis & totius mundi. quæ contra te DEUM meum quomodocumq; unquam facta sunt. fientq; eo affectu quo Christus de illis doluit. Nolo offendi te à præterita. præsentate. futura vita. & damnata creatura

Pactum facio tecum. quod in æternum nullo peccato voluntario te offendere velim. ut dum à multis peccatoribus offenderis. à me pacem habeas.

Pro omnibus & singulis beneficiis tuis mihi. & omnibus aliis in vita. & post vitam præstandis gratias ago. quantas possum. quantas debeo. quantas Christus pro suis obtulit & Beatissima Virgo.

Pia

*Pia Viatoris desideria, sive scintilla adflam-
mam divini amoris concipiendam.*

EMorior mi JESU! emorior quolibet momen-
to desiderio. millies ac millies plus amandi,
plus exardescendi. plus laudandi te. quia tu es
centrum cordis mei. tu vita, & omne bonum, sine
quo nihil est bonum.

Quare autem ô DEUS meus, cum tam ama-
bilis sis, & ita præceperis te amari, dedisti no-
bis unum cor & adhuc tam parvum??

Utinam haberem latitudinem cordis, sicut are-
na maris, sicut totus mundus, ut amare te pos-
sem latissimè.

Utinam millies millena millia talium cordium
haberem, quale fuit cor JESU & MARIE: &
omnes omnium beatorum virtutes unus pos-
siderem, ut amarem & servirem tibi DEO meo
illis cordibus & exercitatione omnium, illarum
virtutum.

Utinam, quotquot ullo calamo scribi, vel ul-
lâ mente concipi possunt numero, tot Cherubi-
norum & Seraphinorum cordibus te amarem in
infinitum, tot thesaurorum talentis pro gloria
tua expensis te honorarem in infinitum, tot lin-
guis, tot desideriis, tot gaudiis tibi gratularer
in infinitum; tot holocaustis tibi pro peccatis
meis satisfacerem, & pro beneficiis gratias age-
rem in infinitum; tot desideriis optarem id amo-
re tui agere, quod tibi super omnia placeret, in
infinitum.

O si cor meum ob tui amorem in tot minu-
tas partes, quot sunt arenæ maris, quo sunt
guttæ in aquis, quot atomi in aëre posset divi-
di, & quælibet pars amaret te amore infinito,
& omni possibili creato.

Utinam

Utinam omnia corporis mei ossa forent lampades aureæ, & sanguis omnis per venas & per membra diffusus balsamum foret, & lampades arderent, & balsamum consumeretur, in tui solius amorem & honorem, sicq; totus in holocaustum tibi conflagrare possem.

O si & venæ meæ omnes, & nervi, vincula forent aurea, te cordi meo alligarem mi DEUS! & nunquam amplius dimitterem.

O si tibi placeret DEO meo, etiam desiderarem uniri tibi DEO meo, unione personali & Hypostaticâ non propter meam excellentiam, ut appetiit Lucifer, sed ideo purè, ut eò plus diligere te DEUM meum, nempe amore infinito, & tibi adæquato, ne te amplius possem offendere.

O mihi si dares vel ad unicam saltem horam, ardentissimum illum Saraphinorum amorem, ut illo vehementissimo amoris igne succensus, omnes homines in tuo amore succendere possem.

Eheu! quam doleo, quòd tu dulcis amor meus à me non ameris! Eheu quam doleo, quòd tu dulcis amor meus ab aliis ita contemnaris, & insuper offendaris.

Compatior tibi DEUS meus, amor meus, super omni contumelia & injuria, quæ tibi irrogatur: & si prævalerem, libentissimè tibi persolverem omne damnum, in quo est detrimentum honoris & amoris tui.

Actus varii pro opportunitate temporis & occasionis eliciendi.

Ante recitationem Officii Divini.

ERubesco Domine! cogitans quis tu, & quis sim ego! nempe audeo vilis terræ vermiculus & putris

& putris ranunculus è palude sua proriepere ad thronum gloriæ summi DEI! Egone comparebo coram te, & loquar ad Dominum meum, cum sim pulvis & cinis. imo quod gravius est, indignus, exosus, & ingratus peccator. Sed quia me Domine tam amanter in vitas ad orationem & colloquium tuum, cupio tale tecum sancire pactum.

Quoties in oratione linguam movebo: toties vellem mihi dari linguas ardentissimorum Seraphin ad benedicendum & laudandum te, corde & affectu Seraphico, toties pro omnibus, qui te ignorant vel blasphemant, sive in terris sive in inferno, ego clamo amoroso affectu, Benedictus DEUS!

Quoties oculos aperiā & literam aspiciam: toties desidero videre Christum Dominum & Virginem Beatissimam: toties vellem innovare affectus cujuscunq; orationis, à quocunq; Sanctorum in hac vita vel in altera tibi oblatae vel offerendæ.

Quoties cor meum movebitur, toties vellem cor meum mutare cum tuo, unaq; recitare Officium, ut concessum S. Catharinæ Senensi: toties vellem cum S. Francisco cordialiter dicere: DEUS meus & omnia; toties desidero transfigi mihi cor, cuspide amoris cum S. Teresa.

Quoties respiravero: toties gaudeo ob amorem quo te electi tui æternum prosequuntur, & laudes quas tibi in perpetuum dicent: toties desidero, ut quælibet respiratio oris, sit ad te DEUM meum aspiratio cordis.

Quoties hoc nomen DEUS ore vel mente pronuntiabo: volo, ut sit idem, atq; si tunc uno corde complecterer amorem tui summum, ac si
tunc

tunc amarem amore increato, & omni possibili creato.

Quoties me inclinabo: toties volo exhibere illos dignissimos actus adorationis, quos Mater SS. exercuit erga Dominum JESUM cum aliis Sanctis, in terris, toties omnes inclinationes, genuflexiones, & omnes venerantium gestus tibi offero.

Placeat ergo tibi DEUS meus hoc sacrificium laudis, & benigne digneris acceptare has preces, non ut à me procedentes, sed à te inspiratas, & sanguine Domini nostri aspersas. Per illas supplico tibi DEO meo, ut verum concipiam de peccatis meis dolorem, agam pœnitentiam, pœnas expiem; ac ut in gratia tua & amicitia discedam ex hac vita. Supplico etiam tibi pro omnibus propinquis, amicis, ac inimicis, & benefactoribus meis. Succurre illis, qui se meis precibus commendaverunt, converte miseros peccatores ad te. Revoca Hæreticos & Schismaticos, illumina fideles omnes te ignorantes. Da animabus fidelium defunctorum lucem, & requiem sempiternam.

In ipsâ recitatione Divini Officii.

Consideret qui psallit, aut recitat, se officium Angelorum obire, quorum in cœlo perpetuum est exercitium, DEI laudes celebrare. Sed ipsis exemplis melius demonstrari potest, Officium Divinum esse Angelorum Officium.

S. Magdalena triginta annis ab hominum consuetudine sejuncta quotidie septies ab Angelis elevabatur in altum, ad audiendas cœlestium Spirituum laudes, & cum illis persolvendas.

S. Bernardus noster, in matutinis horis vidit
Ange-

Angelos, qui Fratrum orationes scribebant, aliorum quidem auro, aliorum argento, nimirum qui devotè canebant, aliorum aqua, videlicet tepidorum.

S. Gudvualdus Archiep. ambulans aliquando per mare, cum preces in navi persolaturus inchoaret more Ecclesiæ dicens: DEUS in adiutorium meum intende, Angeli subjunxerunt Domine ad adjuvandum me festina, & ita totum Officium alternis vicibus cum viro DEI persolverunt. Sur: 6. Jun.

Unde v. Thomas à Kemp. loquens iis, qui in choro preces absolunt, sic dicebat: Chorus est DEI & SS. Angelorum locus Sacratiss. sicut Angeli in cælo, sic ministri ordinati sunt in choro. Sic ergo sta in choro, & canta inter Fratres, quasi in medio Angelorum stares ante Christum in dextera Patris residentem, vel ante Beatissimam Virginem, Filium suum infantem in gremio gestantem.

Contra verò quantum DEO displiceat negligentia in divino Officio, præceptum quædam celebritas, absque ulla ferè significatione reverentiæ, patet è vita S. Ludgardis, ubi divinitus innotuit pestem, fuisse pœnam culpæ istius. Unde quamprimum horæ Canonice cum reverentia sunt recitatæ; pestis cessavit, Sur. 16. Jun.

Recentius est id, quod memoriæ prodidit Nebridius Canon. Regul. S. Augustini, qui ait Gratiano Capucino pio Novitio in templo nocte intempestâ DEUM oranti cœlites in cultu splendidissimo conspectos dixisse: Dicis Guardiano, ut curet in choro Horas Canonicas lentius recitari, quia nihil in Ecclesia, post usum Sacramentorum, DEO gratius est, recitatione Horarum Canonicarum. Jaco-

Jacobus Card. Vitriacen: ait: Sancto cuiquam visum demonem in humeris onustum sacro plenò syllabarum in Horis canonicis celeritat e præcipiti omissarum.

Justinum in extasim raptum Anno 1547. narratè Boverio Nebridius, pervenisse in Ecclesiam, cum Religiosi matutinum Officium peragerent. Sperabat se auditurum concentum Angelorum; sed ecce nihil percipere potuit, quàm horrendos latratus canum, grunitus porcorum, mugitus boum, & verba blasphemiarum. Mirabatur! Et vox ad eum. Illorum Religiosorum preces, qui eas negligenter persolvunt, qui Regulam negligunt, aliosq; recte viventes impediunt, nihil aliud esse, quàm voces belluarum.

Post Divinum Officium.

Orationem sequentem devotè recitantibus Leo X. defectus in eo persolvendo ex humana fragilitate contractos indulgit.

SACROSANCTÆ & individuæ TRINITATI, Crucifixi Domini nostri JESU Christi Humanitati, Beatissimæ & Gloriosissimæ semperque Virginis Mariæ fecundæ integritati, & omnium Sanctorum universitati, sit sempiterna laus, honor, virtus, & gloria ab omni creatura, nobisq; remissio omnium peccatorum, per infinita sæcula sæculorum.

Beata viscera Mariæ Virginis, quæ portaverunt æterni Patris Filium; & beata ubera, quæ lactaverunt Christum Dominum. Pater. Ave.

*Oratio, quam Christus Dominus B. Gertrudo
dem docuit, post Horas recitanda.*

Blos. Mon. c. 3.

O Bone JESU! propitius esto peccatori. Ego tepidum distractum, & imperfectum servitium meum commendo mellifluis cordi tuo commendandum, & perficiendum, tibi; ipsum offero, in unione illius attentissimæ orationis, quæ tu Patrem orâsti, & laudasti in terris. Responde quæso, satisfac, & supple pro me plenissime.

O piissima Mater supple hoc imperfectum obsequium meum apud dilectum Filium tuum, Monstra te esse Matrem.

O piissime JESU! suscipe hoc idem de manu SS. Matris tuæ, unitumq; tuis, ac ejusdem, omniumq; Sanctorum meritis offer æterno Patri.

S. Gertrudis ora pro me. Offer preces meas cordi JESU, à quo has didici.

Affectus post Horas Canonicas, vel alias privatas Orationes eliciendi.

O Pater misericordiarum scio & verè cognosco, quod me peccatorem miserum magis deceret coram te jacere prostratum, & cum fluctu, gemitu, ac rugitu peccatorum meorum veniam postulare, quàm te ore polluto laudare.

Ignosce Domine, ignosce pie Salvator, ignosce & miserere. Noli me tanquam temerarium reprobare, quod audeam servus valde malus te omnipotentem, DEUM terribilem, ac nimis tremendum, sine cordis contritione, & lacrymarum fonte, sine reverentia & tremore laudare.

Utique

Utiq̃ue Domine Angeli te DEUM suum adorantes, & laudantes tremunt mira exultatione repletis: ego peccator dum tibi assisto, laudes dico. peccatorum veniam postulo; cur non corde paveo, vultu palles, labiis tremo, toto corpore inhorresco sicq; obortis lacrymis coram te indefinenter lugeo. Volo! sed non valeo! O amor vim parior! tu responde pro me, quia nescio, quid dicam DEO vitæ meæ.

Et quia mi Domine non est speciosa laus in pre peccatoris. Laudet te pro me Domine DEUS tua æterna Deitas, immensa Majestas, infinita bonitas. Laudet te pro me tua altissima Sapientia, tua latissima misericordia, tua profundissima iustitia.

Tibi Domine DEUS meus jubilet, & benedicat Humanitas J. C. sanctissima ejus vita, divinissima ejus virtutes, pretiosus ipsius sanguis & lacrymæ, divinissima ejus vulnera & livores, cor illius apertum.

Jubilet tibi pro me Mater gloriosissima Filii tui, tabernaculum admirabile gloriæ tuæ.

Tibi Domine DEUS meus cantet, & jubilet SS. Mater Ecclesia, te honorent omnes Psalmi & preces, omnes ejus affectus, & amores, omnia ejus vota & desideria, quibus ad te gemit in hac lacrymarum valle.

Jubilent tibi pro me omnes Sancti Angeli, Omnes Sancti & Sanctæ, omnis electorum tuorum exercitus.

Jubilent tibi pro me, & laudent te omnes creaturæ, quæcunq; cœli, terræ, & abyssi ambitu, continentur.

Benedictum sit in omni loco totius universi nomen tuum Domine, quod est sanctum, & laudabile, & gloriosum in sæcula.

Jubilent etiam tibi. & gratias agant cor meum, & anima mea, tibi serviant omnes corporis & animæ meæ vires; tibi jubilent omnes nervi & arteriæ meæ, omnia ossa, & carnes meæ, omnis intellectus, memoria, & voluntas mea.

Nunquid enim Domine ideo te non laudabo, quia me indignum, & immundum esse agnosco?

Nonne & vermes, & ranæ immondæ coarctantes in paludibus suis te suum Creatorem laudare cupiunt, prout sciunt?

O Domine amoris! quamdiu halitus erit in ore meo, benedicam te Dominum meum in omni tempore, semper laus tua in ore meo. Lingua etiam deficiente omnis respiratio mea sit laudis significatio. Corpore verò extincto, & in pulverem redacto laudes tibi infinitas dicant minutissima quæq; pulveris grana usq; ad extremum judicii diem.

Hoc enim dilecte JESU adicio desiderans corde affectuoso, ut quando corpus meum fuerit in pulveres minutissimos redactum, & lapide clausum, ut videlicet de qualibet particula minutissima vox amœna laudis, & intensissimi amoris tui exurgat, quæ durissimum lapidem penetrans cœlorum altitudinem transcendat, & usque ad extremum judicii diem vivæ laudis præconium extollat: donec in resurrectione beata corpus, & anima pariter unita in tuæ laudis glorificatione copulentur.

Actus ante meditationem.

O! DEVS Omnipotens, adorande, colende, tremende, ante cujus conspectum omnis Beatorum exercitus cum summa reverentia, & tremore procidit; teq; jugiter adorat, reveretur
& con-

& contemplatur: quomodo & ego vermis im-
mundus, canis mortuus, cadaver putridum,
ego ingratissimus, & infidelissimus peccator,
non tantum coram te assistere, & nomen tuum
laudare, sed ad tuæ Divinitatis contemplatio-
nem, fruitionem, & unionem aspirare audebo?

O Domine! quia tanta tua est dignatio, ut
velis, & gratum habeas à me adorari, & mecum
colloqui, ideo ingredi in solitudinis meæ re-
quiem; & concede, ut hic secus pedes tuos cum
Sancta amante tua Magdalena, discam modum
æ, rationem, quâ uni necessario sollicitè vacem,
atque unice intendam.

Excita me Domine ab omni negligentia, &
sensuum evagatione. Da, ut in meditatione mea
exardescat ignis. O si ut ferrum igni, ita &
ego uniar amori meo! O si vel ad unicuique mo-
mentum transferar in te, absorbearq; à te DEO
meo!

At quomodo servus tam inutilis inveniet
gratiam in conspectu tuo? Respice ô Pater in
faciem Christi tui, in quo tibi bene complacu-
it, in cuius nomine supplex rogo, ut clemen-
ter exaudias me.

Ut felicius tibi succedat meditatio.

1. Imprimis imaginare quasi cælum apertum,
& puta te videre DEUM Patrem ibi An-
gelis circumdatum: teq; considerantem, quid-
nam agere velis. Roga eum, ut auream sagit-
tam adversum te dirigat, quâ cor tuum sancto
amore suo vulneret.

2. Puta te videre DEUM Filium cum vul-
nerum suorum cicatricibus mirificè radiantibus;
deprecare eum, ut tuo pectori immittat guttam
Sanguinis sui, quâ cor tuum veluti vivo igne
succensum in amore Divino incalcescat. 3.

3. Imaginare te contemplari Spiritum Sanctum sole longè splendidiorem, roga eum, ut ad te candidam gratiæ suæ columbam demittat, & inflammet cor tuum.

4. Finge te à latere obtueri Virginem Beata[m] stellis coronatam, ei cor tuum præsentat, ut ipsa Filio suo offerat.

5. Imaginare denique te cernere innumeras Beatorum Spirituum phalanges, qui ei mysterio, quod contemplaturus es, assistent. Tu vero postea perge ad pedes JESU assumptâ similitudine vel servi ingrati, vel proditoris, vel exilio damnati, &c.

Post Meditationem.

TE DEUM laudamus, vel Collectæ consuetæ cum versibus recitentur.

In ingressu Ecclesiæ.

ERgonè credibile est, quòd verè DEUS habitet super terram? si cælum, & cœli cœlorum, te capere non possunt, quantò minus hæc domus?

Domine in multitudine misericordiæ tuæ, introibo in domum tuam, adorabo ad templum sanctum tuum, & confitebor nomini tuo.

Omnes Sancti, & Sanctæ DEI, quorum reliquiæ & imagines hic sunt, saluto & veneror vos, intercedite, obsecro pro me.

Salvete omnes Christi fideles animæ: det vobis requiem ille, qui est vera requies, JESUS Christus Filius DEI vivi, ille benedicat vos, & à pœnis liberet, faciatq[ue] resurgere in die iudicii Angelisq[ue] suis sociari.

Vistando SS. SACRAMENTUM.

Coram te o Sanctissimum Sacramentum cum summa reverentia procido, & cum omnibus Angelis, & Archangelis, cum Thronis & Dominationibus, cumq; omni militia cœlestis exercitus hymnum gloriæ tuæ concino dicens centies, millies: laudetur Sanctissimum Altaris Sacramentum.

Credo mi JESU firmissimè quòd sub his speciebus tu Dominus meus, & DEUS meus continearis. Innoyo & offero tibi omnes affectus, & actus adorationis, salutationis, & recognitionis hîc elicitos & impletos. Et non tantum hîc, sed in omnibus Ecclesiis per totum mundum existentibus.

Gratias tibi Domine pro thesauris omnibus beneficiorum, quos hîc aliquando effudisti, effundes. Doleo de omnibus peccatis & irreverentiis, quibus aliquando in hoc loco offensus es, & offenderis. Desidero, ut laus & gloriatus hîc permaneat usq; ad tempora Antichristi.

O si accendere tibi possem cor meum tanquam lampadem, ut hîc ante te arderet continuò, & totum consumeretur! O si continuò assistere possem tibi DEO meo hîc præsentil!

Quia mi Domine id præstare non possum, saltem anticipatò omnes affectus laudis, amoris, adorationis ab omnibus fidelibus hîc tibi impendendos nunc approbo, tibi innoyo, & repræsentor.

Vos verò Sancti Angeli, SS. Patroni, ad quorum Ecclesiam vivo, & in qua sepeliar, adorate, magnificate pro me istum Dominum meum, hîc præsentem, omni modo, omni tempore, in æternum.

Obser-

Observanda circa Sacrificium MISSÆ.

Explicatio vestitus sacrificantis.

VOLUIT CHRISTUS Sacrificium hoc in memoriam Passionis & mortis suæ fieri, simulq; per idem representari sacrificium illud cruentum, quod ipse in ara crucis Patri suo obtulit. Proinde vestes sacrificantis ad eandem passionem, & mortem significandam ab Ecclesia ordinatæ sunt.

1. Amictus, seu Humerale, significat pannum seu velamen illud, quo Christum velaverunt, & percutiebant faciem ejus, & interrogabant eum, dicentes: *Prophetiza, quis es, qui te percussit?* Luc: 22. v. 64.

2. Tunica lineæ, seu Alba, indicat vestem illam, quâ Herodes Christum indutum cum exercitu suo illudit, & remittit ad Pilatum. Luc. 23.

3. Stola, Manipulus, & Cingulum, referunt funes, & catenas, quibus Christus toto corpore ligatus per urbem Jerosolytam, tanquam homo nefarius tractus est. Joan. 28. 12.

4. Casula nobis vestem purpuream proponit, quâ circumdederunt eum.

5. Tonsura in modum coronæ Sacerdotis crinibus incisa, Coronam spineam indicat, quam milites plectentes imposuerunt capiti ejus, & dicebant:

Ave Rex Judæorum: Et dabant ei alapas. Joan: 19.

6. Crux casulæ inserta, illius nos Crucis admonet, quam Christus humeris suis portavit, & in qua

in qua JESUS emisit spiritum. Matth. 27. 58.

7. Altare, in quo nunc tanquam incruentum sacrificium DEO Patri offertur: montem Calvariae representat. in quo olim Redemptor noster JESUS Christus, se ipsum, cruentum fecit sacrificium, quo Patrem suum damnato mundo reddidit propitium.

8. Velum, & ea quibus Calix involvitur, significant lintamina, quibus Christi Corpus fuit involutum.

9. Cruces, quas Sacerdos crebrò format, varios Christi cruciatus indicant,

Praxis offerendi Sacrificium Missæ cum Sacerdote celebrante.

In quantum est adorativum.

G! Ter magne DEUS! ego pulvis & cinis, ac indignus peccator, & servus tuus ardentissimo, quo possum reverentiæ, gratitudinis, amoris, & devotionis: *f. & tu:*

Offero tibi hoc Sacrificium, quod auditurus sum, unâ cum sacrificiis omnibus tibi placitis unquam, oblati à principio mundi, & ad finem offerendis, in unione Sanctissimi illius Sacrificii, quod tu mi JESU! summus sacerdos, & Pontifex ab æterno, ac primo ingressu in mundum & totâ vitâ offerre desiderasti, in ultima cœna, & cruce moriens obtulisti, & nunc offers tanquam summus, & sempiternus Pontifex assisteas ad dexteram Patris, & interpellans pro nobis.

Ad maximam, æternamq; divinæ majestatis tuæ laudem, cultum, obsequium, honorem, & gloriam

gloriam. In protestationem supremæ tuæ excellentiæ, & principii omnium creaturarum dominiiq; tui. & omnimodæ nostræ subjectionis.

In memoriam & honorem vitæ, passionis, omnium suspiriorum, lacrymarum, vulnerum, dolorum, guttarumq; sanguinis pro nobis à te mi JESU effusi.

In adorationem divinarum dignitatum tuarum. Attributionum, Excellentiarum omnium, infinitæ tuæ perfectionis, beatitudinis, & gloriæ, omniumq; operum tuorum, quæ summopere gaudeo à nulla creatura dignè posse æstimari.

In quantum est Gratiarum activum.

Gratias tibi Domine hoc sacrificio ago, pro illa ineffabili naturæ tuæ, divinæ cum natura humana in Hypostasi unione, ac pro admirabili supra captum intellectu creati. Tui generi humano communicatione.

Gratias tibi pro omnibus donis, gratiis, privilegiis concessis V. B. quam ab æterno ex meritis tuis prævisis, in tempore usq; adeo sublimasti, ut omnino non esset sub maledicto Adæ, originali videlicet peccato non fuerit, imò magis ad maternitatem tuam evexisti, in cælo super omnes Angelos, & Beatos collocasti, Reginam cæli dedisti mundo, Matrem Ecclesiæ, peccatoribus Advocatam.

Gratias tibi pro beneficiis concessis omnibus comprehensoribus, ac prædestinatis in via, & in patria, ac etiam concessis beneficiis omnibus idololâtris, paganis, hæreticis, imp etiam dæmonibus, & damnatis.

Gratias tibi ob beneficium creationis nostræ & tot creaturarum ad ultimum nobis collatarum, ob

ob beneficium redemptionis, conservationis, justificationis, finalis perseverantiae, glorificationis.

Et quomodo Domine mi obliviscar beneficiorum mihi indignissimo collatorum? infinitas tibi gratias ago pro infinito amore, quo me persecutus es, eligens me ante mundi constitutionem, ut sim non lapis, non arbor, non brutum, sed homo creatura rationalis, quodq; tempore praefinito ex abyssu nihil eduxeris me, & nasci feceris in Ecclesia tua, extra quam non est salus, tot media ad salutem aptissima ab aeterno mihi preparaveris, copiosis naturae, gratiae donis ditaveris, quae me extra ceterum vulgus naturae, imò miliones hominum, & tuam ordinatam ad omnes providentiam, magis segregarunt.

In quantum est impetratorium.

Supplifico tibi Domine pro omnibus Praelatis Ecclesiae, Principibus spiritualibus, & politicis, & toto Clero, Seculari Potestate, Religiosis omnibus, Virginibus, Viduis.

Commendō tibi omnes benefactores spirituales & temporales, omnes necessitate pressos & in suis periculis, tentationibus ad te recurrentes, omnes consanguineos meos, amicos, praedestinos, & eos, qui insignius DEUM amant, & Beatissimam, justos, ac injustos, atq; inimicos meos.

Supplifico tibi Domine pro omnibus afflictis, peregrinantibus, captivis, tentatis, infirmis, agonizantibus, & pro tota indigentium universim farragine, pro omnibus Haereticis, Schismaticis, infidelibus, paganis, Judaeis, & obstinatis, quot sunt, peccatoribus.

Pro omnibus Deiparae Clientibus, ut augeantur, ampliusq; benedicantur. Pro parvulis i
mater-

materno utero existentibus ut baptismi gratiam assequantur. Pro iis item parvulis, qui si excrescerent, perirent, ut in innocentia sua moriantur.

Pro me ipso infelicissimo peccatore exoro mi DEUS! clementiam tuam, da mihi remissionem peccatorum, quæ multiplicata sunt super numerum arenæ maris. Da mihi victoriam omnium, sed vel maxime earum tentationum, quibus de facili succumbo. Da mihi præservationem à malis animæ & corporis, ac perseverantiam in bono finalem. Da, maximum & perfectissimum tui divini amoris supernaturalis, nunquam, si fieri possit, cessaturi affectum.

Peto deniq; ut proposita mea sancta sint, & firma, ut demum vivam in te per gratiam, de te per Sacramentum, tecum per gloriam, moriarq; filius gratiæ, viatico corporis tui munitus, hæres salutis.

Inquantum est Propitiatorium.

OFFERO etiam hoc Missæ Sacrificium, & quotquot præterea in toto orbe fiunt, aut facta sunt, in propitiationem, & satisfactionem innumerabilium peccatorum, & negligentiarum nostrarum commissarum, & committendarum usq; ad diem iudicii.

Præcipuè verò offerò pro peccato primo originali, Ethnicorum infidelitatibus, Hæreticorum & Schismaticorum blasphemiiis. Pro omnibus despectibus Eucharistiæ, contemptibus, ac derisionibus factis à dissidentibus, puncturis à Judæis, & sagis, ac pro ipso abominabilissimo Christicidio, & Antichristi peccatis, ac ejus sequacium.

OFFERO pro omnibus sceleratissimis facinoribus

bus meis, quæ cum majori Majestatis tuæ indignatione, proximi scandalo perpetravi, & notabiliter pro primo peccato, quo unquam resolvî me ut offenderim te. Ac pro omnibus negligentis, & imperfectionibus meis, & quidquid unquam contra tuam infinitam Majestatem cogitatione, verbo, opere, omissione feci & deliqui.

Memento Vivorum.

MEmento Domine per viscera pietatis tuæ, & miserere omnium, pro quibus mori dignatus es, præcipuè memor sis Ecclesiæ tuæ Sanctæ, quam pretioso sanguine redemisti ejusq; capitulis Summi Pontificis N. cum suo Clero.

Miserere Christianissimi Imperatoris, Regum, Principum, Prælatorum, Pastorum, omniumq; statuum Ecclesiasticorum, Religiosorum, secularium, eorumquæ præcipuè, qui maxime possunt gloriæ tuæ, & saluti animarum prodesse: omnium, pro quibus singulariter orare teneor: Parentum, fratrum, amicorum, benefactorum, afflictum meorum: omnium, qui se mihi commendaverant, qui me contristarunt, vel quos ego contristavi, offendi, scandalizavi verbo, & opere.

Ad elevationem Hostiæ.

Salve nobilissimū Corpus, & pretiosissimè Sanguis Domini mei JESU Christi, sub hac panis specie verè præsens, te adoro tali cultu, & adoratione, quâ te novem Angelorum chori, quâ totum cælum, & terra te colunt, & adorant, quâ tuam Divinitatem humanitas Christi adoravit.

Vel: Assumo omnes omnium creaturarum affectus, usq; te nunc hic præsentem & latentem

latentem adoro, colo, venerorq; hancquē adorā-
tionem in æternum continuo.

Vel: Omnes beatissimi Angeli, & Sancti omnes,
adoratē & exultate, jubilate, & reverentiam fa-
cite pro me huic JESU, qui est etiam in ma-
nibus sacerdotis, sicut in divino throno ad dex-
teram Patris.

O si potestatem haberem, ut coelum & terram,
& infernum cum omni creatura tibi dulcissimo
amatori cum omni reverentia inclinarem!

Vel: O clemens, o pie, o dulcis JESU, fili
MARIE Virginis miserere mei. Et da, ut sicut
te nunc videre merui in forma panis, ita cum
ad indicandum veneris, securus ac gaudens,
merear te videre in gloria tuæ Majestatis.

Vel: Adoro te Domine DEUS cum Christo
tuo, & per Christum tuum Advocatum meum,
hic & ubiquē, affectu ipsius, & modo tibi in-
finire grato.

Ne reminiscaris peccata mea, neq; fratrum &
proximorum meorum, in hoc mundo posito-
rum sed respice in faciem Christi tui te infan-
te per totum mundum, in tot locis, in Sacrifi-
cio Missæ honorantis, & colentis, eoq; te infi-
nitē oblecta, & per illum nobis tribue gratiam,
ut peccatis liberati, nos quoquē te bonis operi-
bus semper & quam maximē oblectemus. Amen

Ad elevationem Calicis.

Salve nobilissime Sanguis de latere Domini mei
JESU Christi profluens, totius veteris & no-
væ culpæ maculas diluens, ablue, sanctifica, &
custodi animam meam in vitam æternam.

Vel: O Pater amantissime, offero tibi, & vo-
lo tibi omnes actus, quos dilectissimus Filius
tuus

CHRISTIANUS

171

tuis tibi hic in hoc Sacratissimo SACRAMEN-
TO offert gratissimos.

Vel: O Pater æterne offero tibi Sanguinem
dilectissimi Filii tui pro omnibus peccatis meis,
& totius mundi.

Sanguine tuo Christe JESU, à peccatis omni-
bus lava me, & concede, ut anima mea cum à
corpore migraverit, ante tribunal tuum appare-
at munda. O bone JESU ne deferas me in su-
prema mortis hora, & lucta, à qua tota pendet
æternitas.

O Sacratissima vulnera JESU mei suscipe
me, abluite me, significite me. Immergo dulcis-
sime JESU totum me tuo sanguini, tuis vulne-
ribus.

Memento Defunctorum.

Memento etiam Domine famulorum, famula-
rumq; tuarum N. N. pro quibus primario
hoc sacrificium offero. Memento denum omni-
um mihi peculiariter commendatorum, eorum,
pro quibus me vis potissimum orare, omniumq;
aliorum fidelium in Christo dormientium.

Præcipue vero supplico tibi DEO meo pro
Parentibus, propinquis, benefactoribus, pro iis,
qui in templo, vel cimiterio quiescant, pro Cle-
ricis seculari & Religioso defuncto, pro cultoribus
Marianis, & SS. Eucharistiæ, & pro quibus o-
rare nos vult, ac gaudet DEIPARA, pro iis, qui
pridem & gravius purgatorium patiuntur, & qui
sunt diu futuri in purgatorio.

Supplico etiam mi DEUS! pro omnibus in-
ter infideles, ac Ethnicos, in gratia tua defunctis,
fame, peste, bello, subitanea morte sublati pro
pauperibus, & mortuis, gentis ac religionis nostræ.

Horum omnium misericordissime Pater misere

recte

rere per tuam infinitam clementiam, per infinita Filii tui merita, per omnium Sanctorum suffragia. Ostende illis faciem tuam, ut te videant, ament, glorificent in cœlis, in quem crediderunt & speraverunt in terris.

Praxis Communionis Spiritualis.

ITa est Domine JESU indignissimus sum, quia omnibus peccatoribus, & ipso damnis deterior sum. indignus omni bono, & dignus omni malo. Sto tamen pauper, & inops ad mensam magni Regis, & amantissimi Patris mei, tuam Christe JESU: & credo tibi o aterna veritas, quod verè es summo cœlorum ad verbum sacerdotis, ut me visites, venire dignatus es, verumtamen conscius infirmitatis meæ & peccatorum meorum, de quibus propterea vehementer doleo, non audeo Sacramentaliter suscipere te, sed dico ex amore tui cum Centurione: Domine non sum dignus, ut intres sub tectum meum: sed per os Sacerdotis veni amantissime JESU in animam meam. Munda quæso illam à malis omnibus & imperfectionibus, orna bonis, & virtutibus.

Oratio S. Augustini.

Sumpta ex magna tabula Lateranensis Ecclesie, quam quoties quis contritus devotè dixerit, octoginta millia annorum, Indulgentias consequetur, & qui quadraginta diebus eam dixerit, plenariam peccatorum remissionem obtinebit, quam Bonifacius VIII concessit, & Benedictus XI. confirmavit.

DEUS, qui pro Redemptione mundi voluisti nasci,

nasci, circumcidi, à Judæis reprobari, à Juda proditore osculo tradi, vinculis alligari, sicut agnus innocens ad victimam duci, atq; conspectibus Annæ, Caiphæ, Pilati. & Herodis, indecenter offerri, à falsis testibus accusari, flagellis, & opprobriis vexari, sputis conspui, spinis coronari, colaphis cædi, arundine percuti, facie velari, vestibus exui, cruci clavis affigi, in cruce levari, inter latrones deputari, felle & acetô potari, & lanceâ vulnerari. Tu Domine per has sanctissimas pœnas tuas, quas ego indignus recolo, & per sanctam crucem, & mortem tuam, libera me à pœnis inferni, & perducere digneris, quô perduxisti latronem tecum crucifixum. Qui cum Patre & Spiritu sancto vivis & regnas DEUS in sæcula sæculorum Amen.

Actus petitionis pro statu Ecclesiæ.

O! Pater misericordiarum respice in faciem Christi tui, qui clamore valido, & lachrymis interpellat pro Sponsa sua Ecclesiâ, Matre nostra.

Ecce mi Pater profusus ille corporis sudor, horrendæ capitis spinæ, calidi fontes oculorum, clavi manuum, & pedum, livores, & vulnera, & vox sanguinis Fratris Nostri JESU Christi clamat ad te de cruce.

Audi ô Pater! ad hujus suspiria & gemitus moti sunt cœli; scissi sunt lapides, & tenerrima misericordiæ tuæ viscera non flectentur?

Protege & defende Pater clementissime populum tuum, contra hostium ferociam. Ne tradas bestiis animas consentes tibi, & animas pauperum tuorum ne projicias in finem.

Custodi omnes Domine, & conserva, qui

te sincero corde. & ore confitentur, ne a falsis Prophetis, qui veniunt in vestimentis ovium, istus autem sunt lupi rapaces, seducantur. Cœrce potentiam illorum, machinationes detege. & consilia adversus Ecclesiam tuam dissolve.

Da fidelibus tuis misericors Domine, ut in pace & tranquillitate, ac unione incessanter amemus, & laudemus te, ut doctrinam tuam agnoscamus, teq; ad mortem usq; constanter sequamur.

Intentio & præparatio.

Quando conceduntur Indulgentiæ.

OMnipotens DEUS, nec numerus, nec mensura est peccatorum meorum, quibus Divinam Majestatem tuam læsi, & hæc tu quidem per pœnitentiæ Sacramentum ritè confessa ignoscis, & remittis: sed tamen rei sumus temporalium pœnarum, quibus exolvendis opera nostrorum meritum Salvatoris Nostri JESU Christi confugimus, & obsecramus, ut per illa debitæ pro nostris peccatis pœnæ indulgentiam & remissionem ad placitum ejus in terra Vicarii, cui potestas hæc commissa est, impetrare concedas.

Ideo enim præscripta in literis Apostolicis opera pro lucrandis Indulgentiis peragere in stitui; id unum humillimè deprecans amantissime Pater, ut hæc mea opera ex se prorsus exigua in unione meritum Passionis, & mortis unigeniti Filii tui JESU Christi in satisfactionem admittere, & suscipere velis; & me de Indulgentiis his, & pœnarum temporalium remissione, participare concedas, Amen.

Si

Si lucranda sint Indulgentiæ, non sufficit Confessio, & Communio, sed insuper necesse est, ut illum Ecclesiam, in qua sunt Indulgentiæ, visites, ibiq; Communionem percepta orationes recitari debent, pro exaltatione S. Romane Ecclesiæ, Hæresim extirpatione, & Principum Christianorum unione.

Formula orandi

Pro Indulgentiis consequendis.

1. DEUS omnium fidelium Pastor & Rector, cujus Spiritu totum corpus Ecclesiæ sanctificatur, & regitur, quiq; gloriam tuam omnibus in Christo gentibus revelasti, custodi opera misericordiæ tuæ, ut Ecclesia tua toto orbe diffusa, bonorum omnium incremento augeatur, & stabili fide in confessione tui nominis perseveret, Per eundem &c.

2. DEUS largitor pacis, & amator charitatis da famulis tuis Regibus, & Principibus Christianis veram cum tua voluntate concordiam, ut bellis, dissensionibus, & omni perturbatione submotæ, securæ tibi serviat Christiana libertas. Per Dominum &c.

3. Omnipotens sempiterne DEUS, qui neminem vis perire respice ad animas diabolica fraude deceptas, ut omni hæretica pravitate deposita, errantium corda resipiscant, & ad veritatis tuæ redeant unitatem. Per Dominum, &c.

Deinde septies Pater, & Ave cum Credo recitur.

Formula orandi, post opera pro Indulgentiis peracta.

Clementissime DEUS, utinam quæ pro Indulgentiis requirebantur, eo modo, quo oportet peregissem. Quidquid autem mihi defuit suppleant merita, suppleat sanguis Filii tui. Permite igitur misericors DEUS, ut de his Indulgentiis participem, remitte, & dele pœnas, quas in hac, vel in altera vita pro peccatis meis sustinere deberem. Illumina me, ut gratiam hanc mihi exhibitam agnoscam, & tibi summo meo Benefactori æternas gratiarum actiones cum omnibus Angélis, & electis tuis referam.

Quando Indulgentia Communions animæ in Purgatorio transcribitur.

Amabilissime JESU miserere animæ hujus N. lustrali incendio torridæ, pro cujus exemptione Indulgentiam hanc communionis meæ, & per eam divini sanguinis tui pretium infinitum, tibi offero. Fac ut hæc anima voracibus flammis liberetur, atq; in desideratissimos amoris tui amplexus volet! occupet rebellium olim Angelorum optatissimam sedem, ac concinat misericordias tuas in æternum, & ultra.

Deprecatio pro felici successu Sacre Religionis

Domine DEUS Rex omnipotens, in ditione tua cuncta sunt posita, & non est, qui possit resistere tuæ voluntati, si decreveris salvare, & conservare nos indignos servulos mille tibi votis, ac desideriis mancipatos. Tu fecisti cælum, & terram, & quidquid cœli ambitu continetur. Dominus omnium es, nec est qui resistat Majestati tuæ. Et nunc Domine Rex DEUS Patrum

trum nostrorum miserere congregationis tuæ, quam possedisti ab initio.

Ne despicias Domine partem tuam, & hæreditatem tuam, quam tuo sanguine acquisivisti. Exaudi deprecationem meam, & propitius esto sorti, & funiculo tuo. Intende oculos pietatis tuæ in omnes Religionis nostræ Præsules, & Pastores, & fac eos super commissum tibi gregem fideliter excubare.

Converte oculos tuos misericordes in omnes Religiosos servos tuos, & Fratres nostros, quos de hoc sæculo nequam eripuisti, ad te benigne traxisti, ut hæreditatem capiant salutis. Da illis in virtute & vocatione profectum, & in cunctis fervorem accende. Da ut viventes per totum mundum laudemus nomen tuum Domine, & ne unquam claudas ora te canentium, Domine DEUS noster.

Postulatio gratiarum.

SIquidem bone JESU, sine gratia tua nihil boni fieri potest, quocirca peto à te dona, & auxilia ad meam, & proximorum salutem procurandam necessaria, peto auxilium gratiæ habitualis, Sanctificantis. Peto continuas gratias efficaces, excitantes, & cooperantes. Peto intensiores habitus virtutum, fidei, spei, charitatis, justitiæ, prudentiæ, temperantiæ, fortitudinis.

Largire dona, & fructus Spiritus sancti. Largire opera misericordiæ Spiritualis, & corporalis. Largire etiam gratias gratuitas ad salutem proximorum, & amplificandam gloriam tuam. Tribue gratiam orationis mentalis, & vocalis, examinis utriusq; frequentis recollectionis, silentii, intimæ tecum unionis, pietatis erga Virginem Beatissimam, cultus erga SS. Patronos.

Concede.

Concede, ut perfectè observentur Regulæ. & vota: paupertatis, castitatis, obedientiæ. Auge in me amorem vocatiõis, & da mihi Spiritum statûs. & aptitudinem ad omnia ejus munia peragenda. Da virtutes solidas, humilitatis, mortificationis heroicæ, & abnegationis in omnibus. summè insatiabilem contemptûs, & injuriarum. Da ut nunquam te peccato mortali, & veniali deliberato offendam. Da vitam plenam meritis. & tuo amore ferventem. Da perseverantiam in Religione, & felicem in optimo animæ meæ statu mortem.

Petitio brevior.

Ps. Confirma hoc DEUS, quod operatus es in nobis.

Ps. A templo Sancto tuo, quod est in Hierusalem.

O R A T I O

DEUS, qui nos à sæculi vanitate conversos ad bravium supernæ vocationis accendis, pectoribus nostris purificandis illabere, & gratiam nobis, quâ in te perseveremus, infunde, ut protectionis tuæ muniti præsiidiis, quod te donante promissimus, impleamus: & nostræ professionis executores effecti, ad ea, quæ perseverantibus in te promittere dignatus es perlingamus. Per Christum Dominum nostrum.

Actus ad Virginem Beatissimam & Sanctos Patronos.

Formula dedicandi se Beatissimæ Virgini.

SANCTA MARIA Mater DEI, & Virgo Immaculata, Ego N peccator vilissim9, undequaq; purissimo conspectu tuo indignissimus, impulsus desiderio tibi serviendi, ac fretus pietate tua singulari, coram benedicto Filio tuo, & curia cœlesti

Iesti universa, dedico me tibi hodie in servum & mancipium tuum, eligoq; te in singularem meam Dominam, Matrem, & Advocatam, & firmiter propono, me nunquam te derelicturum, neq; contra te aliquid unquam dicturum, sed semper tuum honorem defensurum.

Te itaq; Virgo Sacrosancta per Sanguinem Filii tui JESU-Christi oro, ut me inter alios Tibi devotos in servum perpetuum admittere digneris, adsisq; mihi in omnibus necessitatibus meis, & super omnia non me deferas in hora mortis meæ.

Christus proprio ore dictavit in Regula Salvat.

c. 5. has duas Orationes.

Omnipotens sempiterne DEUS, qui pro nobis de Castissima Virgine nasci dignatus es, fac nos quæsumus tibi casto corde servire, & humiliter mente placere.

Oramus te piissima Virgo MARIA, mundi Regina & Angelorum, ut eis, quos purgatorii examinat ignis, impetres refrigerium, peccatoribus indulgentiam, justis in bono perseverantiam: nos quoq; fragiles ab instantibus defende periculis. Per Christum Dominum nostrum.

Beatissima V. M. hac dixit S. Birgitta l. 1. ejus Revelat. c. 3. Sic laudare debes me.

Benedictus sis tu DEUS Creator omnium, qui in utero MARIE Virginis descendere dignatus es.

Benedictus sis tu DEUS, qui cum MARIA Virgine esse sine gravamine voluisti, & de ea immaculatam carnem, sine peccato sumere dignatus es.

Bene-

Benedictus sis tu DEUS, qui ad Virginem cum gaudio animæ ejus venisti, & sine peccato. de ea processisti.

Benedictus sis tu DEUS, qui MARIAM Virginem Matrem tuam post Ascensionem tuam, crebris consolationibus lætificasti, & per te ipsum, eam consolando visitasti.

Benedictus sis tu DEUS, qui corpus, & animam Mariæ Virginis Matris tuæ in cœlum, assumpxisti, & super omnes Angelos juxta Deitatem tuam honorificè collocasti, miserere mei, propter preces ejus.

Devota ad B. V. Commendatio.

Memorare piissima, & gloriosissima Virgo MARIA Mater misericordiarum, & totius consolationis, à sæculo non esse auditum, quemquam ad tua præsidia currentem, tua implorantem, auxilia, aut tua petentem suffragia à te Virgo MARIA derelictum. Idcirco tali animatus fiducia, ad te Virgo Virginum, Regina cœlorum, & Domina Angelorū, ô MARIA Mater Domini nostri JESU Christi confugio, ad te stella maris curro; coram te miser & gemens assisto.

Noli ô Domina mundi, clementissimas aures tuæ pietatis ob ingratitudinem meam ad clamorem meum claudere. Noli Mater omnium ab omni benignitate me excludere: sed benignè fac mecum propter nomen Sanctum tuum. Noli porta cœli ob scelera mea jugiter obserari, sed repone me ad portam gratiæ, à qua ingratus exivi, per quam tu mundo vitam & salutem reportasti.

Noli Regina gloriæ, ob tuæ celsitudinis gloriam mei peccatoris oblivisci, sed memor esto
fragi-

fragiliatis meæ, & adjuva me propter magnitudinem gloriæ tuæ. Noli solitam pietatis tuæ manum retrahere, sed tolle quod metuo, largire quô careo, indulge quod offendo. Noli æterni verbi Mater verba mea despicere, sed audi propitia, & exaudi me miserum ad te in hac lachrymarum valle clamantem, nunc, & semper, & in hora mortis meæ. O clemens! ô pia! ô dulcis Virgo MARIA!

Pro felici morte ad Beatissimam.

O Dulcissima JESU Mater, Virgo MARIA Patrona mea, visceribus misericordiæ plena, succurre mihi misero peccatori, antequam mors subitanea, & improvisa superveniat, ne subito, & imparatus de hoc mundo transeam.

Ora pro me MARIA Virgo benedicta ob unigeniti Filii tui D. N. J. C. passionem, ac mortem amarissimam, ut peccati detestatione, diaboli & operum ejus abrenuntiatione, verâ contritione, purâ, & humili confessione, pœnitentia, & satisfactione, digna DEI acceptione, & proximi dilectione, Filio tuo reconciliatus de hoc mundo transeam.

Et fac mecum misericordiam tuam ô Beata V. M. Mater DEI in illa tremenda hora, quando spiritus vitales deficient, & mortua lingua se nequibit movere ad invocandum te; neq; oculi mei lucem capere poterunt, auresq; meæ nulli voci patescant. Memor esto ô MARIA precum, quas nunc fundo ad aures tuæ pietatis, & subveni mihi in illa ultima hora necessitatis meæ ut liberer à ministris diaboli, colloca cum Christi Fidelibus, Filii tui servis, & amicis. Amen.

Ad SS. Angelos, & SS. Patronos.

OMnes Sancti Angeli, & Archangeli, Omnes Sancti Throni, & Dominationes, Omnes Sancti Principatus, & Potestates, Omnes Sanctæ virtutes cælorum. Omnes SS. Cherubim & Seraphim. Omnes SS. Patriarchæ, & Prophetæ. Omnes Sancti Apostoli, & Evangelistæ, Omnes SS. Martyres, & Confessores. Omnes SS. Episcopi, & Doctores. Omnes SS. Sacerdotes, & Levitæ. Omnes SS. Monachi, & Eremitæ. Omnes SS. Virgines, & Viduæ. Omnes SS. Coniugati, & Innocentes. Omnes Sancti, & Sanctæ DEI. Et præsertim S. Michæl. S. Gabriel, S. Raphaël, S. Petre, S. Paule, S. Ioannes, S. Andrea. S. Benedicte. S. Bernarde, S. Augustine. S. Dominice. S. Franciscæ, S. Ignati. S. Antoni. S. Casimire. orate, & intercedite pro me indigno peccatore. Vestrâ me tutelâ undiq; hostibus irruentibus vallate, ut non accedat ad me malum, & flagellum non appropinquet tabernaculo meo. Venite in subsidium fortissimi Athletæ, ut auxilio vestro ultionem videam ex inimicis meis, & vobiscum in æternum laudem, & glorificem Dominum DEUM nostrum in terra viventium, Amen.

Ad Angelum Custodem.

ANgele DEI Sacratissime, mihi à DEO in custodiam deputate gratias tibi ago pro omnibus beneficiis, quæ mihi in corpore, & anima unquam exhibuisti.

Laudo, & glorifico te, quòd mihi miserrimo tam fideliter adstare atq; me contra omnes hostium insultus tueri dignaris.

Bene-

Benedicta sit illa hora, quâ mihi in custodiam datus, & in defensorem atq; Patronum deputatus es.

Benedicta sit tua in me charitas, omnisq; tua sollicitudo, quâ salutem meam, promovere non cessas.

In recompensationem omnium obsequiorum mihi à juventute exhibitorum, offero tibi nobilissimum Cor JESU Christi: rogans mihi ignosci, quòd toties Sanctis tuis inspirationibus renitendo, te contristaverim: firmiter nunc propono tibi obedire, DEOq; meo fideliter servire.

Ad S. Joannem Evangelistam pro conservanda castitate.

Antiph: Iste est Joannes, qui supra pectus in cœna recubuit; beatus Apostolus, cui revelata sunt secreta cœlestia. *ψ* Hic est Discipulus. *℞*, Quem diligebat Jesus.

Oratio.

Pectoris illius delicias, & Divinissimi cordis dulcedinem, supra quod felicissime decubisti S. Joannes, ad nos quoq; famulos tuos feliciter extendi, ut abjectis mundi illecebris, in puro Christi amore quiescamus, Per &c.

Ad S. Josephum

Antiph: Salve Patriarcharum decus, & Ecclesiæ Sanctæ DEI Oeconome, qui panem vitæ, & frumentum Electorum conservasti.

ψ. Ora pro nobis castissime Joseph.

℞. Ut digni efficiamur promissionibus Christi

Oratio.

Virginum Custos, & Pater S. Joseph, cujus fidei custodia ipsa innocentia Christus Jesus, & Vir-

& Virgo Virginum MARIA in terris commissa fuit; te per utrumq; charissimum pignus tuum JESUM, & MARIAM obsecro & obtestor, ut me ab omni immunditia præservatum mente intaminata, puro corde, & casto corpore, JESU, & MARIÆ semper facias castissime famulari, Per &c.

Votiva ad eundem Sanctum.

Sanctissime Joseph-**MARIÆ** Matris **DEI**, & Virginis Sponse. periclitantium & agonizantium Advocate. Ego N. te hodie coram **JESU** & **MARIA** Sponsa Tua, in Dominum Patronum, & Advocatum pro tota vita mea, & morte eligo. firmiterq; statuo ac propono me nunquam te derelicturum. neq; contra te aliquid unquam dicturum, neq; permissurum, ut à meis subditis aliquid contra tuum honorem unquam agatur.

Suscipe me ergo in servum tuum, & me **MARIÆ** Sponsæ Tuæ in perpetuam protectionem, & in æternas **JESU** misericordias commenda, adsis mihi in omnibus actionibus meis, quas omnes offero in perpetuum, ad majorem **JESU**, **MARIÆ**, & tuam gloriam, nec hic deseras in hora mortis; ad quam Te nunc Sanctum Patronum invito: ut tunc quod possibilitas mea non obrinet, tuâ mihi intercessione donetur. Per **JESUM** Deum animæ meæ.

Gratias tibi Deus meus, pro omni donorum thesauro, quem in **JESUM**, **MARIAM**, & S. Josephum effudisti.

Gratias tibi ago dulcissime **JESU**, & Tibi SS. Virgo **MARIA**, pro omni amore & benevolentia, ac honore, quo Sanctum Josephum complexi estis.

Gratias.

Gratias tibi S. Joseph, pro omnibus laboribus, & doloribus, quos pro JESU, & MARIA libentissime sustinuisti.

Gratias vobis omnes Sancti, & Sanctæ Dei, quæ peculiari studio JESUM, MARIAM, JOSEPHUM coluistis: adeste mihi vos omnes una cum JESU, MARIA, JOSEPHO, semper, sed potissimum hinc migranti.

Per merita Agni immaculati JESU Christi, ex quo est fons omnis puritatis, & per Immaculatam Conceptionem, SS. Virginitatem, & innocentissimam puritatem Beatæ semper Virginis Matris DEI Mariæ, & intercessionem castissimi Sponsi ejus JOSEPHI emundetur, & immaculatum conservetur cor, & corpus meum. In Nomine Patris, & Filii, & Spiritûs Sancti.

Ad S. Antonium de Padua.

Responsorium à S. Bonaventura conscriptum.

SI quæris miracula, mors, error, calamitas, dæmon, lepra fugiunt, Ægri surgunt sani. Cedunt mare, vincula, membra, relq; perditas petunt, & accipiunt juvenes, & Cani. Pereant pericula, cessat & necessitas, narrent hi, qui sentiunt, dicant Paduani. Cedunt mare &c.

V. Ora pro nobis B. Antoni Prædicator egregie.

R. Ut interveniente tuâ gratiâ percipiamus cœlestis vitæ gaudia.

Oratio.

Clementissime Domine JESU Christe, qui B. Antonium Confessorem Tuum perpetuis illustras miraculorum splendoribus, concede propitius, ut per ejus merita pacem Regni istius, & gratiam consequamur æternam.

San-

Sanctissime famule DEI Antoni, qui inter opera mirabilia, in quibus elucet, meritorum tuorum efficacia, ad conquirendas res perditas accurris, assistis, & instruis. Quæsumus, nobis deperditam gratiam reperire, certantibus benigne subveni, ut illam amissam, & gloriam promissam percipere mereamur. Per Christum Dominum.

Ad S. Barbaram.

Henricus Koch ad ossa usq. exustus sequenti oratione meruit esse superstes. *Sæculus 4. Decembris*

O Sanctissima Virgo Barbara, quodcumq. Sponsi Tui viribus potes, mihi in mortis articulo, obsecro, ut suppedites; adjuva me miserum, ne in peccatis mori: effectum hunc habeat tuâ intercessione primitus à Christo tibi facta promissio, cum fidem ejus tuo sanguine consecraveris: Redeat in memoriam Sponso Tuo Virgineus collo tuo exuberans sanguis: recordetur ardentissimæ tuæ charitatis. nec animam meam à corpore exire permittas, nisi confessione expiatam, & SS. Eucharistiæ Sacramentò refectam, Amen.

Ad S. Annam.

A Nna pia Joachim, Dominam magnam genuit, Beatam MARIAM Genitricem Domini.

V. Valde honoranda est Beata Anna.

R. Quæ cœli Reginam genuit.

Oremus.

DEUS, qui Beatæ Annæ tantam gratiam donare dignatus es, ut Beatissimam MARIAM Matrem tuam in suo utero glorioso portare mereretur: da nobis, quæsumus, per intercessionem Matris, & filiæ tuæ propitiationis abundantiam

dantiam, ut quarum memoriam pio amore complectimur, earum meritis, & precibus ad celestem Jerusalem pervenire mereamur. Qui vivis, & regnas per omnia sæcula sæculorum, Amen.

Ad S. Bernardum.

Beatus Bernardus ab infantia spiritum fortitutus est bonum, per quem erat puer docilis, & amabilis valdè.

Ps. Ora pro nobis Beate Bernarde.

R. Ut digni efficiamur promissionibus Christi.

Oremus

Perfice, quæsumus Domine pium in nobis sanctæ religionis, affectum, & ad obtinendam tuæ gratiæ largitatem, B. Bernardus Abbas, & Doctor egregius, suis apud te semper pro nobis meritis, & precibus intercedat. Per Christum Dominum nostrum, Amen.

Ad S. Patronum cuius nomen in baptismo sortitus es.

O! Beatissime N. patrone fidelissime, invictissime miles purpurati exercitus. Substerno me tibi in servum perpetuum, commendo vitam & mortem meam, maxime autem extremum spiritum meum.

Obsecro mi Patrone sanctissime per amorem, quo tam ferventer DEO adhaesisti, ut nunc liberari possim à cunctis malis animæ, corporis, ac te Duce & Comite securior pervenire merear ad vitam æternam.

O! DEUS Omnipotens, & misericors, nomen meum mellifluo nomini tuo digneris subscribere in libro vitæ, & qui me famulum tuum Sancti tui N. nomine voluisti gaudere; da ut
in omni-

in omnibus tibi placitis ejus vestigiis inuisitasti,
& tandem cum illo Beatissimam Faciem tuam
contemplari valeam.

Contra pestem, & quosvis morbos contagiosos.

Recordare Domine testamenti tui, & dic Angelo
percutienti, cesset jam manus tua, & non
desoletur terra, ne perdas omnem animam vivam

V. Adjuva nos DEUS salutaris noster.

R. Et propitius esto peccatis nostris.

Domine exaudi orationem &c.

Oremus.

Preces populi tui Domine clementer exaudi,
ut qui iuste pro peccatis nostris affligimur,
pro tui nominis gloria liberemur.

DEUS, qui non mortem, sed poenitentiam de-
sideras peccatorum: populum tuum ad te rever-
tentem propitius respice, ut dum tibi devotus
existit, iracundiæ tuæ flagella ab eo clementer
amoveas.

Da nobis quæsumus Domine, piæ supplica-
tionis effectum, morbosq; pestilenciales à nobis
propitiatus avertere: ut mortalium corda cogno-
scant, à te indignante talia flagella prodire. Per
Dominum nostrum Jesum Christum &c.

*Serviente peste Comimbria 1317. Moniales S. Cla-
ræ quotidianâ, quâ palam, quâ privatim, hujus, quam
subdo, Amiphonæ recitatione, immunes à peste servatas
esse. atq; illam eis à S. Bartholomæo Apostolo men-
dici specie spectandum se illis præbente, allatam esse,
affirmat post alios Valdingus apud Marracium in Apo-
stolis Mar: c. 10. pag: 222.*

Stella cœli excirpavit.

(Quæ lactavit Dominum)

Mortem pestis, quam plantavit.

Primus Parens hominum.

Ipsa

Ipsa stella nunc dignetur

Sidera conspescere.

Quorum bella plebem cædunt

Diræ mortis ulcere:

O piissima Stella maris

A peste succurre nobis,

Audi nos Domina.

Nam filius tuus nihil negans Te honorat.

Salva nos, JESU, pro quibus Virgo Ma-
ter orat.

V. Ora pro nobis *S.* Dei Genitrix.

R. Ut digni efficiamur promissionibus Christi.

DEUS misericordiæ, DEUS pietatis, DEUS
indulgentiæ, qui misertus es super afflictio-
nem populi tui, & dixisti Angelo percutienti
populum tuum. contine manum tuam: ob amo-
rem illius Stellæ gloriøsæ, cujus ubera pretio-
sa contra venena delictorum, quàm dulciter
saxisti: præsta auxilium gratiæ tuæ. ut ab omni
peste, & improvisa morte securè liberemur, &
a totius perditionis incursum misericorditer salve-
mur. Per te JESU Christe Rex gloriæ, qui
vivis & regnas in sæcula sæculorum, Amen.

*Modus honorandi quemcumq; Sanctorum in ejus
festivitate.*

O DEUS æterne infinitarum perfectionum
Author, adoro te creatura tua. ut supre-
mum rerum omnium Dominum, & Principium
omnium donorum, naturæ, gratiæ, & gloriæ,
quibus S. N. in terra ornâsti, & nunc ornas in
coelis.

Gratias tibi bone JESU, gratias Sanguini tuo,
ex quo omnia Sancti hujus merita fluxerunt.
Gratias tibi o Patrone fidelissime ob tuos istos

M

ame-

amores, quibus Divinam Majestatem olim in terris, & nunc amas in cœlis. Grâcias tuo benedicto cordi, grâcias sanguini (si est Martyr) quem effudisti.

Grâcias ob tot exempla virtutum nobis relicta, & beneficia multis per merita tua collata.

Benedicta sit Beata Virgo MARIA, benedicti Sancti Patroni, & Angeli Custodes, quorum ope ad hanc paradisi gloriam pervenisti.

Confundor, & erubesco, quod vitiis meis sim adeo tibi dissimilis, & præsertim tuæ puritati.

Recipio te in Patronum & Advocatum meum, ac me tibi trado in servum & clientem in vita & in morte.

O S. Patrone cœli Princeps, per amorem JESU & Mariæ, impetra Ecclesiæ Sanctæ pacem, omnium infidelium, Hæreticorum, ac peccatorum conversionem.

Offero tibi ô SS. TRINITAS mèrita omnia SS. Patroni mei ad gustum divini cordis tui, & gaudeo de omni amore & servitio, quod exhibuit tibi fidelis iste servus tuus.

Offero preces omnes, quæ in ejus honorem funduntur, ut ante Tribunal suum Altissime DEUS præsententur, & per eas mihi beneficias.

Gratulor tibi ô S. Patrone, de omni honore & cultu, quem in terra habes, & quem in regno gloriæ consecutus es.

Añs Antemeridiani.

Memento Domine per viscera misericordiæ tuæ, per merita Filii tui, per merita Beatissimæ Virginis Mariæ ac Omnium Sanctorum & Electorum tuorum, inprimis Ecclesiæ Sponsæ tuæ: auge in ea fidei puritatem, & labore virorum Apostolicorum dilata eam toto orbe terrarum.

Da

CHRISTIANUS

171

Da Summo Pontifici nostro N. Spiritus Sancti abundantiam, ut populo sibi commisso verbo & exemplo præluceat. Intende oculos pietatis tuæ in universos Ecclesiæ Præsules & Pastores, & fac eos super gregem sibi commissum fideliter excubare.

Adesto Parochis, & Presbyteris, & omni Clero, ut nulli præbeant scandali occasionem, diligant puritatem, & ei sequantur, quæ pacis sunt.

Esto propitius omnibus Religiosis, da illis continuum in virtute profectum, votorumque ac regularum exactissimam observantiam. Da huic domui bonorum temporalium sufficientiam, & Spiritum excita in Prælati nostris, & in cunctis fervorem accende.

Effunde miserationes tuas Domine, Princeps Regum terræ in omnes Reges, & Catholicos Principes, eisque tribue in obedientia fidei & Ecclesiæ perseverantem famulatum, subditorum carum, justitiæ zelum, & observantiam mandatorum tuorum.

Da Virginibus continentiam & castitatem, conjugatis sanctimoniam, poenitentibus indulgentiam, viduis & orphanis sustentationem, peregrinantibus reditum, navigantibus portum, justis perseverantiam; bonis ut meliores fiant, tepidis ut fervescant, malis & peccatoribus, qualem me dolens esse confiteor, ut convertantur.

Conserva Cælum in salubritate, terram in fertilitate, mundum in providentia ex omni parte sufficienti.

Respice omnes ægrotos, tentatos, afflictos, agonizantes incarceratos, & in aliquo periculo, vel necessitate constitutos, da illis auxilium & consolationem, prout expedit ad gloriam tuam, & salutem illorum.

Ma

Misc

Miserere Domine omnium consanguineorum meorum, affinium, amicorum. Miserere inimicorum meorum, quos intime amore tui diligo; Miserere omnium, quos ego scandalizavi & offendi.

Respice etiam Clementissime Domine Paganos, Turcas, Idololatrias, Hæreticos, Schismaticos, Judæos, & gentes omnes à fide alienas, collustra eas Domine veritatis tuæ splendore, ne pereant tot imagine tuæ, pro quibus pretiosus Filius tui Sanguis effusus est.

Memento demum Rex æternæ cui omnia vivunt, animarum omnium fidelium defunctorum præcipuè earum, quæ suis carent suffragiis, & pro quibus orare teneor. Extingue earum ardorem oratorio rore misericordiæ tuæ, & citò purgatas in conspectum tuum admitte.

Pro me ipso tandem infelicissimo Clementiam tuam humillimè implo-ro. Miserere mei secundum magnam misericordiam tuā, Dona mihi virtutes statui meo necessarias. Da terrena despiciere & amare coelestia.

Astus Meridiani.

O! Candor lucis æternæ, Domine mi JESU! O ignis, qui dulciter ardes, secreta lucas, suaviter odoras! quando? o quando nox ista sicut dies illuminabitur, in qua tuo in lumine videbo lumen tuum?

O quando veniet dies illa, cui nox non succedit, quæ temporum vices nescit, sed semper lucet & diescit?

Quando mi suavissime JESU flammis tuæ immensæ charitatis transflammatas, ego Te solo, & Te solum ardere incipiam? quando arde-

scet,

ſcet pigrum frigus meum igne tuo, & accenſus in te, parvus erit mihi omnis amor, quo creatura quævis diligit te? quando mi JESU vitali amoris tui morte moriar, igne tuo conſumptus favileſcam, abiboq; in cineres dilectionis tuæ?

O Domine! quando ero tuus totus, & tu meus? quando ſuſpenſus de te, deficiam à me, & tranſibo in te? quando in loco tabernaculi admirabilis reſiciar in admiratione gloriæ tuæ? quando guſtabo & videbo, quàm ſuavis ſis D. JESU?

Quanti mercenarii abundant in dome Patris mei panibus, & ego hic fame pereor? ô ſi citius poſſem ſurgere, & ire ad Patrem meum. Quamvis verò ille panis non ſit dandus canibus, quorum unum me meum facit peccatum, attamen & catelli edunt de micis, quæ cadunt de menſa Dominorum ſuorum.

O DEUS cordis mei! quemadmodum deſiderat corvus ad fontes aquarum, ita deſiderat anima mea ad te fontem vivum.

Quis indicabit mihi, quem diligit anima mea, ubi cubet in illo meridie, ubi paſcat? & quando requieſcam? in meridie illo: meridie jucunditatis & lætitiæ? O merities præclarus neſciens vespereum, non habens occaſum!

Veni ſuſpirata quies amantiſ animæ meæ, ut nulli mihi dies, nullæ noctes eant ſine te, nullus mihi ſomnus, nulla requies ſine te: te ſolum eſuriam, & ſitiam, qui paſceris inter lilia, mi JESU ſuaviſſime.

Actus ante reſectionem.

Liberaliſſime Domine, illinè tu eſcam dabis, qui te non ſemel convitiis & opprobriis ſaturavit? cur me potius non enecabis fame? cur talem

talem escam aliis melioribus non providisti? Indignus enim sum rationalis creaturæ cibis, & pane Filiorum, qui jumentis insipientibus similis factus sum propter innumera peccata mea.

Oh immensam vim benignitatis tuæ, quā vilissimum servum poenis duntaxat dignum, tot bonis cumulare non cessas? Oh quot pauperes fame pereunt, cum mihi indignissimo nihil desit! Da mihi Domine operari non cibum, qui perit, sed qui permanet in vitam æternam.

Gratias tibi ago ô DEUS meus! Misericordia mea! qui pascis me à juventute mea, & usque nunc aperis manum tuam, & imples me, licet indignum animal benedictione.

Oh si tam devotè, temperanter, modestè vires corporis mei reficere possem, bone JESU, sicut tu olim in terris.

Decerno temperatissimè Domine escâ & potu ideo tantum uti, ut natura ad serviendum tibi consistat. Nolo Domine ullam in mensa voluptatem percipere, memor fellis & aceti, quod ipse gustasti. Vellem potius Domine, ut ea, quæ sumpturus sum, absinthium saperent propter te.

Tibi Domine hoc corpus meum nutrio, non mihi, tibi hanc vitam conservo. Si possem vivere & vires tibi serviendi habere sine ulla esca, ne aspicerem quidem illam ob meam delectationem, sed quia tu ita ordinasti, ita vis, comedo tibi, & propter te ex puro amore tui. Ac ideo subministra cibum & potum corpori meo, ut te reficiam in me, qui toties in Sanctissimo SACRAMENTO venis ad me.

Benedic Domine & delectare in refectioe mea sicut delectatur herus super jumento, aut servulo, quem refici videt in obsequium sibi.

In ipsa refectioe condimentum spirituale.

Pater! da mihi portionem substantiæ, quæ me concernit. Sed portio mea tu es **DEUS** meus, aliam nec quæro. nec admitto.

Quam magna multitudo dulcedinis tuæ Domine, quam abscondisti timentibus te.

Tu es sitis cordis mei **DEUS** meus, quò te plus gusto, plus esurio; quò plus bibo, plus sitio.

O mi **DEUS**! utinam sic consumar amore tui, sicut hic cibus consumatur. Utinam tot millenis cordibus te amem, quot guttæ in potu, micæ in cibo.

Virtus tui divini amoris me totum tibi incorporaret amantissime **JESU**.

Tu es spes mea Domine, portio mea in terra viventium. Tu scis Domine, quia sicut desiderat cervus ad fontes aquarum, ita ego sitio amorem tuum.

Intingo Domine omnes micæ, quas sumo, in phlegmate consputæ faciei tuæ. Utinam Domine **JESU** felle, quod gustasti, omnia mea prandia condiantur.

O Cœna magna! quando accumbam ad te? ô torrens voluptatis! quando potabis me? Quanti mercenarii abundant in domo Patris mei panibus, & ego hic fame pereor?

O quam millies felicior esses anima mea! si colligeres micæ, quæ cadebant de Manibus **JESU**, nunc in deserto, quando illi ministrabant Angeli, nunc in domo Pharisei, ubi Magdalena lacrymis rigavit pedes ejus. O si etiam in societate Virginis **MATRIS** puerum **JESUM** pascantis, hunc cibum sumeres!

O JESU

O JESU felle & aceto potate! omnes qui nobis beneficiendo providerunt, & eos, qui ante me hic relecti sunt, obsecro educ de tenebris, & in Patria refice.

Post sumptam refectionem.

Benedicimus DEUM cœli, & coram omnibus viventibus confitebimur eis, quia fecit nobiscum misericordiam suam.

Laudate Dominum omnes gentes, laudate eum omnes populi. Quoniam confirmata est super nos misericordia ejus: & veritas Domini manet in æternum. Gloria Patri &c.

Quid mihi ex hac refectioe accessit sanguinis & vitæ, aut etiam accedere potuisset, totum id vestrum sit, quibus offero, corpus in victimam, vitam in holocaustum JESU & MARIA.

Consideranda circa refectionem.

Mensæ accumbens devotè, decenter, circumspectè consueta corporis alimenta sume, memor illius D. Pauli 1. Cor. 10. *Sive manducatis, sive bibitis, omnia in gloriam DEI facite.* Et illius S. Bernardi: *Observandus est cibi modus, & tempus, quantitas & qualitas, fugienda quoq: sunt superflua & adulterina condimenta.* Observandus est modus, ut non effundat, qui comedit, animam suam, super omnem cibum. Tempus, ne ante horam. Qualitas, quibus utitur communitas fraternitatis, exceptâ causa manifesta infirmitatis.

Imprime etiam menti illa D. Basilii verba, incit. Apostoli locum: *Is manducat & bibit ad gloriam DEI, quando beneficiorum erga se memoriam conservat, & talem animi affectionem retinet, quæ etiam ex compositione corporis decla-*

declaretur, ut non omnino securus manducet, sed ut qui habet Inspectorem DEUM, propositumq; habet manducandi, non ut ventris mancipium propter voluptatem, sed tanquam operarius DEI, ut in operibus firmitior esse possit.

Deinde præterquam, quòd devotè & decen-ter consueta corporis alimenta sumenda tibi sint, etiam servanda tibi moderatio, & surgendum, necesse est à mensa cum fame, ad memoriam reducenda Sanctorum in cibo parcitas, qui cum S. Job dicebant: Antequam comedam, suspiro.

SS. Hilarion & Hieronymus carni suæ, & corpori tanquam jumento insipienti frequenter ingeminarunt. Ego aselle faciam, ut non calcitres: non te bordeo pascam, sed paleis, fame te conficiam & siti, gravi onerabo pondere, ut cibum potius, quam lasciviam cogites.

S. Pachomius exhalaturus ultimum spiritum hæc protulit ultima verba: Tu nosti Domine, quia ex quo suscepi hunc habitum Monachi, nunquam satiatus sum pane & aqua; vel quâlibet creaturâ aliâ, quam fecisti.

Evagrius, Niceforo teste l. 11. c. 43. Macarium Anachoretam sub meridie revisit, cumq; fatigatione ac siti exhaustus frigidam postularet, Macarius ad illum placide: Mi fili, ait, contentus esto hæc umbrâ: multi enim viatores, & navigantes eâ nunc carent. Evagrius vir mitioris ingenii, ad tranquillitatem se componens, de temperantia coepit disserere. Cui Macarius. Confide, ô fili, ait, & bono esto animo; ego jam totis viginti annis neq; panem, neq; aquam, neq; somnum ad satietatem admisi. Et panem quidem ad modicum libellæ pondus comedi, aquam ad mensuram parcissimam bibi; cum ve-

ro fatigatio me cogeret, parieti acclinis, exiguan somni partem rapui: Hæc mea vitæ methodus est.

Referbant quidam Fratres de Abbate Niceta, qui fuit discipulus Abbatis Silvani, quia quando in cella sua in monte Sina degebat, moderatè abstinebat pro necessitate corporis: quando autem Episcopus ordinatus est in Faran, nimis constrinxit seipsum abstinentiâ diutinâ, & in vigiliis propensius, atq; in orationibus intentius agebat. Hæc autem videns discipulus ejus dixit ei: Quid est Domine hoc, quia quando in eremo conversabamur, non tantum in abstinencia laborabas? Respondit ei Beatus vir dicens: Considera frater, quoniam ibi eremus erat, & secreta vita, ac paupertas; nunc autem egressi de eremo, cum sæcularibus conversamur hominibus, & multæ ac variæ nobis occasiones occurrunt, & ideo timeo, ne in fine vitæ meæ aliqua occasione DEUM offendamus. Si enim S. Apostolus Paulus, qui Christum in se loquentem habebat, & qui tantas virtutes animi possidebat, ut usq; ad tertium cælum, adhuc in corpore positus ascenderet, tamen dicebat: Macero corpus meum, & servituti subjicio, ne forsan aliis prædicans, ipse reprobus in veniar: quid nos humiles, & peccatores facere oportet?

Actus Pomeridiani.

O Bonitas! ô misericordia DEUS meus! quid retribuam tibi pro omnibus, quæ tribuisti mihi? en vilissimus terræ vermiculus immensas tibi gratias ago.

Quia ex æternitate vidisti, & dilexisti me (ut de tua misericordia spero) me ad gloriam tuam.

am efficaciter elegisti. & per convenientia media ad eam prædestinasti.

Quia per Creationem me ex nihilo condidisti, ad tuam imaginem & similitudinem fecisti, & innumeris donis in anima & corpore ditasti.

Quia me & omnia propter me tam longâ duratione conservas, sine cuius actuali concursu in nihilum rediremus, nec possemus uno momento subsistere.

Quia me pretioso Vulnerum tuorum sanguine redemisti. & per merita ac passionem tuam a servitute diaboli liberaisti.

Quia me cum paucis respectu multorum ad Ecclesiam tuam, & ad tui cognitionem & obsequium vocasti.

Quia me cum paucissimis ad statum Religiosum, & ad hunc amabilissimum, quem profiteor, misericorditer adduxisti.

Quia Sacramentis, inspirationibus, Sanctorum exemplis, spiritualibus libris, & aliis plurimis mediis ad bonam vitam adjuvisti, & adjuvare non cessas.

Quia me ab innumerabilibus periculis periculi gratiam liberaisti, & liberare non desinis.

Quia plurimis donis tum internis, tum externis, tum naturæ, tum gratiæ ditasti.

Quia mihi (ut spero) ab æterno certum, secundum tuam prædestinationem gradum gloriæ efficaciter præparasti.

Quia me hodie ad orationem & tui colloquium admisisti (pretioso Corpore & Sanguine satiasti) & per totam vitam infinitis aliis beneficiis, ac postea per totam æternitatem afficies.

Insuper gratias tibi Domine, quia cuiusvis benignæ provides corpori & animæ, & das

escam omnibus in tempore oportuno! Neq; tantum hominibus, sed & jumentis das escam ipsorum, & pullis corvorum invocantibus te. Ergo pro omnibus & in omnibus sis benedictus in æternum.

Albus antevespertini.

O Quam serò te cognovi! ô pulchritudo divina! ô quàm serò amavi te bonitas infinita! Tu ab æterno, sed est ex quo tu DEUS! & DEUS amasti me, & ego primo instanti, in quo esse cæpi, non amavi te, imò dies mei transierunt non amando te.

Agnosco beneficentissime DEUS! divinam tuam in me liberalitatem, tot beneficiis testatam: quoties cogitasti de me, quot vixi momenti: tot meis obsequiis dignam, quot habeo mentis cogitationes, animi affectus, corporis membra, respirandi vires.

Quid verò, & quando mi Domine, pro his omnibus retribuam tibi? En jam corpus meum in dies ruinam ac occasum minatur, mors continuo insidiatur, & in brevi, post lucem in tenebris sternam lectulum meum; adeoq; dum clauduntur oculi mei, lingua mea etiam & cor meum in tuis deficient laudibus.

Proinde mi DEUS! saltem ex hac horâ volo eum gratia tua, & desidero omnes dies vitæ meæ, omnes horas & momenta impendere cum fructu. Opto quovis respirio ac suspirio meo milles ac millies tendere ad te, mille obsequiis servire tibi, mille cordibus amare te.

Insuper omnia bona opera post exitum meum è vita hac, usq; ad tempora Antichristi, tibi in toto mundo impendenda, nunc offero, dono, ac dedico. Præcipue offero tibi mi DE-

US!

US! omnium Sanctorum Angelorum ac beatorum Comprehensorum, incendia amoris, adorationes, tibi impendendas in Patria.

Anticipatè etiam repræsento omnia electorum tuorum in via persecutiones, animarum conversiones, dolores, ac labores, omnes mortificationes & Martyria. Omnia demum sacrificia in toto orbe celebranda.

Quidquid etiam in omnibus, qui edentur libris ad ultimum diem iudicii, virtutum, piorum affectuum & amorosissimorum actuum tibi placentium, moderumq; eos eliciendi describetur, tibi offero, his affectibus te nunc laudo, & ab omnibus per totum orbem exaltari cupio.

Quidquid siue ulla creata voluntas tibi gratum volet; siue intellectus intelliget, aliquid factibile quod tibi placeat; Imo quidquid ut ipse scis fieri posse tibi acceptum, adeoq; quam acceptissimum, id omne approbo tibi, voloque.

O si etiam mi DEUS! possem cineres meos dum in illos corpus meum redactum fuerit, convertere in linguas & corda æstuantissima, quibus ad extremum iudicii diem intensissimè amarem ac laudarem te! omnia ossa mea dicerent, Domine quis similis tibi.

Affus euntis dormitum,

CREdo Domine, quidquid de te credit S. Romana Ecclesia, & quidquid illa damnat, ego damno & anathematizo, imo pro hac fide sum paratus ac opto mori.

Spero Domine etiam si vilis, indignus, & abjectus hominatio in abyssu misericordiarum tuarum, & in sanguine tuo cum tanta charitate pro

pro me effuso, quia me saluum facies, & in carne mea videbo te DEUM, Salvatorem meum.

Amo te ô DEUS cordis mei, & amare volo in æternum. Et quia parum amo te, enim amorem, quo anima Christi, Beatissima Virgo, & omnes Sancti te amârunt, imo infinitum, quo te ipsum amas, tibi offero, & si possem omni isto amore, vellem te amare in perpetuum.

Laudo & approbo omnia bona opera facta in toto mundo, & deinceps ad finem mundi facienda, & si possem ea millies nunc vellem multiplicare ad gloriam tuam.

Gratias tibi Domine pro beneficiis propriis, communibus; gratias tibi pro beneficiis cuiuscunq; quantumvis irrationali creaturæ hodie concessis.

Doleo mi JESU, quod te summum bonum, bonum infinitum, bonum amabilissimum toties hodie & tam graviter offenderim, & doleo ex corde, non propter amissionem cœli, aut meritum inferni, sed ob amorem tui solius.

Detestor simul & abominor peccata totius mundi, hodie præcipuè commissa. Opto ex animo, ut compensari aliquatenus^{meo} meo sanguine possent.

Protestor coram te Domine, quòdq; millies potius impendere eligam vitam, quàm posthac ulli peccato etiam veniali consentiam. Hucusq; sit terminus delictorum meorum, & non ultra in æternum.

Parco Domine omnibus, qui me aliqua molestia in vita affecerunt, & eos propter te sincere amo.

Offero me ad omnem nutum divinæ voluntatis

tatis tuæ. Visne bone IESU! ut hac nocte moriar? lubens moriar. Offero me & ad omnia mala pœnæ toleranda, etiam ad ipsas infernales pœnas, renuntians iudicio, voluntati, amoris meo proprio.

Et quia vitæ & salutis incertus velut sepulchrum ingredior, somnum captivus, voveo (si es Religiosus) coram totâ curia cœlesti, paupertatem, Castitatem, & obedientiam.

Omnia quæ feci, aut facere debui, substerno pedibus IESU. Et quia non implevi mensuram meritorum meorum, quam hodie implere debui, investio me superexcessivo sanguine Domini IESU, quia quod potuit sanguinis gutta, redemit unda.

Sacratissima IESU & MARIE nomina vesperi ante somnum, digito in fronte efformare contra mortem repentinam, docuit ipse Christus Dominus S. Edmundum Cantuari. Episcopum. Tu similiter fac.

PER signum † Sanctæ Crucis de inimicis meis, libera me DEUS noster. (hoc ter dicat) Procul recedant somnia & noctium phantasmata, hostemq; nostrum comprime, ne polluantur corpora.

Dignare Domine nocte istâ sine peccato me custodire. Miserere mei DEUS secundum magnam misericordiam tuam.

Pax Domini nostri IESU Christi & Virtus sacratissimæ Passionis ejus, signum S. Crucis: & titulus triumphalis: JESUS NAZARENUS REX JUDÆORUM. Integritas quoq; Beatæ MARIE Virginis, Custodia Ss. Angelorum & suffragia omnium Electorum, sint inter me, & omnes inimicos meos.

O cor

O cor JESU dulcissimum! tibi commendo hanc nocte cor & corpus meum, ut in te dulciter requiescat. Et quoniam ego obdormiturus DEUM laudare nequeo, hoc tuum mi JESU suavissimum Cor pro me supplere dignetur.

Sancte Angele Custos, SS. Patroni mei, vos etiam pro me assistite SS. TRINITATI; Humanitati Christi Domini, & Beatissimæ Virgini Matri; SS. Patroni mei ad quorum Ecclesiam vivo, assistite SS. Eucharistiæ, in persona vestri mancipii adorate, laudate, benedicite perpetuò, & non interruptè DEUM, Humanitatem Christi Domini Virginem Beatissimam Dominam meam.

JESUS NAZARENUS REX JUDÆORUM præservet me à subitanea morte. JESU sis mihi JESUS, Virgo MARIA sis mecum in via. Omnes Sancti & Sanctæ DEI intercedite pro me. Nos cum prole pia benedicat Virgo MARIA.

O JESU MARIA JOSEPH! dono vobis cor & animam meam.

Cum jam decumbis.

ANtequam obdormiscas breviter tecum revolve vere poteris, quibus illi, qui infernalem regionem incolunt, lectis utantur: quam etiam mollioribus lectis ii, qui amœna cœlestis paradisi loca inhabitant, accubent. Postea imaginare te somnum capturum, esse circumdatum ab Angelis qui custodiæ tuæ invigilent. Vel mente concipe te aliquando cum CHRISTO dormire in stabulo, vel in deserto: aut in carcere Caiaphæ, aut sub Cruce. Sic tibi nox, sicut dies illuminabitur, & nox illuminatio tua erit in deliciis tuis.

Aspira.

Aspirationes.

Si quando nocte exulare contingat.

Bati qui habitant in domo tua Domine (ubi neq; nox, neq; mortis umbra, somnus est) in sæcula sæculorum laudabunt te.

Approbo & renovo, quantum possum, omnes benedictiones & affectus, quos nunc in cælo electi tibi DEO deferunt, & sine fine concinunt: Sanctus Sanctus Sanctus Dominus DEUS Sabaoth.

Offero omnia Sacrificia, quæ in altero Orbe nunc fiunt, & quidquid aspiciam tibi DEO gratum agitur, Omnium Religiosorum psallentium affectus, per MARIAM tibi ô JESU, per JESUM tibi Pater Sancte offero.

Benedicta sit illa noctis hora, quâ Dominus meus JESUS CHRISTUS, quondam erat pro me pernoctans in oratione DEI; & in qua patiebatur, quicunq; volebant carnifices crudeles!

O Crux, ô Corona spinea! quam durum lectulum præbuiti JESU Salvatori meo. In hoc lectulo dormiam & requiescam in cogitatione animæ meæ.

O Domine JESU! utinam feliciter obdormiam in sinu amoris tui, & lux perpetua luceat mihi in lumine viventium, videntium & amantium te.

Peto mi JESU & desidero, ut cunctæ aspirationes meæ hâc nocte, sint aspirationes & actus ardentissimi amoris tui.

Custodi me ut rem tuam Domine, & dum ego dormio, humanitas tua dignetur pro me laudare, amare, magnificare DEUM Nostrum. Magnificet etiam pro me anima tua Dominum ô MARIA.

O etiam animus meus ad amoris lucernam
N
vigil

vigil hæreret, dum somnum corpus capit, ita ut dicere possem cum Sponsa: Ego dormio & Cor meum vigilat.

Detestor omni nequam phantasmata, & quidquid tibi DEO displicere posset, contra voluntatem meam esse ac fore protestor.

Tibi lectulum, tibi somnum, tibi corpus & animam, ac motus omnes, quidquid sum & possum, tibi Domine dedico & devoveo.

S. Gertrudis cum quodam tempore dormire non posset, hanc Orationem à Christo didicit. l. 3. c. 25.

PER tranquillissimam suavitatem, quâ ab æterno in sinu DEI Patris accubuisti: & per amœnissimam pausationem in utero Virginali, quâ novem mensibus quieviisti, & per jucundissimam delectationem quâ unquam in amante aliqua anima dignatus es deliciarî: rogo te misericordissime DEUS: ut non ad meum commodum, sed ad æternam laudem tuam mihi concedere digneris aliquantam requiem, quâ lassata membra corporis usui exercitationis restituantur.

Cave, in quantum potes serve DEI, nè totus aliquando dormias, ne sit somnus tuus, non requies lassæ, sed sepultura corporis suffocati, non reparatio, sed extinctio spiritus tui. S. Bern.

Actus brevis pro defunctis.

Miserere piissime JESU, miserere: & respice de sede magnitudinis tuæ, ad miseras animas in purgatorio detentas, quia tibi proprium est misereri semper & parcere. Miserere gemituum, miserere lacrynarum, quas ad te fundunt, & condona eis poenas peccatis ipsarum debitas.

Præcipue

Precipue verò animabus Fratrum, amicorum & benefactorum meorum: animabus bellis, peste, fame sublatorum, item pauperum, egenorum, & quorum nulla extat memoria: ac demum istorum, quos à me iuari vis: per Sanguinem totius corporis tui, per crucem & mortem tuam, per me ita omnium Electorum tuorum, per SS. Misse sacrificia, & omnia bona opera ad gloriam tuam in toto mundo facta: Requiem æternam dona eis misericordissime Domine, & lux perpetua luceat eis. Requiescant in lumine viventium, videntium, & amantium te in æternum. Amen.

CAPUT IV.

Alphabetum Amoris DEI per Hebdomadam dispositum.

Relinquitte infantiam, & vivite & ambulate per vias prudentia. Prov. 9.

A, a, a, Domine DEUS: ecce nescio loqui, quia puer ego sum. Jerem. 1.

DIE DOMINICO.

Amo te DEUS meus. Et ideo.

1. **A** Doro te cultu latriæ tibi soli debito, affectu totius Ecclesiæ militantis & triumphantis, in cælo, Eucharistia, ac ubique præsentem.

2. Adoro te in peccatoribus, blasphemis, ingratis, infinitam bonitatem tuam lethalibus peccatis offendentibus. Adoro beneficientem probis & improbis, omnia in orbe sanctissime disponentem: Adoro pro omnibus, & in omnibus creaturis.

N a

3. Ador-

3. Adoro omnium Dæmonum ac damnatorum loco; totiesq; honorem omnem vitam meam compensare desidero, quoties blasphemaris.

4. Admiror, antefero te omnibus. Amo ut Filius amantissimum Patrem, cujus amore vitam, ponere si occasio ferat, pro honore, & Catholica fide, pro avertendis peccatis, libentissimè decerno.

5. Amore tui vellem extinguere infernum, comburere cælum, ut nemo te DEUM meum amet ob timorem pœnæ, vel spem præmii, sed propter solam bonitatem tuam.

6. Amore tui desidero obstruere me ipso locum inferni, nè in posterum quidquam tibi pereat.

7. Agnosco subjectionem meam, secundum infinitam à te distantiam, recedo & resilio in abyssum nihili mei.

8. Assumo, mihiq; unio corda amore tuo ardentia omnium Sanctorum hominum, & Angelorum: adeoq; Cor ipsius Deiparæ Virginis, & Cor humanitatis Christi, hisq; omnibus te intensissimè ac ignitissimè amo.

9. Approbo omnia bona operi hominum & Angelorum, quæ tibi Domine unquam placuerunt, vel adhuc placebunt; & illa ad gustum tuum millies ac millies per omnia instantia temporis & æternitatis innovari ab omnibus cupio.

10. Abominor omnia peccata, quæcunq; in hoc universo fuerunt, sunt, & erant, & illa super omne malum detestor, & retracto; quia tibi duplicent, req; amo, saper omnia, in recompensationem aliquam pro illis.

11. Agnosco, quod sim ego infidelissima ex omnibus creaturis tuis, & maliciosissima, quæ

si ex merito suo tractanda esset, jam tu illam centies & millies, in ima inferni præcipitem dare debuisses.

Amo te DEUS meus. Et ideo.

1. **B**enedico tibi omnium cœlitum benedictionibus, propter honorem, excellentiam, Sanctitatemq; tuam infinitam.

2. Benedictus es Domine DEUS Patrum nostrorum: & laudabilis & gloriosus in sæcula.

3. Benedictum nomen gloriæ tuæ, quod est Sanctum & laudabile & gloriosum in sæcula.

4. Benedictus es in templo Sancto gloriæ tuæ & laudabilis & gloriosus in sæcula.

5. Benedictus es super thronum Sanctum Regni tui: & laudabilis & gloriosus in sæcula.

6. Benedictus es super Sceptrum Divinitatis tuæ: & laudabilis & gloriosus in sæcula.

7. Benedictus es, qui sedes super Cherubim & intueris abyssos: & laudabilis & gloriosus in sæcula.

8. Benedictus es, qui ambulas super pennas ventorum, super undas maris: & laudabilis & gloriosus in sæcula.

9. Benedicant te omnes Angeli & Sancti tui & laudent & glorificent in sæcula.

10. Benedicant te cœli, terra, mare, & omnia quæ in eis sunt; & laudent & glorificent te in sæcula.

11. Benedico tibi mi DEUS! & omnibus sceleratis judæis ac infidelibus te blasphemantibus me oppono, qui dum tibi maledicunt ego pro illis & nomine illorum clamo intensissimo affectu: Benedictus DEUS in æternum!

Amo te DEUS meus. Et ideo.

1. **C**redo quod sis, & quod remunerator sis.
Credo

Credo omnia, quæ revelasti de tua Unitate & Trinitate, de Incarnatione Verbi Divini, de Sacramentis, de Ecclesia, ejusq; capite, de cultu Sanctorum.

2. Credo specialiter illa omnia, quæ nostri temporis Hæretici non credunt, sed blasphemant.

3. Credo MARIAM Virginem DEI Genitricem esse, quæ Virgo ante partum, Virgo in partu, Virgo post partum fuit.

4. Credo imagines Christi Domini, Deiparæ semper Virginis MARIE, necnon aliorum Sanctorum colendas & venerandas. Credo purgatorium esse, animasq; ibi de rentas fidelium suffragiis adjuvari.

5. Commendo tibi mi DEUS Spiritum meum, Spiritum vocationis meæ. Commendo omnia proposita & decreta mea, quæ Tibi servare, vel Tui causâ facere debui & decrevi.

6. Commendo tibi universam Ecclesiam, ejusq; Prælatos & Superiores, ac omnes Religiosos, Reges & Principes, divites atq; pauperes, afflictos, captivos, carceri mancipatos, ægros, & in extremis positos, atq; animas in purgatorio existentes.

7. Concentro Domine omnem amorem in Cor meum, quo in æternum totum cælum amabit te, & illo singulis momentis vitæ meæ milles ac milles vellem te amare.

8. Claude, si fieri potest, obsecro mi Domine! januas inferni, ut nemo eò descendat, ubi omnes te odunt: aperi portas cœli, ut omnes eò conscendant, ubi omnes te diligunt.

9. Cupio tibi omnes illas laudes, quibus te afficere possent innumerabiles Angeli, homines, quæ possibiles, & creaturæ aliæ non creandæ.

10. Con-

CHRISTIANUS

192

10. Contemni & pati volo pro te mi DEUS! projiciant me, abjiciant me omnes à facie tua. Ego sum ille qui cum Lucifero locum in inferno promerui infimum ad delitescendum.

11. Caream mi DEUS cœlo, & dato quod carebo te in cœlo, hoc ipso nolo te carere in terra, ne sim bis miser, ibi & hic; & ne sim ante tempus infelix.

DIE LUNÆ.

Ario te DEUS meus. Et ideo.

1. **D**oleo ex toto corde, de omnibus peccatis meis quomodoquæq; commissis, contra te summum Bonitatis & Sanctitatis Oceanum. Ita doleo de peccatis meis amore tui mi DEUS! ut velim Sanguine meo redimere tempus, quo peccavi, ut non peccassem.

2. Doleo, quod tu amor meus ab aliis non ameris. Doleo quod tu amor meus contemnaris.

3. Desidero cum dispendio omnium bonorum & vitæ meæ, ut agnoscaris, ameris, adoreris ab omnibus creaturis rationalibus, in omnia & super omnia.

4. Detestor, damno, & anathematizo omnes blasphemias in DEUM, & omnes irreverentias ac contemptus.

5. Desidero inferorum portas obturari ipso me, & per me, ne quidquam amplius in infernum, & damnationem æternam descendat.

6. Desidero quidquid habent Seraphini omnes & omnes dilecti, ac Electi tui una cum JESU Domino ac Rege nostro, ac MARIA Virgine omnium Electorum Regina.

7. De justitia, meritis, dignitate mea despero. Spero autem in sola tua Bonitate & gratia, in
Chri-

Christi meritis & morte, in pretiosissimæ Parentis patrocinio, in communione Sancti rum.

8. Decretum mortis à tua manu divini eo animo excipio, quo animo excipit Christus decretum mortis suæ.

9. Desidero Domine te amare, te diligere Seraphicè, Christiformiter, & omnipossibiliter, & tantum, quantum amabilis es, quantum dignus es amari. Requiris à me Domine, cur velim ita diligere te? causa diligendi te DEUM meum. Tu ipse DEUS es.

10. Desidero mi DEUS! & in ipsum infernum descendere, & ibi amare te. Nam si potentes potenter tormenta patientur, cur amantes amabiliter tormenta non paterentur?

11. Dono tibi cor meum mi DEUS! suscipe illud, quia melius & securius apud te erit, quam apud me.

Amo te DEUS meus. Et ideo.

1. **E**xulto in te solo, rebusq; tuis, nihil in hoc mundo habere volo, quod me afficiat, nisi te sapiat.

2. Exulto in te solo mi JESU. Alii alia quærant, te solum mi JESU ego quæro, te solum desidero, hoc millies dicam, hoc millies repetam: DEUS meus & omnia.

3. Exulto mi DEUS! quod Tibi fideliter serviat, à multis servis tuis. Quod honor tuus & gloria tua per totum mundum innotescat, quod te omnis creatura DEUM ac Dominum summum recognoscat.

4. Exulto, quod tibi publicus honor deferatur in Templis, Processionibus, famularibus Religionum ac sodalitatibus. Quod omnes Cæsares & Reges terræ, te sicut vermiculi Creatoris tui potentissimum cognoscant & venerentur.

5. Exultō

5. Exulto, quod millia hominum amore tui moriantur. vitam & sanguinem alii profundant, alii profundere sint parati.

6. Exulto in iudiciis tuis quantumvis terribilibus, idem volo approbare, & reprobare, quod tu, idem velle & nolle, quod tu.

7. Exulto, & tibi congratulor, quod DEUS sis summe bonus & perfectus, immensus, infinitus, iustissimus, sapientissimus, & incomprehensibilis. Gaudeo de omnibus his bonis tuis, ob hanc solum causam, quia bona tua sunt.

8. Esurio desideranter omnia peccata mea per tuam iustitiam in me dignè castigari, & puniri: ut sicut peccando te inbonoravi; sic libenter penam pro peccatis meis patiendo, te honorem & glorificem.

9. Esurio per totum mundum gloriam & honorem tuum ubiq; propagari, præcipuè ubi nec cultus, nec amatus es.

10. Esurio omnia peccata carnis, eiuro etiam nexo, quantumvis minores venialissimis imperfectionibus, volendo imitari ter Sanctissimam Virginem, ante partum, in partu, & post partum.

11. Erubesco, quod sim creatura tam ingrata & exosa tibi, indignus sum mi Domine, ut me inter homines tanquam monstrum abominabilissimum foveas & conserves.

Amo te DEUS meus. Et ideo.

1. **F**ERO (toto corde meo) ad te summum bonum meum; in immensa gloria tua exulto: gaudeo, quod ames te, quantum amari dignus es, ames te, quantum amari potes, & quantum amare potes.

2. **F**ERO & patior libenter omnes corporis & animi

animi molestias, has præfertim & illas, quæ tibi omnia pro gustu inprimis & gloria tua, deinde in satisfactionem pro peccatis meis offero.

3. Fero & patior amore tui omnem dispositionem æris, intemperiem cœli, quæcunq; sit, omnes vilipensiones, injurias, sitim, famem, humilem opinionem, sinistra judicia, despectus, & labores omnes.

4. Fædus tale tecum mi DEUS inire desidero: quoties dixerò, amo te, vellem amare te eo amore, quo nunquam ab ulla pura creatura amatus es, vellem amare amore omni possibili creato.

5. Firmissimè mi DEUS in misericordia tua & meritis tuis confido me salvandum. Utiq; homines & jumenta salvabis Domine? salva etiam hoc jumentum tuum.

6. Fieri potest mi Domine, quia damnabor, volo ergo nunc in vita mea satiari amore tuo Divino.

7. Fugere volo, delicatè nutrire, aut molli-ter vestire corpus meum, utpotè rem vilissimam, quod nihil aliud est, quam esca vermium, fætor & horror.

8. Fame, vellem me enecare, ut non amplius offendam te, ut citius veniam & transeam ad te.

9. Famelicus sum mi Domine! te solum esurio & sitio! ô quando gustabo & videbo, quam suavis sis Domine! quam magna multitudo dulcedinis tuæ, quam abscondisti amantibus & videntibus te.

10. Fædus tale in eo tecum: quoties dixerò: mi DEUS adoro te, toties adoro te: tum Angelorum,

tum, tum Sanctorum omnium adorationibus, quibus & modo adorant Te, adoraverunt, & adorabunt labente tota æternitate.

11. Fateor mi DEUS! quòd sim sentina iniquitatum, vitiorum pelagus, quòd sim sacrilegis & latronibus, publicanis & veneficis, damnatis & dæmonibus peior.

DIE MARTIS.

Amo te DEUS meus. Et ideo.

1. GRATULOR tibi, quòd solus tu sis, qui es.

2. Gaudeo de omni bono tuo, quòd es, quod habes, & operaris, & de pleno dominio ac beatitudine, de tuo honore & voluntatis tuæ implementatione.

3. Gratulor tibi, quòd adæquate amari tantum, quantum amabilis es, nonnisi à te ipso possis.

4. Gratias ago tibi pro beneficiis, quæ Humanitati Christi Domini, Sanctissimæ illius Matris, quæ Sanctis Angelis, Sanctis omnibus, præsertim meis Patronis contulisti.

5. Gratias ago pro omnibus spiritualibus & temporalibus beneficiis Ecclesiæ, huic regno, & Religioni meæ concessis.

6. Gratias ago, pro creatione, conservatio-
ne, redemptione, pro instituto venerabili SACRAMENTO, pro extirpatis hæresibus & erroribus ex hoc regno.

7. Gratias pro omnibus adversitatibus, cruce hac & illa, pro omnibus incommodis, fame, peste, bello. Item pro omnibus beneficiis, iustis, & iniustis, damnatis & dæmonibus aliquando præstitis.

8. Gau-

8. Gaudeo Domine propter bona opera, quæ unquam facta sunt, hodie sunt, fiētq; deinceps propter amorem tui.

9. Gaudeo ob ea, quæ Dominus noster JESUS Christus, Sanctissima ipsius Mater, Sancti Angeli, & Beati omnes egerunt ad gloriam tuam.

10. Gaudeo ob amorem intensissimum, quo te Electi tui æternum prosequuntur, & laudes, quas tibi in perpetuum dicent.

11. Gratulor mihi, quod per te solum possim beatus fieri: unde nec placeat mihi beatitudo, nisi per te illam haberem.

Amo te DEUS meus. Et ideo.

1. **H**onoro & revereor infinitam Majestatem, Excellentiam, & Sanctitatem tuam profundissimo affectu. Dominus meus es, ego servus tuus & mancipium tuum ex natura. Vita mea & mors in manibus tuis.

2. Honorem & cultum Dulciæ exhibeo Sanctis tuis: Sanctissimæ Genitrici MARIE debitam Hyperdulciæ venerationem & cultum offero.

3. Hactenus te Domine mi non amavi, habere nunc cupio Cor JESU, Cor MARIE, ut his cordibus te amare possim.

4. Habere desidero mille vitas, quas omnes in augmentum gloriæ tuæ impenderem: mille corda & linguas, quibus te glorificarem.

5. Habere cupio amorem intensissimum Seraphinorum, ut omnes homines in tuo amore succendere possem.

6. Horas omnes, momenta vitæ meæ, volo honori & gloriæ tuæ dedicare, in omni actio-
ne.

ne & cogitatione mea volo inelamare: Sanctus, Sanctus, Sanctus Dominus DEUS Sabaoth.

7. Hæreses omnes, & omnia perfidiæ monstra damno & anathematizo, præcipue vero Atheismum, Paganismum, Judaismum, Arianismum, Lutheranismum, Calvinismum, & omnes alias Hæreses ab Ecclesia damnatas.

8. Horas omnes & annos meos male peractos, item tam omnium hominum, quam Angelorum pravorum cupio retrovertere, & peractæ ætatis spatia amoris tui actibus replere.

9. Honoro & revereor tuos Vicarios Superiores meos, quibus me amore tui subicio, voluntatemq; meam, imitando eum, qui factus est obediens usq; ad mortem.

10. Honorem & gloriam tuam mi DEUS, tanti facio, ut eligam potius manere in inferno, & pati omnia tormenta, quam ut tu vel unico momento priveris tuo honore.

11. Halitus ultimus quo animam efflabo, utinam halitus amoris sit. Moriar amore tui mi DEUS, & quia vitam ab amore non inchoavi, da mihi vitam amore finire. Ultimus vitæ actus sit amor.

Amo te DEUS meus. Et ideo.

1. JESU nomen suavissimum & dulcissimum in persona omnium Cœlestium, Terrestrium, & infernarum supplex adoro, adoratumq; vellem in perpetuum ab omnibus creaturis rationalibus.

2. Ignosco amore tui omnibus, qui me injuriis affecerunt totâ vitâ meâ, & illos amo propter te sicut me ipsum, ut & tu Domine dimittas mihi peccata mea.

3. Indulgentias lucrandi gratiam, & industriam peto a te.

4. Immo-

4. Immolo tibi mi DEUS Sacrificium laudis pro omnibus qui te ignorant vel blasphemant.

5. Juro & statuo custodire judicia justitiæ tuæ & quidquid in oppositum unquam fecero, puta Domine nolenti irrepsisse.

6. Jejunia omnia quæcunq; faciam per gratiam tuam, unio cum tuo, & Sanctorum tuorum jejunio.

7. Juro & protestor me Pretiosissimæ DEI Parentis esse perpetuum servum, & mancipium.

8. Ignis amoris tui semper ardeat in altari cordis mei, & in tantum crescat incendium, ut non solum Sacrificium, sed & ipsum altare comburat & consumat.

9. Ita te diligo mi DEUS, ut si scirem me fore annihilandum, adhuc tibi omni studio servirem, non enim tibi servio propter me, sed propter te.

10. In balneo sanguinis, sudoris lacrymarum, in vulnere cordis tui JESU mi dulcissime, immergo & depono me totum, omnes actus meos, & alienos. ut in eo detenti atq; sublimati per Te & per Matrem tuam, SSS. Trinitati pro me, & pro omni creatura offerantur.

11. Ignis, crux, bestia, fractio ossium, & totius corporis contritio, & cuncta tormenta Diaboli veniant in me, tantummodo JESU amore meo unico fruam.

DIE MERCURII.

Ama te DEUS meus. Et ideo.

1. **L**aborabo purè pro gloria tua, constanter & fideliter usq; ad mortē, nihil aliud intendens, quàm gloriam tuam.

2. Laborem & laboris præmium, omnes coronas

ronas & merita resigno ac transfero in solam gloriam tuam. Hâc una in cœlo coronâ contentus ero. quod omnibus meis meritis & coronis in te translatis. Te magis gloriosum videbo.

3. Laudes omnes, & tantos honores desidero tibi exhibere, quantos nosti exhiberi posse, & quantos mereris. Sed quia non est speciosa laus in ore peccatoris, laudet te pro me totum cœlum & terra.

4. Laudent te omnes Chori Angelorum, & universæ turmæ Sanctorum: quos tu ab æterno ad gloriam tuam præelegisti.

5. Laudent te pro me infinita Sanctorum Angelorum castra, quos mittis in ministerium, propter acquisitionis tuæ genus electum.

6. Laudent te viginti quatuor Seniores cum omnibus Patriarchis, & Prophetis. qui deponentes coronas suas procidunt ante thronū tuum.

7. Laudet te amicissimorum Fratrum tuorum Apostolica dignitas, quorum suffragiis Sanctam Ecclesiam tuam mirabiliter sustentas.

8. Laudet te victoriosa Martyrum tuorum turba, quorum stola pretioso sanguine tuo est purpurata.

9. Laudet te Confessorum agmen perfectissimum, quorum Spiritum transtulisti in admirabile lumen tuum.

10. Laudet te, & jubilet tibi pro me hoc novum Canticum, quod resonat in ore eorum, dum te sequuntur quocunque ieris JESU sponse Virginum.

11. Libenter mi DEUS pro te omnes persecutiones, injurias, afflictiones, morbos, & quæcunq; alia mala usq; ad mortem, si oportuerit me tolerare, volo tolerare.

Amo te DEUS meus. Et ideo.

1. **M**ARIAM Matrem tuam. Matrem pu'chræ dilectionis amo ferventius & intensius præ omnibus Sanctis, quia hæc est voluntas tua, teste Bernardo. Per illam peto à te Spiritum modestiæ, mansuetudinis, mortificationis, misericordiæ erga vivos & defunctos & mortem amoris tui plenam.

2. Malo Domine millies mori millies damnari quam deliberato peccato scdari.

3. Mori millies desidero in tuæ immensæ miserationis profluvio; sicut moritur scintilla ignis in fluminis impetu validissimo.

4. Malo Domine propter te amatum esse in inferno, quàm propter te, odio habitum esse in coelo.

5. Momentis singulis vitæ meæ vellem te amare non meo, sed ipso amore Divino quo te ipsum amas amore Theandrico, quo te Christus amat, amore latreutico, quo te justii amant, amore omnium hominum & Angelorum.

6. Mortificationes omnes, omnia martyria, & omnia mala pœnosa animæ & corporis, quæ pro te passi & passuri sunt homines, sive in mundo, sive in inferno, sive in purgatorio, tibi offero: ita, ut, si tibi placeret in augmentum gloriæ tuæ, omnia talia libenter vellem perpeti.

7. Mori cupio, quia te amo DEUM meum. Dulcius est mihi mori, quam vivere & offendere te summum bonum meum.

8. Mori desidero, ut immoler tibi DEUS meus, cui me totum debeo: mori desidero ob gloriam tuam, & in meorum criminum pœnam.

9. Moriar mi DEUS, ut in te sine fine vivam, in ardentissimo amoris tui igne consumptus.

10. Mundi hujus opes & voluptates omnes aliis non invideo, mihi DEUS meus & omnia! Quis enim sic delectat, quàm ille, qui fecit omnia, quæ delectant?

11. Magnifico, adoro, laudo, glorifico omnes & singulas perfectiones tuas Divinas, affectu tibi gratissimo, mihi possibili, imò affectu beatifico, Seraphico, Mariano, Theandrico, quo dignus es.

Amo te DEUS meus. Et ideo.

1. **N**Olo vivere sine vulnere, quia JESUM meum totum video vulneratum.

2. Nomen dulcissimum JESU vellem insigilli cordi meo, ut fuit infixum cordi Ignatii Martyris.

3. Noverim te mi DEUS, noverim me, nec aliud cupiam nisi te.

4. Noscant te Domine omnes peccatores & timeant. Noscant te Justi amplius, ac tepidi; ut tibi ferventius serviant. Noscant te Gentiles ac Hæretici & convertantur.

5. Negotia omnia, quæ à me geri vis, tibi committo, juva me, ut illa amore tui faciam diligenter.

6. Negligentiam omnem à me amove, velut pestem exosam tibi.

7. Non merear te DEUM meum beatificè videre, nec merebor in æternum. Cupio tamen videre, quia tu me mi DEUS ad hunc finem condidisti, & redemisti.

8. Nullam cupio ex ulla creatura habere voluptatem, omnis mea delectatio est & voluptas, ut delectetur DEUS.

9. Nolo ire in cælum mi Domine, si tu non vis, eligo potius infernum, si tibi ita complacuit,

O

cuit; illum tamen nollem habere in pœnam meorum peccatorum, sed in præmium mei erga te amoris.

10. Nolo unquam in rebus illicitis delectari, & potius malo mori, quàm, talem delectationem deliberato animo admittere.

11. Nolo unquam magnifice aut arroganter de me sentire, illud potius desidero, ut obscurus & inglorius delitescam, nec oculis aliis, quam tuis appaream.

DIE JOVIS

Amo te DEUS meus. Et ideo.

1. **O**ffero tibi cor dulcissimum & suavissimum JESU, cor purissimum MARIE, & omnium cœlitum.

2. Offero vitam, passionem, & sanguinem Domini JESU in horto perfusam, ac puncturis spinarum expressam, & illud pretiosissimum balsamum sanguinem cordis Filii tui.

3. Omnes omnium creaturarum substantias, potentias, actus, affectus, circumstantias bonas mihi approprio, atq; assumo: atq; ita me cum omnibus in tuum omnimodum amorem & honorem sacrifico.

4. Opto habere tot corda, quot in aère atomi volitant; quot arenæ in mari, ut amare te possem cordibus his universis, vel ut ita dicam rectius corde unico, quod omnibus istis æquivaleret.

5. Offero tibi omnes laudes & adorationes, quibus te Angeli & Sancti omnes adoraverunt, & centum millenos adorationum milliones, quas omnes Sancti & iusti Ecclesiæ militantis faciunt.

6. Offero tibi omnes cultus, devotiones, & omnia bona opera post vitam meam tibi ad finem mundi impendenda.

7. Offe-

7. Offero tibi cor meum in laudem æternam ad perficiendum corpore & anima omne beneplacitum tuum.

8. Omnia vota & proposita mea in honorem tuum aliquando à me facta fideliter exequi curabo.

9. Offero omnia Sanctissimæ Misse Sacrificia peracta in Ecclesia, & ad finem sæculi peragenda.

10. Offero tibi omnes pœnas, cruciatus, vulnera, effusiones sanguinis & omnia martyria: omnem pœnitentiam, ieiunia, vigiliis, & austeritates omnium Confessorum; omnem amorem, continentiam & puritatem Virginum.

11. Odi, aversor, & execror omnes contemptus & irreverentias, quæcunq; fuerunt, sunt, & erunt in toto mundo.

Amo te DEUS meus. Et ideo

1. Projicio & provolvo me ante te in cœlo, & Eucharistia, ac ubiq; præsentem.

2. Peto, ut tuo amore ames te, pro supplendo exili amore meo erga te.

3. Pauper esse tui amore volo, exspolians me totius mundi possessione, & si rebus utor, tantamquam tuis à te concessis mihi utor, & non meis.

4. Pauperulam suppellectilem è domo Parentum meorum me concernentem non tantum ejuro, sed totius mundi divitias, si illas possiderem: Tu mihi Domine sufficis.

5. Peccata mea omnia projicio in immensum ignem amoris tui, demergo in exuberantium meritorum Filii tui pelagus.

6. Peto, ut perduto me, omnibusq; creaturis nihil videam, nihil quæram, nisi solum te. us-

vivam ego, non ego, sed tu vivas in me.

7. Peto tibi illisq; concedi, ea, quæ vis à te postulari, ea, quibus maximè indigeo, aliisq; & per quæ obtento maximè tibi placere possimus.

8. Protestor coram te, quod in omnibus actionibus meis, nihil aliud intendere totâ vitâ meâ volo, nisi solum purum honorem gloriam, amorem, & beneplacitum tuum.

9. Propono per gratiam tuam, & eligo milles mori quam te vel levissime DEUM meum offendere.

10. Protestor, quod propter peccata mea deterior sim mortuo cane, fax hominum & labes, indignus, qui suspiciam cœlos; dignissimus, qui post mortem meam in olido fineto aut fordidum receptaculo defodiar.

11. Patiar, quæso, pro honore tuo, si vis, poenam omnium damnatorum, & laudem te, laude omnium Beatorum.

Ama te DEUS meus. Et ideo.

1. **Q**uotidianas meas actiones, occupationes tibi offero. Da, ut in illis quæram te, non me, amorem tui, non mei.

2. Quidquid est auri, argenti, lapidum pretiosorum, atq; gemmarum in mundo: quidquid homines sæculares aestimant & amant, totum illud, ut nihil præter te amem, ego nihili aestimo, & ut lutum despicio.

3. Quinq; talenta tradidisti mihi Domine, itaq; diligenter operari volo, ut alia quinq; valeam superlucrarî, non ut me excludas à cœlo, sed ut per hoc placeam tibi, tuam sanctissimam voluntatem faciundo.

4. Quæso Domine, ut mihi dones cognitionem

nem tui ac mei, donum perseverantiæ finalis,
& omnes virtutes statui meo necessarias.

5. Quoties ad me aërem attraho, toties cupio cordiali quodam affectu te Dominum meum JESUM Christum & Matrem tuam intra me attrahere.

6. Quotiescunque corde vel ore dixerō : DEUS DEUS meus ! vellem hoc nomen tuum infinite revereri & repetere corde ac ore omnium Angelorum & Electorum tuorum.

7. Quia te amo mi DEUS, vellem hinc pasci à vulnere, hinc lactari ab ubere, vellem costam mihi attolli ad latius amandum te cum S. Philippo Nerio : vellem continuo cordaliter dicere cum S. Francisco : DEUS meus & omnia !

8. Quærere primum volo regnum DEI & justitiam ejus, postmodum vitæ hujus necessaria.

9. Quoties unquam respiro : toties in me volo trahere corda & affectus electorum tuorum, atque illis toties te amare & laudare.

10. Quæcumque tibi DEO meo proposui, promisi, juravi, quæ pretiosissimæ eidem Parenti & omnibus Sanctis Patronis meis, ea omnia promitto, propono, voveo, juro ad gustum tuæ Divinæ voluntatis.

11. Quia ego & omnia mea nihil sunt, & infra te infinites sunt, ideo non meis, sed affectibus tuis Te per Te superamo, te per te superæsti o, te per te superexalto. Sis per te superbenedictus, superlaudabilis, superexaltatus.

DIE VENERIS.

Amo te DEUS meus. Et ideo.

1. **R**efigno tibi mea omnia Domine JESU,
Dupone

Dispone de me liberè, ut de tuo proprio jumento in tempore & æternitate, prout tibi placer.

2. Resigno me tuæ adorandæ voluntati ad inopiam, ad contemptus, ad infamiam, ad extremos dolores, ad mortem, imò ad ipsam condemnationem æternam.

3. Restituo me tibi, te super omnia appetio, præligo, appeto & quæro: paratus cæteris omnibus propter te abrenunciare quo iescunq; & quomodocunq; volueris.

4. Renovo tibi laudabilis animi decreta, itemq; vota mea, piq; desideria omnia erga te, erga Virginem MARIAM, erga Angelos & SS. tuos facta.

5. Ratifico Domine & innovo omnes actus bonos tibi oblatos & offerendos; omnes laudes à quocunq; Sanctorum impensas & impendendas.

6. Retracto & corrigo omnia opera totius vitæ meæ, quanta quanta sunt mala & imperfecta.

7. Rata habeo omnia bona opera mea per gratiam tuam facta, & ea, quæ facere debui.

8. Religiosum stitum approbo, amplector, & exnunc ingretior, totiusq; mundi res & spes pro tuo amore & servitio calco.

9. Retracto & ejuro omnes blasphemias, irreverentias, contemptus contra te, sive hic, sive in altera vita commissos.

10. Revereor tua horrenda judicia, tuam dispositionem, & quidem æternum de me duraturam approbo.

11. Regum omnium ac Principum etiam infidelium te non credentium, colla & corda tibi subjicio, licet oppositum volentium, quia
tibi

tibi Regi sæculorum immortalis & invisibili debetur summa laus & gloria ab omnibus.

Amo te DEUS meus. Et ideo.

1. SACRAMENTA omnia mihi ad salutem necessaria desidero. Da, ut illa sanctè frequenter accipiam, non tantum SACRAMENTUM, sed etiam rem & virtutem SACRAMENTI.

2. Spem omnem salutis meæ pono in tuo dulcissimo nomine ô JESU, quod Salvatorem significat: igitur ô JESU, sis mihi JESUS! dic animæ meæ, salus tua ego sum.

3. Si scirem, quod damnandus sim, Tibi DEO meo servire vellem & volo, tanto etiam magis & intensius, quanto hoc spatium temporis brevius mihi esset.

4. Si de salute mea æterna certus essem, imo si eam jam haberem, & placeret tibi DEO meo, me hic cum incertitudine salutis vivere, aliquid autem insigne ad tuam gloriam & voluntatem perficere, præligo hoc posterius illo priori, pure propter gustum tuum, & adorandæ voluntatis gloriæ; tuæ æstimationem.

5. Si omnia creata corda, omniumq; cordum affectus in meum cor immergere & includere possem, vellem te sic amare dulcis amor meus.

6. Si placet tibi mi DEUS! exure Paradisum, extingue infernum. Non requiro aliam mercedem obsequii à me tibi præstiti, quam illam gloriam, quæ est tibi servisse.

7. Si nossem velle tuum mi DEUS esse, ut in æternum torquerer in inferno, me ipsum statim sponte in illas flammæ præcipitarem, solum

lummodo ut tuæ Divinæ satisfacerem voluntati.

8. Si possem mi DEUS! vellem ab omnium cordibus amorem, qui non est tuus, evellere, & tuum inferere, ut amore tuo omnes arderent & languerent.

9. Si mihi in omnibus corporibus replicari liceret, cuperem te in illis millenis adorationum Seraphicarum millionibus adorare.

10. Siquidem (teste S. Bernardo) dum amas mi DEUS animam, amat tua æternitas, tua immensitas, tua Sapientia, & ego vellem te redamare immensè æternaliter, omnipossibiliter, ita, ut tuo amori correspondeat amor meus.

11. Sum ita affectus erga te mi Domine, ut velim res omnes mundi in linguas, odium omnium peccatorum & damnatorum in tui amorem, blasphemias eorum in laudem tui commutare.

Amo te DEUS meus. Et ideo.

1. **T**imeo te: non ut servus emptitiis obpœnam; sed ut filius charissimus, ne tuam Divinam offensam incurram.

2. Timeo judicia tua horrenda inscrutabilia, quia scire non possum, an amore sim dignus vel odio. Idcirco enitar constanter, ut te nunquam deinceps deliberatè offendam.

3. Timeo te timore reverentiali, & instar Beatorum revereor infinitam tuam Majestatem, ex toto corde me tibi subdens, ac me velut nihilum in conspectu tuo agnoscens.

4. Te solum unicè & cordialiter diligo præ omni dulcedine & gustus suavitate, præ omnibus corporis mei commodis, præ omnibus mundi divitiis, præ omnibus honorum utilis.

5. Totus

5. Totus sum tuus mi DEUS. eroq; in æternum, sicut totus tu meus esse voluisti.

6. Talem voluntatem habeo mi DEUS, & illam tibi offero, si nimirum habere omnia; quæ tu habes, omnibus velle renunciare, & abdicare, & tam liberaliter omnia tibi dare, ut tu posses dare cuicumq; velles.

7. Tuum beneplacitum in me, de me, per me, & in omnibus semper & ubiq; perfici & impleri in tempore & æternitate, in adversis & prosperis opto & postulo.

8. Tibi Domine mi hoc corpus meum nutrio, tibi hanc vitam meam conservo; largire mihi vires, ut soli serviam tibi.

9. Te æstimare mi DEUS, te amare, plusquam possum, plusquam valeo, desidero, sed æstimando nescio quid facturum sum pro te. Si radius essem, tu autem sol, adderem me tibi, & esses lucidior; si essem gutta, & tu mare, effunderem me tibi, & esses plenior. Si essem atomus, & tu mundus, apponderem me tibi, & esses major.

10. Tibi Te ipsum mi DEUS offero, nihil enim estote ipso dignius: offero tuam Excellentiam, tuam pulchritudinem, tuam de te voluptatem.

11. Tibi offero cor meum, ut te solum amet, & nihil aliud, nisi te, vel propter Te.

DIE SABBATHI.

Amo te DEUS meus. Et ideo.

1. Voveo & renovo fidem tibi in baptismo datam.

2. Voveo, sicut me tibi obligavi coram tota curia cœlesti, paupertatem, obedientiam, & castitatem perpetuam.

3. Volunta-

3. Voluntatem meam, tuæ volo dedicare in victimam holocausti. Vis me Domine, vivere, volo. Vis mori, & in ipsum infernum abicere, volo. Volo velle, quidquid velle tu me vis.

4. Volo potius quolibet bono privari, & quodlibet malum perpeti, quam à tua gratia & amicitia excidere, & tuam indignitatem incurere.

5. Utinam possem DEUS meus omnium fidelium intellectibus in te credere, omnium cordibus te amare, omnium viribus tibi servire.

6. Utinam possem efficere, ut nullus te offendat, nullus pereat, libenter etiam vitam meam impenderem, & sanguinem profunderem.

7. Utinam omnes infideles, Hæretici, Schismatici, Apostatae, & peccatores obstinati convertantur! utinam omnes homines te agnoscant, te solum diligant, tibi serviant.

8. Volo & per te propono, te in omnibus, & ante omnia purè intendere: nullumq; opus internum aut externum aggredi, nisi propter amorem & beneplacitum tuum.

9. Volo & desidero, ut quodvis momentum vitæ meæ, omnis pulsus & motus cordis mei & arteriarum idem sit, idem significet, quod hæc verba: Sanctus, Sanctus, Sanctus Dominus DEUS Sabaorh.

10. Vellem te mi DEUS amare amore continuo & infinito, si possem omnibus momentis vitæ meæ, & desidero, dolore quodam velut infinito ex illius amoris infiniti fonte profecto, dolere de meis ac totius mundi peccatis.

11. Vellem oblatas tibi omnes laudes, quæ sunt,

sunt, fuerunt, & erunt in cœlo & in terrâ, quas possunt & possent conferre illæ creaturæ, quæ id neglexerunt: negligunt, & posthac negligent ob ingratitudinem suam. millies ac millies, per gratiam tuam, quovis respiro & ictu oculi mei multiplicare.

Amo te DEUS meus. Et ideo JESU

1. **X**cixi meritis conjungo, quidquid ago, quidquid in posterum cogitaturus, dicturus, vel facturus sum, totum hoc sudor Christi sanguineo rigatum tibi sacrifico.

2. Xcixi Domini gloriam & honorem desidero per totum mundum etiam cum dispendio vitæ & animæ meæ propagari. Imò capio, ut hoc nomen dignissimum, & dulcissimum JESUS, etiam ipsi dæmones & damnati reverentur, laudent, & nullus omnino non amet JESUM, qui potest amare.

Amo te DEUS meus. Et ideo.

3. **Z**elo tuæ Excellentiæ, adoro Tuam Divinam Essentiam, Unitatem, Trinitatem. Tuam Potentiam, Dominium, Magnitudinem, Sanctitatem, Perfectionem. Dignitatem, Tuam Justitiam, Misericordiam, Gloriam, & Beatitudinem.

4. Zelo tuo, adoro unionem Hypostaticam. Verb & Filii DEI Personam, Hominisq; & Filii Virginis naturam.

5. Zelo tuæ Sanctitatis, æstimo & veneror profundo affectu, Tuam purissimam Matrem Virginem, ex eaq; operante Spiritu Sancto Incarnationem. Tuam Ecclesiam militantem ac triumphantem ex SS. Angelis hominibusq; constitutam.

6. Zelo

6. Zelo gloriæ tuæ desidero milles ac milles extensione ad omnia tempora, & ad omnia omnium temporum instantia, ad omnia quoque momenta æternitatis, ea tibi omnia exhiberi ab omni creatura rationali. quæ tibi homines Sancti & Angeli. Humanitas Christi, & Beatissima Virgo exhibuit & exhibebit.

7. Zelo tuæ dignitatis, vellem continuis actibus adorationis, appretiationis, doloris & amoris intensissimi compensare omnes & singulas tam hominum, quam Angelorum pravorum malitias ac injurias tibi illatas, & illis bonis actibus implere omnia instantia, & momenta actionum peccaminosarum.

8. Zelo tui honoris doleo, quantum possum de omnibus & singulis peccatis à quocunque commissis & committendis.

9. Zelo charitatis in proximos, opto anathema esse à Christo, pro Fratribus meis in Christo. Opto me ipso obturari portam inferi, ne quisquam amplius pereat.

10. Zelo tuo & amore tui solius renuncio omnibus hujus mundi bonis, omnibus voluptatibus, honoribus, excellentiis, & vanitatibus.

11. Zelo tuo vellem omnibus diebus vitæ meæ quoad vixero, illud facere, quod tibi summe placet.

Enis Alphabeti.

1. **T**U scis ô JESU plusquam amabilis, quia amo te. Amo ex toto corde meo, ex tota anima, ex totis viribus meis.

2. Amo te castissime Sponse supra omnes sporcas & brutas carnis voluptates; supra omnem harmoniam & musicorum concentum.

3. Amo te plusquam mundum universum.

4. Amo

4. Amo te plusquam me, plus viâ & animâ meâ.

5. Amo te plusquam cœlum, quod infernus absq; te mihi videretur.

6. Amo te, & plus in dies amare volo, quam te oderint & damnati omnes.

7. Quia te amo mi DEUS! ideo omnibus me Sancti tui superent in cœlo donis tuis, vellem nemo me superaret amore tui.

8. Pro aversione à te summo Bono & Creatore nostro, & conversione ad creaturam per peccatum cujuscunq; peccatoris, nunc tibi restituo honorem, cultumq; tibi & amorem debitum à quocunq; denegatum offero: te super omnia æstimo & apprecio.

9. Vellem nunc omnes horas & annos meos, & omnium hominum & Angelorum pravorum, revocare, retrovertere, & peractæ ætatis spacia amoris tui actibus replere.

10. Offero tibi omnia corda, quæ tam in cœlo, quam in terra te ardentissimè amant, ita quidem, ut ea omnia simul habere, & immentum quoddam purissimi amoris tui incendium ex illis, facere vellem, in quo assidue incessanterq; consumar.

11. Non ideo te amo, mi DEUS! quia bonis tuis me cumulas: sed etiam, si his retractis, omnibus malis me subiceres. Te amarem, quia te amo non tam ob id, quod sum ex munere Tuo, quam ob id, quod Tu es ex natura Tua.

C A P U T V.

Solitudo Septemdialis.

Seu, quotidiana similis cum DEO.

Viz. 0.

Viatoris conversatio.

*O! anima Sancta sola esto, ut soli omnium
serves te ipsam. S. Bern:*

Hanc brevem solitudinem & secessum suadent tibi Viator, non tantum mundi hujus miserie, sed ipsius solitudinis deliciae. Quid enim potest deesse deliciarum homini, cum illic adest, cujus deliciae sunt esse cum filiis hominum. Quod per Isaiam Dominus promisit dicens: *Ponet desertum ejus quasi delicias: & solitudinem, quasi horum Domini, gaudium & letitia invenientur in ea.* Unde in hac solitudine de perenni divinitatis fonte limpidissimis consolationibus affluens S. Benedictus non semel in uno solis radio totum mundum collectum conspexit. Et S. Ignatius in eadem solitudine interna suavissima cœli gaudia libans erumpebat in hæc verba: *Quam forderet mihi terra, dum cœlum conspicio.* Ideo Hieronymus sæpius de suo deserto: *Mihi cœtera carcer, & solitudo Paradisus.* Ut ergo anima his possit vacare deliciis, fugiendo hominum contubernium, & cum solo DEO habens commercium, scire refert ad quem & locum conferat. *Gemina est solitudo, altera exterior corporis, altera interior animi.* Prima, secundum Asectas, est locus remotus in abdito recessu, vel extra urbem, à familiæ strepitu, & inanum rerum agitatione; unde ille Præcursor Domini S. Joannes Baptista, inter natos mulierum maximus, ab incunabulis solitudinem adivit, pluribusque annis coluit. S. Magdalena licet singulari gratiâ DEI prædita fuerit, tamen totum vitæ suæ tempus post passionem Christi, videlicet triginta annos in pelunca quadam transigere voluit.

Caro.

Carolus Imperator, ut solitudine liberius fru-
eretur, Regnum suum in Philippum filium de-
rivavit, de quo sic testantur Annales: Caro-
lum Majorem fuisse in sua Eremita, quam in Im-
perio. Ejus nepos Philippus morti vicinus in
hæc verba prorupisse dicitur: *utinam Corona*
caput non cinxisset! pænitet fuisse Regem! meli-
us in aliquo deserti angulo, extra mundano-
rum negotiorum tumultum vixissem!

Potes tali frui solitudine etiam in populosa
civitate. Qualem sibi fabricata est Judith, de
qua ita sacri Annales: *In superioribus domus suæ*
fecit sibi secretum cubiculum, in quo cum puellis suis
clausa morabatur: Non est igitur, ut sis solus, ex-
cusationi locus, quia ubiq; est solitudini locus.

Altera est solitudo non loci, sed animi, non
montium, sed mentium, non eremi sed cordis.
Non te ab hominibus sejungas, sed cum DEO
conjungas: non recessus ab urbibus, sed acces-
sus ad cælum, attenta meditatione faciet te so-
litarium. In populosa urbe, inquit Petrus Dami-
ani, *amor artifex solitudinem reperit.* Ideo nullum
vitæ genus est adeo negotiis addictum, adeo
curis implicitum, in quo solitudo animi, men-
tisq; secessus nequeat reperiri. Quare in turba,
itinere, convivii, etiam faciat sibi cogitatio se-
cretum, faciat solitudinem, & familiarem cum
DEO conversationem.

Si ergo secedere non potes ad hebdomadas a-
liquot, si non potes ad aliquot dies, animum
colligendi gratiâ, saltem horam unam aut alte-
ram concede DEO loquenti in solitudine ad Cor.
Benè suasit cuidam Hieronymus: *Adhibe tibi in*
urbe solitudinem, & remotus ab hominibus junge te
DEO. Nam talis solitudo, est quidam paradi-
lus

sus cœlestis voluptatis est via recta ad cœlum, conscientiæ cathedra, magistra silentii est nuptialis thalamus, in quo Sancti Spiritus annulus tribuitur, & cœlesti Sponso felix anima fœderatur.

DIE DOMINICO.

Meditatio Prima

De Beneficio Prædestinationis.

Prælud. 1. Statue te coram DEO, inquantum Prædestinator est, cui soli cognitus est numerus prædestinatorum & præcitorum.

Prælud. 2. Pete, ut possis cognoscere media ad finem prædestinationis consequendum.

Punctum 1. **C**onsidera hoc beneficium non esse commune, sed peculiare, eorum duntaxat, qui ab æterno electi sunt à DEO ad vitam æternam, quod est omnium beneficiorum maximum, non solum, quia datur ante omne meritum, sed quia cæterorum est fundamentum.

2. Cogita tecum: Quis scit an nomen meum scriptum est in libro vite? vasum sum in honorem, an in contumeliam; hædusæ, an agnus? Ingressit olim hanc cogitationem S. Bernardus Fratribus suis dicens: *Quis scit an omnium vestrum, quos hic video, nomina scripta sint in libro vite? Multi enim vocati, pauci electi.*

3. Admirare tam sublimem finem creationis tuæ, ut in æternum fruaris DEO, vivas cum DEO.

4. Rumina & expende tam magnam DEI propter te resolutionem ac impensam sanè sumptuosissimam: quam, ut scopum æternæ prædestina-

stinationis assequeris in vita sua contemptissima & morte probosissima ostendit.

5. Colloquere cum Domino DEO: Homo vanitati similis factus est. & quomodo mi Domine reputas eum, & apponis erga eum Cor tuum, ut inhabitet in domo tua omnibus diebus vitæ suæ, qui es te ipso beatissimus ac felicissimus?

6. Interroga Divinam Clementiam: Quis effecit, quia homo gratus factus est in oculis DEI, qui dignus erat æterno odio iræ DEI? unde illi, quia è massa æternæ perditionis ac reprobationis eum Divina bonitas secrevit, qui merito suo eidem cum reliquis præcitis involvendus erat?

7. Testare cælum & terram quod maiori cum homine Dominus misericordiâ usus sit, quam cum omnibus Angelis Apostatis.

8. Alloquere iterum Dominum JESUM; & dic: Quæ tua mi Domine liberalitas & humanitas! potuisti hominem cum reprobis Angelis supplicio damnare perpetuo, & ecce non tantum pepercisti illi, verum etiam decrevisti pro illo homo fieri, & cum omni opprobrio mori.

9. Interroga te ipsum, quid pro his omnibus Domino DEO retribuisti? Eheu! reddidisti mala pro bonis, quia toties tam graviter, tam impudenter Dominum tuum offendisti.

10. Non fle, sed ejula cum gemitu cordis tui, quia Divinæ vocationi & ordinationi resististi, & auxilia contempsisti Sanctorum, & Angelorum societate te indignum fecisti. Odium & indignationem SSS. Trinitatis incurristi. Fructu Vitæ & passionis Domini te privasti.

Heu me miserum! quid cogitavi, quid dixi, quid unquam feci demens! Peccavi contra rationem, contra conscientiam, & in quem, & quis?

Egonè vile & projectum cadaver, nibili homunculo, quavis deterius, & nequior ausus sum, & qua fronte impudens in ipsius Numinis & Angelicarum mentium conspectu, scelere meo impetere Creatorem meum, qui me ex nihilo fecit. Redemptorem, qui me sanguine redemit, Prædestinatorèm, qui priusquam me formasset in utero novit me, & antequam ex illo progrederer recordatus est in sua æternitate nominis mei, quasi guttulæ in vasto mari, & arenulæ in universo hoc!

O me infelicem! ergonè pro momentanea voluptatula infamis mercator DEO contempto æternos mihi ignium inferorum cruciatus compararim! Ah pudet me mei, etsi nemo alius conscius foret, quid vero erit, cum toti mundo revelabuntur sceditates ac turpitudines meæ?

Sed quàm immani ingratitude vitio scelus est à me perpetratum, in eum, qui me tot beneficiis prævenit ac persecutus est! Quid? tot beneficia contempsisse me amaro recordor animo? ô me ingratißimum!

O DEUS meus! peccavi! jam non sum dignus intueri altitudinem cœli, non sum dignus vocari creatura tua. Quid tamen faciam miser, quo fugiam à facie iræ tuæ? cui conquerar ô Domine, omnia mala adversum me, nisi tibi Salvatori & Redemptori meo.

O bone JESU! ne permittas me damnari, quem pretioso

pretioso sanguine redemisti. Manus tuæ Domine JESU fecerunt me, manus inquam illæ, quas cruci affixas tenes pro me, ergo opera manuum tuarum ne despicias, vulnera manuum tuarum precor, ut aspicias; ecce in manibus tuis descripsisti me, fac ut nomen meum, hic beatæ prædestinationis liber per totam æternitatem adscriptum retineat.

Fieri etiam potest mi Domine, quod sim damnandus, ergo saltem hîc in vita mea volo satiari amore tuo Divino, Imò si in ipsum fundum inferni descendero, etiam ibi volo, & desidero te amare intensissimè, ut sic evacuato per amorem inferno, ubi solus amoris ignis deinceps arderet, omnibus damnatis te blasphemantibus, opponere me possim, clamando in æternum: Benedictus DEUS! Justus Dominus.

Spero tamen mi Domine in bonitate & misericordia tua! Quid spero? Te ipsum! Animent me omnes miserationes tuæ, quas mecum ab infantia exercuisti, ut non cessem sperare in te. Appello viscera tua Paterna, appello misericordiam tuam abyssalem, appello illum actum, quo crucifixus pro peccatoribus orabas, quo peccatores ex visceribus divinæ tuæ misericordiæ salvare decernebas. Et spero in misericordia illa, quod ego sim salvandus.

Tantam enim de te mi bone JESU habeo fiduciam, quod licet millies plus peccâsem quam feci, sciremquæ; certò te gravissimè iratum mihi, attamen licet penes me esset eligere mihi judicem, nullum tamen alium, quam te eligere, certiusquæ; à te misericordiam expectarem, quam ab optimo meo amico.

Et enim si toties tamquæ; graviter contra aliquem

amicorum meorum sicut contra te, peccâssem, certissimus essem, quòd mihi non ignosceret, licet charissima Mater esset. Si enim ei ita rebellis, ac injurius fuisset, ac tibi; vel millies me abjecisset, & execrata fuisset. Tu verò post tot graves acceptas injurias, foves me nihilominus, ac nutris.

Actus Amoris DEI.

O Bonitas infinita DEUS meus! ecquid est homo, putredo & cinis: ut tu ab æterno ad Salutem & beatitudinem æternam eligeres illum, ac prædestinares? unde invenit hanc gratiam in oculis tuis, quòd ostendere volueris divitias misericordiæ tuæ in illo? Cur unum mi Domine vilem & inutilem homuncionem elegisti & assumpsisti & innumeros Angelos, qui semel tantum peccaverunt, reliquisti & projecisti?

Tunc mi DEUS super hujuscemodi peccatore dignum duxisti aperire oculos tuos? Tibi mi Salvator ab æterno nos lutea vasa cordi fuimus, ut non veniremus in oblivionem coram te? Tantine nos æstimasti vilissima mancipia tua, rebelles tuos inimicos, ignem memor scelerum, ingratitude, ac vilitatum nostrarum? Quid aliud in nobis invenimus, nisi omnimoda impedimenta, & obstacula æternæ salvationis, tuæ fruitionis, tui suavissimi complexus?

Quomodo te non exaltabo DEUM meum dignissimum salutis meæ? quomodo non benedicet tibi anima mea? quomodo tota se non viscerabit exinanietq; in dilectionem Bonitatis & charitatis tuæ! O bonitas! ô benignitas! ætinam ab æterno fuisset, & te ab æterno amare

re potuiffem! utinam nunc faltem amem te, fed amem ex toto corde, ex tota anima, amem millies millibus cordium, & igne ardentiffimorum Seraphinorum.

Utinam femper te dilexiffem fuperoptime DEUS, ex quo fum homo, quia tu me dilexifti, ex quo es DEUS! utinam te magis ac magis diligam, quia eripuifti animam meam de morte, quia refpexifti canem mortuum & pulicem unum.

O mi Domine! utinam faltem ex hoc momento in æternum tot bonis provocatus à te, non declinem à mandatis tuis. neq; derelinquam te fontem aquæ vivæ! fed eheu! nescio, quid ferus vefper vehat; nam audio: Qui ftat, vi-reat, ne cadat: & poft hæc dona tua omnia horrefco, dum cogito. quod ecce Domine mi, nifi tu adjuvares me, etiam hoc momento calcarem te, & rursus crucifigerem te mihi pro tot fcilicet donis tuis.

En ergo, Salvator piiffime, minimus fervorum tuorum in timore & tremore fupplifico tibi, ne me projicias à facie tua. nec à participatione Sacratiffimæ Paflionis tuæ, fed juxta magnam mifericordiam tuam da mihi congrua falutis media, ut in æternum cum Electis tuis mifericordias tuas concinam.

Eodem Die Meditatio Secunda.

De Beneficio Creationis

Prelud. 1. Conftitue te coram DEO, & imaginare te ipfum quafi vas quoddam recentermanibus DEI efformatum. Cogita tecum quo fine?

Prelud. 2. Pete, ut finem. ad quem creatus es cognofcere poffis, & ad illum pervenire.

Præfatus

Punctum 1. **C**onsidera bonitatem DEI! quanta fecit animæ tuæ! novisti, quod ante annos paucos nihil fueris & nullibi. Ecce elegit te DEUS ex millibus, immo infinitis possibilibus, & conditis in hunc mundum, ut thesauris bonitatis suæ te ditaret in tempore & æternitate.

2. Ad imaginem & similitudinem fecit te, quem ante prævidit vilem & inutilem, indignum & ingratum, inimicum sibi & exosum.

3. Creavit DEUS animam tuam eo fine, ut cognoscas eum, illum ames, ei servias, & tandem salvus fias. Finis Sanctissimus, nobilissimus, celsissimus. Quid enim suavius, quam amare amabilissimum, quid iucundius, quam æternum cum, & in DEO vivere?

4. Aperi oculos & universum mundum uno quasi obitu comprehende, in illo omnia tibi subjecta reperies. Tibi serviunt Angeli, tibi bruta vivunt, diffunditur ær, fluit aqua &c. Vide homo, dicit totus mundus, quomodo amavit te, qui propter te fecit me: Servio tibi, quia factus sum propter te, ut servias illi, qui fecit me, & te, si accipis benignitatem, redde humanitatem.

5. Lauda Dominum ob admirabilem potentiam offensam in Creatione. Quia nimirum ex nihilo propter te tam multa, tam varia, tam solida, tam perfecta creavit.

6. Gratias agas pro beneficio existentia actualis, quam tibi Divina bonitas contulit. Item quod habueris Parentes Christianos, ex quibus natus es non Judæus, non Paganus, non etiam Hæreticus, sed Christianus. Quod natus sis cum membrorum integritate, complexionis bonitate non cæcus, non claudus, non monstrum aliquod.

7. Humi,

7. Humilia te ante DEUM, & dic: O Domine! ego sum verum nihil ante te! & quid recordatus es mei, ut creares me, sciens me, gravissimum fore peccatorem, & tuum capitalem inimicum?

8. Confunde te coram cœlo & terra, & erubescere, quia toties deturpâsti imaginem Domini DEI tui: quia toties rebellis factus es Creatori tuo, ita ut iuste possit de te tactus dolore intrinsecus conqueri: Pœnitet me hunc hominem fecisse,

9. Interroga Divinam Clementiam, cur propter scelera tua sicut alter Nabuhodonosor non fueris toties in bestiam conversus? nonne mereraris, ut te DEUS in canem, qui fœtorum peccatorum putidus fuisti, aut sœm, qui non semel ad volutabrum sordium tuarum rediisti, aut in aliam bestiam, qui jumentis deterior & insipientior factus es, iuste verteret?

10. Miraberis quod creaturæ te hucusq; sustinuerint. Confiteberisq; te dignum iam pridem fuisse, quem dehiscens terra subrueret, aqua demergeret, ignis consumeret. Resume postea fiduciam accurre ad pedes JESU, tene illos, nec dimittas, donec misertus fuerit tui. Protestare in posterum de tua fidelitate, & emendatione usq; ad mortem.

Pro Colloquio.

Actus Contritionis.

PATER peccavi in cœlum & coram te, jam non sum dignus vocari filius tuus, sed nec creatura tua. Me miserum! quid feci ego demens, ubi est præcellens illa imago, qua similitudinem Creatoris mei per omnia gerebam? ob gravissima facinora & fœtores peccatorum meorum

rum denigrata est super carbones facies ejus non est agnita in plateis cœlorum. erepta est à consortio Angelorum. deputata est cum perditis inferorum

Dicarnè ô Domine amplius Creatura tua? non sum dignus creatura tua esse, etiam in quacunq; pœna constitutus. Si enim ego solus haberem illam partem infernalem, quam omnes Dæmones & damnati habent, non sufficeret secundum peccata mea punire.

Nemo tibi Domine tam gratus extitit, ut ego. Latrones ipsi & sacrilegi perfectius tibi famularentur, si eos tot, ut me, affecisses beneficiis. Animalia ipsa pro captu suo tibi appropinquant: solus ego infinitâ turpitudine vitæ meæ à te recedo.

Nescio o Dômine! quomodo hucusq; sustinuerunt Angeli perduellam Creatori? quomodo perexerunt Sol & astra benignis me aspectibus observare: elementa confovere? quomodo non irruerunt in me velucres cœli, pœces maris & bestię terræ? Cur non insurgit in me rebellem tibi, & non clamat terra usq; & usq;e. Quare tam nequissimum sustineo? cur non dicit aë: Quare non deficio? ignis: quare non comburo? infernus: quare eum non devoro? quomodo dignum ut homines me societate suâ? Profecto possim: DEUS, ego deberem in sterquilatio habere à cæterorum hominum convictu sequestriari, ne illos peccato um contagione inquinarem!

Heu me miserum! quid dicam ô Creator! Creatura tua sum, en perii! Creatura tua sum, jam moxior! Dominus & Plasmator meus es tu, & nunquam vidi te? tu me fecisti & refecisti,
& nondum

& nondum novi, imò jam amisi te: Quid tamen miser faciam, recurram ad te, ô JESU, fontem misericordiæ.

Expande ô Domine expande super hunc nequissimum servum, piliū immensæ Clementiæ tuæ, cui proprium est misereri semper & parcere. Non pereat in malitia sua, quod operata est bonitas tua. Quæ enim utilitas in creatione tua erit, si descendero in corruptionem, & dominationem æternam? Ipsa te vincat charitas ad salvandum me, quæ te vicit ad creandum me.

Fac iterum Domine JESU lutum ex sputo, & lini oculos meos, ut qui cæcus sum, videre valeam deturpatam in me imaginem tuam. Iterum atq; iterum aperire digneris latus tuum mihi nequissimo peccatori, ut oculi mei, qui deprædati sunt animam meam, in tuo latere inveniant prædā suam.

Reduc Domine oculos tuos Majestatis super opus ineffabilis tuæ pietatis. Ego autem contra me ipsum armabor & ero præ ceteris crudelior mihi Judex. Et quia non sufficio me detestari: contra me universum creaturarum cætum congregabo, & à qualibet confundi & puniri desiderabo, quia earum contempsisti Creatorem.

Añus Amoris DEI.

Siccine ô Creator meus! ô bonitas infinita! ô DEUS plusquam amabilis, in Charitate perpetua dilexisti me, & ideò ad imaginem & similitudinem tuam creasti me, miserans mei! quomodo ita amantem me redamare potero? Quā in re animum meum, & ingenium nunc occupo, si non excogito mille modos, quibus conficer me diligere te?

O mi

O! mihi sint corda mille, & millies mille, eaq̃s omnia plena iis affectibus, iis ardoribus, quibus abundavit Cor JESU, Cor MARIE, cor maximi Sancti tui, ut desiderijs meis, & amoris tuo respondeat amor meus.

O! si ego solus omnium Angelorum corda possiderem, quibus te incessanter summum bonum & unicum animæ meæ centrum diligerem. O! si haberem omnium hominum amorem & affectum, quo te mi Deus complecterer.

O! si etiam mi Domine tot habere possem corda, quot sunt in universo creaturæ, ut illis omnibus earum nomine te diligerem & glorificarem, quas propter hominem condidisti, reddens tibi debitum, quod illæ nequeunt, & cuius ego illarum causa debitor sum.

O! si possem singulas guttas aquæ, & singula grana arenæ maris, ac singulos atomos in cœlos convertere, pro gloria & honore tuo!

O! si incessanter eâ amoris flammâ arderem, quâ ardent Seraphini, quâ ardet totum cœlum, quâ ardes tu, ut omnes ad amorem tui succendere possem! O si in omnibus locis, in omnibus mundi partibus replicari possem, & ibi te amarem!

Sed superabundo gaudio Domine, & infinitas tibi gratias ago, quod Tu ipsemet meum & omnium creaturarum officium suppleas in amando Te ipso & dignificando. Summo etiam gaudio afficior, quod quidquid creaturæ omnes præstare conantur tui amore, longè sit impar tux dignitati. Hunc ego ipsum amorem tui ipsius offero tibi in gratiarum actionem pro omnibus thesauris beneficiorum in creaturas omnes effusis.

FERIA

CHRISTIANUS
FERIA SECUNDA.

227

Meditatio Prima.

De mundi Vanitate.

Prælud. 1. Statue te ante Christum Dominum,
& admirare altissimam illius sapientiam re-
spicientem, quæ mundus amat, & præligentem,
quæ mundus detestatur. Dic cum S. Bernar-
do: aut Christus errat, aut mundus, sed Chri-
stus errare nequit, quia æterna Sapientia est, er-
go errat Mundus.

Prælud. 2. Pete, gratiâ Divinâ adjutus, sive
blandientem - sive terrentem mundum, DEO
inimicum feliciter effugias.

Punctum. 1. **C**onsidera, quomodo Dominus
JESUS inter plagarios, patibu-
laríos, sceleratos deputatur. Et ambiet Chri-
stianus magnus inter homines reputari? Into-
lerandæ superbix est, ut ubi majestas humilia-
tur, vermiculus infletur & intumescat.

2. Adverte, si quid sensus habes: Mundus
clamat, ego deficiam, caro clamat, ego infici-
am, diabolus clamat, ego interficiam, Christus
dicit ego reficiam: cur tamen decipientem &
interficientem & non reficientem sequeris?

3. Considera quia bona terrena, quibus hic
pascimur, filiquæ sunt porcorum, quæ appeti-
tum nostrum infiniti boni capacem non explent
sed contaminant. Convenitne ergo tanti paren-
tis filium filiquis porcorum ventrem infarcire?
Decetne te Dominum tuorum pedibus sordidis
conculcandum subdi?

4. Audi quid de mundo S. Bernardus senti-
at, ita ille: O homo! quid tibi cum mundo, quò
cito transi? & concupiscentia ejus? quid tibi cum ter-
renis divitiis? aurum & argentum verè terra rubra
est

est & alba, quam solus error hominum facit, aut magis reputat pretiosa? quid tibi cum carne, quâ haud aliud vilius sterquilinum invenisti.

5. Interroga dampnatos, ubi deliciae vestrae maledictae? ubi honores? ubi amatus prae DEO mundus? Ah quam infructuose miseri in illis inferorum triremibus deplorantes respondebunt & dicent, quod Jonathas Patri suo Sauli: *Gustans, gustavi paululum mellis & ecce morior!* Ita illorum quilibet Eheu! propter stillam voluptulae carnis titillantis, amisi, quod refici poteram, torrentem voluptatis!

6. Alloquere omnes mundi amatores: O miseri! quis ita fascinauit oculos vestros, ut non videant vanitatem hanc, quâ major nequit inveniri sub sole! crumenae, quas hic mercator perduellis mundus ostentat, vento magis, quam aere turgent, coronae nitentes auro sentibus & spinis horrent, torques aureae ferrearum compedum instar, non honorant, sed onerant, quid vestes? bombycum excrementa apud nos, quia rara, ideo chara.

7. Desse quantum potes ceterorum hominum insaniam, qui pro eo, quod debeant diligere Dominum DEUM suum ex toto corde, diligunt mundum, non mundi Conditorem, diligunt daemone[m] DEI inimicum, non DEUM super omnia benedictum.

8. Elice contemptum rerum terrenarum. & alloquere omnes illas nugas, quae te à DEO retrahunt, & dic: DEUS meus pender in patibulo, & ego vanitatibus & voluptatibus operam dabo? abut! non decet sub spinoso capite membrum esse delicatum.

9. Argue & desse tuam dementiam, quia
stultus

Stultus negotiator fuisti, dum pretio bonorum omnium extremum malum mercatus es.

10. Pudore suffundere, quia pro caducis, inanibus, fallacibus, æterna, solida, vera pesium dedisti, pro una voluptatula animam, pro cæno cælum erogasti.

Pro Colloquio.

Affus Contritionis :

O Anima mea sceleratissima! non vitâ, sed morte perpetua, ex tuis actibus digna, quid tibi cum mundo, qui in momento transfit, & ejus concupiscentia? ô perfida anima, quid fecisti? ob unam sordidam voluptatulam, de sublimi in profundum, de gratia in peccatum, de cælo in infernum cecidisti!

Quid ergo dicam infelix esca totius inferni, homo miser, projectus à facie oculorum Domini Creatoris mei? vendidi cheu! animam meam sine pretio. Quid enim sunt hæc universa, quæ Apostolus arbitratur ut stercora, quorum finis est interitus? Heu me de quanto bono in quantum malum cecidi! quò tendebam, & quò deveni? quæ sivi bona, & ecce turbatio, ecce jam morior, & JESUS non est mecum. Certè melius mihi erat non esse, quam cum his omnibus vanitatibus sine JESU esse.

Proh pudor! quem fructum habeo miser, in quibus nunc erubesco! Quid? caduca, vana, & propè nulla infelix & insanus præferre non erubui æterni Patris amoris & honoris?

Istane est ô bone JESU vivæ vocis tuæ doctrina in operibus meis expressa? Pompasne mundi & honores nudus in ignis crucis ligno suspensus docuisti? deliciasne carnis doloribus gravi-

gravissimis ad mortem compulsus prælegisti? superbiamne Sathana in ultimo agone obedientiam Patris fideliter prosequens professus es?

Me miserum! quânam fronte attollam jam oculos ad vultum Patris amantissimi tam malus & perversus filius? Pudet indigna gessisse genere meo, pudet tanto Parenti vixisse degenerem. Exitus aquarum deducite oculi mei, operiat confusio faciem meam, deficiat in dolore vita mea, & anni mei in gemitibus, quia dereliqui te fontem aquæ vivæ, quia dilexi vanitatem, & persecutus sum umbras, quæ nos fugiunt.

Et an aliquid ultra, me separare poterit à te ô JESU! ô Vita, ô amabilissima charitas! ô omne bonum DEUS cordis mei & omnia: cur oculos meos convertam ad vanitatem, & non potius ad te ô JESU, ubi solum, purum, & omne bonum n eum? Abhinc, quidquid mihi dare vis ô DEUS meus, aufer totum; & te solum mihi da, & sufficiet mihi,

Actus Amoris.

O Summum & unicum bonum meum, DEUS meus, hoc millies dicat, hoc millies repetam. DEUS meus & omnia! neq; enim vel majus dicere, vel majus cogitare, vel dignius optare possum, quam hoc ipsum: DEUS meus & omnia! Alii alia quærant, alia desiderent, unum ego DEUM quæro, DEUM desidero, DEUS meus & omnia! Opes & honores, voluptates & gaudia relinquo, montes gemmeos & aureos aliis non invidéo, mihi sit DEUS meus & omnia.

O DEUS meus & omnia! nihil quæso, præter te, requirat anima mea. Tu mihi sufficis
Domine

Domine, ideo habens & possidens te, omnes mundi spes derelinquo, omnem libertatem, inclinationes connaturales abduco, omnia quæ mundus amat, rejicio.

Sum etenim mi Domine, ita erga te affectus, ut etiamsi mihi ad voluptatem, & absolutum dominium, tot deliciosissimi mundi darentur, quot sunt possibiles arithmetici numeri, nunquam desererem te, neque præponerem illos tibi. Si omnia mundi bona haberem, hoc momento, (si ita opus esset, & ad gloriam tuam cederet) illis amore tui renunciarem. Imo etiamsi cum æquali gloria tua & pari merito meo possem esse pauper & dives, vilis & honoratus, infamis & gloriosus, afflictus & deliciosus, eligerem nihilominus contemptum propter te, quia tu mihi sufficeres DEUS meus & omnia.

Duo sumus ô DEUS! Tu & ego! & nihil aliud! quia minus te amat Domine, qui aliquid tecum amat, quod non propter te amat. Extingue me Domine in corde omnium hominum, & cunctos homines in corde meo occide, ut tu solus in me, & ego solus in te vivam.

O si etiam possem à cordibus omnium, amorem, qui non est tuus avellere & tuum inferere, ut amore tuo omnes arderent & languerent! utinam tibi subdere possem mi DEUS! omnia colla filiorum Adæ, ut te solum requirerent & amarent.

Utinam plurimi Sancti sint in mundo, qui omnes mundi illecebras amore tui conculcent, te perfectissime æstiment, ament, honorent! utinam omnes peccatores mundo dediti & immeriti ad te convertantur!

Produc Domine austrum ardentissimæ dilectionis

Sionis tue, qui nos omnes tam valido impetu à mundo impellat in te, ut à nobis ipsis translati, deinceps Spiritum non habeamus extra te.

Eodem Die Meditatio Secunda

De Brevitate Temporis.

Prelud. 1. Statue te ante DEUM, cujus oculi semper in te respiciunt, & quære: quot sunt dies servi tui Domine, quoniam numerus mensium ejus apud te est?

Prelud. 2. Pete, ut totum tempus vitæ tuæ fructuosè impendas, & particula boni diei nunquam te prætereat.

Punctum 1. Cogita: quænam occupatio Domini DEI tui? cogitare de te. Cur non reddis vicem Domino tuo?

2. Erubescere de tua ingratitude, qui cum scias DEUM continèdè ita super custodiam tuam vigilare, veluti si totius creaturæ oblitus, te solum curaret, & haberet, tu ex toto corde tuo, DEI tui oblivisceris.

3. Præsentis diei viginti quatuor horas in compūm voca: quot ex his sæpius sibi rapiunt, somnus non necessarius, gula, otium, ludii, confabulationes. O vitam miserrimam! hæcne tu ratione te DEO satisfacturum arbitraris? ita sanguinem Christi remuneraturum?

4. Interroga te ipsum, quot infernos tibi debet justitia DEI, qui totum ferè vitæ tuæ tempus non DEI obsequio, sed mundi & Dæmonis impendis servitio.

5. Finge regressum in vitam offerri iis, quos jam in infernum præcipitavit DEUS, unaquæ conjice, quàm sanctè concessos sibi dies agerent

reſt, quàm exactam & rigidam agerent pœnitentiam? & tu dicis: cras, & cras, emendabo vitam. Cur non hodie, cur non hâc horâ finis malorum & turpitudinis tuæ?

6. Apprehende, quanta tibi exhibeatur gratia, dum tibi ſpatium pœnitendi conceditur.

7. Interroga Clementiam divinam, quare tam diu te ſuſtinuit, nec condemnari permisit? Quot jam millia animarum ardent in inferno, quæ minus peccaverunt! quis ligavit manus DEI vindicis tuorum ſclerum? quid retribuēs Domino, quia tantum tibi contulit ſpatium pœnitentiæ?

8. Elice actum agnitionis, coram omnibus damnatis, quod majori miſericordiâ Dominus tecum uſus ſit, quàm cum omnibus illis, qui minus peccaverunt, & tamen jam ad inferos deſcenderunt.

9. Ingemiſce cum S. Anſelmo, & dic: O DEUS meus: cur amavi? quare concupiui in omni vita mea quidquam præter te JESUM DEUM meum! cur intermiſi ullo tempore te JESU verſare in corde, te tota mente amplecti? ubi eram, quando tecum non eram? quò deſllexerunt, quando non te ſolum habuerunt deſideria mea?

10. Obſtupeſce, quomodo tot annis, tot diebus à DEO tuo propter peccata tua elongatus & exclusus eſſe, & vivere potuiſti!

Pro Colloquio

Actus Contritionis.

O Me miſerum! quantum tu mihi Domine temporis dediſti ad te amandum, tibi ſerviendum! & quid ex eo jam ſuperest? nihil mi JESU! niſi bonorum tantorum amiſſorum

Q

tristiſ

tristis recordatio. & malorum commissorum
erubescenda memoria!

Infelix ego homo. quis me liberabit de corpore mortis huius? ut quid vivo diutius? ut quid terram occupo ego lignum aridum & infrugiferum. ego semper ingratus in DEUM meum, & non nisi peccata peccatis toto vitæ meæ tempore accumulo. & sic thesaurizo mihi iram in die iræ & iusti iudicii!

Heu me! iustus scelerum vindex fortè iam inexorabilem sustulit manum, scribens contra me amaritudines, consumere me vult peccatis adolescentiæ meæ?

Quis dabit capiti meo aquam, & oculis meis fontem lacrymarum, & plorabo die ac nocte, quia serò te cognovi ô pulchritudo antiqua! serò te amavi, ô bonitas infinita, imo tam exosus peccatis offendite ô misericordia mea; ô DEUS meus! ô me miserum! cur non amavi te semper, Amor semper amabilissime! semper infinite! Tu es in medio cordis mei & quomodo ad latus meum, ausus sum terrenum aliquid congregare?

Omnia corda hominum, qui sunt. fuerunt, & erunt, & omnes voluntates Seraphinorum, & reliquorum spirituum, non sufficiunt, ut occupentur in DEO. cur ego pusillus homuncio, unicum Cor meum occupabo in aliis vanitatibus, & non efficiam, ut tradatur DEO meo?

Serò nimium ad te venio ô JESU Crucifixe! optimam vitæ meæ partem peccatis consecravi! vel nunc tempus est, ut gratiam tuam quæram.

Suscipe ô bonitas infinita DEUS meus in manus ineffabilis pietatis tuæ residuum annorum

rum meorum. Pro his verò, quos vivendo perdidisti, quia perdidisti vixi. Cor contritum & humilitatum DEUS non despicias. Dies mei sicut umbra declinaverunt, & perierunt sine fructu, impossibile est, ut revocem eos. Placeas ergo, ut recogitem eos in amaritudine animæ mee.

Volo dignissime DEUS, grandem hanc amoris jacturam nunc & singulis residuæ vitæ meæ momentis peasare. Volo amabilissime DEUS, ut abhinc totus Spiritus, totum Cor, totum corpus meum, tota vita mea vivat tibi vita mea dulcis. Addo, totus dies, totæ hebdomadæ, toti menses, toti anni mei vivant tibi æternitatis mea.

Ætus Amoris.

O Satietas cordis DEUS meus! nunquid non sufficis amanti? quid extra te evager? quid aliud desiderem? Eja quæso vulnera animæ meæ amoris tui jaculo. Imple omnia desideria mea, ut nihil me extra te delectet, nihil afficiat, & solum ardentissime in omni creatura diligam. ad te semper æstuantissimis desideriis toto vitæ meæ tempore anhelem.

Potesne mi Domine sustinere, ut aliqua creatura non diligit te? quæso hoc in me non sustineas, sed irrumpas, in cor meum, & vim facias mi potentissime, ut sicut tu à me amando cessare non potes, ita fac, ut & ego ferventiùs & intensiùs in singula momenta te amare possim.

O si te ab instanti conceptionis meæ cæpisssem amare & nôsse! ô si primo rationis impetu mentem animamq; consecissem obstrinxissemq; tibi mille votis, nulla postmodum culpa dis-

Q.

solvens

solvendis! ô si pueritiam inventutemq; sceleris puram in castissimis & sanctissimis tuis amoribus exégissem! Heu optima vitæ pars non amplius reditura unquam, ut velociter fugisti, nec vidisti bonum! liceat mi Domine damnum hoc saltem desideriis compensare.

Desidero abhinc Domine, ut nullum sit deinceps momentum temporis & æternitatis, in quo tibi debitum amoris, laudis, venerationis, ac exaltationis non exhibeam, quod tibi devotissimè Sancti & Electi tui exhibuerunt, & in æternum exhibebunt. Desidero, ut omnis mea actio sit ad te aspiratio. Volo Domine, ut omne momentum vitæ meæ, omnis motus substantiæ meæ, omnis cogitatio & respiratio nihil aliud sit, aliud aspiret nihil & sonet, nisi: Sanctus Sanctus Sanctus Dominus Deus.

O amor divine! utinam è singulis residuæ vitæ meæ momentis, usq; ad momentum extremum possem facere totidem sæcula amoris tui! sit in posterum omnis cogitatio mea, omnis respiratio, vivum holocaustum Amori tuo, & honori, profundissima humilitate, altissima charitate oblatum.

Et quia omnes dies & momenta annorum meorum non transegi in castissimis tuis amoribus, ô vita mea dulcis JESU! omnia momenta vitæ tuæ Theandricæ, tum ea, quæ ab æterno vixisti cum Patre, tum ea, quæ ex tempore vivere cæpisti genitus ex Matre, & quidquid in illis à te gestum toleratumq; est, tibi offero. Offero & SS. Matris tuæ merita, ac omnium Electorum tuorum amoris incendia, labores, affectus cum his omnibus veluti nullius momenti obolum, infiniti valoris pretio junctum me ipsum

ipsum & residuum vite mee tempus, in tuum mi Domine omnimodum amorem & honorem offero & sacrificio.

FERIA TERTIA.

Meditatio Prima.

De peccatis.

Prælod. 1. Statue te coram DEO veluti reum aliquem gravissimorum criminum, qui stet ante Judicem catenatus, vinctus manibus, & pedibus arctissimè constrictus.

Prælod. 2. Pete a DEO lumen, quo rectè malitiam peccati mortalis, & miseriam agnoscas, & ut illud tibi ignoscat, si fortassis eo animam tuam aliquando contaminaveris.

Punctum 1. **C**ogita, quid sit peccatum mortale. Est offensa, & contemptus DEI summi boni, imo voluntas perdendi DEUM, si perdi posset, eumq; perimendi quidam cogatus, quo (ut ait S. Bern.) homo peccando vult interimere aut Sapientiam DEI, volendo ne suum peccatum videat; aut iustitiam, volendo ne puniat; adeo qd peccatum est quoddam in voto Deicidium. Est demum sanguinis Christi conculcatio. Est rebellio creaturæ contra supremum Principem, & cum hoste ipsius Diabolo conjuratio.

2. Quædamna operatur in te peccatum. Primo peccatum te turpissimum facit, ac exosum omni creaturæ. Per peccatum mortale committis Sacrilegium, quia violas templum DEI: apostata siam, quia à mandatis DEI ad pedes Diaboli transis, quia datam fidem in baptismo frangis. Per peccatum amittis gratiam universo orbe pretiosiore, Per peccatum iteratò Christum

rum crucifigis &c. Unde S. Thomæ Aquinani mirum etiam videbatur posse hominem alius peccati mortalis conscium in eo damnationis æternæ periculo ridere unquam & lætari. *Kibid. 7. Mat. S. Ludovicus Rex Galliarum maluit vita exui, quam fœdari peccato mortali. Surius. 25 Aug.*

3. Considera quanta fuerit iniquitas, malitia, & audacia tua, qui summæ bonitatis & Majestatis DEUM peccatis tuis aggredi ausus es, & eo usq; amaritudine complexisti ipsam incircumscriptæ bonitatis Oceanum, ut dolore cordis & pœnitundine intrinsecus tangeretur, quod te hominem creâset.

4. Interroga teipsum, quid tibi mâli fecit DEUS! quare illum toties tam graviter offendisti & contristasti? quid tibi dedit dæmon, quia ad ejus pedes transisti?

5. Admirare non esse ultas ipsas creaturas, omniaq; simul elementa contemptum & injuriam Creatoris sui à te per omnia irrogatam.

6. Testare cœlum & terram, quod peccaris super numerum arenæ maris, quod omnibus peccatoribus & ipsis damnatis deterior sis.

7. Cogita te non tantum peiorem esse dæmone, sed ipso, qui fuit pessimus dæmonum princeps: inter homines vero peiorem pessimorum pessimo ipso Juda, qui Christum quidem vendidit, sed nondum mortuum vidit: peiorem ipso Antichristo qui non toties ut tu, experiretur in se Christi gratiam.

8. Exclama cum filio prodigo: Pater peccavi in cœlum & coram te, jam non sum dignus vocari filius tuus, sed nec creatura tua.

9. Opta tibi tot lacrymas, quot sunt guttæ in mari.

mari, aut guttæ sanguinis tui. quibus defleas miseram & miserabilem conscientiam & vitam tuam.

10 Projicias te ad pedes JESU. cum lacrymis postula veniam. Quid enim tibi superest misero. ne pereas miserè, quam ut te conferas ad illum. cui proprium est misereri? Protestare. quod abhinc eligas milles mori, quam peccato fœdari.

Pro Colloquio.

Actus Contritionis.

Heu me miserum! peccavi tibi ô bonitas! ô misericordia mea! peccavi & super numerum arenæ maris multiplicatæ sunt iniquitates meæ! non est peccatum super peccatum meum! non est iniquitas super iniquitatem meam.

O si vastus in lacrymas vertatur Oceanus & exundet ex oculis meis! quis mihi det, ut præ acerbis doloribus omnes guttæ sanguinis mei mutantur in lacrymas; aut lacrymæ mutantur in sanguinem. nec unquam taceat pupilla oculi mei! Quis mihi det, ut sit magna velut mare contritio mea, ex quo semper lacrymarum flumina exeant. & in illud intrent, ut iterum peccantius fluant!

O Pater misericordiarum! esto placabilis super multitudinem malitiæ meæ, quia vox sanguinis Fratris nostri JESU Christi clamat ad te pro nobis de Cruce.

O JESU! ô MARIA! ambo offensi estis, sed ambo estis abyssus misericordiæ & dulcedinis. parce ergo misericordissime JESU, parce servo Matris tuæ. misericordissima Mater MARIA, parce mancipio Filii tui.

Displi-

Displicent mihi Domine: displicent singula peccata mea: quia ex se mala & perversa, quia supremæ tuæ Majestati, amabilissimæ bonitati ac voluntati injuriosa: Odiô perfectô, quô tu DEUS meus detestaris peccata mea, detestor, odiq; & ego, odisseq; volo in æternum. Horreo illa, & contremisco totus ad memoriam illorum.

O utinam nunquam te mi DEUS offendissem, non corde, non opere, non omissione, nec ullâ prorsus ratione! utinam prius extinctus fuisset!

Spero tamen omnium ac singulorum peccatorum meorum plenam perfectamq; à te misericordissimo Patre condonationem. Propter bonitatem tuam, propter JESU Christi amarissimam mortem, propter pretiosissimæ Filii tui Matris omniumq; Electorum tuorum intercessionem & merita.

Affus Amoris DEI.

O Charitas abyssalis! ô bonitas infinita DEUS meus! quàm triste, quàm durum mihi est, quod unquam in te sic & sic peccaverim: cur ô DEUS meus vel momento unico recessi à te? cur tibi ô dulcedo animæ meæ tam amarus & felleus fui? Cur inebriavi te ablynthio, qui mille benedictionibus dulcedinis prævenisti me?

O anima mea! dic mihi: quid tandem illa bonitas, illa misericordia fecit tibi, aut in quo unquam contristavit te responde mihi? Eja disrumpere immani dolore vel nunc!

O mi JESU! cur intermisi ullo tempore te versari in corde, te totâ mente amplecti, & delectari in dulcedine tua! Ad te nunc ô Amicus spiritus,

spiro, clamo, anhelō. Te stringo intimis cordis mei medullis, & totis præcordiorum affectibus. O si semper te solum cogitâsem, te dilexissem dignissime perpetuo amore DEUS! O si omnia desideria cordis tui ad amissim explevissem! confidentiùs nunc irem in tuos amplexus Sanctissime amor! nunc autem conscius pudor infamem animam confundit, rejicitque ad oscula pedum tuorum nitentem!

Et quid ultra poterit me divellere & separare à charitate tua ô DEUS meus! an voluptas brevis? opes caducæ, honor falsus? an umbræ umbrarum, nugæ nugarum, & vanitates vanitatum? & istæ & illæ? non facient ô bone JESU! non facient! in æternum ex hoc momento, tu es mihi charorum omnium charissimus, tu dulcedo, tu unicum centrum cordis mei, & vita animæ meæ, tu thesaurus, divitiæ, & deliciæ meæ.

Te solum mi JESU ex hoc momento quære, te solum ex toto corde diligere constituo. Et non solum corde meo, sed etiam omnium ac singularum, possibiliumque creaturarum, omnibus genere, specie, numero, possibilitate, distinctis desideriis, cordibus & affectibus vellem te mi DEUS amare: idq; in omni istorum omnium desideriorum intensione ab ipsa pretiosissima Parente, JESUq; Christi humanitate elici possibilibus: ac etiam in extensione ad omnia loca, & spatia, etiam imaginaria extensione quoq; ad omnia tempora, ad omnia momenta æternitatis tam ante, quam post.

Eodem Die Meditatio Secunda.

De morte & circumstantiis ejus.

Prælud.

Prelud. 1. Imaginare te in extremis constitutum; Efferrì Christi cruci affixi imaginem, accendì cereum, atq; intonari tibi à Sacerdote: Proficiscere anima Christiana; plurimis interim circum orantibus, & animæ excessum præstolantibus.

Prelud. 2. Pete ut ante mortem diligentem rationem temporis & occasionis, quæ modo offeruntur habere possis.

Punctum 1. **C**onsidera quia in separatione animæ & corporis, anima cujusq; suam ingreditur viam. Ah! quam viam tua ingreditur? si tunc à corpore separata foret, quid cum illa fieret! dignanè esset, ut ab Angelo deduceretur? dignanè esset, cui Mater Virgo obviaret?

2. Revoca tibi in memoriam, quæ tibi in morte erunt gravia. Erit grave quando ponetur ante oculos tuos imago crucifixi! & quomodo in eum quem pupugisti, cujus sanguinem peccatis tuis conculcasti oculos defigis! Erit grave, quando dabitur lucerna in manu index bonorum operum, quæ non thesaurizasti.

3. Considera extremum cum vita agonem & angorem mortis, quando inclamabitur auribus, ut corde saltem, si non ore te DEO commendes. Quo pacto etiam Sanctissimi viri magno metu tunc contenti solent, ut S. Hilarion etiam clamasse dicitur: *Eggredere anima mea. septuaginta annis servisti DEO quid times?*

4. Cogita quomodo tunc totus pallefcies. oculi concident & evertentur, pectus palpitabit, cor supra modum saliet, interius vero cum maligno Spiritu bellum geretur.

5. *Con*

3. Concipe insuper affectum maioris timoris, quia in isto iudicio particulari vides iudicem iratum, qui te conturbato vultu respiciens ad tuam confusionem aperit cicatrices & cruenta vulnera tibi; tuam ingratitudinem, malitiam, & impietatem exprobrat.

6. Imaginare quod audias Angelum tuum Custodem contra te instigantem omniaq; occulta peccata tua coram Iudice recentem.

7. Puta te videre à sinistris Diabolos terribiles ut catulos leonum rugientes & præparatos ad escam, tibi; inclamantes: *Engenge devorabimus eum*. Qui etiam morus desperationis excitare solent & dicere: *si iustus vix salvabitur, impius & peccator ubi parabunt?* Et: *Qualis vita, finis ita*.

8. Interroga te ipsum, quid tunc miser facies, quando infra te os interni apertum, tetrum odorem exhalans aspicias? intra vermem conscientie senties: sursum cælum occultum & DEUM iratum conspicias, ad tanta quomodo non deficies?

9. Gratias age divinæ bonitati, quia tam diu te sustinuit & concessit tibi spatium poenitentiae, ut pressam in conspectu ejus mortem promereri, & a morte peccatorum pessimâ liberari possis.

10. Detestare peccata tua, quæ te sola perdere possunt, & mortem æternam adferre. & statue firmissimè nunquam deliberatè peccare.

Pro Colloquio:

Actus Contritionis.

O Inscrutabilis abyssus pietatis Domine DEUS meus: quomodo apparebo ante faciem tuam.

tuam in illa terribili hora exitus animæ meæ de corpore, portans iniquitatem meam, reatum deperditionis vitæ meæ. & pondus multæ nimis negligentiae meæ. Talentum temporis mihi creditum non solum expendi in vanum, sed & amisi. depravavi & perdidici totum. Quo ibo, quo me vertam. & quo à facie tua fugiam?

Væ ingratitude, impietati. & cæcitati meæ, quia peccavi Domino, quia te DEUM meum offendi, qui, ut me exaltares, humiliasti te usque ad mortem; mortem autem crucis. O lacrymæ! ubi vos subtraxistis, ubi estis fontes lacrymarum!

O æquissima DEI mei Justitia, quæ nullum peccatum impunitum relinquis! cum omni humilitate accepto sententiam mortis meæ egredientem ab ore tuo, tanquam dignum supplicium, quod millies & millies promerui malo usu vitæ meæ.

Accepto separationem corporis & animæ meæ. fateorq; has geminas partes essentiæ meæ esse hanc pœnā dignissimas, quod toties unā conspiraverint in transgressionem mandatorum tuorum.

Accepto privationem usus omnium sensuum meorum, quia januæ fuerunt, per quas peccatum intravit in animam meam. Accepto putrefactionē & corruptionē carnis meæ in pœnā illecebrarum, quas prætuli divino amoris tuo, & consensio, ut sub terram abjiciatur, quia animam meam, ne se in cœlum attolleret, impedivit.

Accepto mortem, quam dabis mihi, tanquam stipendium quidem peccati, sed etiam tanquam finem, ultra quem peccare non potero, & tanquam

quam initium felicissimæ necessitatis, quā non potero non amare te, ut spero beata tua æternitate recipientis.

O mi DEUS! accepto solitudinem tumbæ atq; sepulchri mei ad reparandam injuriam, quam irrogavi Majestati tuæ, amando & sectando societates, conversationes & amicitias creaturarum, quæ me toties averterunt & fortè etiam separârunt à Sancto amore tuo.

O Divina justitia, quam recta sunt judicia tua! ut per hæc ipsa nos punias, per quæ te offendimus! puni ergo me DEUS, puni superbiam, & vanitatem meam, per humilitatem mortis meæ. Puni sensualitates meas, per dolores & acerbitates ægritudinis meæ. Ulciscere cupiditates insatiabiles avaritiæ meæ. Et dum justitia tua exequitur sententiam condemnationis meæ, ego cum Fratribus Josephi dicam humiliter: En tandem DEUS ulciscitur illatas sibi injurias. Et nos justè hæc patimur, quia peccavimus non tantum in Fratrem, sed in DEUM nostrum.

Actus Amoris DEI.

Quid possum mi DEUS facere ad declarandum tibi ardorem amoris mei pro omnibus, quæ tu tribuisti mihi, nisi ut tibi sacrificem & offeram vitam meam!

Quod pignus amabilissime JESU reddam tibi amoris mei, ut aliquantum accedat ad excessum illum incomprehensibilem amoris, quo tu acceptasti mortem crucis amore mei, qui non tantum pati, sed & ignominiosè cœgit te mori pro me in cruce inter duos latrones, tanquam caput omnium sceleratorum scelestissimum & infame!

O!

O Salvator amabilissime, cum te in hoc munda serando statu mori videam amore mei, nonne oportet Cor meum aut saxo durius aut glacie frigidius esse, aut me ardere & mori in flammis amoris tui? O JESU amor meus, cur non habeo mille vitas, quas relinquam amore tui!

O si in mea dispositione & potestate essent omnium hominum vitæ, protestor mi DEUS! quod darem illas omnes libentissime pro tuo amore. O possim saltem mori morte per omnia simili illi, quam tu Domine pro me subijisti! o gloriosi Sancti Martyres, quam vestram vobis gloriam invideo, qui Salvatori meo vitam pro vita, sanguinem pro sanguine reddidistis!

O JESU amore mei crucifixe! siquidem non sum dignus mori & effundere sanguinem meum amore tui intra manus crucis, saltem volo totam vitam meam gloriæ & amoris tuo dedicare. Utinam & ultimus halitus, quo animam efflabo, halitus amoris sit. Moriar amore tuo DEUS meus, & quia vitam ab amore non inchoavi, da mihi vitam amore finire, ultimum vitæ meæ actus sit amare.

Hoc etiam insuper de me certum tibi esse velim o dulcis amor DEUS meus, ut cum etiam virtus loquendi mortis horâ defecerit, & tunc dulcissimum meum JESUM amplius proferre non valebo, supplicem peto, ut saltem nutus oculorum, vel extensio digiti, vel palpitatio cordis sit innovatio & confirmatio omnium desiderabilium affectuum, verborum, atque operum præteritorum, ac futurorum, quæ usque ad extremum iudicii diem amore tui cum devoto famulatu offerre vellem, & tamdiu vivere possem.

FERIA

CHRISTIANUS
FERIA QVARTA.

247

Meditatio Prima.

De iudicio Universali.

Prelud. 1. Imaginare quod videas, quomodo Angeli tuis assumptis, omnia horrendo sonitu complent, mortuosq; è cineribus ad summum Iudicii tribunal citantes intonant: surgite mortui.

Prelud. 2. Pete gratiam quâ illuminatus præcognoscis, & animo præsentias horrorem iudicii, & discrimina, quæ manent impios, præcipuè malos Christianos, in futuro DEI iudicio.

Punctum 1. **M**ente concipito te videre innumeras hominum myriades à quatuor mundi partibus in vallem Josaphat congregari. Sed ah! quali differentiâ! Plurimi enim comparebunt, in corporibus fædis, deformibus, horridis! quid de tuo speras corpore? an gloriosâ & corruscanti, an tetrâ & horribili apparebit formâ?

2. Imaginare, quod sub tuum conspectum ex infernali abyſſo, aliqui infelices rapiuntur damnati in squædis corporibus, ardentibus onerati catenis, pallidi, vermibus scateantes, ulcerosi, verbo velut quedam monstra horribilia.

3. Imaginare, quod videas plurimas demonum catervas, quorum plurimi contra te fremunt & instigant: item quod audias Angelos, instinctus divinos & omnia beneficia tibi recensentes, conscientiam propriam viscera tua corrodentem & te inculantem.

4. Puta te videre iratum Judicem assurgere, eundem cruenta vulnera ostendere, quibus veluti tot linguis loquetur damnatis: Ecce homi-
nem,

n. m. quem crucifixistis, videte vulnera, quæ infixistis: agnoscite litus, quod pupugistis, quoniam per vos, & propter vos apertum est, nec tamen intrare voluistis. Tunc demum indignabundo vultu dicet: sanguis meus sit vobis in condemnationem. *Ite maledicti in ignem æternum.*

5. Contemplare dæmones reproborum carniſices, audiat iudicis ſententiã velociffimè ad prædium ſuum accurrere, vivos ignitis compedibus oneratos, in ſtagnum ſulphure & flammis horrens cum ſumma rabie pertrahere.

6. Intuere apertam teterrimam abyſſum infernalem fumo denigratam, in illaq; conſpice fornaces ſulphureas, turbidos fumos, vasa toxico felle plena, ferramenta ignita, quibus cruciantur damnati.

7. Imaginare, quod poſt feralia iudicis verba tanquam è flammeis nubibus excuſſa tonitrua, audias ſtridorem dentium, maledictiones, execrationes, horribiles in DEUM blaſphemias damnatorum clamantium: Væ! væ nobis miſeris! cur nati ſumus? cur lucem vidimus! cur non felicitas beſtiarum datum nobis!

8. Interroga te ipſum: poteſtne fieri, ut tam horribilis ſententia irati iudicis ac æterna reproborum confuſio & perditio medullas oſſium tuorum non penetret?

9. Inquire ex anima tua: an non millies propter peſſimam vitam & malitiam ſuam audire meruit hunc terribilem ſententiam ex ore iuſti iudicis: *Ite maledicti in ignem æternum.*

10. Ingemiſce & ejula, quia DEUM tuum incircumſcriptæ bonitatis Oceanum eoſq; amantudine toties compleviſti, ut dolore cordis intrinſecus

trinsectis tactus . te opus manuum suarum maledicere , & execrari debeat .

Pro Colloquio.

Actus Contritionis.

O Anima mea miserabilis ! & quid est . quod innumeris coinquinata peccatis infelicissimum tuum statum non consideras ? cur non pavescas Judicis vultum ipsis quoque tremendum Angelicis Potestatibus ; cur non contremiscis ab ira Potentis . à facie furoris ejus . à fragore ruentis mundi . à conflagratione elementorum . à tempestate valida . à voce Archangeli . & à verbo aspero ?

Cur non contremiscis anima mea à dentibus bestiae infernalis . à ventre inferi . à rugientibus præparatis ad escam ! cur non horres vermem rodentem . & ignem torrentem . & Spiritum procellarum ?

Heu me miserum ! quid dicam . vel quid faciam . cum venerit tempus tremendi judicii : quis eruet me de manu potentis & brachio extento contra me ? quis præservabit me à ventura ira . æterna mortis . à laqueis infernalibus ? quid faciam . cum cœli revelabunt iniquitatem meam . & adversum me terra . & omnis creatura consurgat ?

Quid dicam infelix esca totius inferni ? incidamne in foveam . quam feci ? nunquid laqueo desperationis præcurrere contendam sententiam . quam merui æternæ damnationis ? Absit ! recurram ad pedes tuos mi dulcis JESU !

Recordare JESU pie . quod sim causa tuæ viæ : ne me perdas illa die . Die illâ tremendâ . quando cœli movendi sunt & terra : quando veneris

R

iudi-

judicare, noli me condemnare. Quærens me sedisti lassus, Redemisti crucem passus; tantus labor non sit cassus. Sedisti lassus ad fontem: flexisti lassus in horto: stetisti lassus ad columnâ: ivisti lassus ad montem. Ah! tantus labor & dolor, sudor & cruor: tantus amor non sit cassus.

Caro tua sumus ô Judex vivorum & mortuorum, Sanguis tuus sumus, membra tua sumus, qualiacunq; tandem. Carnem igitur tuam ne despexeris. Carnem tuam odio ne habueris. Carnem tuam ne condemnaveris.

Non gloriamur de nostris meritis, in hoc solo gloriamur, & confidimus, quod membra simus illius corporis tui, quod pro nobis passum, crucifixum, mortuum, abunde pro peccatis totius mundi satisfecit. Quamobrem si merita à nobis quæris, ecce tibi proferimus meritum carnis tuæ. His meritis freti coram Tribunali tuo nos sistimus intrepidi. Nostra sunt, quia nostri sunt corporis, cui per lavacrum regenerationis in virtute sanguinis tui incorporati sumus.

Tua merita mi JESU ponimus intra nos & judicium tuum, aliter tecum judiciô, contendere recusamus.

Aktus Deprecationis.

O Bone JESU! plene misericordiâ & pietates: ne me perdat iniquitas mea, quem fecit omnipotens bonitas tua, recognosce, quod tuum est, & absterge, quod alienum est. Miserere mei benignissime JESU, dum tempus est miserendi, ne damnes me in tempore judicandi. Quæ enim utilitas in sanguine tuo, si descendero in æternam corruptionem & damnationem?

Non patiaris benignissime DEUS, ut quem
in

in filium adoptasti, tota æternitate habeas inimicum. Non patiaris, ut cui naturæ tuæ infudisti imaginem, ille tuorum hostium præda fœdissime dilaceretur. Non patiaris, ut, cui inter cœlestes Spiritus lumen gloriæ præparasti, ille ad inferiorum tenebras condemneretur. Non patiaris, ut, quem cœli sedibus destinasti, ille damnatorum incendiis triste pabulum obijciatur.

Hoc tuæ bonitatis inclinatio, hoc naturæ tuæ benignitas suadet. hoc paterni affectûs suavitas exigit; hoc viduæ Angelorum sedes suspirant, hoc sanguis filii tui postulat, qui clamore valido interpellat pro nobis, ut miserearis mei in tempore judicandi. Exhibe hoc mundo amœnissimum spectaculum; ex quo discat, nunquam apud te irritas esse poenitentium preces; & quoties contrito corde timeris Judex, toties te Patris affectum exhibere.

Si verò Domine DEUS, placebit tibi damnare, & projicere me in æternos cum reprobis gehennæ cruciatus, hoc decretû libentissimè accepto, hoc tamen unicum postulans, ut in illis ardoribus sempiternis majori amoris tui igne, quam flammis inferni ardere possim. Et dum tibi omnes dæmones & damnati rabido ore maledicent; ego inter blasphemias eorum, intensissimo affectu & amore clamare possim incessanter: Benedictus DEUS! misericordiam & iudicium cantabo tibi Domine! Quia dignus es Domine, ut in omni loco dominationis tuæ benedicat tibi quævis anima, & laudem tibi dicat; tum quia adhuc citra condignû punies me. Scio enim Domine omnes gehennæ poenas non sufficere ad ulciscendas & digne puniendas tot &

tantas meas contra te offensas : cum unica mortalis offensa gehennæ supplicia mereatur æterna.

Eodem Die Meditatio Secunda.

De pœnis Inferni.

Prelud. 1. Interroga te ipsum : Quo discedis peccator cogitationibus tuis ? ut tuæ tam perversæ vitæ horrorem concipias, ad tenebrosam, horridam, fœtidam ; ac fumo denigratam inferni cavernam te converte.

Prelud. 2. Humiliter supplica, ut igne divini amoris emolliatur & liquefiat peccatis induratum cor tuum, ex quo uberrimæ lacrymæ fiant, ne in locum tormentorum descendas.

Punctum. 1. **S** Statue te in fundo inferni coram illis igneis & fumosis cathedris damnatorum. Aspice in hac terribili fornace refertâ flammis inextinguibilis ignis, innumera damnatorum ejulantium & ululantium millia, & quomodo ex oculis, naribus, ore ardentes & sulphureas ignis flâmmas, quibus aduruntur, spirent.

2. Interroga te ipsum, potesne tu his ardentibus prunis unicam tantum manum, unius duntaxat horæ spatiô immittere ? quomodo in iisdem æternum cruciari sustinebis ?

3. Converte te ad aliam partem ad gelidissimum illud stagnum glaciei, cui damnatæ animæ ex ardentissimis ignibus immani cum furia immerguntur. O glacies ! ô gelu horridum ! Heu quis frigidissimo hyemis tempore per unam horulam nudus immersus glaciei stare posset ?

4. Insuper considera, quia continuo damnatorum aures puniuntur infelicitissimis gemitibus,
ulula.

ululatus, terribili rugitu. Ah! qualis hæc musica æternum non finienda! quàm canina est hæc musica!

5. Aspice, quomodo à venenosis bestiis alii torqueantur, cum capillis eorum serpentes, cerebro ranæ, visceribus vermes, pectori basilisci, dorso dracones adhæreant.

6. Imaginare, quod audias maledictiones damnatorum, maledicentium diem, in qua nati sunt, Parentes complices scelerum. Item execrantium Christi Incarnationem, Passionem, mortem, gloriam, Christi Matrem, Sanctos omnes, peccata propria non ad pœnitentiam sed rabiem.

7. Imaginare quod sentias fœtorem ex ambustis damnatorum cadaveribus. Caro enim verminans & putrida prunis imposita quale thus redolebit!

8. Puta te videre damnatos arctè vinctos sicut canes ac porcos, fœtidos sicut haleces in canistro, sicut lateres ardentes in fornace, sicut hædos jugulatos in macello, continuo conturbati, gemere, fremere propter dæmones insultantes, & vermem conscientię eorum viscera corrodentem, & illis continuo exprobrantem: En tanquam bestia, tanquam canis putridus à DEO in hanc cloacam projectus es! en frustra pro te Christus mortuus est!

9. Inquire nunc ex anima tua: an non milles jam pridem has flammæ infernales; illa horrida tormenta suis sceleribus debita promeruit? quis continuit ultrices Christi manus, ne tua tam exosa puniret scelera? quis obstruxit os inferni patulum, ne excæcatus peccatis, eo præceps cum cæteris descenderes?

10. Elice actum agnitionis coram omnibus te vivente, in infernum detrufis, quod majori tecum misericordia Dominus usus fit, quàm cum illis omnibus, neq; cum illis damnari permiffit. Demum postula indulgentiam, & spatium pœnitentiæ.

Pro Colloquio

Actus Contritionis.

QUIS dabit capiti meo aquam, & oculis meis fontem lacrymarum, ut præveniam fletibus fletum, & fridorem dentium & pedum dura vincula, & pondus catenarum prementium, stringentium, urentium, nec consumentium? Heu me Mater mea! ut quid me genuisti filium doloris, filium amaritudinis, & plorationis æternæ? cur exceptus genibus, cur lactatus uberibus, natus in combustionem, & cibus ignis?

Heu me! factus sum sicut Sodoma, combustus sum sicut Gomorra! Quis miserebitur cinerum meo? O quam acerbus est fructus peccati, amarior felle, crudelior gladio!

Væ animæ meæ peccatrici! væ mihi, quia tibi Domine soli peccavi nimis in vita mea, & malum coram te feci: cui uni soli semper à me, & ab omnibus creaturis summa laus, honor, amor, & gloria debetur: omnibus autem creaturis à te tua benedictio, gratia, & miseratio: sed quia solus ego peccavi tibi, idcirco nulla mihi à te debetur venia, gratia, & miseratio. sed potius omnis tuus furor, ira, damnatio, & perditio. Idcirco infernus domus mea est, ego inferni incola & hæres sum.

Idcirco etiam omnes damnatos, reprobos, praefatosq; ex inferno facessere, ac mihi locum meum

meum cedere jubeo: quia prae me omnes illi innoxii sunt, & prae omnibus illis mihi uni & soli infernus debetur: ego solus inferni poenas poenis meis exhaurio, & adhuc inferno dignus sum alio atq; alio. Idcirco etiam infra omnes Luciferos, Asmodæos, Beelzebubos, infra Cainos, Judas, Pilatos, descendo ac me demergo: omnibus enim ingratis, perfidis, abjectis, malignis, ego magis ingratus, perfidus, malitiosus.

At misericordissime Domine, quamvis ego infelix commisi multa nimis, unde me iustissime damnare & abicere in æternum debes: quia tamen tu misericordiarum Pater non amisisti, unde misericordissime salvare potes: propterea ego de profundissimis miseriarum mearum abyssis clamo ad te: Tibi soli peccavi & malum coram te feci, miserere mei: Istud in me peccatisq; meis displicet, quia tibi soli peccavi. Amare cordialissime & æstimare te solum super omnia debui, & tibi soli peccavi.

Non ergo Domine deprecor amissionem cœli, aut deprecor supplicium inferni, sed deprecor offensam tuam. Nec ardere metuo, sed peccasse doleo. Nec me contristat damnum meum, sed afficit & affligit injuria tua & iniquitas mea.

Affus Amoris DEI.

O DEUS meus! quanta mihi felicitas eveniret, si possem ego supplere defectum pravorum Angelorum, prosequendo te actibus illis amoris, quibus ipsi prosequi te deberent, & non solum ipsorum defectum, sed etiam hominum damnatorum, qui pro amore & laudibus execrabili contra te odio, irâq; flagrant longè pejus, quam flammis inferni,

O si per meam ad inferos relegationem & condemnationem honori & gloria tua posset aliquid accedere. roga rem te hanc gratiam. Et si mihi in profundissimo inferni loco sedem parares, in quem ego maximus totius orbis peccator & abominabilissimus recluderem, & tanquam incus omnium carnificum malleis exposita, tormenta omnia, quæ sunt, fuerunt, & erunt, meo corpore excipere possem, quæ omnibus dæmonibus & damnatis debentur, ego ex cordis mei intimo affectu offero me continuo ad has pœnas subeundas, plus inde capiens voluptatis, quod inferno exhausto, nullæ amplius blasphemiae in te DEUM meum erumperent, & ex tot animarum redemptione, quæ te DEUM meum æternis laudibus prosequerentur, quàm de mea unius salutē.

Amo te DEUS meus, quam intensissimè possum, & opto supra id, quod possum, omnes omnium creaturarum affectus & amorem transferre in te, odium peccatorum omnium & damnatorum in tui amorem, blasphemias eorum in laudem tui commutare, arenas omnes, & guttas, & atomos in ardentissimos Seraphinos.

Et quia te amo mi Domine! mallem ex voluntate tua acerbissimas inferni pœnas sine fine tolerare, quam sine te gaudiis perfrui sempiternis. Ibi enim locus meus est, ubi est locus majoris gloriæ tuæ, paradus sine majori gloria tua infernus mihi esset, infernus autem mihi paradus erit cum majori gloria tua.

FERIA QUINTA.

Meditatio Prima.

De Gloria Cœlesti.

Psalms

Præluđ. 1. Contemplare magnificentiam altitudinem, & pulchritudinem illius civitatis superne quæ margaritis & auro ornata constat; odores suavissimos spirat, radiisq; splendidissimis undiq; illustratur.

Præluđ. 2. Roga ut prægustatis interiori sensu istis paradisi cœlestis deliciis, & Ægypti pædonibus ac paludibus cænosis, mundi inanes siliquas ac sordes nauseabundus semper despicias.

Punctum 1. Fuge animo te per civitatem cœlestem ambulare: in eiq; palatia, vicos, hortos, Reges, Cæsares, aliaq; similia intueri. O Patriam desiderabilem!

2. Erige postea oculos ad altissimum hujus cœlestis aulae fastigium. ibiq; conspice SS. Trinitatem in coruscanti & splendidissimo throno gloriæ suæ innumeris Angelorum millibus cincto, residentem.

3. Intuere ibidem gloriosam Christi Humanitatem, ac cicatrices ejus mirifice resplendentes. Ad latus Filii inspicere Reginam cœli stellis coronatam, ac omnes Beatorum cœtus velut lucidissimos soles.

4. Expende tecum, quomodo felices illæ cœteræ simul cum Angelis gaudeant: & in continuis cantibus & suavissimis symphoniis vitam jucundissimam vivant. Quam flagrantia lilia! quam odoriferæ rosæ videntur esse singuli!

5. Cogita quantâ felicitate deliciisq; Beati in singulis sensibus corporum & animæ potentiis perfruantur. O felicem æternitatem!

6. Gratulare Sanctis omnibus tantam gloriam & beatitudinem, tantam summi boni possessionem & æternam fruitionem.

7. Accendere famelicissimo desiderio adnumerandi

randi & adjungendi te Sanctis, cum illis DEUM videndi, DEUM possidendi, & cum SS. Angelis de illorum felicissima beatitudine participandi.

8. Concupisce quam plurimos Sanctos, quam maximos, ut ab iis DEUS laudetur, honoretur, & exalteretur, & quibus viduata cœlestis Hierusalem instauretur.

9. Confunde te coram cœlo & terra, quod tantum deviaveris à via gloriosæ Sanctorum habitationis, & æternæ DEI visionis, quod pro voluptatibus tam sordidis deserueris æternas & infinitas cœli delicias.

10. Arguendo tuam stultitiam exclama: O magna domus DEI! ô Patria desiderabilis, quam vilis mihi fuisti, & quam turpiter te pro nihilo toties contempsi!

Pro Colloquio.

Actus Contritionis.

O Periat confusio faciem meam Domine DEUS meus, quia tam dissimilis factus sum fratribus meis & filiis matris meæ Ecclesiæ! Heu quomodo apparebo in conspectu tuo Domine, & in concilio justorum tantâ charitate ardentium! illi cum timore & tremore operabantur salutem suam. Alii castigabant corpus suum, & in servitutem redigebant, cæteri non vestiebantur mollibus, sed de pilis camelorum tgebant lumbos suos.

Alii ludibria & verbera experti sunt, lapidati sunt, secti sunt. Ego autem vilis, exosus & ingratus peccator, non tantum crucem propriam tollere & Sanctis tuis assimilari renuo, sed etiam, quod gravius est, te DEUM meum centrum omnium bonorum gravissimis peccatis offendere non desino.

Quomodo

Quomodo ergo tam exosus peccator dignus erit aliquando DEO, qui offendit & contempsit DEUM? quomodo possidebit DEUM, qui eum abiecit? quomodo videbit intuitivè DEUM, qui totum intellectum avertit à DEO? quâ fronte gratiam requirer, qui æterno odio est dignus? & cui pœna debetur, qua temeritate gloriam deposcet? Quid mi Pater dicam, merui mortem, & præsumam petere vitam? nonne dulcem affectum Patris stultus exacerbat Filius, qui post illatas Patri contumelias adhuc contumax hæreditatis sibi usurpat celsitudinem?

Ergonè mi Domine, & ego deinceps audebo te offendere, & nihilominus petere regnum tuum? Ergonè deinceps audebo delicatus miles molli strato uti, indui splendide & epulari? si beati qui lugent, eheu! quomodo felices erunt, quibus nil placet, nisi jocus, cibus, & ludus? Itanè me non pudebit sub spinoso capite membrum esse delicatum? Quomodo potero carni indulgere, ac nihilominus petere regnum tuum, qui non habuisti mi JESU ubi caput tuum reclinares? qui & fame cruciatus fuisti & felle potatus?

Eruntne fortiores ac prudentiores filii hujus sæculi, quam servi tui? tolerabunt illi omnia pro supplicio, & ego nihil pro præmio æterno? An ad hoc veni ô bone JESU, ut ignavus sim miles in castris tuis?

O DEUS cordis mei! non ultra mihi sapiet mundus, aut bona illius, quando gustavi & vidi, quam suavis sis Domine! Imo etiam ignis, crux, bestia, confractio ossium, membrorum divisio, & totius corporis contritio, & tota tormenta diaboli in me veniant, tantum te DEO meo fruar.

Aspi-

Aspirationes ad celestem Patriam.

O Domus DEI magna & spatiosa nimis, quando inhabitabo te? ô terra viventium, quando vivam in te! ô ingens locus habitationis DEI, quando caries me! ô ubertas domus DEI, quando inebriabor abs te! ô terra lacte & melle fluens, quando perveniam ad te! ô templum Domini, quando visitabo te! ô coena magna, quando accumbam ad te! ô torrens voluptatis, quando potabis me! ô fons vitæ, quando sitim extinguas in me! ô gaudium super gaudium vincens omne gaudium, quando intrabo te, ut videam DEUM Deorum in te.

O JESU! ô JESU! quam dilecta tabernacula tua, Domine virtutum! concupiscit & deficit anima mea in atria tua! sitivit anima mea ad te DEUM fontem vivum. **O** quando induces me in purum, in excessivum, in absorptivum tui amorem? quando demittes me in abyssum amoroſissimi cordis tui, ut omnium præter te sohim oblitus, etiam me ipsum nunquam inveniam? quando in lumine tuo videbo lumen tuum?

O quando suavissime mi JESU licebit sacros pedes tuos pro me perforatos osculari & lambere? os aperto lateri admoveere? ad pedes tuos in æternum sedere?

O Si hoc gaudio! ô si te solo & unico post aliquot miseros dies frui, & vocari possim ad cœnam agni & DEI mei! **O JESUM DEUM meum!** ô omne desiderium meum quemadmodum desiderat Cervus ad fontes aquarum, ita desiderat anima mea ad te ô JESU. Quid enim mihi est in cœlo, & à te quid volui super terram? defecit Caro mea & Cor meum in salutare tuum DEUS cordis mei & pars mea DEUS in æternum.

Infelix

Infelix ego homo, quis me liberabit de corpore mortis huius! cupio dissolvi & esse tecum mi bone JESU! Creasti nos Domine ad te. & inquietum est Cor nostrum, donec requiescat in te. Nam ubi Pater meus est, ibi spes mea, & patria mea, portio mea in terra viventium. Vade, vade cor meum, ad DEUM tuum, ad amorem tuum JESUM. Ecquid vis agere diutius in huius pectoris mei cloaca? vade, vade Cor meum, vade ad DEUM tuum, tam dulcem, tam piū, tam amabilem! nonne anima mea, ibi debet esse Cor tuum, ubi est thesaurus tuus?

O amor meus! ô DEUS meus! ô mellissimum osculum & amplexus dulcissimus, ô indissolubilis conjunctio, ô pabulum suavissimum, ô inflammatio incentiva, non amplius, non amplius possum vivere sine te. O conflagrem! ô liquefiam amore DEI mei: ô utinam nunc mori possem præ amore Domini mei JESU! ô anime mi quis te adeo beatum efficiet, ut confestim ex hac ærumnosa vita, aut morte potius evoles in DEUM!

Age bone JESU dulcis amor cordis! edue vinum a amore tui animi, debitum charitatis tue triumphum. Videant te oculi mei dulcis JESU, videant te, & hic moriar, ut te fruor! Ne patiaris me diutius præ tui amore & desiderio languere & diu interire.

Eodem Die, Meditatio Secunda:

De Æternitate.

Prelud. 1. Statue te cum S. Davide cogitante dies antiquos & annos æternos in mente habente, atq; insige diligenter cordi tuo; quid sit æternitas.

Prelud

Pralud. 2. Pete humiliter, ut felicem & beatam æternitatem promereri possis.

Punctum 1. **C**onsidera, quid sit æternitas! an duratio nunquam fluens, semper præsens, perpetuum aliquod hodie! an circulus, cujus centrum semper, & peripheria est nunquam! an rota, quæ perpetuo volvitur, & quiescit nunquam! an oceanus sine fundo, littore, termino, & fine!

2. Cogita, quid sit damnatorum æternitas! an mors semper reviviscens, & vita semper moriens? an ignis vivacissimæ flammæ nunquam extinguendæ? an vorago profundissima aquarum semper ardentium? an triceps cerberus omni tempore latraturus! an vermis continuo rodens & nunquam moriens! an Basiliscus mortifero oculo! an Draco ignitis visceribus semper nocens & nunquam interimens.

3. Quære? quid æternitas utrorumq? **O** exoptata Beatorum æternitas! ô exoptata cœlitum patria! ô detestandum exilium damnatorum: Quam placet ista Chanaan perpetim manans lacte & melle! quam displicet illa Ægyptus repleta absynthio & felle! Euge, lege fortunata ter & amplius filia Syon! Væ, væ ter & amplius filia Babylonis misera.

4. Considera quàm diu hi & illi? semper & nunquam! nunquam & semper! durabit ignis in stygio sepulchro semper, torquetur semper, extinguetur nunquam. Hi dilatato corde lætabantur in cubilibus suis semper. Illi præ angustia Spiritûs gementes latrabunt in antris suis semper. Verbo tam diu durabit æternitas, quam diu DEUS erit DEUS.

5. Ingemisce & desle maledictam damnatorum

rum

rum æternitatem, quorum unica erit in tota æternitate occupatio, sine fine, sine termino ejulare, rugire, flere, in igne sulphureo torqueri, dentium stridore concuti, præ desperatione finis malorum suorum, æternum ardere.

6. Obi animo omnes miseras animas, & damnatos omnes, illosq; alloquere: quot secula vobis hic cum aliis contubernalibus restant transigenda? quamdiu erunt vestri cruciatus? an non videbitis Dominum in æternum in terra viventium.

7. Interroga Dominum JESUM, an non sanguine suo has infernales flammæ mitigabit? an non Divino suo cruore ardorem hunc sempiternum post myriades seculorum extinguet? nunquid in æternum projiciet DEUS: respondebit tibi: In interno nulla est redemptio. Damnatis jam non possunt prodesse vel integra lacrymarum effusa maria, nec sanguis Martyrum, & ipsius Christi, licet infiniti valoris in cruce effusus.

8. Inquire ex anima tua, an non detestabitur vitam suam tam pessime traductam? an pro momentaneo, quod delectat, eliget æternum, quod cruciat? an pro unica gutta consolationis præeliget mare ærumnarum & æternæ plorationis!

9. Computa vires tuas, an poteris habitare in æternum cum igne devorante & ardoribus inferni sempiternis? an poteris exul esse a DEO, æternum execrari cum damnatis DEUM, blasphemare Sanctos ejus?

10. Resolve te pro commissis peccatis tuis ad maximam pœnitentiam. Desidera, ut ex oculis tuis sanguinæ erumpant lacrymæ, ut cor tuum
præ

præ immuni dolore scindatur, ita, ut hic vultum amantissimi Patris toties offensi deprecari possis.

Aktus Contritionis.

Justissime DEUS, qui fieri potest, ut æternitatem mihi mineris poenarum. neq; tamen iustitiæ tuæ metum extorqueas à durissimo corde meo? an nondum apprehendo, tamen si fornacem videam æternum arsuram, quantus peccatori sis hostis & quam enorme sit delictum, te offendere Dominum universorum?

Qui fieri potuit, ut tanta infania nidularetur in corde meo, ut vivere auderem vel momento duntaxat unico tibi inimicus? neq; momento tantum, sed & mensibus, & annis integris persisti in hoc miserabili statu. nihil interea immemor veterum mearum deliciarum; & quamvis tot peccatorum gravatus pondere, somnum tamen capio quierissimum.

O insaniam omnium, quæ unquam occupavere hominis animum, insanissimam! merebar dudum plecti sententiâ, ad emendationem usq; meam tam diu dilatâ, merebar equidem fateor, sed tu Clementissime DEUS bonitate tua malitiam meam superâsti; age igitur ne dedignare, diutius etiam sufferre me. En victum me, & captivum Divinæ misericordiæ tuæ; qui me fugitivum tanto labore quæsisisti. ne repellas supplicem à pedibus tuis, ah! ne rejicias animam, tam carâ tibi emptam.

Largire fortitudinem, ut fugiam peccatum, quod ducit ad damnationem, da gratiam, ut timeam infernum, qui separat à te, timeam æternos cruciatus, dele sanguine tuo sententiam, quâ toties damnari debui ad infernum. Sic ergo his
omni-

omnibus liber, velut vivum bonitatis tuæ trophæum, misericordias tuas in æternum cantabo.

Aktus Deprecationis.

O Infinitè misericors DEUS! si tu me ejicis, quis me recipiet? si tu me despicias, quis me aspiciet? Et quid proderit mi dulcis JESU, Majestati tuæ pro me tam humiliter exinanitæ, si me in æternum à facie tua projectum & exclusum in abyssum inferni æternis trades cruciandum tortoribus?

Cujus utilitatis erit ineffabile pretium tui sanguinis adeo pro me abundè effusi? & quomodo mors tua morte mortua erit, cum tartarus deglutiens imaginem tuam, simul in oblivionē absorbeat infinita merita tuæ durissimæ passionis, & animam igni inextinguibili destinatam à tua beatissima præsentia perpetuò separet.

Quomodo relinques ô Pastor bone oviculam tuam solam in terra horroris & vastæ solitudinis? inter leones, ursos, & tygrides infernales? poterisne vocem spernere ballantis hujus miseræ oviculæ & fugientis ad te?

Nunquid nō JESU cognoscentur in tenebris mirabilia tua, & justitia tua in terra oblivionis? Nunquid narrabit aliquis in sepulchro misericordiam tuam! nunquid iratus fueris, misericordiæ nunquam recordaberis? nunquid hæreditatem tuam delebis, & claudes ora te canentium? nunquid facies hominem, quem creāsti ad laudem tuam, gaudium sempiternum inimicis tuis?

O Pater misericordiarum! ô DEUS æternæ consolationis! qui non lætaris in perditione peccatorum, sed magis vis, ut convertantur & vi-

S

vant:

vant: en habes ad thronum misericordiæ tuæ prostratum supplicem, cui unicum hoc pro totius vitæ gemitu relictum est. Peccavi! & heu petulantissime iram tuam. Tibi soli peccavi ô Pater benignissime! mereor mille infernos. Non habeo unde solvam: mea satisfactio est tuus sanguis.

Non avertas bone JESU faciem tuam ab hac anima mortis æternæ affecta doloribus, quam non avertisti ab iis, qui eam sputis & colaphis male tractârunt. Noli benignissime JESU filii tui licet prodigi in æternum oblivisci, quia in manibus tuis descripsisti me. Noli in æternum à facie tua creaturam & opus manuum tuarum repellere: utiq; Domine nihil horum odisti, quæ fecisti. Hic potius ure, hic castiga, ut in æternum parcas.

FERIA SEXTA

Meditatio Prima.

De Passione Domini.

Prelud. 1. Statue tibi ob oculis cordis, JESUM totum lividum, sanguinolentum, vulneratum, dilaniatum, de cruce pendulum, & discriptum in toto corpore.

Prelud. 2. Roga Dominum JESUM, ut ex ipsius laboribus, sumptibus, & sudoribus, ubereres fructus colligas,

Punctum. 1. **C**onsidera, quis & qualis pro te patitur? Dignitate DEUS & homo! Quid mirabilius! quid horribilius! quis unquam cogitavit simile! potuitne vitâ mori! DEUS flagellari! potentia DEI funibus ligari! imago

imago æterni. Patris conspui! DEUS denique nudus inter duos latrones suspendi!

2. Quære: quid & quanta patitur? Tam magna, tam multa, tam ignominiosa tormenta passus est, in urbe Orbis principe, in oculis innumeræ multitudinis, post tot miracula, in tenerrima corporis constitutione omni genere immanissimo suppliciorum. Fuere tanta, ut Angeli pacis amarè planxerint, tanta, ut rupes scissæ, cælum, terra, omniaq; elementa trepidarent.

3. Pro quo patitur? Non pro divinissimis illis Spiritibus Cherubinis aut Seraphinis, sed pro hominibus vilissimis: pro te in particulari luto & cinere: pro suo inimico: pro te abjectissimo & ingratisimo homuncione: te damnationis æternæ reo: te nequam & prodigo filio.

4. Quo tempore incepit Christi Passio? Duæ fuerunt Christi cruces, una spiritualis, quæ à primo instanti conceptionis cæpit: altera corporalis, cui principium datum in præsepio. Spiritualis Crux consistebat in continua tristitia interna, quam causabat viva futurorum vulnorum & mortis crudelissimæ apprehensio: priusquæ Christus ab amore, quam ab odio crucifigi voluit.

5. Quare patitur? nulla illi patiendi necessitas; non quòd indigeat nobis, utporè se ipso felicissimus, non, quòd accedat quidquam, aut detrahatur, si vitam aut damnationem æternam incurramus. Patitur ergo ex solo amore, pietate, misericordia, ultro, sponte, alacriter.

6. Tunc demum dulce cum IESU tuo institute colloquium: Quid facis bone IESU! nos mori debuimus, & tu solvis! nos peccavimus

& tu luis! quæ non rapuisti reddis! Opus sine exemplo, gratia sine merito, charitas sine modo.

7. Deinde admirare effusissimam ipsius in redemptione & passione liberalitatem & dic: Quæ tua mi JESU bonitas & liberalitas? una guttula non dico cruoris sed sudoris, ad redimendum universum mundum, & mille alios, si extarent, sufficeret: & tu non guttam, sed torrentem sanguinis tui effundis?

8. Revoca tibi in memoriam illa verba amoris plena Christi Domini ad S. Gertrudem prolata: Vide quomodo crucifixus sum amore vestri, quomodo pendeo nudus, despectus, toto corpore vulneratus, per singula membra distentus! & adhuc te ita amo, ut si aliter salutem consequi non posses, vellem iterum mori pro te. Et si fieri posset, ut toties morerer, quot sunt animæ in inferno, ego promptissima voluntate corpus meum traderem, eandemq; passionem, pro qualibet anima sustinerem, quam sustinui pro omnibus.

9. Cogita nunc atq; delibera; Quo ille dignus sit? quid tu illi debeas: quid retribuisti Domino tuo pro omnibus quæ tribuit tibi!

10. Erubescere & confundere, quod tanta tãq; indigna mala pro tantis bonis & donis retribuas: quod tantis ejus ærumnis, malitiâ tuâ & perditione causam dederis: quod illi compati & crucem tuam tollere nolis.

Pro Colloquio.

Aktus Contritionis.

O JESU pro me crucifixe! quātorū ego tibi dolorum causa

Iorū causa fui! verè languores meos tulisti bone JESU, & dolores meos portasti! O JESU! ô amor! vix pro iusto quis moritur, tu pro inimicis & pro iniustis mortuus es? O ardentissima charitas! ô quam suaviter uris! quam fortiter trahis in funiculis Adæ & charitatis? vulnerasti Cor meum JESU mi, vulnerasti Cor meum: utinam amore tui mori possem & vivere tibi!

O me ingratum hominem! quid pro his omnibus reddidi tibi? pro tantis beneficiis tanta reddidi mala! pro his omnibus toties tam graviter contra te benignissimum Patrem ego ingratus filius, contra te supremum Principem, ego rebellis servus, contra te DEUM & Redemptorem meum, ego ingratus & vilissimus terræ vermiculus insurrexi: toties sanguinem tuum peccatis meis conculcavi: iterum atq; iterum te in crucem adegi: tot animas tuis vehementissimis doloribus & pretioso Sanguine emptas occidi!

O Zelosissime & profundissime amator & Pater animæ meæ, induo & superinduo sicut diploide faciem meam, confusione peccatorum meorum. Sto pudore plenus ante te. Et non me movet ad confusionem & dolorem horrendus infernus, quia offendi te, non me movent acerba vincula & æterni gehennæ cruciatus! Tu me moves mi DEUS! non me movet cælum, quod propter peccata mea amisi. Movet me, quod videam te totum excarnificatum, & intoto corpore discriptum. Movet me caput tuum Spinis coronatum. Movet vultus tuus sputis, alapis, & livore deformis. Movent manus & pedes clavis saucii. Movent me opprobria, & mors tua, & Sanguis tuus, & ita movent, ut si non esset

esset infernus ullus, & si nullum esset cœlum; tamen peccata mea detestari & execrari amore tui vellem.

O si vel nunc tota abyssus ingentium aquarū recipiatur sinu cordis mei, illamq; effundam in signum doloris mei! ô si præ acerbo dolore omnes guttæ sanguinis mei mutantur in lacrymas, aut lacrymæ mutantur in sanguinem, quia toties auius sum contemnere ô bone JESU pretium sanguinis tui.

O si etiam daretur in me unicum æterno prius in te amore donatum, & in eo confirmatum omnium damnatorum & damnandorum pœnas colligi & acervari, sic ut cæteri omnes, qui modo impiè calcant pedibus suis tuum sanguinem, te Salvatorem suum laudarent, & nullus omnino non amaret, qui potest amare! profecto mi JESU non diceres amplius, justè conquestus, quæ utilitas in sanguine meo?

Attus Compassionis.

Quis mihi hoc tribuat, ut pro te moriar amantissime JESU! tuas angustias considerans in me ipso deficio, & præ dolore exanimis efficior, dum te pro me tanta mala sustinere conspicio. Quid fecisti Domine? quare pro me vilissimo ascendisti crucem? & quid sum ego putredo & vermis, pro quo tu Dominus omnium debeas sic affigi?

Quare talem mi JESU commutationem fecisti, ut dares vitam pro morte, veritatem pro vanitate, gratiam pro malitia, & gloriam pro miseria? Nonnè melius erat mi bone JESU, ut non essem, quàm ut factus te occiderem? & cur carnes meas non lacero præ dolore? aut quomo-

quomodo me omnis Creatura non occidit, qui
fui occasio tuæ mortis?

Nonne mirabile videtur me cogitare, te tam
nobilissimum & benignissimum Dominum pro
me vilissimo mortuum, & non statim deficere
præ nimia tristitia? O Frater dilectissime & pri-
mogenite, tristitiâ nimîâ affecte, quomodo ego
frater tuus, si hujus tristitiæ tuæ conscius non
contristor! O JESU benignissime, qui pro me
angustiatus & afflictus es, flagellis laceratus, &
terribili morte peremptus, quomodo ego fili-
us tuus, si hæc videas mæore non consumor!
O Sponse dulcissime pro me tantâ amaritudine
plene; quomodo ego Sponsa, si tuam amaritu-
dinem non participo?

Morior mi JESU, morior, nisi videro in ma-
nibus meis fixuram clavorum tuorum, & in
pedibus meis cicatrices & vulnera pedum San-
ctorum tuorum. Morior mi JESU nisi videro
pectus meum tuâ lanceâ transverberatum, &
Caput meum tuâ spineâ Coronâ redimitum.
Certè mi dulcissime JESU nolo vivere sine vul-
nere, quia te totum pro me video vulne-
ratum.

O cur ecclesis illius loco non fui, ut tu Do-
mine mi fuisses manibus meis & pedibus con-
clavatus! certè illi Joseph ab Arimathea dixis-
sem: non auferas JESUM à me, sed mecum
illum sepelias, & deponas in sepulchro.

Eodem Die meditatio Secunda.

De pœnis Purgatorii.

Prelud. 1. Descende vivens in purgatorium,
domum flammarum ingentium, lacumq; in-
tuere maximum & ardentissimum, ac ibidem
intu-

intuere hominum myriades, & inter illos Principes, Prælatos, Sacerdotes, Religiosos, plebeios conspice.

Præud. 2. Pete lumen, ut agnoscas, quàm sit intensus ignis purgatorii.

Punctum. 1. **C**onsidera, quia poenæ purgatorii tantæ sunt, ut S. Augustinus dicat: *Ignis durior est purgatorii, quàm quidquam in hoc sæculo poenarum videri, excogitari, aut sentiri potest.* Ser: 42. de Sanctis. Et S. Thomas 3. P. q. 46. a. 6. asserit poenis Martyrum omnium, imo ipsius Christi Salvatoris cruciatibus esse acerbiores poenas purgatorii.

2. Quære ob quam causam, hæ animæ, creaturæ nobilissimæ, genus electum, gens Sancta, tantas & tam atroces patiantur poenas? Ideò, quia etiam stipula, etiam fenum in iudicium & poenam veniunt: 2. Cor. 3. Etiam de verbo otioso reddetur ratio in die iudicii Mat. 12. Etiam minutissima cogitatio divinis oculis discussa non placuit. S. Gregor. 21. Homil.

3. Tunc demum imaginare, quòd videas ignea in flammis purgatorii corpora, lacrymas, quas fundunt ignes esse.

4. Postea odorare sulphureum ilium & terribilissimum odorem, & gusta quàm amarus sit calix punientis DEI.

5. Deinde si quam illæ flammæ animam extulerint ad conspectum tuum, percunctare: cur tot annis in igne devorante & ardoribus sævissimis misera permaneat? certè respondebit tibi, ut ille Paraliticus, qui 48. annis jacuit ad Piscinam Probaticam: *Domine hominem non habeo?* qui me è loco isto moveat.

6. Insuper inspice mentis oculo, quantus sit in ani-

in animis illarum dolor & moeror, ut clamant querulæ: Quia lumen cœli non video! quia à DEO meo centro & ultimo bono meo, tādū arceor & exulo!

7. Gratias age nomine animarum purgatorii, Divinæ bonitati, quod temporarier in illas igne & pœnis advertat, ne in æternam igne gehennæ puniat.

8. Opta tibi tantam felicitatem. O si Divina misericordia te etiam hoc igne purgatorii dignaretur! O si hic potius ureret, hic secaret, ut in æternum parcere possit.

9. Excita in te desiderium, quod velis ex corde animas purgatorii tanquam ardentes stipulas lateri Christi aperto adnovere, ut ex illo ceu limpidissimo fonte guttæ Sanguinis, aut aquæ stillæ bullientes effluant ad extinguendum, vel saltem mitigandum ardorem purgatorii.

10. Pete gratiam, ut totum vitæ tuæ tempus benè & fructuosè impendere possis, & pro peccatis hic satisfacias; ne cogaris ibi solvere usq; ad novissimum quadrantem.

Actus pro Defunctis.

Respice pie Pater de sede magnitudinis tuæ, ad miseras animas in purgatorio detentas. Respice pœnas & cruciatus, quibus tam miserabiliter torquentur. Considera gemitus & lacrymas, quas ad te fundunt: audi preces & supplicationes, quibus misericordiam tuam implo-rant, & esto propitius peccatis eorum.

Offero tibi Pater Clementissime animam dulcissimi Filii tui JESU cum omnibus ejus actibus, & animas omnium Sanctorum & Sanctarū,

ut

ut e pœnis liberentur Electi tui.

Offero tibi pie Pater JESUM flagellatum & crucifixum, & Sanguinem eius in terra effusum, JESUM morientem & I crymantem pro omnibus peccatis animarum purgatorii, quæ unquâ perpetrarunt, ac pro illarum negligentis, offero tibi ferventissima ejus desideria: pro omissionibus bonorum operum, offero tibi ejusdem meritorum abundantiam.

Denum pro omnibus pœnis quibus obnoxia detinentur, offero tibi omnes pœnitentias, jejunia, vigiliis, orationes, labores & afflictiones, vulnera, livores, passionem & mortem, quàm innocentissimè & promptissimè Filius tuus sustinuit.

Insuper offero tibi misericors DEUS venerabile SACRAMENTUM in omnibus Templis per universum mundum, omnia Sacrificia jam peracta, & ad finem seculi peragenda, omnia Martyria, omnia vota & obsequia iustorum, quæ tibi dant gustum, vel quæ tibi plaeuerunt, & in æternum placebant, omnem pœnitentiam, mortificationem, jejunia, vigiliis, & omnia merita totius militantis Ecclesiæ. Et offero hæc omnia pro peccatis animarum purgatorii, humiliter obsecrans, ut per hæc, libertatem vel saltem levamen pœnarum consequantur.

DIE SABBATI

Meditatio Prima.

De beneficio vocationis.

Præluđ. 1. Constitue te coram DEO totaq; celesti

lesti Curia, & cogita quanta tecum Dominus
misericordiâ usus est. qui te cum paucis a-
liis, imò paucissimis respectu multorum ex
prædestinatione, ut speras, vocavit ad Reli-
gionem Sacram.

Prælod. 2. Pete lumen cœleste, quo clarè co-
gnoscas beneficium vocationis tuæ, & ad quē
finem vocatus es.

Punctum. 1. **R**Evoca tibi in memoriam in quan-
tis periculis verlabaris vivens in
seculo, commemorando peccata tua, occasio-
nes, & miseras, in quibus ceu in limo profun-
do hærebas.

2. Perpende, quanto in periculo versentur
ii, qui sceleribus implicati vivunt in seculo,
vel qui gratiam similis vocationis acceptam de-
seruerunt. Quis hoc effecit ut ab illis avulsus
ad portum securitatis pervenires?

3. Considera, quomodo singularem bene-
volentiam, familiaritatem, & intimos amores SS.
TRINITAS exhibet castis & à mundo avulsis.
Nam tota anima sanctificante gratia nobilitatur,
Deniq; filia electa dulcissimis affectibus DEUM
semper intra se complectitur. Deinde gaudent
Religiosi; quia nomina illorum scripta sunt in
libro vitæ. Imò jam corde in cœlo fixi ea gau-
dia prægustant. Tanta hæc est exultatio, ut
Xaverios exclamare cogat: *satis est Domine, sa-
tis est.* Et Antonii, Macarii, Bernardis,
breves dulcesq; reddat totas insomnes noctes
cum DEO transactis. Verissimè S. Aug. *Fu-
stis non subtrahuntur delicta, sed commutantur illicita
in licita, fluxe in solidas, sædæ in puras.*

4. Commemora, quid S. Bernardus dicat de
Cella Religiosi, ita ille: Cœli & cellæ Religiosi
habita-

habitatio cognata est: à celando enim cœlum & cella nomen habere videntur, & quod geritur in cœlis, hoc in cellis. Quid enim aliud est hoc? vacare DEO & frui DEO? à cella sæpè in cœlum ascenditur, rarò à cella in infernum descenditur.

5. Adorâ Dominum in illo loco, in quo tibi primum data gratia efficax ingressûs in Religionem. Item in loco, in quo vestem Religiosam assumpsisti: vota & Professionem fecisti.

6. Gratias age Sancto Religionis Fundatori, quod te inter suos adlegerit, cùm tu millies indignus fueris hâc veste Religiosa, indignus omni gratiâ, & cœlestibus inspirationibus.

7. Incusa & argue te coram cœlo & terra: O si hoc medium salutis alii haberent, vocationis scilicet beneficium, quam sanctè illo uterentur! Hoc enim cordi tuo altè imprime, quia dum vinci te à sæcularibus in servitio DEI permittis, cadit sæpius super te ipsius Christi sententia. Auferetur à vobis regnum DEI, & dabitur genti facienti fructus ejus. Multi veniēt ab oriēte & ab occidēte. & recubent cū Abraham, Isaac, & Jacob in regno DEI, Filii autem regni ejicientur in tenebras. Sic in die judicii dicet multis Christus, qui in nomine ejus multas virtutes fecerunt: Nescio vos, recedite à me operarii iniquitatis.

8. Interroga te ipsum: quoties Religionem Sacram tuâ pessimâ virâ diffamasti? quot à te neglectæ inspirationes Divinæ? quot occasiones DEO serviendi præteritæ? quàm exigua talentorum à DEO concessorum, temporis pretiosissimi

ssimi, consiliorum piorum, & exemplorum bonorum cura?

9. Plange itaq; super te, quia te plangunt Angeli, te plangunt guttæ sanguineæ Christi, plangunt lacrymæ Sancti Patris tui, quia peccasti, & mali illius quod commisisti, pœnitentiam non egisti, quinimò gravius in Religione deliquisti.

10. Protestare de tua fidelitate & emendatione, quòd velis in posterum sanctius in Religione vivere, & diligentius vota emissã observare, continuò ad perfectionem debitam aspirare.

Pro Colloquio,
Actus Contritionis.

Obstupesco Domine! quomodò ampliùs sustineas conspectum meum, cùm sim creatura tibi tam ingrata & rebellis. Profectò Domine ego sum vilior peccator omnibus reprobis, & credo neminem tam longè unquam à te recessisse, quàm ego recessi per mea flagitia. Imò credo si maximi quiq; peccatores mundi habuissent talia auxilia, qualia ego à te accipi, maiore sinceritate cordis & festinatione ad te redituros. Latrones ipsi & sacrilegi perfectius tibi Domine famularentur, si eos tot, ut me affecisses beneficiis & vocasses.

Ideo prorsus me indignum reputo, mi Domine, ut tibi serviam, tuq; exaudias orationes meas, indignus sum hâc veste Religiosa, indignus omni gratiâ, indignus sum etiam, cùm tibi sim inobediens & refractarius, qui habitem inter tuos servos, à quibus si pro meritis me tracta-

tractare vellent, nihil aliud audire me oporteret, quam contumelias & convitia.

Quia etiam procul amandari me conveniret à consortio tuorum servorum, ne forte periredo abominabilium ulcerum, & vitiorum meorum quenquam illorum inficiat.

O JESU mi clementissime! en gravissimus peccator, servus tamen tibi mille votis mancipatus, recurro cum fiducia ad pedes tuos, summoq; cum dolore animi meam ingrati odinem & malitiam accuso, confitendo omnia peccata, præcipue in Religione commissa; quorum me summo opere poenitet.

Nihil inferni, mi dulcis JESU, timor neq; amittendi cæli metus in detestatione scelerum meorum loci habet. Solus ante oculos meos Tui amor obversatur. Non aliam doloribus oppressi cordis propter iniquitates meas reperio causam, quam quia te JESUM amo.

Largire quæso Domine, ut omnia peccata in posterum longè a me fiant: & quamvis ego natura non possim esse impeccabilis, saltem ô bonitas infinita, fac mihi hanc gratiam, ne unquam mortaliter peccem. Deinde fac Domine, ut loco vitiorum in me imprimantur omnis generis Sanctæ virtutes, quod totum tibi cedat in gloriam, gratiarum actionem, & salutem animæ meæ.

Actus Amoris DEI.

O Fons amoris perpetui bone JESU, quid dicam de te? quomodo potero tui oblivisci, qui mei dignatus es recordari, etiam postquæ perii! quis hoc misericordissime Domine effecit, ut, cum ego in peccatis mortuus & sepultus jacerem, me tua gratia excitaret! Quid feci ego

ei ego? quid merui? nihil: sed vox sanguinis tui ô! JESU! ô JESU! clamavit ad Patrem, & inveni gratiam in oculis ejus, & venisti, & sustulisti me, ex mediis periculis.

O altitudo judiciorum & magnitudo miserationum tuarum! quot homines interea in medio peccatorum suorum cursu subita morte sunt abrepti, qui nunc misere torquentur in inferno! quid factum fuisset de me, si tu me tunc ad strictum evocasses tribunal? quis cum ego dormiebam, pro me deprecatus est?

Quid in me dulcissime JESU invenisti obsequii, ut tantum rependeres præmii? quid in me vidisti amplius, quam in aliis quos reprobasti? Toto vitæ meæ tempore te non cognoscebam, te non amabam, abyssus eram iniquitatis & tenebrarum; & tamen tu mi JESU super hujuscemodi peccatore dignum duxisti asperire oculos tuos.

Benedictus sis Domine JESU in illo primo intuitu ad peccatricem animam meam, & cum in tota collectione animarum nullam indigniorem haberes, quam respiceres, in eam tamen indignissimam respexisti. Benedictus sis Domine JESU in hoc triumpho bonitatis tuæ de Te ipso, in quo tam magnificè, & gloriolè triumphavit de te Bonitas & misericordia tua. Laudet te Domine omnes Sæcti tui, quia respexisti super unum canem mortuum.

Quomodo ergo mi bone JESU non exaltabit te anima mea pro tantis miserationibus tuis, omnibus diebus vitæ meæ? quomodo non tota se eviscerabit, exinanietq; in dilectionem bonitatis & charitatis tuæ? O DEUS meus! ô dulcis amor meus! hoc tibi de me certum esse
velim

velim, quod abhinc tam firmâ, tamq; constanti voluntate statuerim te diligere, ut etiam si mihi nihil unquam, neq; in hac, neq; in altera vita, boni conferre velles. imò si in hac vita omnibus ærumnis, pœnis & cruciatibus, & in altera vita suppliciis æternis me afficeret, nihilominus amare te velim, & ex intimis cordis mei medullis tibi servire.

Eodem die Meditatio Secunda.

De Cultu Magnæ DEI Matris.

Prelud. 1. Statue te in conspectu pretiosissimæ DEI Parentis Virginis *MARIÆ*.

Prelud. 2. Peras ut pretiosissima DEI Parens, tibi sit Domina, tu autem illius sis servus, & mancipium.

Punctum 1. **G**ratulare Beatissimæ, quod sit ætæis vinculis alligata affinitatis & consanguinitatis cum Divinissima Trinitate. Est enim Filia Patris æterni: est Mater Filii DEI: est Sponsa Spiritus Sancti: est Templum SS. Trinitatis.

2. Gratulare ipsi de illo gustu & complacentia, quam habet SS. Trinitas de hoc singulari opere suo.

3. Exulta, quod DEUS amet Beatissimam super omnia opera sua.

4. Gratias age DEO pro electione hujus Virginis in Matrem, pro conjunctione Virginitatis & Maternitatis.

5. Adora in B. Virgine relucens DEI Puritatem, Sanctitatem, Sapientiam, Misericordiam &c.

6. Gratulare, duo dona soli Beatissimæ propria:

pria: donum Virginæ Maternitatis divinæ,
& donum Immaculatæ Conceptionis.

7. Congaude illi, quod sit Domina, & Regina totius universi & omnium creaturarum: creaturas autem omnes & singulas illius esse subditas ejusq; mancipia. Quia enim Filius ejus est verus DEUS, & ideo absolutus rerum Dominus, omniaq; ei subiecta naturaliter fiunt: inde consequenter Mater hujus DEI ac Domini omnium, est etiam naturaliter omnium Domina, & omnia ejus mancipia.

8. Cum tota Ecclesia ages gratias DEO pro omnibus donis naturæ, gratiæ, & gloriæ: pro omnibus favoribus & privilegiis, super omnes Sanctos Beatissimæ à DEO collatis.

9. Protestare coram DEO, quod gloriæ ipsius integritatem redimere, augmentumq; illius procurare cupias, etiam cum tui ipsius jactura, inquantum id gustui divino conforme esset.

10. Exulta & gaude, quod Beatissima (teste S. Anselmo) sit Advocata, Patrona, & Mater nostra, tam pia, tam potens, ut omnem ad eam conversum & ab illa respectum impossibile sit pervenire. Imò nemo est, qui salvus fiat, nisi per hanc Sanctissimam: nemo est, qui liberetur à malis, nisi per hanc Purissimam: nemo, cui cæleste donum conferatur, nisi per hanc charissimam, inquit S. Ger-
manus.

Affectus varii erga B. Virginem.

EMineantidima DEI Mater & Virgo, adoro Te cultu Hyperdulix: cum tota Ecclesia, tanquam Matrem DEI & Dominam mundi.

Saluto te in unionem amoris & per Cor dilecti Filii tui, atq; omnium te amantium dicens cū

T

S. Me-

S. Mechtilde: Ave ex Omnipotentia Patris, ex Sapientia Filii, ex Clementia Spiritus Sancti, dulcissima Virgo MARIA cœlum & terram illuminans.

Saluto te eo affectu, quo salutat te Æternus Pater, tanquam Filiam suam: eo affectu, quo te salutat Verbum æternum, tanquam suam Matrem: eo affectu, quo te salutat Spiritus Sanctus tanquam suam Sponsam.

Saluto te, eo affectu, quo te salutaverunt Sancti, qui ante nos fuerunt, quo te salutant nunc, & salutabunt ad tempora Antichristi. Saluto te & omnibus Salutationibus Sanctorum omnium, tota æternitate duraturis.

Pretiosissima DEI Parens, amo te post DEUM super omnia: quia DEUS super omnem puram creaturam amavit & amat te: quia omnes Cives cœli amaverunt & amant te: quorum amore amo te.

Tantum te diligo dulcissima DEI Mater, ut si ego solus possiderem omnium electorum gratissima corda, libenter illa omnia amoris tuo impenderem.

Agnosco te & recipio, dignissima DEI Mater, in Matrem & Dominam meam, meq; Tibi in filiam & mancipium perpetuum offero.

Monstra ô MARIA! te veram esse mihi Matrem, ama me usq; in finem, & fac, ut te redamare totis visceribus cordis mei contendam.

Accipe ô Serenissima Regina, & Domina mea, accipe iam ex hac hora possessionem absolutam & perpetuam mei.

Tibi, tuoq; servitio omne tempus, quantum possum, dedico: & opto momenta singula illius
con-

converti in æternitates, quibus Tibi infer-
viam.

Doleo, quòd hactenus non servierim Tibi,
ut debui. Pœnitet me, quòd tibi aliquando
ingratus fuerim ô dulcissima Domina mea, con-
fundor, quòd nihil dignum hucusq; honore
tuo fecerim.

Utinam! utinam omnia momenta vitæ meæ
pro maxima gloria tua impendissem, & servi-
vissem Tibi corde perfecto.

O Mater dilectissima, de filiis tuis semper
solicita accende nostrum in te affectum, ut te
Matrem nostram ex corde veneremur, diliga-
mus, & colamus.

C A P U T VI.

De pœnitentiâ, vera salutis semita, quâ
homo ex regione longinqua ad DEUM &
salutis viam revertitur.

ITinere trium dierum Israëlitz ad montem
DEI Oreb profecti sunt, ut sacrificarent Do-
mino DEO. Viator postquam revertitur ad
viam salutis æternæ, & vult contritioni ope-
ram dare, veluti quodam itinere tridui per-
gat in desertum ex Egypto, & de Pharaone
& exercitu ejus triumphabit. Hujus tridui,
spirituali intellectu, dies primus est contritio,
secundus confessio, tertius satisfactio.

Motiva

T 2.

Motiva ad maturam & seriam conversionem Viatoris ad DEUM.

I. *Incertitudo mortis.*

DEUS poenitentibus promissit veniam, sed peccantibus spatium poenitendi non promissit. Quotidie effernuntur cadavera, cadunt juvenes & senes, audis & legis, ille hodie occubuit gladio, ille cervicem fregit, ille somnum produxit in mortem, alius peste, fulmine, latrocinio interiiit. Quid si & tuam hac nocte, hac die, repetent animam à te? Quot millia hominum deluxit ista spes, aut potius stulta praesumptio? an nunc in inferno positi sunt, mors depascit eos; praecisa enim est velut à texente vita eorum, dum adhuc ordiri viderentur. Omnē ergo diem crede tibi diluxisse supremum, ac ultimum, & cum mane fueris, puta te ad vesperum non perventurum.

Confidera diligenter, quia cōtinuò veloci cursu pergis ad aeternitatem nullo termino concludendam, & finiendam, & audes vel uno momento manere in statu peccati mortalis? in quo si moriaris, in puncto descensurus es in infernum! cur non recogitas, quia, si in statu peccati decesseris, habitabis infelix in igne devorāte & ardoribus sempiternis? quia totus DEUS vacabit ad poenas tuas, & vacabit per omnē aeternitatē suā, usq; ad inferni novissima, usq; dū cōpleat inebrietq; sagittas furoris sui iustissimi in te. Cōputa vires tuas, num poteris sustinere irruentes super te montes vindictae DEI!

Quod si nunc tuum conspectum ex infernali abyssu (DEO ita iubente) infelix ille Christi discipulus, aut alius ob unicum solum peccatum

catum mortale damnatus raptaretur, catenis oneratus igneis; quem si huiusmodi compellares verbis: Expone Juda quinam & quamdiu tui erunt cruciatus? quot sæcula tibi cum tuis contubernilibus pro diluendo tuo peccato restant ibidem transigenda? cruciatus nostri reddet ille, sunt acerbissimi. Vos in plumis stertitis, nos in flammis æternas vigilias agimus, vos ridetis, nos dentibus stridemus, vos gulæ litatis, nobis pix & sulphur propinatur.

2. *Passio Christi Domini.*

Vide durum & impœnitens cor, vide Christum Dominum pro peccatis tuis in cruce erectum, nudum tot scurrarum risui & blasphemis inimicorum expositum! caput immitti spina ad cerebrum usq; perfossum, & ad mortis imperium incurvatum, sub quo astra tremunt. Vide pectus divinorum ignium officinam lethali frigore contractum languere, & manus ac pedes attritis Clavis ligno affixos, totum Virgineum corpus unum propè vulnus factum.

Intuere illum ipsum, qui cum DEUS esset, propter te DEUS homo factus est. & propter eundem te, propè non homo, sed hominis figura, specie & decore amisso. O quale spectaculum porrigit oculis tuis Golgota! in medio Palæstinæ.

Inspice vulnera pendentis, sanguinem morientis, pretium redimentis. Caput habet inclinatum ad osculandum, cor apertum ad diligendum, brachia extensa ad amplectendum. Et his non moveris, ut peccata deferas? quamdiu ludes & illudes sanguini Christi tui? Christi

stus

flus innocentissimus Salvator, pro te in acerbissimis cladibus ac doloribus suis, in infami ligno medius inter latrones pender, & tu ingrederis in domum tuam, domum infelicis gaudii, domum improbæ voluptatis, ut comedas & bibas, & dormias, atq; indormias peccatis tuis?

Moveat te amor boni JESU, & ad eum revertere. Crudelis es, si fructu laboris sui JESUM tuum defraudes, frustra pro te mortuus est. Sanguinem suum serio de manu tua requiret, & tota Passio Christi stabit contra te ad majorem damnationem tuam.

3. *Pœnitentia sera raro solet esse vera.*

Talis pœnitentia atq; ad mortem dilata sapientius ex parte pœnitentis non est vera; quia talis pœnitentia non est voluntaria, & consequenter non est meritoria. Ratio: quia si mors nonquam veniret, aliqui ex pœnitentibus nunquam pœnitentiam facerent. Hinc S. Augustinus ser. 36. Age pœnitentiam dum sanus es, si sic agis, dico tibi quia securus es: quia pœnitentiam eo tempore egisti, quo peccare potuisti: si vis pœnitentiam agere, quando jam peccare non potes, peccata te dimiserunt, non tu illa. Et iterum. Ipsa est res, quæ multos occidit, cum dicunt cras, cras, & subito clauditur ostium. Remansit foris cum voce corvina, qui non habuit gemitum columbinum.

Quia licet pœnitentibus venia, non tamen perinde etiam pœnitendi gratia promissa est, uti rectè Hugo de S. Victore cum aliis advertit dicens: Ego scripturam audio dicentem, quia
in qua-

in quacunq; hora ingemuerit peccator, saluus erit. Ezech: 22, non dicit biduo, aut biennio ante mortem si ingemuerit, sed in quacunq; hora ingemuerit, saluus erit. At verò paulo post subiungit: nec tamen sub hac spe securè tibi peccandum est, propterea, quod in fine, si conversus fueris, salus tibi promittitur. Nam quamvis etiam tunc venia tibi, si verè pœnitueris promittatur, non tamen tibi, ut tunc verè pœnitere debeas promittitur, valde difficile est, ut tunc vera sit pœnitentia.

Deinde omnes SS. Patres, & sapientes viri talem procrastinationem dissuadent. De quo motivo sic discorrit Dionysius Carth. a. 2. de conver: peccat: in omni materia acquiescendum est prudentibus, & expertis in illa materia. Cum ergo ipsemet Dominus noster IESUS Christus Sapientia DEI Patris, & magni consilii Angelus, & universi Sancti ipsius Apostoli, & Prophetæ, & Sancti Doctores hanc pœnitentiæ dilationem omninè dissuadent, concorditer reprobeat, ac vehementer condemnent, certum est, quòd stultissimum & iniquum sit, pœnitentiam sic differre.

Dionysius Carthusianus, de quodam defuncto scribit, illum ex divina dispensatione alteri apparentem, ad nostram eruditionem, in memorabilia hæc prorupisse verba: O cras! cras! quàm longam mihi restim fecisti, & in barathrum mortis me procrastinando traxisti!

In vita Thomæ Mori Regni Anglicani Magni Cancellarii, & Martyris sequens impii cuiusdam legitur exemplum, in tom: 1. l. 2. c. 12. operis, quod mortis peccatorum pessimæ, in-

titu-

titulatur, his verbis recensitum: Rogabant amici amicè hominem, ut maturaret ad meliorem mentem redire, sed responsum aliud non tulerunt, quàm plenum illud vanissima præsumptione. cùm migrandum hinc fuerit, tribus se verbulis DEUM ad clementiam expugnaturum. & cælum exoraturum. Verùm res aliter cecidit, cum enim postea equitando transiret in ponte fluvium, & improvidum pedem equus impingeret saxo, unâ secum sessorem Herum in subiectam aquam effudit. Jam miserando casu præcipitabatur eques, cùm subito, ubi periculum animadvertit, sensitq; intra fluctus non sicca se morte occubiturum, contentissimo nisu clamavit tria novissima verba. Et quæ illa? utiq; quibus salutem, & astra momento uno apud DEUM impetraret, quæadmodum iactaverat non semel facturum se in ultimo vitæ discrimine? Dixerit itaq; cum Regio Vate: Miserere mei DEUS: aut illud: Tibi soli peccavi; vel cum publicano: DEUS propitius esto: sed heu! de sceleribus suis, de cœlo, de DEO altum servavit silentium, illud unum ingeminavit: Rapiat omnia Dæmon. Ita miserum suam memoria destituit, & cum deberet in eo casu tria salutis verba dicere, tria desperationis protulit tractus inter vortices ad eum, quem vocibus ultimis compellavit.

Insuper sciendum est, quia talis procrastinatio, seu impœnitens cor peccatoris numerum peccatorum à DEO ad reprobationem prædefinitum citius implere facit, ut sentit Mansi disc. 19. n. 7. Nam certum est, DEUM uniuscuiusq; omnes enumerasse passus & gressus, quibus à divinorum præceptorum suorum se-

mita

mita deviauit, dicente patientiæ speculo: *Tu quidem gressus meos dinumerasti.* Paulo post clarissus inquit: *Signasti quasi in sacculo delicta mea: Divina enim iustitia certum quendam limitavit peccatorum præfixum numerum, ad quem usque tolerare vult impium, filium vitæ ipsius detruncaturus, mox ut ad illum peccatorum numerum, impius pervenerit.* Unde apud S. Jobum Spiritus Sanctus ait: *Usq; hæc venies, & non procedes amplius, & hic confringes cunientes flus tuos.* Cum igitur ad quem usq; peccatorum numerum, DEUS nos expectare decrevit, ignoremus, meritò de uno quoq; peccato, quod futurum sit ultimum, timendum nobis erit.

4. *Seria cogitatio post vitam pœnarum.*

Quia paucitas dierum nostrorum nostrar brevis, ibimus vel cum electis in vitam æternam, ubi omne bonum: vel cum reprobis in supplicium æternum, ubi omne malum. Habitatio reproborum paucis describitur à misero ejusdem loci incolâ divite Epulone. Luc. 16. *Est locus tormentorum.* Est locus calaverosus, terribilissimus, ubi fætor, squallor, illuvies, putredo. Ille dabit ignem, & vermes in carnem eorum, ut urantur & sentiant usq; in sempiternum. Judith. c. 6. Ibi damnati quærent mortem, & non invenient eam, & desiderabunt mori, & fugiet mors ab eis. Apoc. c. 9.

Ibi oculi atrâ torquebuntur caligine, continuo videbunt formidabiles dæmones, horribilia spectra, videbunt serpentem illum antiquum, colubrum tortuosum, Asmodæum croentum,

Beemot

Beemot illum immanem, & Leviathan, ejus (teste Job c. 41.) *sternutatio splendor ignis*, de ejus ore procedent lampades, & de naribus fumus.

Quid auris? continuo damnatorum aures punientur infelicissimis gemitibus, ululatibus, terribili bestiarum rugitu. Nihil aliud ibi audietur, præter mæstum illud *Vø*. Ah! in quo incondito cantu tanta erit vocum confusio, tantus stridor, tantus quiritatus, in tenebricosa illa caverna, ac si scissis undiq; nubibus horribillum tonitruum frangores undiquè resonarent.

Quid odoratus? Hæc Arabia infelix, quos odores exhalat? quantos tot demonum, tot damnatorum erit fætor? vel vnus sufficeret inficiendo orbi uniuersa! quid è tot cadaveru putrescentium acervo, è sulphuris Oceano, ex oblectamento illo volutabro, ubi monstra illa putida in stercorebus suis volutantur.

Quid gustus? linguæ sitientissimæ & aridissimæ etiam guttula unica aquæ negabitur, cibibus & potus eorum erunt una fellis & botri amarissimi, fel draconum vinum eorum, & venenum aspidum insanabile.

Quid tactus? jacebunt in igne, ut vasa sordium fætidissima, ut bufones flammei, monstra turpissima, hædi fætentissimi colligati, continuo cremabuntur corpora, & in proprio adipe fixæ libidines bullient.

Hæc omnia prudentissimè considerans ita complectitur S. Greg. apud Mansi. dile. 22. n. 3. Dum recognosco Job sedentem in sterquilinio, Joannem esurientem in eremo, Petrum pendentem in patibulo, Jacobum decollatum
Hero-

Herodis gladio, cogno, qualiter DEUS in futurum cruciabit, quos reprobis, qui ita dure affligit, quos amat. Si cum intimis amicis sic agitur tempore gratiæ, quid hostibus fiet tempore vindictæ & iustitiæ?

s. Momentaneum est quod delectat, æternum, quod cruciat.

Sanctus Gregorius interrogatus, quomodo iustitiam sit, ut culpa, quæ cum fine perpetrata est, sine fine puniatur? Respondet: Hoc rectè diceretur, si districtus Iudex non corda hominum, sed facta pensaret, iniqui enim ideo cum fine deliquerunt, quia cum fine vixerunt, nam voluissent utique si potuissent sine fine vivere, ut potuissent sine fine peccare. Ostendunt enim, quia in peccato semper vivere cupiunt, qui nunquam desinunt peccare, dum vivunt. Ad magis ergo iustitiam judicantis perinet, ut nunquam careant supplicio, qui in hac vita nunquam voluerunt carere peccato.

Similem rationem assignat S. Bernardus ep. 253. cur peccatum in hac vita commissum & præteritum, æterno subijci debeat supplicio; dicit enim: Ob hoc procul dubio inflexibilis & obstinata mentis sumitur æternaliter malum, licet temporaliter perpetratum, quia, quod breve fuit tempore, vel opere, longum esse constat in pertinaci voluntate. Illa namque contumacia, & mentis obstinatio, qua cum peccator in hac vita DEUM offendit, nisi illam in hac vita corrigit, in perpetuas æternitates incorrigibiliter perseverabit.

Qui

Qui enim in peccatum mortale propria voluntate labitur, se in eum statum injustitiæ redigit, ex quo propriis viribus erui nunquam in æternum poterit: unde ex hoc ipso, quod vult peccare, vult consequenter in peccato per totam æternitatem manere. Quare iustè à DEO peccator, non solum ob actionem peccati, sed præsertim & ob voluntatē in peccato permanendi, quæ in æternum protenditur, poenâ interminabili & æternâ plectitur.

At verò non pauci requirent, quâ ratione poena æterna dæmonibus & aliis damnatis iustè infligatur, cum illorum peccatum fuerit quasi momentaneum? Resolvit S. Thomas in suppl. q. 99. a. 1. Poena peccati taxatur secundum dignitatem ejus, in quem peccatur! unde majori poena dignus esset, qui percuteret alapâ principem aut regem, quam si cuicumq; alteri privato hanc injuriam irrogaret. Atqui sive diabolus, sive homo mortaliter peccans; contra DEUM infinitæ majestatis & excellentiæ peccat, ejusq; honori summam (quantum in ipso est) infert injuriam, dum in creatura per peccatum finem ultimum constituit. Ergo infinitâ poenâ dignus est. Cum autem creatura, quæ in se finita est poenam secundum intensiorem acerbitalis infinitæ ferre non possit, poena secundum durationem temporis infinita illi subeunda est, quæ proinde iustè à DEO illi infligitur.

Quædam observanda ante Confessionem Sacramentalem,

1. **D**ispertire totum tempus à novissima Confessione in certa spatia, tum menses, hebdomada-

bdomadas, & dies singulos percurrere, qualibus cogitationibus, verbis, & operibus usus fueris, quibus te peccatis contaminaveris: quibus cum personis, quo loco.

2. Postea institue comparisonem inter DEUM & te ipsam, inter opera ejus & tua.

Quis peccavit? Ego quoddam phantasma, horror, & fætor, & penenihilum. Ego fons malitiæ, sentina prave concupiscentiæ. Ego vermis terræ vilissimus, damnationis æternæ pridem reus, sponsa adultera.

In quem peccavi? in DEUM Creatorem, summū bonum, amorem infinitum. Peccavi filiū rebellis in optimam Patrem, servus infidelis in benignissimum Dominum, vilis & obiecta creatura in Conditorum universi. Peccavi in eum, cui Angeli serviunt, cui omnes creaturæ obediunt, illi ego solus fui refractarius.

Quid peccando feci? Animam meam interemi, & ad infernum detruxi: Chirographum meæ fidelitatis conscripsi dæmoni: ex corde meo Angelos exturbavi. Heu! quis unquam crederet, ipsum Spiritum Sanctum à me expulsi, & libellum repudiū dedi DEO.

Cur peccavi? Ob res caducas & vilissimas, propter obscenam voluptatem, pro luto & cinere. Sine metu, sine horrore peccati, in præsentia DEI, ac si unius idoli, quo tempore à DEO conservabar, & beneficiis obtrabar.

3. His peractis, imaginare tibi SS. Angelos te fugere, contra te instigare, Ipsam B. Virginem, te ultra pati non posse, SS. omnes te abominari.

4. Insuper concipe affectum adhuc majoris timoris, quia ipse DEUS te detestatur, ac iratus

ratus præcipit, ne coram eo ultra compareas, ne ipſius ampliùs creatura dicaris.

5. Deinde convertere ad cor tuum, illudq; de duritia tua increpa, quòd nihil tot conſiderationibus emolliatur. Invoca contra illud in teſtimonium cœlum, terram, elementa, & creaturas omnes. Sicq; coram illis conquerere. Cor tibi eſſe lapideum.

6. Poſt hæc tunde pectus tuam perſeverans in oratione & compunctione, brachia in modum crucis componens, imaginem Crucifixi intueri.

7. Ad extremum humi proſtratus cum gemitu cordis plora clamans. O! Domine pietatem, lacrymas, contritionem, miſericordiam, & veniam humiliter efflagito, qui veniam publicanis, meretricibus, latronibus, prædonibus non denegâſti. Ne patiaris me diutius præ contritionis deſiderio languere aut interire.

Premunt cor meum mala, quæ non ſum^{us} recundatus facere in ſcie cœli. Video ah me! averſum tui mi DEUS irati vultum. Heu! heu! quis me liberabit à perditione mala hac? quis placabit vindicem DEUM? Plorans plorabit anima mea, gemens ſub pondere peccatorum.

Quid tamen faciam ô Pater! ego rebellis ac prodigus filius. Patri recalcitravi. Domino non ſervivi. Creatorem non agnovi, imò offendi, cœlo excidi, terra ſub ingrato pondere meo gemit, expecto donec me deſiſcat infernus.

Ah damnum! filii ego titulum prorfus perdididi! ſed an in Patris? tu tamen Pater es, qui

qui facis oriri solem super bonos & malos.
Aperi igitur piissime Pater, aperi neminem des-
picientes oculos tuos? vide indignum quidem
visu, tamen filium ad te ô Pater! recurrentem,
audi confitentem: Peccavi coram cœlo & ter-
ra & te Pater! non amplius tamen non am-
plius, malo millies mori, quàm te offendere,
hic sit terminus delictorum meorum.

Ante Confessionem

Actus Contritionis.

QUIS dabit ô bone JESU, capiti meo aquâ,
& oculis meis fontes lacrymarum, ut di-
ebus ac noctibus rigare possim stratum meum
rugiens à gemitu cordis mei? Exitus aquarum
deducite oculi mei, operiat confusio faciē me-
am, deficiat in dolore vita mea, & anni mei in
gemitibus, quia offendi DEUM meum! Pa-
trem meum! ego rebellis servus.

O anima mea! dic mihi, quid tandem illa
bonitas, illa majestas, illa misericordia fecit
tibi? aut in quo unquam contristavit te, re-
sponde mihi? Cur inebriavi te dulcis JESU
abstynctio, quâ mille benedictionibus dulcedi-
nis prævenisti me? Cur me tibi DEO meo
ego improbus & rebellis opposui?

Fierinē potuit mi JESU, ut credens ego te
ad iracundiam provocarem, in re vilissima &
momentanea, & pudenda, & despicerem te, &
lacrymas & vulnera & sanguinem tuum? O
caput mille dignum infernis! si pro uno delicto
infernum, pro tot, quot infernos promerui?
Quot icelera, tot onera, tot vincula, tot de-
bita

bita sunt, quibus dissolvendis, nec si memet-
ipsum vendam, satis sum.

Cur terra tam diu sceleratum pondus portas
tanti patiens fligitii? Cur non ær pro Condi-
tore tuo contra tam insensatum mille pugnas
fulminabis? Cur mare non mille conceitas tem-
pestates in me Jonâ multo nocentiorum? Cur
non omnis creatura in me armata peccatorem
adeo impudentem in Orcum præcipitat.

Væ mihi quia peccavi! væ mihi quia DEUM,
& Sanctos contra me provocavi, iram tre-
mendi Judicis in me cõcitavi! Quis eruet me de
manu potenti & brachio extento contra me?

O quam bonum erat, si natus non fuisset,
neq; enim vitam mihi dedisti, ut te offende-
rem DEUS meus! utinam prius repentina mor-
te extinctus fuisset, quàm te ô JESU offen-
dissem! Quanto suavius flammis infernalibus
in gratia tua arderem, quàm extra gratiam pa-
radiso gauderem!

Quid tamen gravissimus & ingratiſſimus pec-
cator faciam? en ad tuos Sanctissime JESU pe-
des pronus confugio. Hi sunt afflicti & con-
triti cordis mei solatium, Abhinc juro & sta-
tuo custodire judicia justitiæ tuæ. Malo mil-
lies mori, quàm te offendere. Utinam nunc
omnia corda, omnium lacrymas haberem! o-
mnium cordibus, omnium lacrymis peccata de-
fierem! cum neq; sic sufficerem, offero tibi Pa-
ter dolorem & lacrymas Filii tui. Aspice in
Filio, quod condones, & propitius seruo.

Effusio contriti & humiliati cordis.

O Pater amantissime! cujus ego unicum ter-
ræ monstrum ob gravissima facinora mea
non

non sum dignus vocari filius, qui Patrem in inferis elegi sceleribus meis, aperio tibi abyssum peccatorum meorum.

Tentarem Domine flumine lacrymarum abluere scelera mea, sed nonnisi cruor amantissimi mei JESU lixivium peccatorum est. In inferno nequitiae meae descriptae sunt, ideo non guttam aquae, ut ille dives à Patre Abraham, sed guttam sanguinis Christi postulo, ego dives & locupletissimus, ac plenus omni iniquitate.

Hâc verò mea petitione ô Pater misericordiae! nolo fraudare justiciam tuam, sed volo deprecari bonitatem & Majestatem tuam. Non deprecor amissionem coeli, non deprecor supplicium inferni: sed deprecor offensam tuam, nec ardere metuo, sed peccasse doleo.

Quinimo optarem in ipsum infernum descendere vivens, ne amplius vultus tuus horrendis peccatorum meorum spectaculis lædi possit.

Sed quanta arrogare audeo? an in profundo inferni sub pedibus Luciferi aut Judæ collocabor? an sub pedibus ejus, qui alapam JESU dedit? an expectabo præcipitium Antichristi? an ad januam inferni collocabor, ut omnes intrôeuntes me dilacerent & pessumdent? nihil horum! cum ego non infernum, sed novos millies ac millies infernos commeritus sim! Ac proinde indignum me censeo etiam societate dæmonum ac damnatorum, quia mihi soli infernus vilior & atrocior præparandus esset, quia ego omnium peccatorum maximus!

Ego sum opprobrium naturæ, pudor generis hu-

ris humani! si in te Creator dignissime verecundia aliqua cadere posset, nullius rei tepderet, nisi quod tam horrendum & abominabile monstrum conserves in mundo, ut meæ culpæ me fecerunt.

Quin & ipsis dæmonibus dedecori sum, & à sua societate infernali meritò me repellerent. Nam licet illi peccaverunt, non tamen experti erant tantam misericordiam DEI: non peccaverunt contra DEUM, qui pro ipsis crucifixus fuit, qui se ipsum dedit in cibum, At ego peccavi! Ergo indignior & deterior sum Lucifero, indignior Judâ, qui nondum viderat JESUM pro se mortuum! indignior Anrichristo, qui non toties experietur gratiam ut ego, indignior omnibus dæmonibus, qui semel peccaverunt.

Quid igitur miser faciam? nunquid cum Cain præcurrere contendam laqueo desperationis sententiam, quam merui æternæ damnationis? Misericordia Domine, Misericordia! Hoc solum verbum relictum mihi est: in reliquis os meum apud te sine voce, & silentium meum loquitur tibi: Ne proicias me à facie tua misericors JESU, & propitius sis mihi maximo peccatori. Et cum præ multitudine iniquitatis meæ loqui non audeam, gemitus meos & lacrymas cordis mei intellige misericordissime Domine.

Breviores Actus Contritionis.

Heu mihi! heu millies dicam! peccavi! super numerum arenæ maris multiplicatæ sunt iniquitates meæ! non est peccatum super peccatum

catum meum! non est iniquitas super iniquitatem meam. Indignus sum miserationibus tuis Domine, sed misericordia tua superat malitiam meam.

O JESU! Fili DEI vivi miserere mei, & propitius esto mihi peccatori, quia tibi nihil impossibile est, quam miseris nolle misereri.

O Pater misericordiarum! patientiam habere in me, & omnia reddā tibi, non de meo, sed de pretio Sanguinis Filii tui.

O dulcis JESU, quia te amo, detestor omnia peccata mea, supra quidquid detestabile & execrabile est, & si possem, de illis infinito dolore semper dolerem.

O DEUS meus! summa bonitas omnium creaturarū, tuoq; ipsius amore infinitē digna, doleo quod tam impudenter te offenderim; doleo, non quia timeo, sed quia amo. Si sanguine meo fieri posset, ut non sis offensus; ecce me, discerpe me, paratum cor meum. Si tormentis inferorum deleri possit, ecce me: nullum est, quod non merui; nullum quod amore tui non praeligo peccato quod tantopere odisti.

O si omnes præteritos dies, horas, momenta pro maxima gloria tua impendissem mi DEUS! ô si ex corde perfecto tibi toto vitæ meæ tempore serviissem, te intensissimè amāissem! ô pretiosum tempus non amplius rediturum!

His peractis omnibus, perge cum omni compunctione ad pedes Confessarii, tanquam ad pedes ipsius Christi Domini. Erubescere & confundere ad

re ad tanta facinora; quæ cum summo dolore confiteberis.

Ad quodcunq; peccatum, quod proferes, puta te videre venenositissimum bufonem egredi per os, ex visceribus cordis tui.

Postea persuade tibi, te cernere Angelos immò ipsam Angelorum Reginam, tibi congratulantem & applaudentem.

E contrario aspice adversariorum tuorum rabiem, qui tanquam maximâ clade affecti, & opimâ prædâ spoliati, præ invidia, rabie, & furore rumpuntur.

Actus post Confessionem.

O DEUS meus! ô misericordia mea! quis sum ego homo miser & miserabilis, ut memor sis mei, imò vermis sum ego & non homo, omnium malitiosissimus & ingratisissimus. Et dignum ducis super hujuscemodi peccatore aperire oculos tuos; & vel semel respicere de summo cœlorum? Quis hoc effecit ô Sp. ase animæ meæ, quia me ingratisissimum hominem, me vilissimum terræ vermiculum, in benigne respexisti, ad poenitentiam vocasti, & in gratiam ut spero, ac in dilectionem tuam recepisti?

Quoties verò ô inexhausta bonitas in ipsis peccatis morti me in spoliū permittere potuisses. & æternum perdere. & hucusque tamen conservasti? Et nunquid millena animæ in igne inextinguibili jam ardent, æternumq; ardebunt; & minorum, & pauciorum, quam ego scelerum reæ? & ego nondum ardeo toties læsæ reus Majestatis?

O Do-

O Domine! quàm diu halitus erit in ore meo, misericordias tuas in æternum cantabo. Benedicam te Dominum meum in omni tempore. semper laus tua in ore meo, qui propitiaris omnibus iniquitatibus meis, & sanas omnes infirmitates meas, qui redimis de interitu vitam meam, & coronas me in misericordia & miserationibus.

Quis ergo me ampliùs separabit à te ô bone JESU! an diabolus? an caro? an mundus? an tribulatio? an voluptas? an mors? nihil horum cum gratia tua mi DEUS! Utinam nunc mi JESU opere monstrare possim, quòd ab hinc sincerè te ex toto corde, ex tota anima, & ex totis viribus amem! utinam meus amor in te adæquet omnium Seraphinorum, omniumq; Electorum in cœlo & in terra ardentissimum amorem. Utinam priùs moriar in gratia tua, quàm vel unico iterum peccato te offendam.

Quod verò mi DEUS! ad dignos pœnitentiæ & satisfactionis fructus faciendos, ex mea parte vel intemissum, vel imperfectè peractum, obsecro mi JESU amantissime, suppleant tua vulnera, suppleat tuus Sanguis, tuæ lacrymæ, tua mors, suppleant merita totius triumphantis & militantis Ecclesiæ.

C A P U T VII.

Praxis Sacræ Communionis.

Ambulavit in fortitudine eibi illius usq; ad montem DEI Oreb. Exod. c. 3.

Observanda ante Sacram Communionem.

1. Erige

1. **E**Rige primò mentis oculos ad cœlum, & puta te videre DEUM Patrem innume-
ris cinctum Angelorum millibus, & ex ejus la-
tere B. Virginem filium infantulum in gremio
suo gestantem.

2. Provolve te pedibus Virginis Beatissimæ,
& obsecra, ut pro te supplicet, quatenus
per manus ejus dulcissimum JESUM accipias.
Putam eam primo quidem congressu, repulsam
pati propter peccata tua; at post multas pre-
ces tui gratiâ prolatas, eum tandem placare.

3. Audi quomodo DEUS ob amorem Ma-
tris Mariæ, & preces illius tibi pollicea-
tur filium suum.

4. Exulta, & gratias age utriq; quòd Im-
perator totius universi descensurus sit in pau-
perculam domum tuam, eamq; inhabitaturus.

5. Admirare tantum DEI erga te amorem,
tam effusissimam humanitatem & liberalitatem.

6. Æstima Sacerdotem esse Angelum DEI,
qui à manibus B. Virginis suscepturus sit spe-
ciosissimum Filium ejus, eumq; de cœlo sulce-
ptum tibi porrecturus.

7. Eo puncto, quo tibi communicandum est,
puta tibi ab Angelis referari cœlos: Christum
à throno sive manibus Beatissimæ Matris suæ
plenum Majestate & gloriâ in occursum tuum
descendere; his te alloquentem: En adsum
anima dilecta! En ego ipse ad te venio! Quid
desideras amplius? quid ultra requiris?

8. Ejâ summâ animi demissione invita Chri-
stum Dominum, & pete ut his modis ad te ve-
niat. Veni Domine cum patientia, ut susti-
neas gravissima facinora mea. Veni cum hu-
militate, quia homo inops & pauper sum ego.
Veni

Veni cum liberalitate, ut me donis tuis munificentissimè dites. Veni cum dulcedine, ut corda nostra in imbres lacrymarū resolvas. Veni cum charitate & amore, ut nos totos ad tuum amorem accendas, inflammes, & comburas.

9. Dum tibi Sacerdos Angelico adjutus ministerio porrigit verum DEI Filium, imaginare te os applicare lateri Christi, & Sanguinem ejus pretiosum exugere. Vel considera te videre puerum speciosissimum radiis splendidissimis circumfusus, undiq̃, Angelis circumdatum. Cogita te fieri tuū templum Spiritūs Sancti, & tabernaculum totius SS. Trinitatis, præcipue verò sacrarium quoddam Filii DEI.

Actus timoris & humilitatis ante Sacram

Communionem.

O Amor vim patior responde pro me! quid dicam DEO vitæ meæ? ô amor! quò tu am^o inclinās Majestatem? unde mihi, ut tu venias de templo sancto gloriæ tuæ? DEUS de DEO? & quò? ad me speluncam latronum, serpentum habitaculum, cloacam fætidam, vas contumeliæ toties fædatum, licet toties in sanguine tuo lotum! ad me leprosam & fornicariam Sponsam, quæ pro dilectione odium, pro beneficiis maleficia reddidit!

O amor! quò ducis fontem Sapientiæ? stupet cœlum, mirantur Angeli, cœtè usq̃ ad abyssum miseriæ & malitiæ! Quis credat mi JESU, eo te in amore progressum, ut mihi mortuo cani & prodigo filio ad te reverso des carnem tuam & sanguinem, unde comedam & bibam? ô flos campi! ô lilium convallium! ô Panis Angelorum!

orum! quomodo factus es pabulum bestiarum? Ideonè Domine venies ad me. quia te amorem summum toties peccatis meis calcavi, sprevi, & crucifixi?

Quæ pars animæ meæ munda est, in qua te potero sepelire? quid os meum, nisi sepulchrum patens, de quo nihil præter factores peccatorum meorum procedit? quid cor meum, nisi spelunca & abyssus iniquitatis? An forte Domine vis iterum in stabulo nasci bestiarum? an deuo vis ad infernos descendere?

Non sum dignus Domine JESU, ut intres sub tectum meum, cordialiter tibi dico, dico millies: undequaq; mi JESU conspectu tuo sum indignissimus. Indignissimus, quia sum vas sordidum, esca vermium, putredo & cinis: Indignissimus sum ob execranda facinora, nequidam & malitiam meam. Indignissimus sum ob abusum naturæ & gratiæ, spretum sanguinem tuum, tuam divinam Clementiam persumdatam. Indignissimus sum ob peccata, quæ prævides DEUS meus me in posterum commissurum.

Ergo nec oculos, nec cor audeo levare Patre Sancte, quia peccavi nimis in cælum & coram te, quia omnibus peccatoribus, ac ipsis damnatis deterior sum. Exi à me Domine! quia homo peccator sum. Non expedit hanc pretiosam cœli gemmam ante porcum projicere. Et non est Domine bonum sumere panem Angelorum & mittere canibus.

Scio tamen mi JESU! quia etiam catelli edunt de micis, quæ cadunt de mensa Dominorum suorum: ideo & ego miser & indignus catellus tuus Domine, pedes tuos sacros lambens,

bens, corpus tuum esuriens & sanguinem sitiens clamo post te: Da mihi dulcis JESU amor meus micæ panis vivi, qui de cælo descendit, ut refocilletur anima mea.

Resolutio.

FIAT mihi amor mi JESU secundum verbum tuum. Jam veni Domine JESU, ingredi benedicte Domini. Quid foris stas, & perstas. Attollite portas Principes vestras, & elevamini portæ æternales. portæ cordis mei. Ecce enim introibit Rex gloriæ. Hæc est porta Domini, & Sanctus Sanctorum intrabit per eam. Paratum tibi cor meum.

Exurge igitur gloria mea, mi JESU, exurge psalterium & cithara mea, mi JESU. Jam veni mi JESU, & noli tardare. Tibi dicit cor meum, Domine JESU veni, facies mea requirit te, & vultū tuū exquirat. Audeo & aveo dulcissime JESU recipere te, habere te, possidere te, velci te, conjungi tibi, concorporari tibi.

Tadium.

USQUEQUO Domine dulcissime amor mi JESU, tenes animam meam, & non venis ad eam, ecce jam tædet ipsam vitæ suæ. Domine descende, festina, veni, priusquam moriatur vita mea in me, & antequam extinguatur lucerna spiritûs mei. Odiosa est mihi omnis quies sine te, omnis dulcedo amara, omnis consolatio insulsa est, longa est mihi omnis mora, aut tolle me, aut veni ad me.

Ubi est expectatio mea, ubi est Dominus meus, ubi est qui dicebat: Ecce venio cito?

O Do-

O Domine! quousq; modicum, modicum expecta, quousq; istud? Expecto ecce modicum, jamq; transit, & tu non compares. Ades Domine, ades, desidero te millies, moriar sine te, veni, ostende mihi faciem tuam. Ades mi JESU, ades ocyus, & tedium cordis mei præsentiâ tuâ releva, nolo Angelos, nolo quidquâ tuum, te volo, tu veni.

Fames.

Caligant ecce oculi mei præ inedia dulcissime Amor JESU, & non est tibi curæ, fames oppressit animam, & tu non venis? ô ubi es qui dicebas! Caro mea vere est cibus; Sanguis meus vere est potus. Quomodo verò est, quando non est? aut si est, cur & non mihi? Famesco & non cibas me, sitio & non inebrias me.

Ecce ostenduntur mihi cibi, sed quia non tu, non vere cibi. Nolo illos, tuum cibam, te cibum volo, aruerunt fauces, substantia mea redacta est in nihilum, & tu ô cibus meus non venis, das escam omni carni in tempore opportuno, ego autem cur hic fame pereor? Nunquid sanguinem taurorum, aut hircorum bibam? Aut si esuriero, cui dicam, si non tibi, cujus est orbis terræ? O DEUS! qui pascis me à juventute mea, da mihi panem hunc vitæ supersubstantialem quotidianû, ut mortem non gultem in æternum.

Invitatio Christi.

O Sancti DEI omnes, ô S. Angeli, ô divinis-
sima Mater MARIA, nunc saltem adeste
& ope

& operam vestram non denegate! Abite ad Sanctissimum hoc Sacramentum, & Dominum vestrum, amorem meum, quâ scitis, & soletis reverentiâ pro me adorare, & ad cordis mei habitaculum invitate. Adoro te, dulcissime JESU! adorationibus Sanctorum, & adorationibus Sanctorum Angelorum, & adorationibus Beatissimæ tuæ Matris, & eas in æternum continuo.

Invito te ad cordis mei domunculam, tibi desideratam, apertam, & pro paupertate mea paratam, veni igitur ô Sanctissimum Sacramentum, veni amor mi JESU, venite merita, gratiæ, dona, gloria, beatitudo. Veni amor mi JESU ad servum tuum, ad domum tuam. En cor meum area est, materia est, tu architectus es, omnipotens es Verbum, omnia creans es. Vis palatium, vis mundissimum, vis te dignum, ædifica illud & erit.

Veni mi JESU, veni millies, veni, fuge Dilecte mi, formose mi, veni unice mi, columbule mi veni, veni similis capræ hinnuloq; cervorum. Veni saliens in montibus, transiliens colles, veni ascensor cœlorum, ascensor Cherubinorum, qui ambulas super ventorum pennas, veni, en te desidero, veni, te concupisco, veni tui amore langueo, veni mi JESU, veni & desiderium meum imple, implendo auge, ut plus te appetat, te habere in æternum gaudeat.

Affectuose aspirationes ad Christum suscipiendum.

O Mi suavissime JESU! anima mea ardet, æ-

stuat,

fluat, flammescit in te. tota se exerit, quanta quanta est. tota ignescit & ebullit in te, deficit in te usq; ad languorem & deliquium.

O amoris dulcedo! ô unicum centrum cordis mei! manducet te anima mea, & omnia interiora mea dulcissimo suavitatis tuæ liquore repleantur.

O vita & totum bonum meum! non possum vivere amplius sine te. Desidero te JESU mi intimè frui, da ut te comprehendam. Anima mea corpus tuum concupiscit, cor meum tibi uniri desiderat.

Quid dicam? quo vadam? ubi te mi JESU inveniam? quis renuntiabit dilecto, quia amore langueo? Ibo & ibo plorans quæram quæ diligit anima mea. Ubi es dilecte mi? ubi requiescit cor tuum? ubi latet amor meus?

Ubi es ô speciose JESU præ filiis hominum, odorem tuum haurio, te autem non video? cur faciem tuam abscondis? an ideo quia dicis: non videbit me homo & vivet? Eja Domine moriar ut te videam, videam ut hic moriar!

Pacifica mi bone JESU spiritum meum ad inhærendum tibi jubilosis excessibus anhelantem. In te enim est totum, quod desiderare possum, tu salus mea & redemptio, tu spes & fortitudo, tu decus & gloria, tu divitiæ, thesaurus & possessio.

Cupio te suavissime JESU cum tali affectu, amore & honore suscipere, cum tali fide, spe, & puritate, sicut te suscepit Virgo Beatissima.

Desidero ex corde te tractare & suscipere cum tali devotione, gratitudine, & amore, quemadmodum multi Sancti & devotæ personæ te

næ te desideraverunt in communicando, qui tibi unquam placuerunt.

Desiderium & invocatio Christi.

O Pater amantissime! monstra te esse Patrem: ostende mihi Filium tuum & sufficit mihi. Quid enim mihi est in cælo, & præter illū, quid volo in terra? ille DEUS cordis mei, & pars mea DEUS in æternum.

Adjuro te Mater misericordiæ, & vos animæ Beatæ: nuntiate dilecto JESU meo, quia amore languéo, præ magno faciei ejus videntæ desiderio.

O mi JESU suavissime, spes suspirantis animæ, te quærent piæ lacrymæ, & clamor mentis intimæ. Desidero te millies, mi JESU quando venies, me lætum quando facies? Quemadmodum desiderat Cervus ad fontes aquarum, ita desiderat anima mea ad te DEUS. O JESU! ne patiaris me diutius prætui amore & desiderio languere aut interire.

Alii alia quærant, te solum ego mi JESU quæro, te solum mi JESU desidero. Hoc millies dicam, hoc millies repetam: DEUS meus & omnia! Quid enim possum extra te desiderare cum in te sint omnia? nimis avarus est, cui tu non sufficis.

Veni obsecro Domine & noli tardare. Veni, descende priusquam moriar ô vita mea ut vivam. Desidero te millies, in quem desiderant Angeli prospicere, cujus pulchritudinem sol & luna mirantur.

Veni Domine in domum tuam templum tuum animam meam, quam tibi millies dedi-

cavi

cavi & dedico toto corde meo. Absorbeat me vel nunc immensa & melliflua vis amoris tui: ut amore amoris tui moriar, qui amore mei dignatus es mori.

Veni JESU mi dulcissime! JESU suavissime! ut quiescas & maneat in me, ut videam te, amem te, ardeam, liquefam, consumam, & consummer in te. Moriar mi JESU! nisi videro te, moriar nisi gustavero, quàm suavis sis Domine.

Jam jam accessurus dic.

O Anima mea! en Sponsus tuus! en amor tuus! divertit in pauperculum diversorium cordis tui! En cœlestis medicus accedit ad sanandum te! En amicus millies dilectissimus ditare vult extremam paupertatem tuam! En sol amabilissimus illuminabit densissimas tenebras tuas. O pietas! ô bonitas! ô misericordia mea! O utinam mi JESU nunquam tœoffendissem! utinam te semper & unicum amassetem.

Veni ergo bone JESU! Veni Sponsæ animæ meæ? Veni ad me & ne spernas pauperculam animam meam, Veni ô unice amor meus! O JESU dono tibi cor meum, animam meam, corpus meum. Paratū cor meum DEUS, paratum cor meum.

Affectus in sumptione Corporis Christi mente & corde ardentissimo exercendi.

Dominus meus & DEUS meus! Quid mihi & tibi ô JESU Fili MARIE Virginis? O
res

res mirabilis manducat Dominum pauper servus & humilis!

Quis sum ego servus tuus, quoniam respexisti super canem mortuum similem mei?

Jam quod quæsi, habeo, quod concupivi, teneo, DEUM meum possideo, & summo bono gaudeo, cur jam corde non ardeo. Quàm panis hic dulcissimus, & verè suavissimus, plus millies gratissimus, quàm dicere sufficimus.

O Pater! dono tibi cor JESU, ô JESU dono tibi cor MARIE, dono tibi cor meum licet indignissimum! O JESU! osculor Vulnera tua, osculor pedes tuos! O JESU! amo te ex toto corde, utinam non meo, sed amore ardentissimorum Seraphinorum.

Ave dulcissime JESU amor meus! ave dulcedo cordis mei. Ave venerabiles manus pro me cruci affixæ. Ave latus speciosum pro me vulneratum. Ave cor suavissimum mei JESU. Moriar mi JESU! moriar, inter desideratissimos amoris tui amplexus.

O JESU! gaudeo de omni bono & gloriâ tuâ. O JESU! omnia peccata mea & totius mundi commissa, quantum possum detestor propter te. O JESU! esto mihi JESUS & Salvator nunc & in hora mortis meæ. O Domine! totus sum tuus, erôq; in æternum, sicut tu totus meus esse voluisti.

Observanda post S. Communionē.

1. Imaginare quòd videas mentis oculis speciosissimum puerum in medio cordis tui radiis splendidissimis circumfusus.

2. Admirare tanti Hospitis apud te præsentiam. Ergonè putandum est, quòd vere DEUS habitet super terram? Quid! Ergonè corculum meum (ô amor meus) locus est tuus, tuum templum, tua sedes, tuum tribunal?

3. Gratiâs age, quas potes maximas, quia ad unum stabulum, ad unum gravissimum peccatorem Filius DEI descendit. Invita omnes creaturas, ad gratias ei tecum referendas.

4. Considera postea, quæ fuerint loca minus digna, quæ tamen Christus, sponte ingressus est, eaq; glorificavit. Itaq; his eum alloquere.

Æstimo Domine te hodie intrasse stabulum Bethlehemiticum, in quo sunt bestię indomitæ & effrænatae passionum mearum, converte obsecro illud in Sacrum tibi palatium. Persuadeo mihi te accubuisse in præsepi pleno stramine & paleis sensualitatis: converte illud quæso in thronum gloriæ. Agnosco te DEUM meum intrasse infernum tot dæmonibus plenum, quot anima mea inquinata est sceleribus, converte illum obsecro in paradisum Angelorum.

5. Præterea exerce omnes actus, quos cogitatione concipere potes exercuisse S. Paulum raptum ad tertium cælum. Et S. Magdalenam, quando post tot annos poenitentia inter Angelorum melodias Sacrum hoc Viaticum de manibus S. Maximi Aqueusis Episcopi suscepit.

6. Considera attentè, quid fecerit & dixerit B. Virgo, quanto cum fervore & ardore gratias DEO retulerit, quando sensit se gravidam DEI Filio.

7. Imaginare, quòd videas SS. Angelos ante SS. Hostiam prostratos, & eam in corde tuo adorantes.

Actus Salutationis CHRISTI.

Salve mundi salutare, Salve, Salve JESU
Chare, cordi tuo me aptare, vellem verè,
tu scis quare. Ore meo te contingo, & ar-
denter ad me stringo, in te meum cor intingo.
O quàm dulcis Panis iste, qui te gustat JESU
Christe, tuo victus à dulcore, mori posset præ
amore.

Salve sacer Christi vultus, cæsus, conspu-
tus, incultus, qui mutasti tuum florem, pro
me versus in pallorem. Salve caput veneran-
dum, totis votis amplexandum, quod diræ spi-
næ presserunt, & undiq; confixerunt,

Ave caro delicata, flagris scissa fatigata, quæ
pro me pergens ad lethum, gustasti fel & ace-
tum. Ave latus fons dulcoris, in quo patet
vis amoris, te saluto cor amænum, cor omni-
bus bonis plenum.

Manus, pedes perforatos, & cruore purpu-
ratos, corde veneror ac ore, interno ductus
amore; Tuas mi JESU sacratas, & mirè vernan-
tes plagas, nunc inscribe meo cordi, ut sim
gratus tuo cordi.

Ave dulcissime & gratissime JESU, desi-
deratissime & expectatissime, dignissime & hono-
rabilissime Hospes, amorq; mi JESU, ô quàm
te libenter in hac paupercula domo mea degen-
tem video.

Benedictus sis infinities JESU dulcissime A-
mor meus, benedicta sit caro tua, sanguis tu-
us, Anima tua, Divinitas tua, quòd venire di-
gnatus es ad me, Benedicta sint omnia mem-
bra corporis tui, omnes guttulæ Sanguinis tui,

X

Bene-

Benedicta sit unio hypostatica. Benedicta sit sacratissima Divinitas, & omnes Divinitatis personæ, quæ cum carne & sanguine tuo concomitanter ad me hodie venire dignatæ sunt.

Actus adorationis.

Saluto & adoro te Augustissimum Sacramentum, adorationibus omnium hominum & Angelorum usq; ad diem iudicii duraturis.

Agnosco te ô divinissimum Sacramentum in pectoris mei sacrario, inibiq; te totâ cordis mei præparatione adoro ac glorifico. Adoro te Corpus & Sanguis dulcissimi amoris mei JESU Christi.

Adoro te adorationibus omnium animarum purgatorii, & omnium Sanctorum jam in cœlo triumphantium & omnium creaturarum, quæcunq; fuerunt, sunt & erunt.

Saluto te Domine illâ præcipuè salutatione, quâ te SS. Mater Incarnatû, genitum, redi-vivû, in Eucharistia ad se venientem solita fuit salutare. Illâ, quâ te Sancti cum primum in cœlû veniunt salutare solent. Illâ, quâ tu Patrem Cœlestem, & quâ te Pater Cœlestis unaq; omnes Angeli cœlum ascendentem salutavêre.

Laudo & adoro te SS. Sacramentum tot laudibus, quot ore proferri, quot corde omnium hominum excogitari unquam potuêre vel possunt.

Laudo, & adoro te SS. Sacramentû tot laudibus, quot Sanctissima Trinitas suâ potentia depromere, Sapientia concipere, bonitate operari potest.

Q ados

O! adorande & divinis tantummodo amoribus sat digne redamande amor meus, inassumo etiam omnium creaturarum possibilem adorationes, & amerosos affectus, omnesq; illos ante te amor meus JESU dulcissime, plenâ hilaritate effundo, eosq; omnes tibi impendo, & affectum hunc in omne momentum & æternitatem continuare cupio, ac quantum possum continuo.

Actus Gratiarum actionis.

Quid retribuam tibi Domine JESU pro omnibus quæ tu tribuisti mihi? quomodo te non amabo dulcissime Hospes, amorq; mi JESU, aut potius quomodo amabo te?

Non est quidquam in omnium rerum universitate pretiosius te et ipso mi JESU. Itaque te ipsum, cum tua divinitate, humanitate, gratia, donis, meritis, gloria, omnibusque divitiis tibi offero. Offero & omnium iustorum ab origine mundi, usq; ad ejus consummationem virtutes & merita, ac pios affectus erga te dulcissime JESU in Venerabili SACRAMENTO existentem.

O! quis etiam mihi det omnium Sanctorum triumphantium & militantium corda ad te mi JESU diligendum? ô utinam haberem latitudinem cordis sicut arena maris, sicut totus mundus, ut amare te possim latissime mi JESU! Utinâ cor omnium hominum, cor omnium Angelorum, atq; utinâ cor tuum & MARIE meum esset, ut ardore succensus Seraphico & divino igne inextinguibilis charitatis tuæ ardeat, & totum me consumat, totum rapiat in

gnita vis amoris tui, ac me tecū unum efficiat.

O quā libenter te mi JESU excipio! ô quā cupio digne tractare te! ô utinā ab initio semper fuisse secundū cor tuū! utinā nunquam te offendisse! confidentius irem in tuos amplexus sanctissime Amor. Nunc autē conscius pudor rejicit animā meā ad pedes tuos hærentem.

Actus Petitionis post S. Communionem.

O! Dives Domine in misericordia & miserationibus, cujus sapientiæ & bonitatis infinitus est thesaurus, miserere tā magni mendici, cujus hodie pauperculam domum visitasti.

Benedic mi JESU hospes amantissime toti corpori, animæ, sanguini, visceribus, vitæ, membris, in quibus receptus, & hodie moraris. Benedic linguæ meæ, labiis, pectori, palati, atq; illi horæ, momento, quo ad me venisti. Benedic omnibus cogitationibus, conciliis, operibus, sermonibus, officiis, muneribus, motibus meis.

Extingue in me omnia terrena desideria, & succende me ignita vi amoris tui, ut sim tecū consummatus in unū, omnino abstractus à me ipso, & ab omni creatura. Dirige me in via tua & doce me facere voluntatem tuā. Augere in me fidem, spem, charitatem, & reliquas virtutes statui meo necessarias. Da mihi veniam peccatorum meorum, quæ multiplicata sunt super numerum arenæ maris. Da usum salutarem hujus SACRAMENTI, &

con-

concede, ne unquam te in mortali peccato suscipiam, & ne sine hoc viatico decedam ex hac vita.

Miserere omnium, pro quibus orare debeo, præcipuè consanguineorum, affinium, amicorum & N. Respice Domine omnes ægrotos, afflictos, tentatos, agonizantes, & in quacumq; necessitate vel periculo constitutos. Respice misericors DEUS, omnes Reges, Principes, & gentes Catholicas. Respice omnes Hæreticos, Schismaticos, Judæos, & totū Ethnicismum, omnes gentes a fide alienas, & omnes in peccato mortali existentes ac obstinatos peccatores, da illis gratiam, ut resipiscant, & ad te convertantur. Miserere Domine omnium inimicorum meorum. Succurre omnibus, qui se meis precibus commendaverunt, & pro quibus orare debeo. Da omnibus vivis gratiam & veniam, animabus fidelium defunctorum lucem & requiem sempiternam.

Deprecatio pro felici morte.

O! Corpus Domini mei JESU crucifixi custodi animam meam migrantem in vitam æternam. **O!** JESU esto mihi JESUS in vita & in morte. O sanguis pretiose Domini mei, fac, ne tuus infinitus valor & pretium pereat in me.

O mi dulcis JESU pro suprema illa necessitate supremam misericordiam tuam imploro. Illam gratiam peto, per MARIE & omnium Electorum tuorum merita, cum qua vides gratum me fore tibi in æternum. Suggere Domine mi iis, qui circa me tunc erunt, sug-
gere.

gere illa. quæ maximè vis fieri à me.

Anticipato benedic mihi misericors Domine, benedic mihi morituro. Et dum spiritus vitales deficient, mortuaq; lingua non poterit hoc tuum suavissimum nomen eloqui. Agnosce tamen tunc creaturam tuam non à diis alienis creatam, sed à te solo DEO vivo & vero. Non pereat in malitia sua, quod operata est bonitas tua.

Pulsant ad ostium tuum ô! JESU Crucifixo desideria rugientium præcordiorum meorum, ut in æternum non avellar à te. Noli me ô DEUS! in æternitatem plenam ærumnarum condemnare, qui pro me ad Crucem damnatus es. Non expedit, ut hæc lingua mea, quæ tunc pretioso sanguine rubescit, in æternum cū demonibus blasphemet te.

Ne patiaris mi JESU! Sanguinem tuum pretiosum perire in me, suoq; fructu privari, quem pro salute nostra effudisti. Ne patiaris Salvator Clementissime tantos labores tuos, quos nostri causâ pertulisti fieri irritos, tantum pretium ne sustine in vanum fuisse expensum: sed compleatur in nobis fructus Passionis tuæ, labor tuus in nobis proficiat, mors tua in nobis vitam operetur.

Ad B. Virginem & Sanctos.

Respice in me gloriosissima Virgo MARIA, quia nunc habeo in corde meo amantissimū Filium tuum JESUM, illum ipsum hodie mihi dono datum tibi repræsentō, & offero tuis brachiis constringendum, tuo ore exosculandum, tuo corde amandum, & unā mecum adorandum.

Sancti

Sancti Angeli, Sancti Archangeli, Cherubim & Seraphim aspice primogenitum Patris æterni, quem introeuntem in orbem terrarum jussu Patris adorastis, adorare nunc eundem in corde meo, cantate illi pro me Sanctus, Sanctus.

Omnes Sancti & Sanctæ DEI, vos præsertim Patroni mei amate in corde meo, laudate & magnificate mecum hunc Dominum meum, quia esurientem implevit bonis, & respexit super canem mortuum similem mei.

Conclude.

Anima JESU sanctifica me. Sanguis JESU lava me. Passio JESU conforta me. Vulnera JESU sanate me. Cor JESU recipe me. Spiritus JESU anima me. Bonitas JESU reconcilia me. Pulchritudo JESU attrahere me. Humilitas JESU deprime me. Mansuetudo JESU mitiga me. Pax JESU pacifica me. Amor JESU inflamma me. Gratia JESU reple me. Misericordia JESU salva me. Sanctitas JESU consecra me. Puritas JESU emunda me. Crux JESU sustenta me. Clavi JESU configere me. Spinæ JESU coronate me. Fel JESU inebria me. Os JESU benedic me, in vita & in morte, in tempore & in æternitate. Amen.

Praxis alia

Devotissimè CHRISTO in S. Eucharistia sumpto, DEUM colendi.

Accedo supplex & repo ad te mi DEUS! cum sim pulvis & cinis, atomus & minuscula creatura tua, imo nihil sum, & nihil est te

te dignum; quod ego ex me, cum omnibus puris creaturis, in ullo genere tibi offerre possum. Sed habeo tamen ex dono tuo unde me juvem, ut dignè & ut divinam Majestatem tuam decet, glorificem, te adorem, laudem, amem. gratias agam.

Habeo enim intra me Christum JESUM, DEUM hominem, hominem DEUM, qui ita se mihi communicavit, imò commiscuit, ut ego in illo, & ille sit in me. Usurpare igitur nunc Domine commodissimè, aptissimèq; possū verba Prophetæ tui: Benedic anima mea Domino, & omnia quæ intra me sunt nomini Sancto ejus.

O! mi DEUS, quod nunc intra me est, est ut dixi, homo DEUS. Filius tuus, ille igitur, qui nunc totus meus est, & intra me positus, vices meas obear; ille digne pro me benedicat nomini sancto tuo, ille intra me, & in me amet te, glorificet, adoret, gratias agat, deferatq; tibi (nam potest) non me dō infinitum, sed dignum te honorem, ad infinitam complacentiam & gustum tuum.

Per illum Majestatem tuam laudant Angeli, adorant Dominationes, quidni & ego per illū id faciam? cū sit intra me; imò verò, quia factus sum illi concorporeus, consanguineus, adeoq; ita in illum transmutatus, ut non tã ille sit unum mecum, quam ego unum cum illo, amo te sic unum cum illo factus corde, & amore illius infinito, jam & corde meo, ad infinitum gustum tuum.

Detestor omne peccatum, & quidquid tibi displicet, odio & deestatione illius: adoro te, glorifico, magnifico, benedico, adoratione, glori-

glorificatione, magnificatione, laude, benedictione, obsequiis infiniti valoris, & theandricis, ac te dignis.

Gratias tibi ago pro omnibus beneficiis, Sanctissimæ illius Humanitati, Beatissimæ Virgini Matri ejus, omnibus Sanctis, atq; omnibus creaturis, & inter illas mihi postremo concessis, gratitudine & affectu illius, universosq; ejus affectus internos & externos, vitæ mortalis ac immortalis, seu æternæ; quos & secum mihi donavit, & sicut me unum secum, ita illos meos fecit, tibi velut thymiana suavissimi odoris ad infinitam oblectationem divini cordis tui tibi offero.

C A P U T VIII.

Praxis devotè & reverenter celebrandi
Sacrificium Missæ.

*Ante celebrationem, considerandum, quanta sit
Sacerdotum dignitas, & quanta aequi-
at esse Sanctitas.*

Dignitas Sacerdotum, omnium Principum, omnium Regum & Cæsarum fulgorem & potestatem superat ac excedit. Ita de illa S. August. in Psal. 37. O! veneranda Sacerdotum dignitas, in quorum manibus DEI Filius velat in Utero Virginis incarnatur. O felices Sacerdotes, si sacerdotaliter vixeritis. O magnum mysterium, quod per vos Sanctissima TRINITAS operatur, Cælum miratur: horre-
relicit infernus: contremiscit diabolus: reve-
retur

retur quàm plurimùm Angelica celsitudo. Ille enim, qui creavit me sine me (si fas est dicere) creatur mediante me. Et ille, qui ex nihilo cuncta creavit sine me, dedit mihi creare se. O Sacerdotes attendite! major est vobis dignitas collata, quàm Angelis, qui adorant, quod vos conficitis.

Considerate ergo (monet aurea Chrysostomi lingua) quo non oporteat esse puriores atq; ferventiores tali & fruantes & ministrantes sacrificio? quo solari radio non splendidiores manus Christi carnem dividentes? Os, quod igne spiritali repletur, & lingua quæ tremendo nimis sanguine rubescit? Cogitate quali sitis insigni honore, quali mensa fruimini, quod Angeli horrescunt, neq; libere audent intueri propter emicantem inde splendorem, hoc vos tractatis, hoc dividitis, hoc pascimini, & facti estis unum Christi corpus, & una caro. Nullus itaq; Judas assistat.

Idem in alio loco: Sacerdotem Christi sic necesse est esse purum, ac si in cœlis ipsis collocatus inter cœlestes illas virtutes medius staret: Illi enim, qui non mundâ animâ Corpus Christi accipiunt, idem supplicium perferunt cum illis, qui eum clavis cruci affixerunt. Immo magis exaggerat S. August. qui dicit: Gravius peccant indignè offerentes Christum regnantem in cœlis, quàm qui eum crucifixerunt in terris.

At verò multi sunt ministri seu Sacerdotes Altissimi, qui contra eminentissimam Angelici Apostolici imò summi atq; divini statûs dignitatem in gravissimorum facinorum cæno voluntantur. Unde ut talibus ad emendationem, probis

probis autem ad cautelam, DEI timorem incutiam, adduco terrificam S. Gregorii Magni de off. post sententiam: Nullum puto ab aliis majus præjudicium, quam à Sacerdotibus tollerat DEUS, quando eos, quos ad aliorum correctionem posuit, dare de se exempla pravitatis cernit. Et S. Petri Dam: op. contra Infir: Cler. Deterius nemo peccat, quam Sacerdos indignè sacrificans. Aliter in quocunq; modo peccantes, quasi Dominum in rebus ejus offendimus: indignè verò sacrificantes, velut in personam ejus manus injicere non timemus.

Nec immeritò in Sacerdotem indignum investitur purpuratus Ecclesiæ Doctor S. Hieron. *Vae tibi Sacerdos! qui eodem ore oscularis filium Veneris, quo paulò ante sumpisti Filium Virginis. O impie Juda! osculo filium hominis tradis! Tales multo dignius multoq; rectius ad carcerem vel catastam pœnalem, quam ad Sacerdotium protracti fuissent.*

In Revelationibus S. Birgittæ sæpissimè DEUS conqueritur super iniquitate Sacerdotum, exaggerans gravitatem, &c: vocans eos peiores Judæis & Paganis, & omnibus aliis delinquentibus, asserens majora tormenta inferni esse illis reservata, & majori supplicio puniendos, quam Judam. Et in quodam capite replet eos mille horrendis maledictionibus, & in fine maledicit JESUS, quidquid edunt, bibunt, tangunt, elementa, quæ eos sustentant; & illæ Revelationes sæpius ab Ecclesia approbatæ fuerunt.

D. Dion. Carth. ait. Angelum revelasse servo DEI, ferè nullos in Purgatorio Sacerdotes inveniri, eò, quia, qui sanctè vivunt, illico cœlum intrant, vel parum in igne morantur,

rantur, cæteri qui impure vivunt, damnantur, non permittens DEUS ob gravem injuriã illatam Ordini, & Sacramento, ut verè pœniteant: cui concordant D. Jo. Chrysostomi verba. Non temerè dico, sed ut affectus sum, ac sentio, non arbitror inter Sacerdotes multos esse, qui salvi sint, sed multò plures, qui pereant, in causa est, quia res excelsum requirit animum, & innumeris oculis illis opus est undignæ.

Quapropter ô Sacerdotes, ô Religiosi ad tantũ dignitatis fastigium evecti! recogitate (per salutem vestrã) recogitate, quia membra Christi, ac templum estis Spiritus Sancti. Si beatus est venter, qui novem mensibus Christum portavit, & beata debent esse corda eorum, in quibus quotidie elegit hospitium Filius DEI. Si beata sunt ubera, quæ parvulus suxit, beatum debet esse os, quod carnem Christi sumit, & sanguinem sugit. Nescitis inquit S. Paulus, quia templum DEI estis, si quis autem templum DEI violaverit, disperdet illum DEUS. Si Laicus est templum DEI, quantò magis Sacerdos?

Et ideo Fratres charissimi (verba sunt Sancti Augustini ser. 152. de temp:) unusquisq; consideret conscientiam suam, & quando se aliquo crimine vulneratum esse cognoverit, prius confessionis lavacro, orationibus, jejniis, & elemosynis studeat emundare conscientiam suam, & sic Eucharistiam præsumat suscipere.

Præcognitio futuri Operis.

Quid facere aggredior? negotium omnium negotiorum maximum! introibo in Sancta Sanctorum, hominum ad DEUM mediatorem

torem agam! in conspectu Curiae coelestis corā
SS. Trinitate publicam totius mundi causam pe-
rorabo! Parum est, sed etiam quod non est
concessum Angelis, quod omnis creaturae me-
rita excedit, corpus & sanguinem IESU Chri-
sti veri DEI verbis producam, & cum SS.
Trinitate operabor hoc magnum Sacramentū!
insuper etiam manibus tractabo! intuebor ocu-
lis! ore contingam! in viscera recondam!

O negotium omnium negotiorum maximum!
Facecite quævis alia negotia, omnes aliò avo-
cantes cogitationes abite. Ruat mundus, pe-
reant amici, quidquid pretiosissimum est, unius
horæ involvatur damno. Majus præ omnibus
negotium est. Ad hoc solum anima mea om-
nes potentiarum sensuumq; vires intende,
hoc tracta. Cum illo jam inde occupari elige,
cum quo beatissimè æternū occupabere. Me-
lior omnibus creaturis DEUS, huic omnia
creata postpone.

*Ante Missam dicenti hanc Orationem conces-
sit 50. annorum indulgentiam Gregorius*

XIII.

EGo volo celebrare Missam & conficere Cor-
pus & Sanguinem Domini nostri IESU Chri-
sti, juxta ritum Sanctæ Romanæ Ecclesiæ, ad
laudem omnipotentis DEI, totiusq; Curiae tri-
umphantis: ad utilitatem quoq; meam, toti-
usq; curiæ militantis, pro omnibus qui se cō-
mendaverunt orationibus meis, in genere & in
specie, & pro felici statu Sanctæ Romanæ
Ecclesiæ.

Gau;

Gaudium cum pace, emendationem vitæ, spatium veræ poenitentiae, gratiam & consolationem Sancti Spiritûs, perseverantiam in bonis operibus, tribuat nobis omnipotens & misericors Dominus. Amen.

Deinde illa potest dici Oratio ex l. 2. Mach. 1. Jonathæ Sacerdotis. Domine DEUS omnium Creator, terribilis & fortis, justus & misericors, qui solus es bonus Rex, solus præstans, solus justus, & omnipotens, & æternus, qui liberas Israël ab omni malo, qui fecisti Patres electos & sanctificasti eos: Accipe Sacrificium pro universo populo tuo, & custodi partem tuam & sanctifica, ut sciant gentes, quia tu es DEUS noster.

Oblatio Sacrificii in quantum est Latrenticum, seu Adorativum.

O Ter magne DEUS! in unione primi & summi sacrificii & Sacerdotis Christi: in unione omnium Sacerdotum novi & veteris testamenti, & sacrificatorum usque ad diem judicii; Toto corde & corpore prostratus ego pulvis & cinis, hodie offerre tibi intendo Sacrificium corporis & sanguinis JESU CHRISTI Domini nostri, Et imprimis.

In recognitionem Tuæ admirabilis in unitate TRINITATIS; Tuarum Personalitatum, DEI Patris, DEI Filii, DEI Spiritûs Sancti.

In adorationem infinitarum perfectionum, Attributorum, & Proprietatum tuarum, Tuæ nimirum Sapientiae, qua comprehendis te ipsum, & omnia possibilia, præsentia, præterita & futura. Tuæ Immenſitatis, quâ cœli
2. ter,

& terram imple. Tuæ Eternitatis & Immortalitatis, quâ semper idem es, & anni tui non deficient. Tuæ Omnipotentiae, Tuæ Voluntatis, Pulchritudinis, Beatitudinis.

In adorationem tuorum actuum liberorum, Tuæ Misericordiae, quâ gravissimos quosq; toleras peccatores, ut convertantur. Tuæ Iustitiae, quâ nullum peccatum impunitum relinquis. Tuæ Prædestinationis Electorum, ac reprobationis præscitorum. Tuæ Providentiæ & dispositionis æternum de nobis duraturæ. Tuæ Liberalitatis in omnes creaturas diffusivæ.

In cultum patriæ tibi soli debitum, ac in protestationem supremi tui domini in omnes creaturas, & nostræ subjectionis, ac omnimodæ dependentiæ à te.

In recompensationem laudis & gloriæ tibi ab Angelis Apostatis & damnatis, item ab omnibus infidelibus & peccatoribus, denegatæ & non persolvendæ. In supplementum omnium blasphemiarum, quæ fiunt in terra & inferno contra Eucharistiam. In suppletionem omnium superstitionum & adorationum impensarum creaturis inanimatis & falsis Numinibus, & subtrahatur Tibi DEO vivo & vero.

In quantum est Gratiarum actiſſimum.

IN unione gratiarum actionis, quam agit & agit ab initio creationis suæ Sanctissima anima Christi, B. Virgo MARIA, & omnes Sancti & beati. Gratiarum tibi Domine hoc Sacrificio ago, pro immenso gratiarum, donorum, & gloriæ thesauro, quem contulisti Humanitati Christi Domini in via & in Patria.

Gratias

Gratias tibi pro beneficiis concessis Beatissimæ Virginî, præcipuè verò dono Virginæ Maternitatis divinæ. & immaculatæ Conceptionis, ac pro ipsius exaltatione in cœlesti gloria super omnes Angelos & Sanctos.

Gratias tibi pro beneficio creationis, conservationis, cooperationis, concursûs exhibitio & exhibendo omnibus & singulis creaturis. Pro Incarnatione Verbi divini, pro vita, Passione JESU Christi. Pro doctrina ejus, consiliis, præceptis, exemplis, miraculis. Pro redemptione nostra, pro usu & institutione Sacramentorû. Pro dilatatione per totum mundum Christianæ fidei, fundatione Religionum, extirpatione hæresû.

Pro creatione omnium Angelorum ad gloriam tuam, & nostram custodiam. Pro prædestinatione, Vocatione, Justificatione, Glorificatione omnium Electorum. Pro conversione omnium peccatorum.

Pro beneficiis collatis omnibus comprehensoribus & viatoribus prædestinatis, & reprobis peccatoribus, ingratiss & infidelibus, demonibus & damnatis: imò etiam pro beneficiis, omnibus creaturis irrationalibus, quæcunq, fuerunt, sunt & erunt præstitis.

Gratias tibi Domine & pro beneficiis mihi indignissimo collatis. Præcipuè quia me creasti ad imaginem & similitudinem tuam, dono tuæ gratiæ per baptismum ditasti. Angelû ad mei custodiam deputasti, me pretioso Sanguine Filii tui redemisti, è seculo nequam eripuisti, Sacerdotem fecisti, donis tuis naturalibus ditasti, tot media ad salutem æternam & alia necessaria ad decentiam statûs, copiosè præbuiisti: ac pro beneficiis omnibus notis & incognitis,

gnitis, præteritis, præsentibus, & futuris mihi præstitis & præstandis.

In quantum est Impetratorium.

O Pater misericordiarum & DEUS totius consolationis! quia me famulum tuum, licet gravissimâ flagitiorum meorum onustum sarcinâ, legatione fungi apud te voluisti pro omnibus hominibus vivis & defunctis. Offero tibi Sacrificium hoc.

Imprimis pro Summo Pontifice Papa nostro. N. Cardinalibus, Patriarchis, Episcopis, Abbatibus, Parochis, Sacerdotibus, & universo Clero. & omnibus aliis curam animarum gerentibus; ut omnes oves sibi commissas verbo & exemplo fideliter pascant.

Pro statu Religionum omnium, & cunctis Religiosis, præcipuè N., ut reducantur ad fervorem & perfectionem, in qua fuerunt institutæ.

Pro Augustissimo Christianorum Imperatore, & cunctis Regibus & Principibus Catholicis, pro omnibus Magnatibus & Magistratibus, ut Ecclesiam venerentur, mandata tua custodiant, & de hostibus fidei triumphent.

Pro omnibus Benefactoribus, consanguineis, amicis, & inimicis. Pro omni statu Ecclesiæ. Pro Virginibus, conjugatis, viduis, & orphanis, pauperibus, peregrinantibus, captivis, ægrotis, navigantibus, incarceratis, afflictis, in quacunq; necessitate & periculo constitutis: ut illis donec auxilium, remedium & consolationem prout expedit ad gloriam tuam & salutem illorum.

Pro omnibus infidelibus, Turcis, Mauris, Idololâtris, Judæis, Hæreticis, Schismaticis, & aliis dissidentibus ac omnibus obstinatis peccatoribus, ut ad te convertantur & resipiscant.

Pro me ipso tandem infelicissimo peccatore supplico tibi DEO meo, ut præsentiam tui æterni Remuneratoris semper vivacem ubiq; in omnibus circumferam; ac omnes annos meos, menses, dies, & noctes, horas, & momenta, cogitata, dicta, & facta impendam soli gloriæ tuæ.

Da mihi Domine veniam & remissionem omnium peccatorum. Confirma me in gratia tua, ne unquam mortaliter peccem. Da vitam plenam meritis & tuo amore ferventem. Da mihi gratiam semper dignè celebrandi, communicandi, & Viaticum in extremo agone sumendi. Largire præservationem à malis animæ & corporis, perseverantiam in bono finalem. Insuper tribue gratiam, ut in his totâ vitâ mihi carissimis immoriar nominibus: JE-
SUS & MARIA. In particulari autem fructû quem possum & debeo illi N. principaliter applico, pro quo celebrare intendo.

In quantum est Propitiatorium.

QUIS sum ego indignissimus terræ vermiculus ut audeam faciem meam levare ad te, & aspicere alti udinem cœli? Christi igitur Filii tui, Clementissime Pater, pretiosissimo Sanguine & meritis onustus, offero tibi infinitam hanc propitiationem divinissimi hujus Sacrificii, pro omnibus peccatis, quibus offensus

es à

es à creatione mundi, & offenderis usque ad diem iudicii.

Offero pro omnibus peccatis meis commissis, corde, ore, & opere. Accipe tremenda iustitia DEI corpus & sanguinem Domini mei, & delicta mea, ac ignorantias meas ne memineris.

Offero tibi Sacrificium hoc & pro omnibus, cum majori Majestatis Tuæ indignatione perpetratis peccatis: Præcipue per hæreses, superstitiones, idololatrias, dæmonum invocationes, errores, & magicas artes. Per Christicidium & Antichristi peccata.

Offero & pro animabus omnium fidelium defunctorum præcipue N. implorans Clementiā tuam, cui propriū est misereri semper & parcere, ut extinguas earum ardorem optato rore misericordiæ tuæ, & cito purgatas in conspectum tuum admittas.

Actus diversarum Virtutum.

Actus Fidei.

Persuadeo mihi firmiter, mi dulcis abscondite JESU me sub candido specierum Sacramentalium velamine, millies desideratissimum & speciosissimum vultum tuū latentem agnoscere.

Persuadeo mihi videre mentis oculis roseum corpus tuum, ex quo fontes saluberrimi quinque vulnerum tuorum, fontes aquarum viventium scaturiunt.

Et si non videam nunc in manibus tuis fixuram clavorum, et si non mittam manum meā in latus tuum, credo tamen, quia tu es Dominus meus & DEUS meus.

Et quia te DEUM meū in SS. SACRAMEN-
TO hic latentem firmiter confitor, ideo no-
mine omnium infidelium te non credentiū & sci-
re volentium, nomine omnium Hæreticorum &
Schismaticorum te blasphemantiū, nomine o-
mnium dæmonum & damnatorum te non adorante-
tium, ego credo, adoro, ante te procido,
tibi nomine terrestrium & infernorum inclamo:
centies millies laudetur SS. SACRAMEN-
TUM.

Actus Spei.

SCio mi Domine! quia propter peccata mea
indignus sum aëre, quem respiro, indignus
cælo, quod aspicio, dignus mille infernis. Et
quomodo præsumam accedere ad te sub his Eu-
charisticis speciebus verè præsentem? Ibi enim
adest corpus tuum sole splendidius electum ex
millibus. Ibi est Sanguis pro nostra salute
effusus. Ibi deniq; latet divinitas tua.

Abyssus tamen malitiæ, nequitiae, & nihili
mei, abyssum invocatur misericordiae & boni-
tatis tuæ Domine. Nam licet plures sint a-
renæ maris iniquitates meæ, spero tamen quia
non repelles me à te, spero in pretio San-
guinis tui, utiq; Domine nihil horum odisti
quæ fecisti. Utq; & catelli edunt de micis Do-
minorum suorum.

Actus Charitatis.

QUid retribuam tibi Domine JESU, quia
transiturus de hoc mundo ad Patrem, re-
liquisti nobis pignus amoris immensi, do-
nans nobis pretiosissimi corporis & Sanguinis
tui Sacramentum?

Cur non mille habeo corda mi JESU! quæ
ad tan-

ad tantam tui vivi incendii flammam resolvantur in cineres dilectionis tui? quomodo anima mea tota se non eviscerabit, exinanietq; in charitatem bonitatis & misericordiae tuae?

O si quantus quantus sum, totus nunc consumar, totus liquecam, totus suspensus de te deficiam à me, & transeat in te, totus vitali amoris tui more moriar.

Actus Humilitatis.

Quis sum ego eminentissimi DEUS, ut tantum opus aggredi audeam? quis ego sum & quis tu es? Tu DEUS magnus & grandis nimis! DEUS Majestatis! DEUS cui cogitatio nulla par! DEUS nihil horum omnium, quæ cogitantur, aut sunt, sed super illa omnia!

Ego autem quis sum? ego conceptus & educatus totus in peccatis! ego peccator major & vilior, quàm patem, & quàm cogitare possum! ego labiis & toto corpore pollutus! ego mille titulis debitum inferno caput! ego terræ exosum portus, & cœli odium! ego tanto vilior, quàm plurimum peccatorum constringor reatu! ego vilissimorum omnium vilissimus!

Tantusne DEUS tantillo homini incorporabitur? O Sacramentum! ô Mytherium! ô arcanum abditum! quis unquam id beneficii genus ausus est optare? nunquam in cor hominis descendit dignatio tanta.

O Domine! si tu ob imensitatem non agnoscis te, sine sultem, ut mea vilitas cognoscat se, & quidem meritò formidet conjungi tibi.

O Cor meum, quàm audax & temerarium es,
quod

quod vel cogitare audes accedere ad hoc Sacramentum. Estne tibi Seraphica illa crystallo nitidior puritas? Instar miraculi Ecclesia prædicat, quod Filius DEI non horruerit Virginis uterum, qui tamen à Spiritu Sancto pulcherrimo gratiarum, donorum, ac virtutum omnium apparatu fuerat instructus. Quomodo igitur te cubile draconum; te prostibulum, immandities, te sentina scelerum non exhorrescat? &c.

Actus Contritionis.

O Quantâ contritione ac lacrymarum fonte, quantâ reverentiâ, & tremore, quantâ corporis & animæ puritate hoc divinum ac celeste Sacrificium est celebrandum mi Domine! ubi caro tua in veritate sumitur, ubi Sanguis tuus in veritate bibitur, ubi ima sumonis, terrena divinis junguntur, ubi adest Sanctorum Angelorum præsentia, ubi tu es sacrificium & Sacerdos mirabiliter & ineffabiliter constitutus.

O utinam & millies utinam, nunc totum mare versum in sanguinem, vel potius lacrymas ducere possem per caput meum, ut vel sic mundaretur sentina extremæ vilitatis & peccatorum meorum, quam tu inexcogitabilis dignitatis Domine mi JESU inhabitare elegisti.

O utinam & millies utinam cor meum extractum à corpore daretur mihi candentibus carbonibus frustatim adeò examinandum, ut decoctâ ad purum scoriâ ejus, saltem etsi non dignam, non tamen tam nimis indignam tibi præbere possem mansionem,

O utinam mi JESU nunquam te offendissem! ô utinam te solum & unicum semper amâssem!

Pœni.

Pœnitet me peccasse, ideo solum, quia amo-
te, semperq; pœniterebit: & si possem, inini-
to dolore nunc dolerem, quod offenderim te.
Non amplius tamen mi JESU non amplius.
Hic sit terminus delictorum meorum. Prius
à dæmone obsidear, aut pœnas inferni pati-
am, quam peccem; & te amorem meum offen-
dam.

Commemoratio Dominica Passionis.

OMnes sancti Patres, Commemorant onem Do-
minicæ Passionis, Sacrificium celebranti, su-
per omnia necessariam esse affirmant, præci-
piente Apostolo: Quotiescunq; manducabitis pa-
nem hunc & calicem bibitis, mortem Domini an-
nuntiabitis donec veniat. Quæ verba expendens
Seraphicus Doctor dicit: Timeo nequaquam
sine remorsu conscientiae ac præjudicio ad Sa-
crificium posse accedere, nisi præmemorata
ipsius instituentis charitate, ac ejus passione &
morte, in cujus memoriam perpetuo recolend-
am, illud Sacramentum debere confici & per-
cipi ipse præclare asseruit & injunxit.

Praxis.

Salvete delicata membra Domini mei JESU
Christi, pro salute nostra diversis pœnis in
passione cruciata. Salve reverendum caput
pro nobis spinis coronatum, arundine percus-
sum. Salve pretiosissima facies pro nobis con-
spata & alapis cæsa. Salvete benignissimi Sal-
vatoris nostri oculi pro nobis lacrymis per-
fusi. Salve sacrum os, gutturq; suavissimum
pro nobis felle & aceto potatum. Salvete au-
res nobilissimæ pro nobis opprobriis & contu-
meliis afflictæ.

Salve

Salve collum regium pro nobis colaphizatum,
dorsumq; Sanctissimum pro nobis flagellatum.
Salvete venerabiles manus & brachia pro no-
bis in cruce extensa. Salve pectus divinif-
simum pro nobis in passione conturbatum &
con usum. Salvete pedes adorandi pro nobis
clavis confixi. Salve latus gloriosum pro no-
bis lanceâ militis perforatum. Salve corpus
JESU totum pro nobis in cruce suspensum,
vulneratum, mortuum, ac sepultum.

Salve cor mellissimum summæ Trinitatis ga-
zophylacium pro nobis in cruce disruptum.
Salve ter Sanctissima JESU Christi anima ad
mortem usq; contristata. Salve Sanguis pre-
tiosissime è vulneribus Christi cepit effusa.
Salvete adoranda Salvatoris nostri vulnera,
monimenta charitatis & pretia Redemptionis
humanæ. Per hæc vulnera tua mi bone JE-
SU, sana animam meam, & esto propitius
mibi indignissimo peccatori.

Pia desideria Et affectus immediatè ante

Sacrum eliciendi.

O JESU millies desideratissime! ecce jam ap-
propinquat hora. hora inquam felicissima
quâ te DEUM meum in animam meam in-
scepturus sum. Extende igitur Sacratissimas
manus tuas mi dulcis JESU ad amplexandam
animam meam, & ne proicias me à facie tua,
liet id peccatis meis meruerim.

O utinam nunc talem ac tantam devotionẽ,
talem ac tantum amorem, talem ac tantam
mendiciem, quâ ullum unquam humanum cor
ornatum fuit, in me haberem.

Uti.

Utinam & millies utinam, omni virtute, omnino desiderio repletus essem!

O utinam & millies utinam omnium Angelorum puritatem, omnium Apostolorum charitatem, omnium Martyrum merita, omnium Confessorum sanctitatem omnium Virginum haberem puritatem & munditiam.

Utinam tali reverentiâ devotione & amore te possem suscipere, sicut Beatissima Mater tua in tua Incarnatione & postmodum in Sacramento suscepit.

O quàm ego illo tempore, quo Sanctissimam hostiam sumam, cuperem esse Cherubin & Seraphin, non propter meam sensu ditatem sed propter tuam dignitatem mi DEUS!

O utinam & millies utinam tuum sanctissimum & divinissimum Cor haberem mi JESU! ut Te in illud ipsam, tali quæ dignus es modo suscipere possem.

Utinam me dulcis JESU totaliter ex tua presentia accendas, comburas, & in te transformes, ut unus tecum efficiar Spiritus per gratiam intimæ unionis, & liquefactionem ardentis amoris.

O si vel ad unicam momentum transferar in te, absorbearq; à te, ut te DEO meo, quantus quantus es in te, fruatur & satiet, potest & inebriet, hauriat & obruat, tenendo atq; fruendo, amando atq; innatando.

O Virgo Beatissima Mater misericordiæ! ô SS. Angeli, Sancti DEI omnes precipue Patroni mei N. N. ad vos clamo pauper, nudus, & humilis me euntem ad altare, ad immolandum corpus & sanguinem JESU.

Salve collum regium pro nobis colaphizatum,
dorsumq; Sanctissimum pro nobis flagellatum.
Salvete venerabiles manus & brachia pro no-
bis in cruce extensa. Salve pectus divinif-
simum pro nobis in passione conturbatum &
con usum. Salvete pedes adorandi pro nobis
clavis confixi. Salve latus gloriosum pro no-
bis lanceâ militis perforatum. Salve corpus
JESU totum pro nobis in cruce suspensum,
vulneratum, mortuum, ac sepultum.

Salve cor mellissimum summæ Trinitatis ga-
zophylacium pro nobis in cruce disruptum.
Salve ter Sanctissima JESU Christi anima ad
mortem usq; contristata. Salve Sanguis pre-
tiosissime è vulneribus Christi copiose effusus.
Salvete adoranda Salvatoris nostri vulnera,
monimenta charitatis & pretia Redemptionis
humanæ. Per hæc vulnera tua mi bone JE-
SU, sana animam meam, & esto propitius
mibi indignissimo peccatori.

*Pia desideria & affectus immediatè ante
Sacrum eliciendi.*

O JESU milles desideratissime! ecce jam ap-
propinquat hora, hora inquam felicissima
quâ te DEUM meum in animam meam in-
scepturus sum. Extende igitur Sacratissimas
manus tuas mi dulcis JESU ad amplexandam
animam meam, & ne projicias me à facie tua,
licet id peccatis meis mernerim.

O utinam nunc talem ac tantam devotionem,
talem ac tantum amorem, talem ac tantam
mundiciem, quâ ullum unquam humanum cor
ornatum fuit, in me haberem.

Uti.

Utinam & millies utinam, omni virtute, omnino desiderio repletus essem!

O utinam & millies utinam omnium Angelorum puritatem, omnium Apostolorum charitatem, omnium Martyrum merita, omnium Confessorum sanctitatem omnium Virginum haberem puritatem & munditiam.

Utinam tali reverentiâ devotione & amore te possem suscipere, sicut Beatissima Mater tua in tua Incarnatione & postmodum in Sacramento suscepit.

O quàm ego illo tempore, quo Sanctissimam hostiam sumam, cuperem esse Cherubin & Seraphin, non propter meam sensualitatem sed propter tuam dignitatem mi DEUS!

O utinam & millies utinam tuum sacratissimum & divinissimum Cor haberem mi JESU! ut Te in illud ipsum, tali quò dignus es modo suscipere possem.

Utinam me dulcis JESU totaliter ex tua presentia accendas, comburas & in te transmutes, ut unus tecum efficiar Spiritus per gratiam intimæ unionis, & liquefactionem ardentis amoris.

O si vel ad unicum momentum transferer in te, absorbearq; à te, ut te DEO meo, quantus quantus es in te, fruor & satier, poter & mebrier, hauriar & obruar, tenendo atq; fruendo, amando atq; innatando.

O Virgo Beatissima Mater misericordiæ! ô S S. Angeli, Sancti DEI omnes præcipue Patroni mei N. N. ad vos clamo pauper, nudus, & humilis me euntem ad altare, ad immolandum corpus & sanguinem JESU.

SU Christi, ornate vestris virtutibus, falcite meritis vestris.

O Pater da mihi Filium tuum JESUM! ô JESU! da mihi te ipsum! O divinissime Spiritus da mihi corpus & sanguinem Domini mei! O JESU sis mihi JEUS.

De proxima dispositione ad Missam.

Antequam Sacras vestis induas breviter tacita mente institue colloquium. Et imprimis.

Interroga te ipsum. Quid facere aggredieris peccator & vilis homuncio? tunè hodie apud SS. Trinitatem in conspectu Curiae coelestis habebis audientiam? tunè introibis in Sancta Sanctorum?

Postea alloquere DEUM Patrem: O Pater! egonè mancipium tuum indignum, repræsentabo hodie Filium tuum in A a crucis tibi immolatum? Egonè labiis sordidioribus ipsius inferni faucibus, & manibus Luciferi, manibus quodammodo inquinatioribus præsumam atrectare dilectum Filium tuum? Egonè in guâ meâ fædis contaminatâ sceleribus, è sinu tuo in terram sub species Sacramentales unigenitum tuum evocabo?

Interroga Clementiam divinam, qui fieri poterit, ut pro tanto ausu & temeritate ipsi dæmones tuorum scelerum conscii, te è vestigio altaris abreptum in oculis hominum non strangulent?

Dum Sacras vestes induis, velut lupum te in vestimentis ovium esse æstima: & dæmones tuorum scelerum conscios videaris audire per
irris.

irrisum exprobrantes: En Saul inter Prophetas!

Postea singula sacri cultus ornamenta cum contumelioso Christi amictu compara. Porro Amictus, velamen illud significat, quo facies Christi velata est, cum percutiebant eum, illudentes. Alba, vestem albam denotat, quâ ab Heroe velut stultus indutus fuit. Cingulum funes, quibus in horto vinxerunt eum, sive flagella, quibus columnæ alligatum crudelissimè ceciderunt. Manipulus, vincula. Stola, funes collo ejus injectos, sive crucis patibulum humeris ejus impositum. Planeta, vestem purpuream.

Ad Altare procedens, mente intueberis Christum, quasi cruce onustum ante oculos tuos ad montem Calvariæ incedentem.

Cum perveneris ad Altare, cœlum tibi desuper velut apertum contemplare, & effusam innumerabilem Angelorum & Sanctorum omnium multitudinem te intueri, cogita. Admirare tunc, esse tibi homuncioni indignissimo, & exuli cantanda cantica Domini in terra aliena, & cantica Angelorum.

Epistolam & Evangelium lecturus dic intra te: Egonè in Ecclesia DEI depromam oracula, qui tamdiu sedi in Cathedra pestilentiae? Egonè Evangelium promulgabo, qui factis & exemplis Evangelium impugnavi?

Ante tempus oblationis erubescere & confundere, tecum serio versans; quidnam animi gerere velis, qui unicum & percharum Patri Filium, quem non semel peccatis tuis enecuvisti, præsumas offerre?

Quando Patinam cum Hostia accipis, repone simul

simul in ea cor tuum, cor omnium circumstantium & fidelium. Dum vinum Calici infundis, gratias ages DEO, quod sub his speciebus se occultare voluerit, vel elicies desiderium te totum immergendi in abyssum meritorum CHRISTI.

Dum manus lavas, desidera ut erumpant sanguineæ lacrymæ ex oculis tuis, vel pretiosissimæ guttæ aquæ & sanguinis ex latere Christi ad diluenda peccata tua.

Cum dicis ante consecrationem, memento Domine famulorum famularumq; tuarum: statue tibi ob oculos cordis JESUM recenter cruci affixum, totum sanguinolentum, dilaniatum, & discerptum in toto corpore, eumq; cum lacrymis pro omnibus nobis Patri supplicantem.

Memento igitur vivorum junges cum memento Christi in cruce pendentis, ac in ipsius vulneribus depones omnes ac immerges, pro quibus orabis

Ante Consecrationem cum summo timore & horrore Christi verba tibi ad aurem dici exi-stima: Ecce appropinquat hora, & filius hominis tradetur in manus peccatoris. Dum accipis panem, puta te videre splendidissimos & lucidissimos referari cœlos, Angelos omnes effundi, ipsum Filium DEI in divinis splendoribus supra panem consecrandum descendere.

Verba consecrationis prolaturus, considera te ipsius Christi personam gerere, & verba enuntiativè in persona ipsius proferre. Proinde tunc vel maximè mentaliter intentionem actualem breviter formare poteris. Volo in persona Christi & Ecclesiæ conficere corpus & Sanguinem Christi; vel sicut ego converto

mi DEUS substantiam panis in substantiam corporis tui, & vini substantiam in Sanguinem tuum, ut desidero converti cor meum in amorem tui perpetuum.

Cogita & illud Augustini sub actu consecrationis, quod tunc quasi incarnatur & nascitur Filius DEI in manibus Sacerdotis. Proinde desidero, ut gustu huius Sacrificii aboleantur omnes offensæ (& ut ita dicam) disgustus divini obmundi peccata. Deinde desidero renovare gustum divinum ex Sacrificio cruento Christi & ex omnibus Sacrificiis à primo ad ultimum ante diem iudicii.

*Insuper tunc elice desiderium concentrandi omnes actus sanctissimos cuiusvis creaturæ intellectu-
alis & possibilis, omnia merita, affectus devotiones, præparationes ab ullis elicatas & elicendas, cuiusvis loci & temporis, cum omni circumstantia, intensione, multiplicatione, extensione, perfectissimè.*

Prolati verbis consecrationis cum summa admiratione, amore, & timore, puta te videre aut infantulum JESUM, eumq; speciosissimū formā præ filiis hominum, ad quem adorandum eumq; custodiendum innumerabiles Angeli de cælo lapsi sunt: aut JESUM in manibus tuis quasi in cruce recens extensum. Proinde tunc cordialissimos mente affectus elice.

Dominus meus & DEUS meus; vel: JESU Fili David miserere mei; vel: ô Pater! dono tibi JESUM. Vel: Non dimittam te Domine JESU, donec benedixeris mihi & toti mundo; vel: voces cœlestium, terrestrium, & inferorum dicite elevato Domino: Laudetur SS. Sacra-

cramentum. Vel amo te DEUS meus pro omnibus & in omnibus & in æternum amare volo: vel: O JESU crucifixe parce mihi & omnibus peccatoribus! vel: O Pater dilectissime respice in me, quia in manibus meis habeo dilectissimum Filium tuum; vel: O si exultationem illam sentire nunc possem quæ te Dominum, dum crux attolleretur, totum excruciauit! vel: O MARIA! en dilectus Filius tuus: Vel: Hæc genuflexione in persona omnium creaturarum adoro te, ac demum pro omnibus, qui te non adorant, sed blasphemant, sive in terra sive in inferno.

Dum calicem elevas dic in corde: O Pretiose Sanguis Domini mei ablue me: Vel: O JESU in Sanguine tuo depono & demergo peccata mea & totius mundi: Vel: Quis mihi det ut moriar etiam pro te mi JESU? ô si meum scatentem in venis cruorem pro te effundere possem! Vel: O Pater! en sanguis Filii tui clamat ad te pro nobis non vindictam sed misericordiam.

In memento Defunctorum, primo commendabis animam, pro qua specialiter offers sacrificiū. Postea sine præjudicio illius commendabis animas consanguineorum, benefactorum, Religiosorum, devotorum ad Beatissimam, fame, peste, bello sublatorum, animas, quæ suis carent suffragiis. Animas, quarum corpora in hac Ecclesia & in omnibus aliis per totum mundum requiescant. &c.

Ante Communionem post verba: Domine non sum dignus. Imaginare Sanctos Angelos cum summa alacritate aperire penetrabilia cordis tui, & illuc introducere optatissimum Hospitem tuum dul-

um dulcem JESUM.

Admirabundus ad tanti hospitis præsentiam clama ardentissimo corde: unde mihi ut veniat Dominus meus ad me? Exi à me Domine, quia peccator sum, & ipsis damnatis deterior. Cur tantum te mi JESU humilias? Credo, spero, diligo. O JESU dono tibi cor meum. Paratum cor meum DEUS, paratum cor meum. Doleo mi JESU quod nunquam offenderim te. Misericordias tuas in æternum cantabo. Non dimittam te Domine, donec benedixeris mihi.

Ante Evangelium daturus benedictionem populo, elevatis in Christum crucifixum oculis dic: O mi JESU tu ipse avulsis à cruce manibus benedic mihi, benedic circumstantibus, benedic Patriæ nostræ, & omnibus Fidelibus.

Actus post Missam.

Credo quia tu es Christus Filius DEI vivi, qui ad me descendisti. Vivo ego jam non ego, vivit verò in me Christus. Quid sunt plagæ istæ in medio manuum tuarum mi JESU? Cor meum & caro mea exultaverunt in DEO meo. Sanctus, Sanctus, Sanctus Dominus DEUS Sabaoth. Pleni sunt cœli & terra gloriâ tuâ. Per viscera misericordiæ DEI nostri visitavit nos oriens ex alto. Gloria in excelsis DEO. Quid mihi jam est in cœlo & à te quid volui sepe terram? defecit caro mea & cor meum DEUS cordis mei, & pars mea DEUS in æternum. Nunc dimittis servum tuum Domine secundum verbum tuum in pace, quia viderunt oculi mei salutare tuum, quòd

quod pirasti ante faciem omnium populorū.
Domine JESU noverim me, n. verim te, nec
aliud cupim nisi Te. Magnificat anima mea
Dominum, & exultavit Spiritus meus in DEO
salutari meo. Misericordias Domini in æter-
num cantabo.

Actus Admirationis & gaudii de DEO.

Excorram te lu.issime JESU te fisti anima mea,
misericordia plena! ut quid permisisti, à me in-
dignissimo peccatore te hodie tractari: & in
lutrāam corporis mei sceleribus multis libe-
factam deponi? Quomodo tulisti, ut hanc
tibi execrandam injuriam irrogarem? Anni
lacrymarum & poenitentiae mille non suffice-
rent ad Sacramentum tam excellens semel di-
gne suscipiendum, quāto minus ego indignus
aptus esse possum, qui peccare quotidie non
cesso, incorrigibilis persevero, & imparatus
accedo!

Pro admirando habetur, quod ad imperiū
Josue Sol in cælo steterit, sed nunquid non
magis est stupendum, quod ad vocem Sacer-
dotis, velut vocem meam hominis nequissimi
& malitiosissimi, DEUS cum tota sua immensa
ac infinita Deitate sub speciebus Sacramentales
descendit, & ibi non rarò indignissime tra-
ctatur?

Quid est hoc mi dulcis JESU? Quid inquā
est hoc? Tu qui adeo immensus es, ut cun-
ctæ creatæ te capere non valeant, à parvula
contentus Hostia in mea intrasti viscera fæda?
unde mihi Domine ut tu venias ad publica-
num & peccatorem? An nescis, quis sim ego?
pulvis

pulvis utiq; & cinis, vas sordidum, esca verumium, & ad hunc tu de cœlo venis? O DEUS & Dominus noster, quàm admirabile est nomen tuum! Quid retribuam tibi Domine pro omnibus his, quæ retribuisti mihi?

O si te nunc non meo indignissimo, sed Seraphico, sed Mariano, sed tuo corde, mi JESU intensissimè amare possem! ô si omnia creata corda omniumquæ cordium affectus & amores in meum cor immergere & includere possem, quàm vellem te amare dulcis amor meus!

Tibi laudes concinant, tibi mecum gratias agant, te pro me mi JESU ignitissime ament Beatissima Virgo MATER, SS. Angeli, ac omnes Beati, universi populi, tribus, & linguæ. Jubilent tibi pro me omnes creaturæ, & misericordias tuas in æternum concinant.

Actus Adorationis.

Ave augustissimum SACRAMENTUM. Ave dulcissime & gratissime hospes amorq; mi JESU: Saluto te salutationibus omnium creaturarum, quæcunque fuerunt, sunt, & erunt.

Ave mi bone JESU, deliciosissimum cordis mei centrum, recipe me in suavissimos amoris tui amplexus. Transfer me in te.

Osculor mi JESU venerabiles manus tuas pro me cruci affixas. Osculor pedes tuos pro me clavis confixos. Osculor latus gloriosum pro me vulneratum.

Ave tremendum Salvatoris mei caput coronâ spineâ redimitum. Ave frons sole te-

renior cruentata & in lapsu percussa. *Avete* oculi pro me velati, contusi, livore pleni. *Avete* aures contumeliis lauciatae. *Ave* dulce os pro me siti & aceto cruciatum.

Petitiones post Missam.

O Domine! cujus viscera misericordiae patent omnibus, qui neminem vis perire, ideoq; pro omnibus hominibus mortem subiisti, & hoc Sacramentum instituisti. Respice in me oculis misericordiae tuae, succende me ignita vi amoris tui. Dirige me, & da finale in gratia tua perseverantiam.

Obsecro etiam Domine, ne ob respectum scditatis meae & peccatorum meorum illos negligas vel non exaudias, qui se per me tibi in hoc Sacrificio commendaverunt. Succurre itaq; & esto propitius benefactoribus, confanguineis, &c. &c.

Effunde miserationes tuas Domine Princeps Regum terrae, in omnes Reges & Catholicos Principes, & in omnes gentes, quae Te non noverunt, Turcas, Idololatrias, Hæreticos, &c.

Defende omnes fideles tuos à fame, peste, & bello, à cunctis adversitatibus & periculis. Memento tot miserabilium peccatorum in peccatis mortalibus existentium. Ne finas eos labi, qui in periculo & occasione peccandi versantur.

Succurre Summo Pontifici nostro, cunctisq; Prælati & Presbyteris. Dissipa consilia impiorum, ne quidquam Ecclesiae tuae, Regno huic & propagationi gloriae tuae officiant. Da huic congregationi, ad quam me vocare dignatus

gnatus es bona spiritualia & temporalia. Da Superioribus omnibus zelum disciplinæ, subditis obedientiam.

Succurre omnibus afflictis, pauperibus, ægrotis, agonizantibus, tentatis, incarceratis, & universo omnium statuum populo tuo. Succurre animabus purgatorii, ut refrigerium, quietem, & lucem æternam obtineant.

Actus alii superiùs videantur post Communionem fol: 313.

Ad Beatam Virginem & Sanctos.

Respice me ô Domine! quoniam unicus sum Filio tuo JESU, & cum unicus sim Filio tuo, ego quoq; Filius tuus sum.

O Domina mea! ô Mater mea! doce me Filium tuum amare, ut tu illum amasti, doce me cum illo deliciari.

Omnes Sancti Angeli & Patroni mei, vos amate, vos adorete, vos laudate meum dulcissimum JESUM, quia ego nescio, quid dicam DEO vitæ meæ.

Conclude post M.ßam.

Anima Christi inclina me: Corpus Christi salva me: Singulis Christi inebria me: Aqua lateris Christi lava me: Passio Christi conforta me: O! bone JESU exaudi me: Intra vulnera tua absconde me: ne permittas me separari a te: Ab hoste maligno defende me: In hora mortis mee voca me: & jube me venire ad te: ut cum Sanctis tuis laudem te, in sæcula sæculorum. Amen.

CA 2

CAPUT IX.

Proponuntur quædam Praxes seu Exercitia colendi per Annum Festa Christi Domini.

VIATOR DEUS.

In Adventu Domini.

O! Quando factus Viator DEUS cœli exultabit ut Gigas ad currendam viam? ô quando procedet tanquam Sponsus de thalamo suo?

2. O Pater misericordiarum! num in perpetuum oblivisceris nostri? derelinques nos in longitudinem dierum? operi manuum tuarum non porriges dexteram? Excita Domine potentiam tuam & veni, ut salvos facias nos.

3. Quid lætor tpe magna dilecte mi, & spe detineor sola? quousq; promissis dives, pauper, & inops jaceo? quoties discissis oculorum nubibus, flumina effudi melior delphinus, nec tot aquis prodigè sparsis, atraxi dilectum meum?

4. Quousq; nostrum æmuli cœli, tot promissum sæculis tanquam ære circumfessum dilectum meum cingitis? tot sæculis vester est, ut exsatiari fimes sitisq; potuerit. Quid negatis, promissum pignus mundo ad vos rediturum?

5. Uriq; tot sæculis expectatus, tot signis adumbratus, tot vaticiniis prædictus, tot votis expectans, tot suspiriis exoptatus, tot deniq; lacrymis quæsitus es mi Domine! quid moraris? ô longa mora! ô tædiola dilatio!

6. Quemadmodum desiderat cervus ad fontes aquarum, ita desiderat anima mea, ut te videre possit, in ergastulo carnis, nam sine contagio carnis.

7. O nos felices! quid audio? propter miseriam inopum & gemitum pauperum nunc exurgam, dicit Dominus. Læsus est peccato DEUS; satisfaciat DEUS, factus est homo reus, fiat homo DEUS, ut liberetur reus. Pecavit caro, mundet caro.

8. O ingenium amoris divini! ut redimeretur homo factus est DEUS homo.

9. Ecce jam Rex noster advenit de cœlis, latentur cœli & exulter terra ante faciem Domini, quia venit: quoniam venit salvare nos & dare se nobis.

10. Salve dies tot ætatibus exoptata, quæ DEUS pro nobis factus est homo. Salve Gabriel Arch-angele tantum nobis annuntians gaudium. Salve Virgo gloriosa in cujus utero castissimo carnem assumpsit DEUS!

11. O quàm potens es amor, qui ad tam infima abjicis DEUM! ô quàm divino est dissimilis amor meus.

12. O bonitas infinita! ô admiranda dignatio tua Domine, ut servum redimeres, Filium tradidisti!

13. Ama, amplectere Virgo Beatissima pro me dulcissimum Filium tuum in clauastro uteri tui Virginalis latentem.

14. O Sancti Angeli adorete pro me primogenitum Patris æterni, quem ad nos traxit amor, rapuit charitas, reclinavit in utero Virginis misericordia, amate illum pro me, cantate illi Sanctus.

15. Tu, qui in Sancto habitas, excita potentiam tuam, & veni ex utero: tader animam meam vitæ meæ quia non videbo te DEUM Deorum in Sion.

16. O utinam mi Domine citius disrumperes cœlum uteri Virginalis, & ad nos descenderes! ô longa mora! ô tædiota dilatio!

17. Tibi dicit Domine JESU cor meum, exquirat Te facies mea, faciem tuam ardentissimè videre concupisco: sonet vox tua divine Patris in auribus meis, vox enim tua dulcis, & facies tua decora.

Eodem tempore.

Actus ante S. Communionem.

Dilexisti nos ô bonitas! & tantopere, tantâ cum amoris vehementia dilexisti, ut dares non creaturam, sed Filium, eumq; non è pluribus unum, sed unigenitum atq; unicūm, donâst nobis vilissimis, indignissimis, ingratis-
simis, peritissimis.

Etenim ille propter nos homines & propter nostram salutem descendit de cœlis, & Incarnatus est de Spiritu Sancto, qui Amor est, & Homo factus.

Mi DEUS amabilissime! eonè te adduxit amor, ut, in unam rem compaginare res dissimulimas: infini eq; dfrantes, DEUM & hominem, ut DEUS fieret homo, quæ major potest esse exinanitio? ut homo fieret DEUS, quæ major potest esse exaltatio? qui excogitari potest arctior cum creatura nexus, imo unitas? Nempe hoc amoris est, amantem cum amato reddere quàm potest maximè unum.

O In-

O Ingeniose amor! quid non ampliùs excogitasti, quod nec cogitari quidem videbatur poss. , en non tantùm homo fieri propter me voluisti, sed etiam in SS. Sacramento te ipso tuo corpore & sanguine nos cibare constituisti?

Obstupescite cœli super hoc! sed & laudate cœli, & exultet terra, jubilate montes laudē, simulq; universa cantate Domino canticum novum, quia mirabilia fecit Dominus, verē mirabilia. An non hoc novum, non hoc mirum, quod creavit Dominus super terram? hominem peccatorem cum DEO, DEUM cū homine unum facit amor!

Veni ergo ô amor! etiam ad pauperculam animam meam, & qui fecisti, ut unum sint DEUS & homo unitate personæ, effice, ut unus tecum efficiar sub speciebus Eucharisticis Te sumendo, amore inseparabili.

O! panis vitæ descende de cœlo uteri Virginis, refice esurientem animam meam non amplius non ampliùs possū vivere sine te. Quid me dilecte diutius mortē inter vitāq; suspensū tenes? mors mihi certa sine te, vita nulla sine te est. Quid vitam morituro negas? tu vita mea & vita, solus es. Vivam, si in me vivas, mihi moriar, si moreris mihi. Quousque Virginis pascereis utero, & fraudor aspectu tuo?

Quid te tenet in conclavi castitatis abditum? tot jam annos expectavi ante sæcula conditū. Redde pignus, quod tulisti Virgo manens integra, satis ventre nutritivisti Matris, dones ubera. Scimus Matrem, scimus natum nasciturum sæculo, tumor prodit cœlo datum, quem fovebas clanculo.

Que-

Quousq; Virgo Mater dilecto gaudes solo? impleamur omnes votivo tantum in hunc diem gaudio gravidi. Tuus est fateor, sed & meus est. Matris jure tuus, adoptionis meus. Quid diutius recondis Mater & publicare metuis cœlo concessum natum? Si non erubisti ad conceptionem, quid erubescis ad partum? concepisti Virgo, fovisti Virgo, paries Virgo, lactabis Virgo.

Nè verere, solo Virgineo lacte pascetur dilectus tuus, virgineo ludet ille sinu tuo, collo pendebit tuo, ubere lactabitur tuo. Videamus te Matrem: an erubescis ad nomen Matris? Uterus natum prodit, Angelus totque jam ante Vates cœlo pleni. Largire proinde mundo natum, ut propriè jam dicaris Virgo Mater.

O! veni, & expectatione lassam refice mentē mi dulcis hospes. hæc vota mea de penetrabili cordis mei deprompta, inter suspiria lacrymis nataantia, inter inastuantes amorum flammæ oculorum fluminibus temperatas, inter calentes melioribus ignibus preces venio oculorum imbre rigatas, offero tibi & effundo.

Quo affectu te suscepit Virgo Beatissima dulcis JESU, eodem affectu sub his speciebus tibi manenti cor meum inscribo, exhibeo & offero. Tu homo factus es in utero. Ecce anima mea ancilla tua, fiat ei, fiat mihi secundum verbum tuum. Veni Domine Homo DEUS. Uniq; apud te non est impossibile omne verbum, non est difficile in conspectu Domini ditari pauperem.

Impetra mihi Virgo Mater, ut Verbum Caro, tua factum habitet in nobis per Sacramentalem

talem præsentiam, & videamus gloriam ejus, gloriam quasi unigeniti à Patre pleni gratiæ & veritatis.

O S. Gabriel Archangele impetra mihi, ut gratiâ plenus sim, & Dominus sit mecum in SS. Sacramento præsens, utinam idem regnet in domo mea in æternum, & regni ejus non sit finis.

Gaude & exulta anima mea, ecce Rex tuus venit tibi. En ipse stat post parietem, en pulsat ad cor tuum, ut ipsi aperias. O quanta mea felicitas! Regem cœli & terræ meo saluipiam hospitio, illum complectar, quem castissimis suis visceribus, ac in ulnis suis Virgo Mater gestavit.

Actus post S. Communionem.

Anima mea liquefacta est ut dilectus locutus est; quæsiivi & inveni quem diligit anima mea, verè viderunt omnes fines terræ salutarem DEI nostri.

Nolite mirari SS. Angeli & Archangeli, quòd DEUS homo ad hominem peccatorem diverterit, Spiritus enim Sanctus supervenit in me, & virtus Altissimi obumbravit mihi, ideoq; & quod per verba, consecrationis natum est, sanctum vocatur, DEUS homo vocatur, latens & immolatus DEUS.

Salve itaq; ô dilecte, salve ô ex millibus electe, salve candide & rubicunde fili MARIÆ Virginis, salve totus desiderabilis, totus delectabilis. Salve unice votorum meorû, ipse mea ab uberibus.

Salve Puella maximè, salve infans Verbum
DE. m

DEUS homo, te adorant omnia viscera animæ meæ, te agnoscit, te amat, te æstimat ignitissimè anima mea.

Tu Virgo Mater dignissimo hospiti meo, Filio tuo, tanta in corde meo illud tuum Magnificat, quo SS. Trinitatem delectasti, Tu mihi concede illos tuos affectus amoris, quibus eundem, sive in utero, sive in ulnis tuis prosecuta es.

Benedicant etiam te ô tenelle JESU generose Virginis Matris sanguis, omnes Sancti & Electi tui, qui propter nos homines & propter nostram salutem descendens de cœlis incarnatus es, nec horruisti purissimæ Virginis uterum, sed de pretioso ejus sanguine carnem assumens, Homo factus es.

Agnosco & amplector misericordiam tuam æternam erga me hospes amantissime, atque infinitas tibi pro omnibus, quæ tribuisti nobis gratias ago: teq; supplex omnium creaturarum possibilitium possibili affectu adoro, laudo, glorifico, te amo & amabo super omnia in æternum.

Accedo etiam ad te acclinis Virgo Mater, ago tibi gratias, quod hunc Filium DEI Dominum meum, quem ego nunc in Sacramento suscepi, in uterum tuum suscepisti, quod ei sanguinem tuum purissimum ad formandum hoc corpus suppeditasti, quod illum pro hoc usu meo nutritivisti & educasti. Beata viscera tua, quæ portaverunt hunc æterni Patris Filium, & Beata ubera, quæ lactaverunt Christum Dominum.

In vigilia Nativitatis Domini.

1. **N**unc e tandem à quando post tot saeculorum luctum à q; squallorem ô parve DEUS! ô magne puer! tam impatenter expectate. quàm vehementer expetite.

2. Nascere Domine, expectat te Mater tua, ut te osculetur oculo oris sui, ac pannis involvat; expectat te Iosephus, ut te DEUM in carne idore: expectat bos, ut cognoscat te possessorem suum, alius, ut cognoscat præsepe Domini sui.

3. Nativitas tua infans divine, gaudium annuntiabit universo mundo, tu enim es sol iustitiæ, & gaudium universæ terræ.

4. Egredere Domine de terra tua; evocat te militia coelestis, ut evangelizet gaudium magnum: Pastores, ut te salutent: Magi, ut munera offerant, Simeon, ut te excipiat in ulnas suas.

5. Veni Domine propter miseriam inopum & gemitum pauperum: expectant te cæci, ut videant; claudi, ut ambulent; leprosi, ut mundentur; mortui, ut resurgant.

6. Age, perge Rex magne, ab ætheris palatio ad pauperrimam calam, à stellis ad paleas, ab Angelis ad jumenta, à divina Numinis tui forma ad humanam Christi speciem delabere.

7. Dic mihi Virgo Mater ubi nascetur Filius tuus? num in stabulo? ô inaudita amoris prodigia! dilecti mei cubile, stabulum est, lectus Sponsi mei fanum, pulvillus stramen, aula, vilis spelunca.

8. O Puella Divine! Amor magne & parve!

ve! Tu es qui seraphinos tuis dulcissimis ignibus inflammas, cur non stipulam & fœnū, in quibus jacebis infantulus accendes?

9. O divinitas tremenda! ô Humanitas amanda! ô DEUS! ô HOMO! ibi magnus in cœlis es! & hic parvus in terris! ibi regis sydera, hic suges ubera! ibi sedes inter Angelos, hic jacebis inter bestias! ibi dives in throno, hic pauper in fœno.

10. Heu me! quàm votis meis contraria ego video? noluerunt te mi DEUS homines, hominem DEUM habere inter se non te admitterunt, sed ad bestias & stabulum amandarunt, quasi de te dictum fuisset, quod de superbo Rege dictum erat: *Ab hominibus ejicient te, & cum bestis fœvisq; erit habitatio tua.*

11. Utinam mi JESU tuæ nativitati præsens adesse possem, dignusq; habitus, qui te balitu meos pro brutis animalibus calefacere!

12. At mise ebuntur tui ipsa jumenta, tui satellites, botculus & aiellus, hi rigens immiti brumâ & frigore tenerrimum corpulculum & delicatula menbra anhelitu suo utrunq; fovebunt & calefacient.

13. Veni ergo Domine & noli tardare, veni JESU pulcherrime, clarissima gemma nata in mari divinitatis paternæ, cujus originem nullus intellectus creatus potest indagare.

14. O Puer! ô DEUS! ô hominum & Angelorum amor! ô Rex cordis mei! ô Imperator animæ meæ, te videre concupisco, te desidero amplecti, osculari, tuos pedes, quia catellus tuus lambere volo.

15. Fecit enim diem, quâ amplectar dilectum meum, quâ infigam casti pudoris oscula, quâ
tene-

teneras plantas dissuaviabor basiis, quâ manus illius tornatiles aureas, digitosq; ebore candidiores purpureis figam labris: quâ membra à virgineo Matris utero recentia, virgineo ante purpureoq; rore pasta, sinu manibusq; fovēbo meis.

16. Cur non hodie hâc felicitate beari possum, ut connivente Matre, plaudentibus Angelis, arridente Nutritio, stupente cœlo, mille dilecto meo figam basiâ? involvam cordi cunarum vice, pro fasciis stringam brachiis, pro culcitra substernam pectus, pro pulvillo genas? O si hodie staret dulce pondus genibus meis! ô si suavis penderet collo sarcina!

Eodem Die.

Actus ante S. Communionem.

Heu mihi quia incolatus meus prolongatus est dum dicitur mihi quotidie ubi est DEUS tuus? JESUS tuus? Quando veniet Dominator, quem tu anima mea quæris & Angelus testamenti, quem tu vis & desideras? Quis mihi det, ut inveniam te mi dulcis JESU foris, & deosculer te?

Quid igitur dicam aut quid respondebo dū dicitur mihi: Ubi est Rex tuus & DEUS tuus? ubi Rex gloriæ & Dominus virtutum?

Si Rex est, & quidem Regum Rex; an in eo sedet, quem demonstravit Daniel throno? ubi millia millium ministrant ei, & decies centena millia ei assistunt? An ibi est, ubi eū vidit Iſaias sedentem super solium excelsum & elevatum, ubi Seraphim velant faciem & pedes ejus alis, clamantq; alter ad alterum:

San-

Sanctus, Sanctus, Sanctus Dominus DEUS exercituum?

An ascendit super Cherubim & volat super pennas ventorum, & è tenebrosa aqua in nubibus æris tonat, ac mittit sagittas suas, fulguraq; multiplicat, ut commoveatur & contremiscat terra, & fundamenta montium conturbentur?

At frustra in angusta atq; horrida specie quero Amorem meum! Non bene conveniunt, nec in una sede moratur majestas & amor. Non etiam ego te quero dilecte mi prout intus es in sinu Patris, quia sic lucem habitas inaccessibilem. te potius quero in gremio Virginis Matris.

O Virgo inclita utpote partui proxima speciosa facta es & suavis in deliciis tuis, ex quo gaudium Angelorum & deicias humani generis possidere incipisti, quam gloriosa dicta sunt de te civitas DEI, ex quo homo DEUS, homo victus & homo captivus receptus est in te.

Scio Domine, quia in cælo parasti sedem tuam & in sole uteri Virginalis posuisti tabernaculum tuum, & ego non sum dignus videre altitudinem cæli præ multitudinem iniquitatum mearum; dixisti tamen Domine delicta mea sunt esse cum filiis hominum. Et alibi: Ponam tabernaculum in medio vestri. Ergo veni Domine & noli tardare. Visita nos in salutari tuo. Excita potentiam tuam & veni.

Jam enim venit mi DEUS plenitudo temporis, & Matri impletum est tempus pariendi, quo debet apparere benignitas & humanitas tua, ut visites nos, qui novem mensibus diebus

bus ducentis septuaginta sex inhabitasti Virginiis uterum, similis per omnia infantibus reliquis effectus.

O ! dulcissima Mater dulcissimum mihi portans pondus, descende ad me, en tibi cor meum. Scio quia non es habitura locum in divensorio, diverte ad cor meum, ibi tuum & totius mundi thesaurum depone; volo illum halitu meo, imò amore intensissimo calefacere.

Veni Domine JESU, veni, adest jam dies, ut ad sis; veni patet tibi porta cordis mei. Veni amor mi, jam tandem inveniam te foris fraterculum meum. Veni amplectar te, exosculer te, introducā te in cubiculum cordis mei. In unione amoris illius quo tu suscepisti carnem nostram. In unione puritatis, amoris, affectuum & meritorum, cum quibus te suscepit Virgo Mater in incarnatione, desidero te hodie suscipere, te tractare, illos æstus amoris concentrare in cor meum, quibus cor Virginis Matris ardebat in tuo adventu.

Actus post S. Communionem.

Salve mi dulcissime ac potentissime hospes Domine mi JESU diu desiderate, anxie quaesite, sollicitè ad amate, saluto te ex intimis animæ meæ visceribus, ac quā possum veneratione, te excipio.

Adoro & amo te Infans divinissime, quo Verbum assumpsit corpus & animam inter se unita ad componendam individuum naturam humanam.

Jubilare etiam omnes Angeli & Sancti in conspectu

spectu Regis Domini: conspiciendum enim se, humanitate indutus præbuit Rex & Dominus noster, visus in terris est, & cum hominibus conversatus. Moveatur mare & plenitudo ejus, flumina plaudant manu; montes exultent ab hoc conspectu Domini, quoniam venit.

Laudem dicite DEO nostro pusilli & magni, venit enim ad me desideratus cunctis gentibus, & qui in sole posuerat tabernaculum suum, nunc ad hominem peccatorem diver- tit. Verè viderunt omnes fines terræ salutare DEI nostri, Benedictus, qui venit, DEUS Dominus & illuxit nobis, Dominus venit: Oc- currite illi omnes animæ meæ potentæ dicen- tes: Magnum principium & regni ejus non e- rit finis, DEUS princeps pacis.

Dignus es ô Agne mi! ô Verbum incar- natum, ô mi dulcis JESU, accipere honorē & gloriam & benedictionem ab omni creatura, quæ in cælo est, & super terram, & sub terra, ut omnes junctis vocibus sine cessatione dicant tibi: Benedictio & ho- nor, & gloria, & potestas, Agno & DEO nostro humana carne induto, & ad nos veni- enti in sæcula sæculorum.

Media Nocte Nativitatis Domini.

1. **N**UM, quem diligit anima mea, vidistis?
vobis loquor Angeli Sancti: dicite mi-
hi de JESU meo, cui nunc cecinistis? in-
dicare mihi quem diligit anima mea.
2. **P**ISSIMA JESU Mater aperi mihi ostiū di-
lecti mei: vadam & videbo hunc Puerum na-
tum antequam moriar.

3. **J**E.

3. JESU Fili DEI, ostende quæso te animæ quærenti, & vultum tuum cernere cupienti: quare enim dignatus es nasci, nisi velles etiam agnosci?

4. Omnes Reges terræ desiderabant videre faciem Salomonis, & audire sapientiam ejus, & ecce plus, quam Salomon hic: finite ergo Pastores me introire ad Regem natum, ut osculer scabellum pedum ejus, & stabulum ejus.

5. Jam quod quæsi habeo, JESUM meū invenio, & summo bono gaudeo, cur jam corde non ardeo?

6. Gaudens hodie gaudebo in Domino, & exultabit anima mea in DEO JESU meo: inveniem quem diligit anima mea, tenebo pedes ejus, nec dimittam, donec benedixerit mihi.

7. Salve millies desideratissime hospes, salve dulcis puelle JESU, ô JESU Nazarene, Rex sæculorum, Rex cordium, deliciarum omnium, primæ ac summæ deliciæ, felicissima beati amoris æternitas. Salve vivificans gemma divinæ nobilitatis. Salve immarcescibilis flos humanæ dignitatis JESU amantissime.

8. Salve JESU, dominator omnium, speciosus forma præ filiis hominum, te agnoscimus & veneramur nostrum clementissimum Dominum.

9. O Mater! ecce Filius tuus. En pallent illius labella corallina! marcent rosæ genæ, ubertim stillant geminæ ocellorum gemmule; crebro gemit os formosulum; alternis singulit pectusculum lacteum, miserè tremunt frigidæ manus; undiq; titubat mollicela caro; tenerè palpitant parvula cum corculo viscera, toti trepidant infantiles artus.

10. O verè beatissima nox clarior omnibus
seculi noctibus quæ scire mernit tempus &
horam quando de virginali utero egressus est
DEI Filius nostræ fragilitatis corpore in-
dutus.

11. O benedicta nox, & laudent eam omnes
Fili lucis, quia natus est in ea Christus Filius
DEI, lux æternæ lucis.

12. Sed quomodo mi DEUS! pusillus
vagus in duro præsepio, & jaces mutus in-
ter animalia?

13. O prodigium! en Viator JESUS cœ-
li terrarumq; amor, procumbit inter bestias,
quia non est, ubi reclinet caput suum in di-
versorio, & fessus est ab itineribus æterni-
tatis!

14. Angelus dicit: Evangelizo vobis gau-
dium magnum, natus est Salvator; at quale
mibi gaudium, dum plorat contemptus, nec di-
versorio receptus Amor?

15. O prodigium gaudii simul & doloris!
Salve, inquit Despara Fili mi & osculabatur
eum, sed lacrymando, quia præfigebat illud:
Ave Rabbi: Ecce DEUS, & canitur: Glo-
ria in altissimis! sed quid illud? Ecce ho-
mo, & clamabitur: Crucifige eum. O! quā
diversa for. hic in stramine, ibi cum arun-
dine: hic in fuscis, ibi in vinculis: hic tene-
ro vagum vitam inchoat, ibi clamore valido &
lacrymis vix in finet.

16. O! Virgo beatissima, præbe lambent JE-
SULO mamillam, ut ipse pro te præbeat per-
cutient maxillam. Lacta pia Mater Chris-
tum tuum & Dominum in gratiam nostram.
Lacta

Lacta eum, quem concepisti sine pudore, peperisti sine dolore.

17. O! mi JESU humillime & altissime plantulis tuis pronus accido, osculor pedes tuos intra præsepis angustias arctatos, osculor pro me clavis perforandos. Adoro in parvo corpusculo tuo tuam immensitatem, in paupertate tuas divitias, in muta infantia tuam sapientiam, in tenella ætate tuam æternitatem, in carne mortali tuam immortalitatem.

Die Nativitatis Domini.

1. O Felix! ô ter beata hora! quâ hodie secus viam cecidit Verbum caro factum.

2. Cur non ardet cor meum tenerrimo tui amore infans formosissime, qui salutem meam in ipso tui ortu operari cœpisti? quomodo non amabo te, mi Domine ita amantem me?

3. O homo! quantum magnificatus es, & quantum DEUS benignissimus apposuit cor suum erga te? an non clamabis usq; & usque? Quid retribuam Domino pro omnibus, quæ tribuit mihi?

4. Non misit DEUS Angelum, non Archangelum, non Patriarcham, non Prophetam, sed ipse venit Rex Angelorum, & Dominus Prophetarum ad liberandum me.

5. O DEUS bonitatis! nunquam magis te reddidisti amabilem, quam cum te exhibuisti miserabilem. Nunquam clarius resplenduit bonitas tua, quam cum annihilata videbatur majestas tua.

6. Vulnerasti cor meum tuo adventu mi JESU, vulnerasti cor meum, utinam exnummori possem & vivere tibi.

7. Quis te adduxit mi JESU nisi amor? & quis de cœlo te traxit, & ad me inclinavit nisi amor? O amor & amor, quam dulcis & fortis est hic amor! O etiam in me tam vehemens nascitur ardor, cui nihil sapiat, nisi JESUS æternus amor!

8. O quando in amplexibus vestris beatæ cunæ colliqueſcam totus? quando pro sano ſubſternar tibi dilectæ votorum meorum? quando pro ſcelsis ſtringam, involvam pro panis? quando inſigam d'lecto meo caſti pudoris oſcula? occupavit ora Mater; inſigā pedibus cum Evangelica amātrice, amoris lavando fontibus, tergendo crinibus. Spargite oculi amica lacrymarum balnea, quibus innatent pedes ab uberibus Matris pendentes.

9. Meis affectibus parvule JESU careo: offero tibi affectus Angelorum pſallentium, & Paſtorum te adorantium. Offero tibi affectus Virginis Matris. Quam enim grata & gravis Matris oſcula tuis teneris impreſſa labris? quam mollia tui ipſius baſia Virginis Matris ſuaviantia genas: quam dulcia Matris ubera Virgineo rore grvida?

10. Repræſento tibi terra puerum natum, tibi datus, tibi natus, ex intacta Virgine.

11. Non audebam ob peccata mea accedere ad te mi JESU, nunc accedam, quia vincſus es & ligatus. Quis enim poſſet timere hunc parvulum? quem non ſuccedent amore ciliſcentes JESULI lacrymæ?

12. O du ciſſime Fili MARIÆ! ô dilectè mi JESU candide & r'beunde! en pauperculus ſervus accedo ad te. Veni intra brachia mea. Requiteſce ſupra cor meum. Irrigame lacry.

lacrymis tuis. Inflamme me amore tuo. Benedic mihi parvulis manibus tuis. Oculare me suavissimis Labellis tuis.

13. Tu es mi IESU Pater pauperum, dator munerum, da mihi obsecro strenam. Strenam gratiæ & amoris tui. Quid enim nobis denegare poteris, qui te ipsam nobis dedisti?

14. Quam vero etiam ego tibi mi Domine hodie strenam offeram? dono tibi mi IESU cor meum. dono me totum. dispone de me, sicut de jumento tuo in tempore & æternitate. O Domine! ego servus tuus. & mancipium perpetuum Matris tuæ MARIE.

Eodem Die.

Actus ante S. Communionem.

UBI quæro est natus Filius tuus? ô mi DEUS amantissime æterne Pater! cum introduxisti primogenitum tuum in orbem terrarum dicens mihi ubi posuisti eum? & ego eum tollam. Si enim mihi natus. mihi datus est. quidni eum mihi tollam? ubi est, qui natus est Rex Judæorum? imò & Rex gentium.

Quis mihi det. ut eum inveniam fratrem meum, sugentem ubera Matris meæ, eumque deoculer, & jam nemo me despiciat summam votorum positum. Surgamne & circubo civitatem, per vicos & plateas Bethlechem quæram, quem diligit anima mea?

Diciris Sancti Angeli: Invenietis infantem, ubi? ô ubi! Anima enim mea desideravit illum in nocte, sed & spiritu meo in præcordiis meis de mane vigilabo ad eum, nec cessabo die ac nocte, neque dabo somnum oculis

meis.

meis, nec requiem temporibus meis, donec inveniam tabernaculum DEI Jacob.

Quid vero audio? non est ei locus in diversorio. Ubi igitur pascit, ubi cubat in calidissimi amoris aestu & meridie amer meus? Ergonè vulpes foveas habent, & volucres cœli nidos, ille, ubi caput reclinat, non habebit?

Tu potiùs Virgo Mater conservas omnia conferens in corde tuo, dicito mihi, ubi puer natus est nobis, Salvator mundi, qui est Christus Dominus in civitate David? Ubi est Rex meus & DEUS meus? si cuncta prospera sunt erga tuum natum? Ubi posuisti eum? & ego eum tollam. O Spectaculum admirabile mundo, Angelis, & hominibus! positus est in præsepio! positus inter bestias, qui natus est Rex noster & DEUS noster. Eonè ex splendoribus Sanctorum in tetrum tenebrosumq; antrum an spelæum se demisit candor lucis æternæ? in hocnè throno, hoc solio, se visendū præbet Rex gloriæ, Dominus virtutum, DEUS majestatis, Princeps Regum terræ?

O dolor! en vagit coram oculis Matris ac sui Nutritii inter paleas candidus & rubicundus Pusio, ille electus ex millibus, fovet pauperulis pannis rigentia membra Regina Mater, occupant cœlestes ephebi obsequia, quæ homo ingratus contempserat.

Quid igitur ages amor meus? ô DEUS meus! ô dilecte votorum meorum quid ages? quorsum te ab amore abduci abripiq; fines? dū te homines cognata similitudine, habitu, specie, carne, sanguine, corpore, humanitate inducum, ad eos adeuntem ne recipiunt quidem, hospitii jure excludunt, locum ubi diverferis, quia

quin & quò divertas negant, ergonè te ad iumenta releg bunt?

Tu verò erian, quid agis anima mea, aut quid agēs? excludenē ex logurulo coram exulem infantem recens natum? ô mi JESU! quò me vertam, aut quid prius. quid posterius agam? Undiq; mit me amor tuus & liquefacit. ô amor! anima enim mea liquefacta est ad d, quòd de te audo, & in te video dilecte mi. O! liquefam & diffinam penitus mihi. tibi verò arctissime uniar, & in unum tecum instar cere colliquefcentis coalefam.

Illinc discindit me dolor cumerno te tam amabilem, & tam amante Dominum, non modò non redamari sed tam indignè & injuriosè tractari. excludi, negligi, contemni. An non hic dolor adigit me, ut non tantum eo discindar, sed in atomos discerpi? Hinc admiratio tantæ dignationis & charitatis tuæ levat me super me, & suffollit super altitudinē cœli in sublime mirabilium tuorum.

Quid tamen miser faciam? scio quia humilitas & cognitio vilitatis meæ arctat me, & conftringit me, ne præsumam te Dominum, meū primogenitum Patris in orbem terrarum ab Angelis inductum, ad paupericulum cordis mei descendere invitare, sine tamen, quæso, sine Domine, ut quò te charitas adeg t, venias, & mansionem apud me facias. Undiq; Domine frater noster es, os nostrum, caro nostra factus es, cur nos tibi socios habere detractabis?

Uquid Domine diutius habebis inter bestias? transfer te in stabulum cordis mei: an felicius tu es ô stramen, in quo jacuit Christus, quam
cor

cor meum? Intelligis tu parvule infans & superintelligis omnia, intellige super me egenū & pauperem, qui cordialiter clamat ad te: Veni Domine JESU, & lassam expectatione refice mentem.

Veni dilecte mi. Ne patere tot lacrymis frustra rigari terram. Ego te semel mihi concessum reddam dilectæ Genitrici tuæ, quid dico? ignosce Mater, mihi natus, mihi datus est puer. Non reddam. Quamdiu enim ludes inter basia nunquam satianda, nunquam satiganda amico pondere? meus est. Osculetur me osculo oris sui. Quid accusas temeritatem peccatricis animæ inæ? Nonne pro peccatoribus utero claudatur, collo & uberibus pendet, fæno decumbit, involvitur pannis, stringitur fasciis? Ignosce. Multis nominibus meus est.

O parvule ac pro me de virgine nasci dignate JESU! quo te cum affectu Parens dulcissima ex se natum pannis infantiae involvit, ac in præsepio reclinavit, hoc eodem affectu ego indignus te sub hisce speciebus sacramentalibus involvo ac depono in corde meo.

Actus post S. Communionem.

JAM quod quæsi habeo, quod concupi-
vi teneo, dulcem JESUM invenio, cur
jam corde non ardeo?

Venite, audite omnes, qui timetis, imò qui
amatis DEUM. quanta fecit Dominus animæ
meæ: en hodie puer natus ex MA-
RIA. & Filius Virginis datus est nobis! En
hodie dilectus meus mihi, & ego illi inter
ubera

ubera mea in corde meo commemoratur, & qui creavit me, requiescit in tabernaculo meo.

Credo mi dulcis JESU, quia tu venisti ad me Rex meus & DEUS meus. Tu Rex gloriæ Christe. Tu ad liberandum suscepturus hominem non horruisti Virginis uterum. Tu gaudium meum, lumen oculorum meorum, tu amor meus, lux incomprehensibilis.

Et unde hoc mihi ô Creator cœli & terræ! quia iterum è stabulo ad hoc sterquilinum cordis mei descendisti? unde mihi ingratiſſimo servulo tuo tanta dignatio tantæ Majestatis, ut me oculis misericordiæ tuæ tam benignè respicere, tam amanter visitare, tam misericorditer reficere dignatus es? & dignum ducis super hujuscemodi peccatore aperire oculos tuos, & esurientem implere pane (videlicet te ipso) qui de cœlo descendit? O mi dulcis hospes! ô mi Creator! ô mi Redemptor! quantum tibi debeo! & quomodo non amabimus te Domine ita amantem nos?

Fuerunt mihi sæpius lacrymæ meæ panes die ac nocte, dum dicebatur mihi quotidie: ubi est DEUS tuus? IESUS tuus? Sitiivit anima mea ad te DEUM meum, fontem vivū, sitiebam Domine corpus & sanguinem tuum, sicut infans ubera Matris, sicut Samaritana aquas viventes, & sitim explentes, ac salientes in vitam æternam.

Exulta & lauda habitatio Sion, habitatio cordis mei, quia magnus in medio tui Sanctus Israël. Vivo ego, jam non ego, sed vivit in me Christus. Jam in Domino meo gaudebo & exultabo in DEO JESU meo. Verè videt omnis caro salutare DEI.

Salute

Saluto te hospes amantissime meo & totius mundi homine. Effundo tibi mare illud affectuum, quos Mater Sanctissima erga te recens natum elicit. Innovo tibi affectus Angelorum obsequioso cantu te laudantium, ac Pastorum te adorantium.

Tibi Pater amantissime offero incendia amoris, quibus ardebat & reatum Filii tui recens nati. offero pias lacrymas, quæ intuitu mundi de ipsius geminis erumpebant oculis.

Et quia victus es mi Pusio. neque repelles me à te. accedo ad te. osculor tibi pedes. manus, & vationor tibi de plagis hic infligendis. Osculor tibi cor ex quo hauriemus aquas in gaudio de fontibus tuis Salvator amantissime, dum lancea latus tuum aperietur, & continuo exhibet Sanguis & aqua.

Noli mi dulcis JESU è viscibus pauper-culi peccatoris properare, non jam amplius dimittam te. Jam captivus es, jam victus in corde meo, si mihi dederis totius mundi pro te substantiam, quasi nihil despiciam eam, te in æternum constringam. Felicia erunt vincula mea, quibus innectetur amor meus, & tanquam nexibus stringetur dilectus amore meo omni fasciâ potentius.

Vulnerasti cor meum dilecte mi, sponse mi, quem desponsavi mihi primis canarum lacrymis. Vulnerasti cor meum pannis & fasciis infantie tuæ cum penderes leve, gratumque pondus è collo Genitricis tuæ. Vulnerasti cor meum amoris tui telo cum tanquam fulmine ossum medullas intimaque depalce et cælo jaculatus ignis tuus. Vulnerasti cor me-

um tuo hodierno in fœda licet viscera mea adventu.

Ne verò fugiat dilectus meus à me assimilatus capreae hinnuloq; cervorum, tu Virgo Mater Unigenito tuo in domo mea commoranti dulcia pro me cantica, ut dilectus meus purissimis tuis agitantibus manibus, dulciq; virgineo cantico somni provocatorio in placidam depressus quietem, indormiat cordi meo, ut inter tuas modulationes diutius dilecto frui, osculisq; teneras fatigare plantas valeam.

Vos etiam Sancti Angeli custodite dilectum meum quiescentem in corde meo, ne qua inimica manus inter somni delicias furtim abripiat, quem diligit anima mea.

In Circumcisione Domini.

1. **D**EUS eras parvule JESU, & eras innocens Filius Virginis innocentis, unde ergo opus tibi circumcisione?

2. O lapsus Adæ, quàm amarus es Domino meo! ego peccavi, & tu Domine poenam exsolvis? ego in concupiscentia conceptus & natus sum, & tu suscipis in te ultionem? Agnosce ô homo, quàm gravia sint tua vulnera, pro quibus necesse est hunc divinum infantulū vulnerari!

3. Sponsus sanguinum tu mihi es, qui cū voce nondum possis, ipso cruore tuo clamas ad Patrem, & infantulus, quem vix dum habes, sanguinem profundis.

4. Propter primitias sanguinis JESU, ô Pater! benedic mihi, benedic Ecclesiæ, huic Regno, Religioni, benedic coronæ anni & toti mundo.

5. O verbum incarnatum! ô Fili Virginis Matris æterniq; Patris! gaudeo & exulto, quia vocatum est nomen tuum JESUS.

6. O JESU! adoro te, ut nomen Majestatis. Amo te, ut Nomen suavitatis. invoco te, ut nomen potestatis. Opto sanguinem profundere, ut salvus fiam; quoniam & tu sanguinem tuum dedisti, ut Salvator esses.

7. Nomen tuum sanctum & terribile mi JESU! in persona omnium cœlestium, terrestrium, & infernorum adoro, adoratumq; volo ab omnibus, super omnia, in æternum.

8. O JESU nomen dulcissimum, esto mihi salus, & redemptio: non enim est aliud nomen hominibus datum, in quo oporteat nos salvos fieri. Esto mihi JESUS, id quod dicis: Esto mihi turris fortitudinis à facie inimici.

9. O JESU! pone te ut signaculum super cor meum, ut signaculum super os meum, ut signaculum super brachium meum; ut non cogitem, nisi de te, ut non loquar, nisi de te, ut non laborem, nisi propter te.

10. Impetra mi S. Bernarde, ut hoc nomen suavissimum & dulcissimum JESUS, semper dulcescat in corde & ore meo. Sit JESUS mel in ore meo, in aure melos, in corde jubilus.

11. Hoc sit mi Domine tecum in æternum pactum: sive quidpiam unquam scripsero, non sapiet mihi, nisi legeto ibi JESUM. Sive unquam disputavero, non sapiet mihi, nisi sonaverit ibi JESUS.

12. O! utinam hoc suavissimum nomen JESUS, vel saltem in extremo mortis meæ reticu-

riculo, corde ardentissimo & devotissimo pronuntiare possim! O JESU sis mihi JESUS in morte, si quid commisi, unde daminari possim, tu non perdidisti, unde salvare possis.

12. Nihil habeo, quod offeram tibi, parvule JESU! præter lacrymas contriti & amantis cordis, suscipe eas & misce Sanguini tuo.

14. Quia dignus es Domine semper accipere laudem, gloriam, & honorem; ideo desidero singulis hujus anni momentis, quolibet ictu oculi, respiro, millies ac millies Seraphicè, Marianè, Theandricè, te adorare, te diligere, te appetere, tibi gratias agere, gaudere, & congratulari de bonis tuis, & de gloria tua.

15. Omnes actus meritorios, omnes cultus, omnia Sacrificia tibi impendenda, anticipatò tibi offero, approbo, ratifico. Omnia instantia & momenta actionum peccaminosarum, quæcunq; erunt, desidero implere actibus Christi Domini, Beatissimæ Virginis, & Sanctorum omnium. Omnes cruces, morbos, afflictiones à me tolerandas libenter accepto. Omnia quæcunq; cogitaturus, dicturus, & facturum sum, aspergo sanguine Domini JESU, unio meritis JESU, Mariæ & omnium Sanctorum.

16. Si vides Domine me aliquando hoc anno deliberatè contra te graviter peccaturum, fac, ut pro illo momento à demone obsidear, antequam peccem, & tamdiu patiar, donec pertranseat momentum, quo peccaturus erā.

Eodem Die

Actus ante S. Communionem.

AMo te domus gentilitia, Amoris Bethlem;
in qua JESUS Amor triumphat! amariot
millis.

millies istâ cisternâ Bethlehem; cuius undis levare sitim David's votum fuit. Ah in te! ô specus patria DEI mei! ah in te origo fontis est! cuius aquæ saliant in vitam æternam, & ex quo, qui bibit, non sitiet in æternum.

O Bethlehem! ô natale solum Amoris! ô horreum & domus panis, unde Angeli fiunt immortales! ô quale in te frumentum conditum est! frumentum electorum. O quale granum ex aridis aristis tuis eminet!

Tu etiam dixisti Domine: Panis quem ego dabo caro mea est pro mundi vita. Ita est mi DEUS! Credo quidquid tu dixisti DEI Filius: nihil hoc verbo veritatis verius.

O mirum tui mi JESU amorem, qui à primo incarnationis instanti, in tenello corde tuo cepit incendi! verè apparuisti mi Domine in flamma ignis de medio rubi.

O! cibus, potusq; noster, accende, inflama, & exure me igne desiderii tui, tu qui Pater desideriorum es, fiat mihi secundum verbum tuum, fiat mihi secundum ignitissimum votum tuum. Quemadmodum enim desiderat cervus ad fontes aquarum, ita desiderat anima mea satiari ab ubertate domûs tuæ. Sitio Domine lassatus in via iniquitatis, sitio te DEUM meum, venam aquarum viventium, sitio sanguinem tuum, quem mihi in potum mirabiliter contulisti.

Pater meus es tu Domine, & ego Filius tuus licet prodigus, da mihi portionem substantiæ, quæ me contingit, sed portio mea tu es DEUS meus: aliam non quæro, nec admitto, illabere cordi meo, & omnibus potentius meis DEUS vita mea & amor meus, ut intimè sim tibi

tibi unitus. Uni me tecum indissolubili eoque
strictissimo unionis vinculo, ad eam si possibile
est modum, quo tuæ humanitati unita fuit
divinitas.

O! Mater circumcisi puelli gemitibus ingemi-
scens, & nomen JESU imponens, atque illud
cum summa veneratione pronuntians. Da mi-
hi filium tuum JESUM. Utiq; caro filii, tua
est caro, sanguis ejus verè est tuus, is enim
ex tuo Virgineo lacte, aut potius lac fuit,
utiq; JESU, propter salutem nostram deicen-
dit de coelis, & incarnatus est de Spiritu San-
cto in utero tuo, adeoque nobis datus, no-
bis natus.

Veni dilecte mi in hortum tuum, animam
meam, perfla eam Auster cœlestis, ut fluant
aromata illius, purga illam stillicidio tui pre-
tiosissimi sanguinis, riga fluentis gratiæ. De-
sidero te millies, mi JESU quando venies, ut
me te ipso saties, quando erit hæc felix ho-
ra, quando te videbo facie ad faciem. Millies
mi JESU moriar, dummodo te amorem meum
videam.

Exulta & gaude anima mea Ecce Rex tuus,
divinus Puer è sinu Matris properat ad te.
En ipse stat post parietem & velamen istorum
accidentium panis, veni dilecte mi candidè &
rubicundè, electe ex milibus. An verò in-
gressum oris, cordis & viscerum meorum hor-
res? utique postquam completi sunt dies o-
cto, circumcissus es puer, ac sanguinem tu-
um, quem vix habes effudisti, parifica er-
go mi JESU sanguine tuo, tuis calentibus la-
crymis, fæda viscera mea, ut commodum tibi
evadant hospitium.

Actus post S. Communionem.

O JESU! sis mihi JESUS in vita & in morte & salva me. JESU fili David miserere mei. In nomine JESU omne genu flectatur coelestium terrestrium & infernorum. Misericordias tuas Domine JESU in æternum cantabo.

Vox sanguinis filii tui ô Pater! clamat ad te de terra. Audi sanguinem filii tui altius pro nobis peccatoribus clamantem, quàm sanguinẽ Abel, non vindictam sed misericordiam, non ut irascaris, sed miserearis.

En Pater amantissimè! hic est JESUS filius tuus dilectissimè, qui se mihi communicavit, & me in se convertit! Amo te itaq; amore ipsius, corde ipsius, lacrymas præfento & sanguinem illius.

O dulcissime JESU! bibam cum hoc Sanguine tuo suavissimo amorem tuum. In te solo ab hoc momento vivam ac spirem, magisque anima mea in te vivat, quem amat, quàm in corpore, quod animat. Transforma me in te, ut omnis substantia mea pereat in te, nec me inveniam amplius nisi in te.

In tuo dulcissimo nomine ô JESU! quod Salvatorem significat, firmam spem salutis meæ pono, igitur ô JESU! sis mihi JESUS, dic animæ meæ: salus tua ego sum. Applica precor vim nominis tui animæ meæ, & innocens ero, munda me hoc recenti sanguine tuo, & super nivem dealbabor.

Sanguine tuo mi Domine à peccatis omnibus lava me & concede, ut anima mea cum à corpore migraverit, ante tribunal tuum appareat munda. O bone JESU! ne deseras me in omnibus angustiis, ac præcipue in suprema mortis luctu, à qua tota pædet æternitas. **O**

O Pater per amorem sanguinis tui Filii! O Fili per amorem sanguinis tui proprii hodie effusi! O SS. Spiritus per amorem corporis & sanguinis à te in visceribus Virginis Matris efformati! O DEUS unitas! & DEUS Trinitas! benedic mihi, benedic Patriæ pro hoc novo anno, benedic toti mundo, effunde miserationes tuas in omnia regna. Da mihi & toti mundo amorem tuum perfectum, & observantiam mandatorum tuorum. Indulge veniam peccatoribus, da tui cognitionem infidelibus, da gratiam amicis meis & inimicis, da Religiosis omnibus progressum in virtutibus & gratiam finalem.

Age hospes amantissime mi dulcis JESU! in corpore meo & anima mea (ut domum tuam ingressus) quidquid vis, dispone in me, de me, de oculis meis, de corde ac omnibus occupationibus meis, prout vis, illas ego tuæ gloriæ & amori dedico universas, ac tuo sanguine imbutas, volo omnes pendere è tui amoris directione atque imperio.

In Epiphania Domini.

1. Quid facitis ô Magi! quid facitis? infantulum pauperem adoratis in tugurio vilis, in vilibus pannis? Ergone DEUS est iste?

2. Quid facitis ô Reges! quod & aurum offertis? Ergo Rex ipse? ubi aula Regia? ubi thronus? nunquid aula est stabulum? thronus præsepium, curiæ frequentia JOSEPH & MARIA, servi, bos & asinus?

3. O JESU! Rex meus & DEUS meus, hoc Theophaniæ tuæ die, à Sapientibus tribus Regibus

Regibus adore, à Joanne baptizate, à Patre laudare; cum Matre ad nuptias invitate: ac ibi ejus rogata, aquâ in bonum vinum conversâ, primo miraculo gloriose, cum summa humilitate plantis tuis accido, & cum tribus Regibus procido ante te.

4. O Divine Puer! turbetur licet Herodes, & omnis Hierosolyma cum illo, meus eris Rex, isque unicus.

5. Condoleo tibi mi JESU, quia in propria venisti, & tui te non receperunt, quinimo vix es natus, & statim morti destinatus.

6. Crudelis Herodes expecta paulisper, quod nato Domino facere cupis, hoc lancea ferit militis faciet.

7. Gratias tibi mi DEUS, pro primitiis Gentium, & earum illuminatione admirabili.

8. Gratulor oculis vestris ô Magi! quibus vidistis Regem natum.

9. Aperi thesauris tuis Reges obtulerunt tibi mi Domine munera. Aperi tibi thesaurum meum optimum, cor meum, tu habes clavem, claudes illud aliis, tibi pateat soli.

10. Orere super tenebras cordis mei ô gloria Domini! ô JESU gloria Patris & Matris! Expergetur illud, dic animæ meæ: surge illumina Jerusalem; quia venit lumen tuum.

11. Da mihi Domine! ut cum Abele, & cum his Regibus, optima optimè dem tibi optimo DEO meo. Accipe si quid boni habeo, ut illud amore tuo perficias, imò accipe etiam quidquid habui vel habeo mali; ut illud amore tuo exaras, & è pessimo facias optimum; ut ubi abundavit delictum, superabundet gratia.

12. Amor tuus mi Domine, præparet penitentiæ myrrham primam in munus gratum tibi. ille me faciat thus tuum dolore contritum: ille me faciat aurum tuum, aurum ignitum: ut omnia opera mea sint è puro amoris tui metallo; & oratio mea ascendat ut virgula ex aromatibus myrrhæ & thuris, tibi Regi opera mea dedicans.

13. O JESU! stella splendida & matutina in MARIE sinu, tanquam in firmamento splendens fac, cum his Regibus, in splendore ortus tui, ambulet cor meum; ac singulæ cogitationes & actiones meæ, sicut stellæ manentes in ordine suo, sint discipulæ tuæ.

14. O mi DEUS! utinam omnes gentes, omnes tribus & populi, omnes Reges terræ, & Principes cum his tribus Magis venirent, teq; adorarent, ante te DEUM prociderent, te solum mi JESU fide viva cognoscerent, te solum amarent, tibi fideliter servirent, tunc videro efflueret & dilataretur cor nostrum cum gaudio magno valde.

15. Quia tibi Regi sæculorum ac Domino dominantium debetur summa laus, honor, & gloria, ideo omnium Regum, omnium Principum, tam Catholicorum, quàm infidelium, etiam oppositum volentium colla & corda tibi subjicio, in persona illorum ante te procido, te adoro, adoratumq; volo & desidero ab omnibus, quicunque futuri sunt.

Eodem Die

Ante S. Communionem.

PUTasne Domine, quia abscondes Te à meis
B b 2 ergo

ergone non videbo te Dominum meum in terra viventium? Scio Domine! quia tu es DEUS absconditus. & posuisti tenebras latibulum tuum: surgam tamen & circumbo civitatem, per vicos & plateas Bethlehem, quæram quem diligit anima mea.

Ut verò rectius inveniam dilectum meum, sequar vos ô Magi! tam fortunata stella duce, errare non potest: qui è cælo duca um habet. Amo te mea stella, quæ me ducis ad Regem meum.

Oh si possem velocissimè totam terram peragere & invenire te mi JESU: tu enim es desideratus cunctis gentibus. tu desiderium collum æternorum, tu Sponsus, tu Rex cordium, tu amor meus, & omne bonum, qui trahis nos ad te, & inquietum est cor nostrum, donec requiescat in te.

Ducito me ô stella! ad amorem meum, volo velocibus te sequi passibus. Nam quis negabit alas amanti? Quid si in Virginis Matris sinu Virgineo pastus lacte virgineoq; vertice lulat amor meus? quid si inter amica casti JOsephi basia! quid si in feno & præsepi inter bovem asinumq; medius? quis scit, an non admittent commutationem præsepi, ut cum redierit à sinu castæ Matris, ubere jam plenus virgineo amor meus. novo præsepi, cunq; pro veteribus indormiat novis? Oh si ludere fallereq; amico dolo possem Matrem. ut pro falcis & pannis animâ hac cordeq; meo involvam dilectum meum!

Quid verò immoror, nec satior his nudis votis? vale jam mea stella, celos pete. Non sequor. Miraris? inveni quem diligit anima mea.

mea. Audio quid loquitur in me Dominus
 DEUS: Vnite inquit ad me omnes, qui laboratis & ego reficiam vos. O verbum in auribus meis dulcissimum! ô coel. iste convivium, ô suavissimam refectioem. & moris excessum! O magneticum sancti amoris illicium, parvule JESU! en vix es in stabulo paupere natus, & in sinu Matris exaltatus, omnia trahis ad te ipsum.

Urnam etiam me indignum rapiat ignita vis amoris tui. quæ me transformet. & in te absorbeat, ac me tecum unum efficiat.

Ad te venio mi Domine! & clamo post te liberator meus. esuriens. & sitiens. miserere mei fili David, & da mihi hodie panem tuum, da vinum, quod miscuisti, ut refocilletur anima mea.

O Pater amantissime! qui sic dilexisti mundum, ut Unigenitum filium tuum dares, da mihi hunc eundem. Fili unigenite DEI, qui de sinu Patris ad terram descendisti, descende Domine ad cor meum. Spiritus Sancte qui Beatam Virginem dignum habitaculum fecisti filio DEI, effice quoque in me hospitium filio DEI.

O beatissimi tres Reges. degustem illam spiritus vestri dulcedinem in hujus contactus SACRAMENTI, quod diffundebatis, cum cor vestrum & caro vestra exultaverunt in DEUM Vivum.

Actus post S. Communionem.

Osculo parvule JESU infans Verbum pedes tuos ore Magorum te adorantium, sacrifico tibi præcordia mea. Nolo Rex speciose formæ præ

præ filiis hominum aliam hæreditatem, nisi te: Vive potentissime Imperator in medio cordis mei, & dominare sicut decet te. Confiteor coram cælo & terra, quis tu solus Dominus, tu solus Altissimus, tu Rex regum & Dominus dominantium.

O magne Amor, parvum Numen! cum his tribus Regibus procidens ante te, tuis me sub jicio plantulis! en me totum submitto dirioni tuæ! en ego me dedo imperio tuo! en ego me consecro arbitrio tuo! en ego inclino collū servituti tuæ!

Ah! quid stant jumenta duo? an forsan à te jugum expectant? En ego! ô divise puer, cervicem meam vinculis tuis præbeo! ne præferas me bestiis, qui me creasti, ut dominarer bestiis terræ, ah! me innoda & alliga jugo tuo. En corpus & anima mea facta sunt, ut duo jumenta ante te. Conscende currum præsepī tui, inside fæno tuo: ego jungam jumenta mea, & te toto orbe circumveham, atq; elatâ voce clamabo: Sic triumphat amor!

Quidquid mi Domine habeo, quidquid sū, quidquid possum, tibi penitus trado, ut me totum tibi vendices. Imò in simplicitate cordis mei la tus offero tibi universa. Dispone de me DEUS meus, de bonis fortunæ, corporis & animæ, dispone de me toto in tempore & æternitate.

Utere me velut re tua, meis omnibus famâ, vitâ, fortunis, corpore, animâ, ad arbitrium tuum: Offero corpus in victimam, cor in templum, vitam in holocaustum, vires omnes & facultates in beneplaciti tui obsequium. Et sicut tu totum te mihi tradidisti in nutrimentum

tum animæ meæ, ita ego totum me tibi in æternum dono, ac consecro.

Die Cinerum.

1. **V**is Domine me flere, jubes me flere, peccata mea & meorum? Ad sacros pedes tuos velut ad asyllum reus accurro, & ante illos toto corde prostratus clamo: Ehen! peccavi Domino. Tibi soli peccavi, quem solum amare debui.

2. Tu dixisti Domine: nolo mortem peccatoris, sed magis ut convertatur & vivat; ideo adrepto cinere aspersus ad te, cum sim pulvis & cinis, qui tuum altare olim cinere mundari iussisti: Jobum tuum cinere cooperatum amasti; Davidi cinerem, tanquam panem manducanti pepercisti.

3. Ne reminiscaris Domine delicta nostra vel Parentum, Fratrum &c. neq; vindictam sumas de peccatis nostris.

4. Ne reminiscaris iniquitatum nostrarum antiquarum, mi Domine, cito anticipent nos misericordiæ tuæ, quia pauperes facti sumus nimis.

5. Adjuva nos DEUS salutaris noster, & propter gloriam nominis tui Domine libera nos: & propitius esto peccatis nostris propter nomen tuum.

6. Nonne dixisti Domine: gaudium esse in cœlo super uno peccatore poenitentiam agente? exple igitur hoc gaudium in cœlis de me. Poenitet me peccasse, semperq; poenitebit: & si possem infinito dolore dolerem, quod offenderim te.

7. Detestor & execror omnia peccata mea,
supra

supra quidquid detestabile & execrabile est, & propono me nunquam amplius te offensurum.

8. O JESU! ô MARIA! ambo quidem offensi estis, sed ambo estis abyssus misericordiae & dulcedinis, parce ergo misericordissime JESU, parce servo Matris tuae, misericordissima Mater MARIA, parce mancipio Filii tui.

9. Et quia mi Domine amore tui solius detestor omnia peccata mea, en etiam omnia & singula mea jejunia offero & dedico tibi in sacrificium amoris tui, cuius imperio volo tibi, ea per Ecclesiam imperanti, obedire, quae conjungo cum omnibus tuis, MARIAE ac omnium electorum jejniis, & meritis omnibus, ut tibi placeant.

10. Eô item sine mi DEUS! hoc jejunium instituo. Ut nimirum subtraham materiam vitiorum. Ut tuear castitatem, meo statui convenientem. Ut servem sanitatem virtuti impendendam. Ut animum aptem inspirationibus tuis. Ut imiter jejunium tuum & Sanctorum. Ut me comparem ad orationem & venerabilem Eucharistiam. Ut satisfaciam pro excessu in cibo & potu.

Tempore Passionis.

1. SI unquam alias, nunc certe tempus est exhibendi te mihi DEUM misericordiae ac benignitatis, JESU mi amantissime, Conditor ac Redemptor! atq; omne bonum meum. Ecce! monstrum ingratitude ac perfidiae sistit se divino conspectui tuo.

2. Quid facere poteras amplius in gratiam mei,

mei, quàm mori in cruce? poterasne majori pretio regnum tuum ac potestatem mercari, quàm quo salutem meam redemisti?

3. Quid dixerint Seraphini, cum DEUM viderent inter duos latrones cruci affixum? mori DEUM, & mori quidem inter tormenta tam immania, inter opprobria tam nefanda, fluctibus doloris obrutum decumanis? nunquid par erat, ut excessæ illæ mentes attonitæ obstupescerent tam inexpectato caritatis excessu, cuius capax non erat cor aliud, quàm divinum?

4. Sed en! nova admirandi materies! en prodigium ingratitude, supra bonitatis excessum novum atq: insolens! post tot perpeffiones, post tantum sanguinis prodigè effusum, quos fructus refert mi DEUS? nondum expugnare potuisti ingratum hoc cor meum?

5. O dedecus abominandum! post mortem meâ causâ exantlatam, potui contemnere te, potui renovare vulnera tua, novisq: sceleribus tuum conculcare sanguinem?

6. Ah! ut nunc saltem parem ingratitude meæ sentirem dolorem, ut pœnitentiam saltè pro amore, pro sanguine lacrymas redderem! sed & istic deficio miser, neq: aliud mihi restat, quàm ut ad te confugiam mi DEUS! & desiderem hunc dolorem & ex toto corde flagitem.

7. Vis Domine & scis me dolorem non mereri, sed & scis, consequi me eum non posse absq: te; ex me cadere possum, at non resurgere, averti à te, sed non redire ad te, peccare, sed non pœnitere.

8. Tu

8. Tu amator animæ huius fidelissime, reliquis miserationibus tuis etiam hanc adde, ut operi manuum tuarum porrigas dexteram, meq; miserum subleves atq; sustentes; ego amanti tuo videas, do manus, æstimo te & amo super omne bonum, & propter hunc solum amorem tui, abominor peccatum super omne malum, detestor illud & execror, velut causam perperam tuarum, tuq; mortis unicam originem.

9. Patrocinentur ergo mihi mi JESU! vulnera tua, pro mea salute clament ad Patrem, impetrent mihi misericordiam, gratiamque abundantem, ut moriar prius, quam te rursus offendam.

Eodem tempore

Actus ante S. Communionem.

O Dolor! ut quid auctus es dolenti & amanti cordi meo? an parum fuit malis tuis, quia tu mi JESU! candidus & rubicundus, electus ex millibus, gloriosus totus, pro me factus es Rex dolorum, Rex despectuum, saturatus opprobriis, vermis & non homo, quomodo iterum permittes ad fæda viscera mea declinare, & me tanquam sceleratissimo iterum crucifigi.

O mi JESU! tuæ sapientiæ atq; majestati venire hoc in mentem potuit, ut nobis te in cibum potumq; dares? An non erat satis bonitati tuæ carnem nostram assumere, & tuæ divinitati associare? innocentissimam carnem tuam pro nobis lethalibus tormentis excruciare? animam sanctissimam pro nobis in mortem dare? nonne inquam erant hæc satis?

Uc

Ut quid insuper opus erat adinventionibus istis magnis? ut quid opus erat manducari te, à nobis inviscerari? Parum erat ablui sanguine tuo, etiam oportebat inebriari nos illo? Parum erat corpore tuo redimi, etiam oportebat nos eodem saginari? Quomodo demirabor stupendam adeo bonitatem tuam mi dulcis JESU?

O bonitas! ô charitas, ô misericordia! quid tibi pro tantis tuis erga nos miserationum tuarum profusionibus non dico retribuam, sed respondebo? Majores sunt miserationes istæ super nos, quàm ut sufficiamus omnes pro illis dignas Majestati tuæ gratias agere.

Quia ergo mi dulcis JESU cum famesciente avaritia manducari te vis à nobis, fiat itaq; mihi secundum verbum tuum. Ardet tibi amor meus, si parum, amplius succende illum, ut ardeat ardore tuo, amore tui tantum, quantum tu das, quantum tu dignus es.

Veni Domine JESU ecce patet porta cordis mei, ecce patet ostium animæ meæ, ingredi ô benedicte Domine! Paratum tibi, paratum cor meum JESU, si parum, tu amplius para illud.

Actus post S. Communionem.

Quid dignum in conspectu tuo egi, quod pro me servulo tuo redimendo incarnari, nasci, laborare, pati, ac mori voluisti mi Domine, me toties non lacte ut Mater filium! sed corpore & sanguine tuo reficis, & nunc etiam refecisti?

O! abyssus bonitatis, tantanè res erat salus peccatricis animæ meæ, ut ei expianda tan-

tum

tum sacrificium ab aeterno destinares? esurienti
tatum Convivium præparares?

O! corpus sacratissimum quinque vulneribus
sanciatur: millies ac millies te exos ulor. tui
solius amore semper languere desidero. illud
semper esurire, ejusq; dulcedine semper pasci.
Ampetor pedes tuos cum Magdalena pro
me in cruce transfixos.

Saluto te frons sole ferenior Salvatoris mei
Spinis cruentata, in lapide percussa. Avete o-
culi cœli lydera, pro me velati, contusi, li-
vor: pleni. Ave vultus Angelis desiderabilis
conspitus. Ave dulce os pro me felle & siri
eruciaturum. Avete humeri crucem sustinentes
& flagellis cæsi.

Sancia Domine cor meum vulneribus tuis,
mentem meâ inebria sanguine tuo, ut quocunq;
in posterum te vertam, semper te videam
cruce fixum, & quidquid aspexero tuo sangui-
ne tinctum appareat mihi.

Respice in me Pater æterne, quia unigeni-
tus Filius intra viscera tua clamat ad te. At-
tende in filio, quod te moveat misseri servi-
tui, & dum dilecti Filii patent vulnera, mea
quæto regantur scelera, & quia caro mea te
lucessivit ad iram, caro filii tui te flectat ad
misericordiam.

Aspice pie Pater in faciem Christi tui, &
cum sit hic Filius tuus dilectus, in quo tibi
semper bene complacuit, qui mihi nunc in-
me conjunctus est, simplex rogo, ut me quoq;
respicias oculis misericordiæ tuæ, sub ejus pro-
tectione ac tutela, sub umbra meritum ipsi-
us compareo coram te: ut illum præcipue in-
tuens, me quoq; clementer ac benigne respi-
cias.

cias, tanquam mancipium ejus & servum perpetuum. Ne permittas obsecro, ut pereat illa anima, quæ toties in se recepit Filium tuum, qui à te missus venit in mundum, quærere & saluum facere, quod perierat.

Die Cœna Domini.

1. O MI JESU ! dum te video ad pedes Judæ hodie prostratum, timor & tremor veniunt super me ! & dum considero opera tua, expavesco !

2. Amabilissimam hanc charitatem tuam ô mi DEUS, admiro & veneror, æstimo & laudo magnifico & benedico, quantum possum : nequæ possum quantum volo : nequæ velle valeo, quantum debeo.

3. Exoscûlor mi JESU illas tuas divinas manus, quibus lavisti pedes discipulorum, & ipsius proditoris tui.

4. O si & ego hodie in toto mundo omnium egenorum, omnium pauperum pedes in terra prostratus lavare possem ! quia id præstare non valeo, offero tibi Domine laciones pedum ubique factas, à devotis tuis faciendas usque ad finem judicii.

5. Exoscûlor mi JESU ! tuas sacras manus, quibus sub speciebus panis & vini hodie pretiosissimi corporis & sanguinis tui Sacramentum discipulis tuis tradidisti.

6. O anima Christiana ! vide & considera, quomodo memoriam fecit mirabilium suorum misericors & miserator Dominus, & fecit cœnam magnam.

7. O prodigium ! ecce homo quidam fecit cœnam magnam. Magnam, quia à magno DEO, magnâ

magnâ charitate propositam. Magnam, quia magno prodigio elaboratam. Magnam, quia magnis ferculis instructam Corpore Christi, animâ Christi. Divinitate Christi.

8. O mi JESU! si tunc totum debeo pro me facto, quid dabo pro refecto hoc modo?

9. Vicisti Domine, vicisti misericordiâ & bonitate tua omnia exempla, omnia ingenia, omnes amores, omnium amorum gradus, & omnem expectationem omnium creaturarum superasti.

10. O si possem mi DEUS! reparare omnes irreverentias, profanationes, impietates, contra tuam Majestatem in hoc Sacramento verè contentam; præcipuè hodie à Judæis, hæreticis, & sagis commissas & committendas.

11. O! si possem nunc tantum tibi exhibere honorem, quantum tibi dedissent, darentque omnes simul. Athei, infideles, hæretici, Turcæ, idololatæ, & omnes blasphemæ, si essent fideles, teq; totâ vitâ suâ, debito cultu & recognitione honorassent.

12. Pro omnibus contemptibus, & irreverentiis, quas aliquando mi Domine tulisti & feceris usq; ad tempora Antichristi, in novo tibi & offero primum Sacrum à te, & primam Communionem à Beatissima, Apostolis, & omnibus aliis factam, cum illa adoratione & honore, qualem Spiritus Sanctus illis inspiravit.

Eodem Die

Actus ante S. Communionem.

O! Quanta vis amoris cor tuum succendit
 O amantissima JESU, Cum transiturus de
 hoc

hoc mundo ad Patrem, mensam parasti nobis habentem omne delectamentum & omnis saporis suavitatem.

Grande quidem fuit & admirabile opus amoris tui, quod naturam nostram allumere dignatus sis, sed longè præstantius & mirabilius est, quod corpus tuum in cibum, & sanguinem in potum reliqueris, in illo siquidem nostram suscepisti humanitatem, in hoc tuam largiris divinitatem.

O cœnam admirandam! ô gratiam ineffabilem! idem Dominus conviva est & convivium, cibus & cibum, offerens & oblatio. Manducat homo panem Angelorum, qui jumentis insipientibus comparatus fœnum, ut bos comedere dignus erat. Cibus percipit vitæ, qui de cœlo descendit, cibum omnis suavitatis, Sanctorum delicias, ferculum immortalitatis.

O! quanta felicitas, homuncio bibit vinum cœleste, vinum germinans Virgines, & aridas subundæ animæ fauces potu saliente in vitam æternam refocillat: in loco pascuæ, in loco uberi collocatus, flumina mellis, fontes lactis, liquorem balsami fugit, torrente voluptatis potatur, & ab uberrimis cœlestis ambrosiæ inundationibus inebriatur.

Sic totum mi Domine thesaurum gratiæ tuæ in nos effudisti, ut immensâ hâc dilectione præventi amoris, vicem tibi rependere totis viribus satagamus.

Anno itaq; te unicum meum solatium in hoc exilio, unica spes languentis animæ, unica mea felicitas & summum bonum, quo in terris frui licet. Amo te toto corde, tota virtute atq;
utinam

utinam omni momento te ferventiùs semper amarem!

Hoc est ardens desiderium meum, huc feruntur gemitus mei, & suspiria cordis mei. Ad te enim trahis omnes vires animæ meæ, dum te ipsum transfundis in me, dum quantum fieri potest, me similem tui facis, dum esurientem animam meam non cibo aliquo tereno, sed pretioso Corpore & Sanguine nutris, satias & saginas.

O! ignis jugiter ardens & nunquam deficiens, ure cor meum, ut ardeat amore tui. Ignem venisti mittere in terram, accende illum & evasila, ut semper crescat.

Atq; utinam possem omnium Sanctorum affectus & inflammata desideria habere, teq; semper sicire fontem vitæ, fontem sapientiæ, fontem æterni luminis, torrentem voluptatis! Utinam te semper esariat cor meum, panem Angelorum, refectionem animarum Sanctarum, & dulcedine saporis tui, repleantur viscera animæ meæ.

Renuit consolari anima mea donec suscipiam te omne bonum meum Domine JESU, quem solum ardentissime concupisco, cum omni affectu & devotione omnium electorum tuorum tecum epulantium in mensa tua.

Actus post S. Communionem.

Credo dulcissime Amor mi JESU! te in Sanctissimo SACRAMENTO, quod recepi, esse cum divinitate, animâ, corpore, sanguine, meritis, virtutibus, gratiis, vivum totum, ac omnipotentem, & credo te cum Patre Spirituq; Sancto esse in anima mea.

Credo

Credo autem, quia tibi credo, quia tu veritas es, & quia tu dixisti illud: Hoc est corpus meum. Tu es, qui venisti ad me Domine JESU DEUS meus, Dominus meus, Redemptor meus, salus mea, vita animæ meæ, tu ipse & non alius, quem sub hoc panis velamento suscepi.

O admirabile mysterium, ô dulcissimum SACRAMENTUM, ô adorande & divinis tantummodo sat digne redamande amoribus Amor meus, quomodo ita me amantem redamabo? O si millena corda haberem eaq; omnia plena iis affectibus, quibus abundavit unquam cor Mariæ, cor omnium electorum, ut desideriiis meis respondeat amor meus!

Nunquam te amabo, quantum amabilis es, & quantum te amare vellem. Vellem si fieri posset me tibi ita uniri, ut in permixtione hujus tam amabilis unionis me ipsum perderem, neq; amplius essem nisi in te.

In æternum volo amare te mi dulcis JESU verus DEUS & verus homo, qui ex voluntate Patris cooperante Spiritu Sancto te mihi nascens in socium, convescens in edulium, moriens in pretium, regnans in præmium dare dignatus es.

Assumo omnium creaturarum etiam possibilem adorationes, & amorosos affectus, omnesq; illos in Te amor mi, quem hodie recepi plena hilaritate effundo, eosq; tibi omnes impendi, & affectum hunc in omne momentum & æternitatem continuari cupio & continuo.

O! Sanctissime Amor, exosculor millies venerabiles manus, in quas acceptus est panis, & benedictus, fractus, datusq; discipulis! Exo-

sculor pedes speciosos pro me clavīs confixos] Exosculor latus divinum pro me lanceā vulneratum. Exosculor mitissimum cor amore mei indignissimi peccatoris saucium. Exosculor totum sacrum corpus.

Compator tibi DEUS meus, quia pro tantis miserationibus tuis tanta reddimus mala. En non tantum à Judæis olim ô mitissime Domine passus es opprobrium & contemptum, sed etiam hodie ab Ethnicis, hæreticis, sagis, & quod majus est à nobis perditis ac impiis Christianis, & Catholicis, quid non injuriæ pateris? Vellem mi DEUS eviscerare me ad abolendos omnes defectus & irreverentias, quas aliquando tulisti & feres Domine, præcipuè hodie à Sagis, Judæis, hæreticis, in sua cœna paganis, idololâtris.

In supplementum harum omnium blasphemiarum, despectuum, contemptuum, derisionum, innovo tibi DEUS meus & effundo mare illud affectuum, quos erga Eucharistiam elicerunt Angeli Sancti, dum primum consecrata est, item Apostoli, Beatissima, ipse quoq; Christus corpus suum, primum in cœnaculo sub speciebus panis ponens, & ut putatur, sumens.

Insper desidero tot actus adorationis, satisfactionis & recognitionis tibi mi Salvator amantissime facere, quod in universo mundo consecratæ sunt, & consecrabuntur hostiæ, & quoties possunt fieri partibilitates hostiarum, ita ut cuivis correspondeat amor & recognitionis mea.

Die Parasceves.

1. **O** Anima Christiana! respice in faciem Christi tui, & intueri speciosam formam præ filiis hominum opprobriis, injuriis, verberibus, livoribus, contusionibus pro te ita deformatum, ut non ut ei species neque decor.

2. Vide Caput nobilissimum spinarum punctationibus transfossam & percussionibus attritam. Vide genas modestissimas sputis fædatis, alapis cæsas, sanguine cruentatas. Vide oculos benignissimos lacrymis perfusos, & ad ignominiam velatos. Vide os suavissimum siti ardentissima cruciatum, & felle atque aceto potatum.

3. Vide dorsum, supra quod fabricaverunt peccatores, verberibus dilaniatum, & humeros crucis pondere oppressos. Vide brachia amabilissima funibus devincta, & in cruce crudeliter extensa. Vide manus innocentissimas durissimis clavis perforatas. Vide pedes delicatos tot itineribus defatigatos, ac cruci tandem affixos.

4. Vide corpus venerabile pro nobis in cruce suspensum, vulneratum, mortuum, & sepultum. Vide sanguinem pretiosissimum, usque ad minimam guttam, pro nostra salute misericorditer effusum.

5. O Pater! quam stupendam quam inauditam charitate dilexisti me! ut servum redimeres, Filium tradidisti.

6. O mi JESU suavissime! abyssus bonitatis, tantanè res erat salus peccatricis animæ meæ, ut ei explandæ tantum sacrificium ab æterno destinares? adeone non taurorum aut

vitulorum sanguine non corruptibilibus auro vel argento redemptus sum, sed tui ipsius pretioso sanguine, quasi Agni immaculati?

7. Quid retribuam tibi Domine mi JESU pro omnibus his quæ tu tribuisti mihi? quomodo amabo te, vel potius quomodo redam tibi te ita amantem me!

8. O! si incessanter tot millenis vicibus te adorare, & benedicere, te salutare & amare possem, quot suspiria mi JESU emisisti, lacrymas fudisti, quot dolores sustinuiſti, quot lapsibus cecidisti, quot pœnosis gressibus ambulasti?

9. O! si incessanter eâ flammâ amoris arderem, amando te, quâ ardes Tu, quâ ardet Mater tua, quâ ardent Seraphini, quâ ardent omnes Sancti tui!

10. O! si tot millenis vicibus amore tui sanguinem meum effundere possem, quot vulneribus in flagellatione concisus, quot spinis in coronatione vulneratus, quot fœrentibus sputis es maculatus, quot funibus ligatus, quot iniquis judiciis es condemnatus!

In Solemnitate Sancti Sepulchri.

1. O Angeli! ô cœli! ô elementa! ô creaturæ omnes! adeste: En jam Dominus JESUS mortuus est!

2. Venite omnes ad sacrum hoc depositum jam sepulchro conditum, & mecum flete, nā pupilli facti sumus absq; Patre. Cecidit corona capitis nostri.

3. O anima Christiana! Ecce quomodo bonus JESUS amavit te! Dedit pro te genas velleutibus, faciem conspuentibus, capillos extrahentibus.

mentibus, corpus percutientibus, caput coronantibus, manus pedesq; perforantibus.

4. Ecce quomodo amavit te! Quando unica gutta sudoris, unicâ lacrymula, gressu, gemitu, ictu oculi, voluntatis actu te redimere potuisset: ah! quot guttas sanguinis, quot lacrymas, gressus, gemitus, horas, dies, annos impendit!

5. O dulcedo mea, quot amaritudinibus! ô gaudium meum, quot lacrymis! ô sanitas mea quot vulueribus! ô vita mea, quot mortibus pro me obruta es!

6. O mi Creator! ô mi Redemptor! quantum Tibi debeo? quomodo tam exilis amor meus respondebit divino affectui & amoris tuo?

7. O! si cor meum esset Salamandra, & continuo ardens viveret in flamma amoris divini? ô! si audiente toto cœlo & terra semper & ubiq; clamare possem: Millies ac centies millies dignus est Agnus qui occisus est, accipere virtutem, & divinitatem, & sapientiam, & fortitudinem & honorem & gloriam, & benedictionem.

8. O si incessanter mi dulcis JESU! tuum reverendum caput pro nobis spinis coronatû, tuam faciem pro nobis consputam, tuos oculos lacrymis perfusos, tuas manus & pedes clavibus confixos, cum gemitu & lacrymis osculari possem!

In Resurrectione Domini.

1. EXurge Domine! exurge de tenebris & umbra mortis, non decet Sanctum Dominum videre corruptionem.

2. O anima mea! en dilectus tuus candidus & rubicundus loquitur tibi surge. propera amica mea & veni: iam enim hyems transiit doloris, imber abiit sanguinis, flores renascuntur lætitiæ.

3. O Pater! annuntio tibi gaudium magnū, JESUS filius tuus vivit! quem fera pessima devorare voluit, & ipse dominabitur in cœlo & in terra.

4. Consurge, consurge MARIA, induere vestimentis gloriæ tuæ Virgo gloriosa. Surge & illuminare, quia venit lumen tuum, & gloria Domini JESU, gloria filii tui resurgentis, super te orta est.

5. O Angeli pacis! gaudete in Domino, iterum dico gaudete, en ille nuper despectus Rex vester, iterum speciosus formâ præ filiis hominum factus est.

6. Quam magna multitudo dulcedinis vestræ ô SS. Apostoli! quam habuistis videndo, & amplectendo Dominum vestrum è mortuis redivivum.

7. O! si possem velocissimè totam peragrarè terram, & clamore valido ubiq; vociferari: Vivit JESUS! vivit JESUS!

8. Lætare & exulta anima mea! en cui nuper non erat aspectus neq; decor, nunc resplenduit facies ejus sicut Sol, vestimenta autè illius facta sunt alba sicut nix.

9. Infelix Synagoga, vidisti nuper Regem tuum, & fecisti tanquam leprosum, & novissimū viro um, en cerne! ut pulchritudinem illius sol & luna mirantur.

10. Ostende etiam mihi mi dulcis JESU faciem tuam gloriosam! sufficit mihi illam videre

dere antequam moriar. O si citius venirem & apparerem ante te! tunc cum lætitia exclamare: Dominus meus & DEUS meus.

11. Sancte JESU per sanctam Resurrectionē tuam te rogo, fac me sanctum: resuscita me cū sanctis illis, de quibus dicitur: Multa corpora Sanctorum, qui dormierant, surrexerunt. Duc me in sanctam Civitatem tuam, in qua tu es: fac me ita vivere, sicut Sancti illi, a te resuscitati vixerunt tecum.

12. O vere Agne, qui abstulisti peccata mundi! aufer & mea, qui mortem nostram moriendo destruxisti, destrue & meam; qui vitā resurgendo reparasti, repara & meam.

13. Quid vero sunt plagæ istæ in medio manuum tuarum? in medio pedum tuorum, in medio cordis tui? O vere sunt æterni testes amoris, divinæ monumenta pietatis; cruentæ trophæa victoriæ, nimis symbola charitatis, verè sunt januæ cœloꝝ, claustra inferorū, sunt fodinæ gratiarum, sunt deliciæ hominum & Angelorum.

14. Exosculor mi JESU hæc rosea vulnera, ac cicatrices tuas splendidiore sole, exosculor tuum deificatum cor, quod in morte tua tā vehemens rupit amor & dolor.

15. O utinam! mergar & absorbeam pelago pietatis istius, abyssu miserationum istarum: utinam inter vulnera illa, intra viscera illa abscondar, ibiq; perpetuo stupore defixus, exclamem æternitate tota: DEUS meus & Amor meus!

16. Imprime mihi, mi dulcis JESU! cicatrices istas, & lancinent cor meum altissimo vulnere, & vulnere sempiterno: ut tui unius deside-

desiderio langueat cor meum, tui unius amore moriatur, & moriens resurgat, & te diligat in æternum.

Eodem Die

Actus ante S. Communionem.

Adjuro vos filiæ Jerusalem, animæ beatæ, si inveneritis dilectum meum, ut nuntietis ei, quia amore langueo. Quæro dilectum meum candidum & rubicundum, & non invenio.

O vita! per quam vivo, sine qua morior, ubi, quæso, es, ubi te inveniam? ubi es dilecte ex millibus, ubi es? longa mora amanti! quousque ludis amantem amor? sonet vox tua in auribus meis, vox enim tua dulcis & facies tua decora.

Quid dicam? quid faciam? quo vadam? ubi eum quæram? vel quando inveniam? quem rogabo, quis renuntiabit dilecto, quia amore langueo? Defecit gaudium cordis mei, versa est in luctum lætitia mea; defecit caro mea & cor meum DEUS cordis mei & pars mea DEUS in æternum. Renuit consolari anima mea nisi de te dulcedo mea. Quid enim mihi est in cælo, & à te quid volui super terram? Te volo, te spero, te quæro, tibi dixit cor meum: Quæsi vultum tuum, vultum tuum Domine requiram, non avertas faciem tuam à me.

At verò non amplius plorans plorabo, quia consolatus est Dominus populum suum, & pauperum suorum miserebitur. En Angelus Domini evangelizat nobis gaudium magnum: Surrexit Dominus, non est hic, ecce locus, ubi posuerunt

sunt eum. Dicite omnes Sancti in nationibus, & annuntiate hoc in universa terra, quia surrexit Dominus, vivit JESUS!

Verè surrexit, quia Dominus est, quia potestatem habet ponendi animam suam, & iterū sumendi eam. An non licet ei facere quod vult? an non Dominus est vitæ & mortis, habens clavem in manu sua, & quis resistet illi? Quis similis tui in fortibus Domine, magnificus in sanctitate, terribilis atq; laudabilis & faciens mirabilia?

Benedictus sis Domine DEUS noster, in multitudine virtutis tuæ, in magnitudine brachii tui, in splendore fulgurantis hastæ tuæ, in altitudine consilii tui, & profundis abyssis cogitationum tuarum, vere Domine tu es Rex potens ad salvandum, redemisti, salvasti, vivificasti, eduxisti nos, confregisti sceptrum exactoris, & triumphasti adversarios tuos oppressores nostros.

Gratulamur tibi Domine Majestatis gloriosæ & magnificam Resurrectionem tuam, gratulamur tibi, quia eduxisti in fortitudine tua victos de lacu in quo non erat aqua. Gratulamur tibi, quia non dedisti Sanctum tuum videre corruptionem in sepulchro, sed stolam immortalitatis, & communicatione gloriæ illud induisti, simulq; etiam nobis servulis tuis spem & expectationem resurrectionis per te nostræ futuræ exhibuisti.

Exultamus cum Sanctorum Patriarcharum; Prophetarum, Patrum cæteris universis, quos Tu ô Rex gloriæ! & desideratus eorum, eduxisti victos de lacu, in quo sedebant te expectantes liberatorem suum. Exultamus cum
uni-

universis cœlis, & cœlestibus choris, quos hodie lætificavit resurrectio tua. Exultamus & cum universis creaturis, quas splendor resurrectionis tuæ vivificavit & recreavit.

Consolari etiam digneris hodie animam meam mi Domine! ut cognoscam te in fractione panis, qui de cœlo descendit. Appare mi JESU gloriosus & formosus animæ meæ. Cupio te eo affectu intensissimo non tantum apparentem mihi, sed etiam te inviscerantem in hoc Sanctissimo SACRAMENTO excipere, sumere, manducare, quo affectu te resurgentem, & gloriosum salutavit, excepit, adoravit dulcissima Mater, ac omnes Discipuli tui.

Actus post S. Communionem.

Credo, quod Redemptor meus vivit. Vivit in me Christus. Exultat Spiritus meus in DEO salutari meo. Gratias tibi ago, quia tu venisti ad me, Dominus meus & DEUS meus. Osculor Domine sacrosancta vulnera tua.

Vivat in me JESUS, regnet, triumphet JESUS, DEI vivi & Mariæ Filius, qui ex Patre genitus ante omnia sæcula eidem consubstantialis, pro me nasci & mori voluit, qui denique à mortuis redivivus hodie victor exiit.

Amate & recreate Dominum in me contentum omnes Sancti Angeli, cantate illi pro me Sanctus vestrum. Desinam Domine esse, si non debeo amare te. Saluto te hospes amantissime, cum tua Sanctissima Genitrice, Matreque omnium nostrum MARIA, quæ te vivum & triumphantem de morte recepit, salutavit, completa est. Cujus animam sicut in tua morte gladius

dus doloris pertransiit sic in resurrectione tua triumphus exultationis inundavit.

Salutat te etiam cum omnibus creaturis tuis anima mea, quæcunq; sunt in cœlo & in terra, sanguine tuo redempta, morte tua vivificata, resurrectione tua resuscitata, insuper etiam corpore & Sanguine tuo pasta, refecta, & saginata.

In persona omnium hominum in toto mundo existentium, ac præcipuè nomine universæ sanctæ Ecclesiæ tuæ Catholicæ, Solennitatem Resurrectionis tuæ cum lætitia & exultatione recolentis, saluto & adoro te immortalis VICTOR mortis & inferni. Domine IESU, Redemptor humani generis, Pater futuri sæculi, primitiæ resurgentium, te Dominum universorum agnosco, de tuo triumpho & devicta morte ac inferno, cum toto mundo gaudeo & exulto.

Nomen tuum & memoriale tuum Domine mi in desiderio animæ nostræ, quia cum dilexisses nos servulos tuos usque in finem dilexisti, & posuisti animam tuam dilectam pro nobis, rursumque assumpsisti eam, & reduxisti victor à sepulchro inter mortuos liber.

In Ascensione Domini.

1. **A**biisti Domine in cœlum, quia malè tibi in terra à nobis peccatoribus fuit.

2. O Domine! ideonè tot annis quæsitus, tot sæculis expectatus, tot lacrymis quæsitus fuisti, tot votis expetitus, tot suspiriis exoptatus, ut brevi nobiscum conversatus redires? quid displicuit tibi in nobis?

3. Quomodo mi Domine potes dicere: delicta

liciae meae sunt esse cum filiis hominum, cum in altissimis habites, nos autem relinquant in infimis?

4. O Pater! quid facis nobis sic? omnes dolentes amittimus Salvatorem nostrum, & non est tibi curae, quod nos deolatatos relinquit?

5. Utinam mi Domine! disrumperes terram huius corporis mei, & irem ad te. Quid enim mihi est in caelo, & praeter te quid volo in terra?

6. O si citius de custodia corporis mei educeretur anima mea, quod videndo DEO meo officit! O si darentur mihi pennae sicut colubae, volarem & quiescerem sub umbra illius, quem desiderat anima mea!

7. Super flumina tantisper Babylonis huius sededo & flebo, quamdiu recordabor tui Sion, non quidem propter te, sed propter eum, qui habet solium suum in te.

8. Dic ergo jam anime mi ultimum vale Salvatori tuo. Vale mi Redemptor, vale mi dulcis Amor. sed memento mei, dum veneris in regnum tuum. Vale Frater amabilis nimis! vale Sponse animarum nostrarum! sed prius ante discessum da JESU benedictionem, da Frater amplexum, da Sponse dilecte amoris suavium.

9. Intelligis tu Domine & superintelligis omnia. Intellige super me egenum & pauperem, ac me desolatum redde Matri tuae: ne derelinquas me orphanum. da mihi dulcissimam hanc Matrem, qui dona das hominibus.

10. O! qui ascendens in altum captivam duxit.

duxisti captivitatem! gratulor tuæ magnificentiæ, super cœlos elevata! Fac me magnificum in sanctitate. Tu scis quid me captivum teneat, ne liber amem te, hanc meâ captivitatem captivam ducas in triumpho tuo.

11. Omnis pulchritudo tua elevata est super sidera? da ut omnis amor meus habitet ibi tecum, in amore veræ pulchritudinis occupatus. Utinam semper ibi sit cor meum, ubi est thesaurus meus!

12. O IESU! qui es plusquam Elias curru igneo hinc abreptus: fiat super me Spiritus tuus duplex, timoris, quo timeam DEUM tuum & DEUM nostrum; amoris, quo amplectar Patrem tuum & Patrem nostrum ad quem ascendis.

13. Dixisti Domine: Ego si exaltatus fuerò à terra omnia traham ad me ipsum. Trahe me obsecro post te, & educ in altum; ut mihi quotidie ascensiones in corde disponenti hæc infima, minora semper & minora videantur.

14. O! gloriose triumphator, qui hodie super omnes cœlos ascendisti, & jam venisti in regnum tuum, obsecro, memento nostri, memento quòd sis os de ossibus nostris, & caro de carne nostra. Utique & in manibus tuis descripsisti nos, lege scripturam istam & salva nos.

15. Jam non possum tristari, quia Christus advocatum habemus in cœlis! ille pro nobis exhibebit Patri latus & vulnera. Mater Filio pectus & ubera, certè non poterit esse repulsa, ubi tot concurrent charitatis testimonio.

Eodem

Eodem Die

Actus ante S. Communionem

Heu mihi Domine! heu animæ meæ! recessisti consolator animæ meæ nec vale dixisti. Ingressus vias tuas benedixisti tuis, nec affui! Elevatis manibus à nube susceptus es in cœlum, nec vidi. Angeli promiserunt te rediturum, nec audiui.

Cur ergo indignus & infelix ascendentem Regem Regum Dominumq; gloriæ videre non potui, mirari non potui, comitari non potui? credere vix per gratiam ejus mereor. Ah me! quare non adfui cum ille formosus in stola sua juvenis Homo DEUS in superna cœlorum conscendit?

Quare non excepi ejus ultima verba? quare ultimo benedicens suos, caput non reverenter inclinavi? cur non sum divinam illam amplexatus osculatusq; dexteram? cur ad pedes non sum prostratus divinos? O si ego tunc potuissem fuisse illa particula terræ, in qua ultimo steterunt pedes ejus. & in qua vestigia impressa reliquit pedum tuorum.

O! quam felix & beatus fuisset, si vidisset te mi JESU cum ad cœlos te tua virtute subvehebas, quando omnis pulchritudo tua exaltabatur super sydera? Tunc ego totus mei ipsius non tantum oblitus, sed etiam exutus, atq; totus vox exultationis factus, dedissem vocem meam in orbem, clamans & jubilans: Omnes gentes plaudite manibus, jubilate DEO in voce exultationis, facite vocem jucunditatis, magnificetur coram omnibus gentibus novum.

Alle-

Alleluja, quia ascendit DEUS in jubilatione, & Dominus in voce tubæ.

O! quam beati illorum oculi, qui abeuntem in cœlos DEUM hominem contemplati, atq; fixis obtutibus comitati sunt. Quibus gratulor vobis vocibus ô Animæ Sanctæ! Sanctissimi gregis Christi, beatum illud spectaculū, ipsis etiam Angelicis mentibus admirandum! Gratulor vobis ô Animæ Sanctæ, quia interfuistis, vidistis Ascensorem cœli, DEUM & Patrem vestrum. Multi enim, Reges & Prophetæ desideraverunt videre tanta mysteria, quæ vidistis, nec viderunt.

O! tu cor Virgineum; ô cor Maternum, ô cor MARIÆ! ecquid tibi & Filio abeunti intercessit? Hoc utiq; nec humana mens nec ipsi Angelorum chori, comprehendere sufficiunt.

Quid ergo nunc dicam, aut quid respondebo, dum dicitur mihi hodie: ubi est DEUS tuus? ubi es tu mi JESU amor dulcis noster? Converte parumper oculos tuos ut intuear te, nec faciant à me avolare aspectum tuum: sonet adhuc vox tua, vel ultimo in auribus meis, vox enim tua dulcis & facies tua decora.

Tibi amator hominum benignissime, derelictus est pauper, orphano tu eris adjutor, ergo miserere mei orphani derelicti, pupillus factus sum absq; Patre, anima mea quasi vidua. Exhibe te adhuc ori animæ meæ, & faucibus cordis mei in cibum atq; potū salutis, ut gustem te, & explear te.

Quis enim scit, quando replebimur ab ubertate domus tuæ? & torrente voluptatis tuæ potabimur? & quando perveniet spiritus meus usq;

usq; ad locum habitationis gloriæ tuæ? ut ibi super mensam refectionis Civium supernorū pascatur de micis tuis in loco pascuæ tuæ juxta fluentia plenissima?

Interea dum tædia vitæ toleranda sunt? in loco hoc peregrinationis meæ & exilii, pascar eucharistico manna, pane Angelorum, deliciis cœli, donec aspiret dies æternitatis, & inclinentur umbræ hujus vitæ, donec videam faciem ad faciem illum, qui modo absconditus hic me respicit per cancellos.

Illo te mi dulcis JESU cordis mei affectu, tam dulciter expansis animæ meæ brachiis; tam affectuoso mentis gaudio excipere desidero, quo te Pater æternus tuus venientem ad se in cœlum excepit, atq; ad dexteram suā collocavit. Tam hilariter patet tibi anima mea universa, quàm effuse patuit tibi ingredienti tota cœlorum Regia. O cordis porta dilatare, ut sis vastior cœlo, cœliquē Dominū capere possis.

Actus post S. Communionem.

UNde inveni hanc gratiam in oculis tuis mi JESU, quia me vilissimum peccatorem admittere dignatus es, ad vivificum tuæ mensæ convivium?

Et quis sum ego? pulvis & cinis, ut apponeres erga me cor tuum, inclinans cœlos & descendens, ut deficientem præ fame animam meā non manna de cœlo, sed carne tua immaculata, reficeres & satiares?

Si cœli cœlorum te capere non possunt, & Angeli non sunt mundi in conspectu tuo, quis
ego

ego sum, & quæ domus mea, ut ad me venire & in me commorari volueris? Quid in me invenisti Rex tremendæ majestatis, quod à templo gloriæ tuæ traheret te, & iterum descendere faceret in abyssum miserationum?

Vos Angeli Sancti, vos omnes Electi DEI, venite, audite, & narrabo vobis quanta fecit DEUS animæ meæ. Cum essem pauper & abominabilis, nec auderem oculos meos levare ad coslum præ multitudine iniquitatum mearum, ille me de pulvere suscitavit, ut de mensa ejus comederem omnibus diebus vitæ meæ.

Quid ergo retribuam Domino pro omnibus quæ tribuit mihi? Ego nescio loqui, quia puer ego sum, non annis, sed seniu. Quis enim amor infinitæ charitati ejus à me reddi potest, qui, frigus & gelu dici, non autem amor mereatur? Quæ laus, adoratio, quale obsequium meum erit, quod nullum non reddat infinita ejus perfectio & dignitas, & imae summa indignitas mea? Tu nosti Domine figmentum meum.

Tibi ergo laudes concinant, tibi mecum gratias agant universi populi, tribus, & lingua, omnes Angeli & Sancti tui, quoniam misericordia tua magnificata est super me, & miserationes tuæ super omnia opera tua. Jubilent tibi omnes creaturæ, quæcunq; cæli, terræ, & abyssi ambitu continentur, & laudem tibi perpetuam dicant.

O! si etiam cor meum illâ amoris flammâ, illo æternæ charitatis igne succensum in æternum ardere posset, quo ardens Seraphi-

D d

ni,

ni quo tuo in celum adventu ardebat Mater tua. & omnes electi tui, tua illa in triumpho ducta beata captivitas.

Die Pentecostes.

1. **Q**uod munus pro Salvatore nostro dabis celum nobis? emitte obsecro Spiritum tuum, & renovabis faciem terræ.

2. Utinam Divinissime Spiritus disrumpes celos, & ad me descenderes, quia anima mea, velut terra sine aqua tibi.

3. Quemadmodum desiderat cervus ad fontes aquarum, ita anima mea Te desiderat, desideris Virginis Matris, & Apostolorum.

4. Veni Creator Spiritus & emitte cœlitus lucis tuæ radium: Veni Pater pauperum, veni da or munerum, veni lumen cordium. Consolator optime, dulcis hospes animæ, dulce refrigerium in labore requies, in astu temperies, in fletu solatium.

5. O lux beatissima! reple cordis inima, tuorum fideliū, sine tuo numine, nihil est in homine, nihil est innoxium. Lava quod est sordidum, lana quod est saucium, flecte quod est rigidum, fove quod est frigidum, regere quod est devium.

6. Da tuis fidelibus in te confidentibus sacrum septenarium, da virtutis meritum, da salutis exitum, da perenne gaudium.

7. Recipe me (ô Spiritus!) inter suavissimos amoris tuiimplexis, quibus constrictus Spiritus meus totus ardeat & comburatur.

8. Accende cor meum frigidissimum igne tuo DEUS meus: tu enim ignis comburens es, & facis ministros tuos ignem urentem.

9. Pro-

9. Produc divinissime Hospes austrum ardentissimæ dilectionis tuæ, qui me tam valido impetu à mundo impellat in te, ut à me ipso translatus deinceps spiritum non habeam extra te.

10. O! si vulnerares mi DEUS hanc animam meam peccatricem igneo & potentissimo telotuæ nimis charitatis, ut ex ipso vulnere amoris tui uberrimæ fluant lacrymæ die ac nocte.

11. Meis affectibus careo optatissime ac desideratissime Hospes! ideo offero tibi affectus & amoris æstus, quibus ardebat cor Virginis Matris & Apostolorum in tuo adventu.

12. O si linguis omnium hominum & Angelorum loqui possem, irem per univertum mundum, & annuntiarem hoc gaudium magnum: Spiritus Domini replevit orbem terrarum.

13. O Patris, ô Filii amor æterne SS. Spiritus! gratulor, quod sis DEUS! Gratulor quod infinita illa polchritudo & bonitas ametur à se ipsa tantum, quantum est ipsa.

14. Quidquid boni accepit ullus à te, gratias ago tibi! Quidquid boni fecit ullus gratulor tibi & illi! Opto, ut ameris tot Seraphicorum chororum cordibus, quot tu mente tua infinita potes concipere. Opto, ut omnes homines tuo amore semper ardeant, & nullus non amet, qui potest amare.

15. Displicet mihi, quidquid mali sit, aut unquam factum est contra te. Utinam prohibere possem mala omnia, & bona quæ fiunt augere omnia, ac omnium cordibus a-

mare te, singulisque momentis vitæ meæ tag-
tūm facere boni, quantum factum est ab
omnibus unquam!

16. Utinam mea, & omnia omnium pecca-
ta, possem in pretiosissimos tibi gratissimos
excellæ & ardentissimæ erga te charitatis
actus, adeoque ipsas inferni flammæ (si id
tibi placeret) in æternum tui amoris ignem
convertere, ac omnia corda frigida linguis i-
gneis tibi accendere!

Eodem Die

Actus ante S. Communionem.

EN pulvis & cinis procido ante te! adoro
te, confiteor & agnosco divinissime Spiritus
Paraclete, Spiritus veritatis, DEUS de
Patre DEO, de Filio DEO, procedens DE-
US. Tu enim es Patris & Filii consubstan-
tialis & coæternus ac coæqualis Amor.

O! quis mihi dedisset tunc immistum sta-
re turbæ illi sanctæ, pusillo gregi Christi,
novellæ Ecclesiæ, in quam tu sacro Pente-
costes die in linguis igneis dispersitis descen-
disti & sedisti: tunc illâ purissimâ flammâ,
illo insatiabili æstu desiderii, amoris, gaudii,
arderet cor meum, tunc dilataretur & deli-
ciis afflueret ab omnimoda gloria tua.

O ardor Salutaris! ô ignis divine! ignis
sancte, ignis desiderabilis, ignis vivificans,
ignis accendens & purificans, ignis transfor-
mans, Spiritus Sancte Paraclete! te nunc
appello, te obtestor, qui felicissimo incendio
hodie orbem terrarum succendisti, accende
me, purifica me, ad amorem tui inflamma
me.

O Lux

O! Lux beatissima cordium. quibus te desiderabo votis, quibus anhelabo tædiis. quibus ad te suspirabo cordibus? ecce quantus, quantus sum, totus desidero te, totus suspiro ad te, tota substantia mea tibi ostium patet.

Complaceat tibi ô! DEUS donum, & DEUS Spiritus. ô! DEUS amoris, complaceat inquam tibi in anima mea, ancilla tua. Respice ad illam & descende in eam, complaceat, quæso tibi hoc etiam exiguum cor meum, ut despectas ad illud, & accendas illud, & sanctifices, & inhabites.

O dulcis Hospes animarum! & quid est quod impedit te, ne possit requiescere pes tuus in me? non quidem loquar, quasi me iustum sciam, cum contra me testimonium meum dicant peccata mea multa & magna nimis, sed quia ipsa peccata mea, ac miseriæ meæ, faciunt locum misericordiæ tuæ, provocantq; bonitatem tuam. ut sanet infirmitatem meam, & auferat iniquitatem meam. Veni itaque ô! Sancte Spiritus, veni ad animam meam, planè Domine incularem te, si nolles venire ad me. En desidero recipere te, & desidero cordialiter.

Hæc sunt vota mea ad te ô Pater votorum meorum! Hæc sunt suspiria mea, quibus clamo post te currentem ad animas iustas abs te tibi præparatas, ut venias quoq; ad animam meam, neque pertranscas eam: alioqui quæ mihi utilitas in adventu tuo, aut quis mihi fructus donorum tuorum. Si ego vacuus te sum, & sic nec de te, nec de bonis tuis gustat & gaudet anima mea?

Noli

Noli expectare, ut animam præparem tibi, quia illa ipsa expectat, ut pares eam tu ipse tibi. Unique in hunc finem nobis creaturis suis orphanis suis, misit te Unigenitus DEI ad corda nostra, ut mundares ea, & faceres templum tibi, atque illi, & Patri æterno. Veni ergo Pater pauperum, veni dator munerum, veni lumen cordium.

Veni cum illa carne, cum illo sanguine, cum illa anima, cum illa humanitate, cum illo DEI Patris Virginisq; MARIE Unigenito, cum illo Homine DEO de te concepto, à te sanctificato, cui de purissimo Virginis MARIE sanguine corpus & sanguinem adaptasti in utero Virginali.

O amor cordis! qui semper ardes & nunquam exstingueris, o vita animæ meæ! o dulcedo! dilata angustias cordis mei, ut capiam te, & degustem interiori mentis ore, quam suavis sit Domine Spiritus tuus.

Actus post S. Communionem.

QUid ret tuam tibi Domine pro omnibus, quæ tu tribuisti mihi! quid retribuet tibi anima mea, insignita tua imagine, redempta tuo sanguine, desponsata fide, dotata Spiritu Sancto, & ab eodem sanctificata, insuper Corpore & Sanguine tuo refecta?

Unde mihi indignissimo terræ vermiculo, peccatori miserrimo, tanta dignatio, tanta miseratio, tam stupenda tantæ maiestatis dilectio, ut tu sic venias ad me, ut corpus & sanguinem tuum, id est te ipsum, modo prorsus admirabili, in hoc SACRAMENTO largiaris?

O cha-

O charitas! ô pietas! ô novum & admirabile beneficium!

O Divinissime Spiritus! si venisti ignem mittere in terram, cur non accendis hoc frigidissimum cor meum, ut succensum comburatur & in cineres ab ea dilectionis tuæ? cur flammis tuæ immensæ charitatis transflammarum te solo, & te solum non ardet? cur ego totus non consumor, non liqueſco? cur non totus deficio à me & transgo in te? quomodo non tota se anima mea eviscerabit in charitatem bonitatis & misericordiæ tuæ?

O! Domine pro omnibus, quæ tu tribuisti mihi, misericordias tuas in æternum cantabo. Magnificet anima mea Dominum tot tantisque affecta ejus beneficiis, & exaltet Spiritus meus in DEO salutari meo, quia respexit humilitatem servi sui, & fecit mihi magna qui potens est, & esurientem implevit bonis.

O! si omnium electorum tuorum corda Spiritus Sancte DEUS amore tui inflammasti, si ora in laudem tuam eloquentissima nunc habent, omnibus illorum cordibus te amarem, omnibus illorum vocibus te laudarem, cum Patre & Filio in corde meo commemorantem, atque per communionem sanctissimi Corporis Christi JESU, præsentiam tuam mihi indulgentem.

Benedicat te mi DEUS tota substantia animæ meæ & corporis mei. Glorificent te omnia interiora mea. Benedicunt & laudent te pro me omnia mirabilia opera tua. Benedicant te magnæ miserationes & misericordiæ tuæ, infinita beneficia tua mihi à te ô DE-

US cordis mei impensa, & universæ creaturæ. Jubilent tibi omnia pietatis & bonitatis tuæ viscera.

In Feste SSS. TRINITATIS.

1. **C**redo te DEUM Patrem ingenitum, Filium unigenitum, Spiritum Sanctum ab utroque procedentem. O! credam & fruar semper, quia tu DEUS meus es principium meum & finis ultimus, & mea æterna beatitudo!

2. O DEUS immensæ majestatis! in omni loco cœli, æris, aquæ, purgatorii, inferni, in omni loco dominationis tuæ ante te procido, tibi genua flexo, te ubique præsentem adoro.

3. O Pater! principium absque principio! gaudeo, quod intra te Verbum æternum concipias, Filiumq; generes, adeo tibi similem, ut sit unum & idem tecum in essentia.

4. O DEUS infinite! qui es trinus in personis, sed unus in essentia; & in Divinitate communicas, ut unitas non lædatur; communica mihi copiosam gratiam, ut sim unus tecum charitate perfecta.

5. O DEUS unitas! ô DEUS Trinitas! Credo, adoro, & laudo te, pro omnibus, qui te ignorant, vel blasphemant, siue in terris, siue in inferno.

6. O! si fidem annuntiare possem in universo mundo, & omnes infideles ad te DEUM convertere! quàm libenter id facerem, etsi propterea omnia tormenta, omnes cruciatus sustinere deberem.

7. Utinam possem DEUS meas! omnium infidelium intellectibus in te credere, omnium affectibus te amare, omnium viribus tibi servire! utinam possem blasphemias omnium damnatorum in laudem tui commutare!

8. Detestor mi DEUS contra te trinum & unum omnes errores, & irreverentias ubicunque in toto mundo factas, ac omnes blasphemias anathematizo.

9. Pro omnibus & in omnibus creaturis, quæcunque fuerunt, sunt, & erunt, siue rationales illæ, siue non, te adoro, te laudo, tibi gratias ago, tibi inelamo: Benedicite omnia opera Domini Domino: Sanctus Sanctus Sanctus Dominus DEUS Sabaoth. Gloria Patri &c.

10. Desidero, ut quævis creatura rationalis tibi serviat, te laudet, te amet, propter solam & maximam gloriam tuam, ob amorem & beneplacitum tuum, ob tuæ voluntatis impletionem, ac in adorationem & latriam tibi debitam.

11. Desidero per quamlibet creaturæ rationalis actionem, exhiberi tibi, quidquid unquam te dignum cogitari & exhiberi tibi debet, potestque à quocunque & omnibus in toto mundo.

12. Opto per quamlibet actionem meam reproduci, approbari, & ratificari omnes actus sanctissimos, siue in cælo, siue in terra elicitos & eliciendos ad gloriam tuam.

13. Quidquid boni de te scriptum habent bibliothecæ omnes; quidquid boni de te scriptis, vel cogitavis ullus; quidquid in thesauro scien-

scientiæ tuæ est, quod tibi offerri à me possit, id omne tibi offero.

14. Quidquid unquam per totam vitam meā cogitavero, dixerō, fecerō, id totum offero tibi & consecro, in gratulationem de bonis tuis, in satisfactionem pro malis meis, in impetrationem amoris, quo te magis ac magis amare velim semper.

15. Quotiescunque ad te sustulero animum meum, atque de te cogitavero, audierō; toties cordialiter cupio dissolvi, & videre in cœlo: toties omnes & singulos omnium actus peccaminosos, desidero per intentissimos ac elici possibiles, amoris, doloris & appretiationis affectus compensare: toties cupio in persona omnium peccatorum restituere honorem Excellentiae, dignitati, & immensitati divinae.

Eodem Die

Actus ante S. Communionem.

IN misericordia sempiterna misertus sum tui, dicis Redemptor meus Domine. Sed quantā vel quali? tanta quæ sæculis respondeat infinitis.

Præ cæteris dilexisti me & divitias bonitatis tuæ copiosius in me effudisti, dum ex tot millibus, quos oblivioni dedisti, elegisti me, ut essem in tempore, adhuc terram non feceras, & me creaturam tuam fore prævidisti, de nihilo me facere decrevisti, priusquam me formasses in utero, novisti me & antequam exirem de illo, quidquid tibi placuit, præordinasti de me.

Quid, quæso, invenisti in me, quod præ cæteris

teris ante mundi constitutionem sic diligeres me? Quid enim egeram, qui non eram? Siccine ô bonitas infinita in charitate perpetua dilexisti me, & ideo eduxisti me de nihilo miserans mei? Utinam fuisset ab æterno, & ab æterno te amassem amore Seraphico!

Necdû hic stetit amor tuus. Insuper mi Domine, eò te in amore video progressû, ut mihi mortuo cani, & vilissimæ creaturæ tuæ dones, & offeras carnem tuam, & sanguinem, unde comedam & bibam, & inebrier amore tui, & vivam, & moriar in te vitæ meæ DEUS meus & omnia!

O prodigium amoris! ergonè pauper & humilis pascar, & satiabor pane hoc suavissimo de cœlo præstito, quo tuam in filios dulcedinem demonstras, quo esurientes replebis bonis & fastidiosos dimittis inanes?

Quid est homo, quod memor es ejus mi Domine, aut filius hominis, quia reputas eum? Utique sum cadaver putridum, esca vermium, vas fætidum, cibus ignium. Utique homo vanitati similis factus, comparatus jumentis insipientibus, & sæpius similis effectus illis.

O mi Creator! ô mi Redemptor! quantum tibi debeo! opus utriusque mirabile & amabile. In primo enim opere me mihi dedisti, in secundo te. Loquar ergo ad te Dominum meum, cum sim pulvis & cinis. Memento verbi tui servo tuo Domine, in quo mihi spem dedisti, tu enim promisisti. Ad eum veniemus & mansionem apud eum faciemus.

Domine ante te desiderium meum, & gemitus meus à te non est abconditus, paratum

cor meum DEUS! paratum cor meum, quod totum tibi offero. Desiderium pauperis exaudi ô Domine! præparationem cordis ejus audiat auris tua.

Ecce in siti desideriorum ferventi hodie venio ad te, & tibi cor meum in habitaculum humiliter offero, tuam exorans clementiam, ut dignanter advenias in animam meam, & in medio cordis mei sedem tibi colloces, ut delicias tuas etiam in me habere digneris.

Desidero Pater æterne cum eo affectu, eaq; donorum cœlestium copia Christum sub his speciebus suscipere, quo illum pretiosissimæ Virgini Parenti, & per illam universo generi humano in Incarnatione dedisti.

Desidero Fili Redemptor mundi DEUS cū eo affectu te suscipere, quo tu ipse te in ultima cœna confecisti, & sumpisti, in Ara crucis obtulisti.

Desidero Spiritus Sancte DEUS tam mundum cor & corpus habere, propter divinissimum Sacramentum recipiendum, quàm mundum, purum, atque dignum effecisti in Parente pretiosissima Virgine MARIA, quando Verbum æternum exceptum erat.

Actus post S. Communionem.

O Taceo! nec habeo ultra spiritum, sed & anima mea liquefacta est à vultu decoris tui mi Hospes amantissime. Verè implesti, quod promissisti. credo enim quia venistis ad me ô Pater! ô Fili! ô Spiritus sancte! & mansionem apud me fecistis.

Ideo cum Angelis & Archangelis, cum Thronis & Dominationibus, cum Cherubinis & Seraphi-

raphinis, & cum omni Militia cœlestis exercitus hymnum gloriæ tuæ concino: ô DEUS unitas! ô DEUS Trinitas! Sanctus Sanctus Sanctus Dominus DEUS Sabaoth. Pleni sunt cœli & terra gloriâ tuâ.

Benedicimus te DEUM cœli, & coram cœnibus viventibus confitebimur tibi, quia fecisti nobiscum misericordiam tuam. Tibi laus, Tibi gloria, Tibi gratiarum actio in sæcula sempiterna ô beata Trinitas!

Pronus ac supplex procido ante te, ô superaugusta ac ineffabilis Trinitas DEUS meus, sub his Sacramentalibus speciebus existentem. Nam tu ô Pater æternè! isthic ab æterno genitū Filium tuum generas, & tu ô Fili! ex Patre hic nascens, ibidem Spiritum Sanctum unâ cum ipso Patre spiras. Et tu ô Spiritus sancte! à Patre Filioque hic spiratus.

Adoro te devotè hic latens Deitas, quæ sub his figuris verè latitas. Adoro, & laudare cupio tot laudibus, quot tu ô Sanctissima Trinitas! tuâ sapientiâ concipere, bonitate optare pōtes. quot omnes Sancti Angeli & electi tui elicuerunt, & elicient.

Sis ô JESU! cum Patre & Spiritu Sancto infinitè benedictus ab omnibus Sanctis, & omnibus etiam possibilibus creaturis, in omnibus perfectionibus, operibus, & beneficiis tuis, super omnia gratis propter te in æternum & ultra.

Assumo omnes omnium creaturarum affectus, iisque te hic præsentem & latentem adoro, colo, veneror, hancq; adorationem in æternum continuo. Imò etiam in persona omnium de te mi DEUS nescientium aut sci-

re nolentium, uti sunt idololatæ, pagani, athei, blasphemæ, firmiſſi & profiteor Te trium esse & unum, nomine illorum ac totius mundi Tibi Regi sæculorum immortalis & invisi- bili reddo gloriam & honorem.

In Feſto Corporis Chriſti.

1. **V**ENITE omnes, audite, & narrabo vobis, qui timetis DEUM, quia amatis Dominum IESUM, quanta fecit animæ noſtræ! En DEUS & homo fecit nobis cœnam magnam! fecit convivium magnum.

2. O res mirabilis! manducat Dominum pauper ſervus & humilis! ô prodigium! en catelli non tantum de micis edunt, quæ cadunt de menſa Domini, ſed Panem Angelorum manducat homo catellus Domini.

3. O! quàm ſuavis eſt Domine Spiritus tuus qui ut dulcedinem tuam in filios demonſtrares, pane ſuaviſſimo de cœlo præſtito ſufficientes replet, & divites dimittis inanes.

4. Vicisti Domine, vicisti miſericordiâ & bonitate tua, omnia exempla, omnia ingenia, omnes amores, & omnem expectationem omnium creaturarum ſuperasti.

5. Utinam hodie replicari poſſem, & in omnibus Eccleſiis, quæ ſunt in toto mundo tibi mi DEUS Eucharistiçè exiſtenti offerre & innovarem omnes actus adorationis, ſalutationis, recognitionis, impenſos & impendendos.

6. Utinam cor meum extractum à corpore in tot minutiffimas dividi poſſet particulas, quot pulveris pirii grana in cineres hodie redi-
tur,

tur, ut totum redactum in cineres in cultum Eucharistiæ consumeretur!

7. Utinam in omnibus Ecclesiis, in omnibus plateis, processibus, loco lampadum & candelarum ante Eucharistiam suspendere possem in venis cor meum, ut arderet continuo & totum combureretur, totum consumeretur, totum abiret in cineres amoris divini!

8. Gaudeo & exulto mi JESU! quod tibi in Sacramento latenti publicus per totum mundum honor deferatur in templis, processionibus. Quod omnes Reges & Principes tibi Reg potentissimo cum summa humilitate & reverentia genu flectant ante te procidant; te agnoscant, & venerentur.

9. Desidero in locum idolorum & falsorum Numinum, quæ sunt inter Ethnicismum, & infideles omnes, introduci SS. Eucharistiam ipsiusque cultum ubique promoveri & celebrari.

10. Doleo mi DEUS, doleo cordialissime ob infinitam Majestatis & beatitudinis tuæ excellentiam de omnibus sacrilegiis, hæresibus, blasphemis, irreverentiis: abusu Eucharistiæ, contemptibus, quibus unquam à sagis, hæreticis, malis Catholicis, in hoc SACRAMENTO verè præsens, offensus es & offenderis.

11. Desidero ut ab omnibus creaturis rationalibus adoreris, & glorificeris in hoc SACRAMENTO & dignè suscipiaris.

12. Effundo tibi mi Domine in hoc SACRAMENTO præsentem mare illud affectuum, orationum, & salutationum, quas Virgo Beatissima, quas Angeli, quas omnes devotissimi servi

fervi tui elicerunt, eliciunt, & elicient ad tempora Antichristi.

13. Desidero mi JESU exhibere tibi tantum honoris, laudis & benedictionis, quantum damnati tibi exhibent contumeliarum toto tempore suppliciorum suorum & quoniam ipsi te adorare & benedicere nolunt, ego nomine ipsorum te adoro, laudo & benedico.

14. Gralias tibi Domine pro omnibus Communionibus sumptis & sumendis à me, & à quocunque in toto mundo, itemque à me accipienda (ut spero in gratia tua) communione Viatici.

15. Desidero potius mi JESU millies mori, quam te unquam indignè, in Eucharistia præsentem suscipere, te tractare.

16. O si semper mi DEUS! Communionem sumendo, illos omnes amoris æstus concentrare possem in cor meum, quibus ardebat cor Virginis Matris, cor maximi Sancti tui!

Eodem Die

Actus ante S. Communionem.

O Quanta mi DEUS! creaturas omnes ob excessum amoris tui admiratione stuporeq; defigis. Nihil deinceps admirari volo, quam tua inventa amoris, nisi fortè cogar obstupescere frigus meum, & modicum illud amoris, quo in te feror.

Audio ex hoc Sanctissimo SACRAMENTO illam suavissimam vocem tuam: Panis, quem ego dabo, caro mea est pro mundi vita, accipite & comedite; hoc est corpus meum, quod pro vobis tradetur. Qui manducat meam carnem, & bibit meum sanguinem, in me manet, & ego in eo.

O SA.

O SACRAMENTUM! ô mysterium! ô arcanum abditum! ô lacrum convivium, in quo Christus sumitur! Quis unquam id beneficii genus ausus est optare? nunquam in cor hominis descendit dignatio tanta.

Quid de hoc loqui præsumam beneficio ineffabili? fecit Dominus exercituum omnibus populis in monte hoc convivium pinguium, convivium vindemiæ pinguium medullatorum (Isai: 25.) vindemiæ defæcatæ. Verè epulum omnium deliciosissimum, suprema (teste Bernardo) omnium felicitas, gustus cœlestiū voluptatum, fructio amplexus Christi.

Quis enim dat hunc cibum? DEUS. Quæ dat tibi anima mea cibum? DEUS? DEUM, Cui dat hunc cibum? homini DEUS. Tu dixisti Domine ore S. Agustini: Cibus sum grandium, cresce & manducabis me, nec tu me mutabis in te, sicut cibum carnis tuæ, sed tu mutaberis in me.

O^o Prodigium amoris! cum videretur non convenire ut divina persona singulis uniretur, quàm admirabile amor divinus excogitavit inventum! quod nunquam in Angelorum mentem venire potuisset, ut se videlicet sub cibi potusq; specie occultatum hominum corporibus & membris inmitteret.

O quantum nos DEUS amat! Vocat nos ad eandem secum eamq; æternam beatitatem. Parum hoc est? fit in gratiam nostri homo, humanitatem assumptam tormentis & cruciatibus dilacerari discerpiq; pro nobis finit, vitam & sanguinem propter nos profundit: parum est!

Insuper seipsum in nos visceraq; nostra ob

nimium nostri amorem ponit ac locat. factus nobis e ca & potus nec contentus se quasi transmutasse in nos per Incarnationem, & unum se nobiscum effecisse. nos quoque per Eucharistiam in se transmutat. & unum secum efficit. Et sicut cer. liquefacta iteri ceræ infusa cum ea efficitur eadem sic anima dum carnem & sanguinem Christi recipis, cum ipso ita conjungeris, ut Christus in te, & tu in Christo inveniaris.

Accende ergo ô DEUS meus vivam flammam beati amoris tui in medio cordis mei. Da mihi continuum charitatis tuæ incendiū, fac me castissimo ardentissimoq; tui amoris igniri, in te rapi ac absorberi. Peream mi Domine! in tui vivi amoris diluvio, sicut perit stilla maris in suæ plenitudinis profundo.

O amor divine! inflamma voluntatem meā, accende omnes affectus ut sicut ferrum igni, ita ego uniar tibi JESU amoris meo.

Actus post S. Communionem.

ERgonè credibile est, quod DEUS habitet super terram? Quid mihi est in cœlo & præter te quid volo in terra? DEUS cordis mei & pars mea DEUS in æternum. O quam bonus Israël DEUS his, qui recto sunt corde! Cantabo Domino qui bona tribuit mihi hodie, & psallam nomini Domini Altissimi.

O charitas! ô pietas! ô misericordia mea! Ergonè mi DEUS tū, qui cibus es Anglorum, factus es cibus pauperum? Parasti in dulcedine tua pauperi DEUS. panem de cœlo


cœlo præstitisti nobis omne delectamentum in te habentem. Panem Angelorum manducavit homo.

Non fecisti taliter omni nationi, ut mihi, & cur mihi? quia amabas me! Amabas me? & ego ullo momento vitæ meæ, te non redamabo? O amor meus! ô DEUS meus! amo, & amo millies, amo coram cœlo & terra & omni creatura, & amare desidero plus quam possum, plus quam valeo. Diligam te Domine quoniam tu prior dilexisti me. Utinam amem te, & ferar in te non meo, sed corde ardentissimorum Seraphinorum, omnibus affectibus omnium & singularum creaturarum etiam possibilium, omnibus genere, specie, numero, distinctis desideris.

In æternum gaudens gaudebo in te Domine; & exultabo in te JESU DEO meo, quia hodie licuit mihi velci Panem Angelorum, & non tantum ut catello de micis sumere, quæ cadunt de mensa Dominorum suorum, sed ad ipsam mensam accubare, propterea narrabo nomen tuum fratribus meis ô IESU! & in medio Ecclesiæ laudabo te. Diligam te ô suavis amator! diligam te ô unica salus animæ meæ.

Tu te totum in SACRAMENTO mihi das cum corpore, anima, & divinitate. Da, ut ego vicissim totum cor, totum corpus, & animam meam, & quidquid sum reddam tibi, qui alias tuus sum, ut omnes facultates corporis & animæ meæ nihil agant aliud, quam quod tu vis.

CA,



C A P U T X.

Breves Meditationes de Passione Domini.

Sive peregrinatio viatoris cum Christo patiente.

O vos omnes! qui transitis per viam, attendite & videte, si est dolor similis, sicut dolor meus. Thr: 1.

Perge Viator plorans, quò trahent funes, quò raptabunt catenæ, quò crudelis feritas incitabit. Perge quò rapit dolor & amor. Sequere JESUM, qui dolorum passibus immensum nostrorum scelerum & infinitæ suæ bonitatis campum dimetitur. Defluit ex vulneribus Christi sanguis pro te ô Viator! sed non in te, nisi tu facias eum per gratitudinem recurrere ad principium suum.

Amor SS. TRINITATIS totus consistit in Passione & Vulneribus Christi, illa enim movent DEUM ad fundenda liberaliter in nos beneficia, ut docent Doctores, qui ajunt, omnia dona gratiæ effectus esse & præmia meritorum ac vulnerum Christi. Si cupis à DEO diligi, ama vulnera Christi, commorare in illis sacris cavernis. Tota tua occupatio sit cum S. Comite Elzeario in vulneribus Domini. Sic ille ad conjugem suam scribit: Si me videre cupis, quære me in vulnere lateris

ris Christi, ibi enim habito, & ibi me poteris invenire.

Unde exclamat S. Bonav: O cæcos filiorum Adæ, qui per hæc vulnera in CHRISTUM nesciunt intrare. Ecce apertus est thesaurus divine sapientiæ & charitatis æternæ. Intra per vulnerum aperturam, & delicias obtinebis. Certum enim & secunda expectatio promissa beatitudinis (inquit S. Leo) ubi est participatio Domini-cæ Passionis.

Christus S. Gertrudi dixit: Filiâ, qui amanter crucifixum in vita intuetur, eum amanter Crucifixus in hora mortis respicere dignabitur.

Virgo quædam Crucifixum fixè intuens, amore æstuans, exclamabat: O DEUS! ô amor! ô excessus amoris! da mihi tantam vocem! quæ audiat ab Oriente ad occidentem, à cælo usque ad infernum, ut te amorem meum omnibus inquam, ut ab omnibus agnoscaris & ameris.

S. Edmundus Episc: Cant: Dæmonem in virtute sanguinis CHRISTI adegit ad significandum sibi, quo potissimum modo superari potest. Adjuro te, inquit, per asperionem Sanguinis CHRISTI, in quo facilius te vincere possum. Respondit dæmon: DEO sic ordinante, in eo quod nominasti, illius sanguinis virtute facile vincor.

Simplex recordatio Passionis CHRISTI (teste B. Alberto Magno) multò plus valet, quam si quis integrum annum in pane & aqua jejunaret; vel si quotidie virgis & flagellis caderetur usque ad effusionem sanguinis; vel si quotidie legeret integrum Psalmum.

terium. Apud Discipul; Ser: 1. in die Pasceves.

Cuidam viro eximie Sanctitatis inter precandam, medium efficacissimum pro excitando in se amore divino flagitanti, respondit CHRISTUS: exerce te in Humanitate mea passionata & vulnerata, nam in ea maxime lucet mei charitas non aliter, quam sol in suo splendore, rosa rutilans in suo odore, ignis vehemens in suo aestu & ardore.

Christus in Horto sudat.

1. **E**Gredere Viator, ac plorans comitare **JESUM** euntem in Hortum Olivarum, vel potius in montem myrrhæ & collem thuris. Primus Viatori **DEO** ad hortum erit passus, non ut flos campi transplantetur in amariorem locum, sed ut liliū collocetur inter spinas acerbissimorum cruciatuum.

2. Cogita dum jam egreditur **CHRISTUS** ad montem Olivarum, cum quanto dolore universa Matri suæ, quæ sibi in Passione eventura erant, prædicit: quia omnino oportet Filium hominis conspui, flagellari, crucifigi.

3. Vide quomodo mæsta Mater ad tantum nuntium exanimata in brachia Filii sui procidit. O dolorem cruentum Matris!

4. Penetra hic viscera Filii & Matris! & quomodo uberrimæ ex oculis utriusq; erumpunt lacrymæ!

5. Aspice, quam triste spectaculum sit hoc, Matrem **DEI** & Filium lacrymis dissolvere! Eheu! quo vadit dilectus tuus ô Noëmi, ô pul;

pulcherrima mulierum, quò vadit? ad hortum, ubi sudabit sanguinem, ad Annam, ubi alapis cruentabitur; ad Herodem, ubi illudetur ut demens; ad prætorium, ubi cadetur ut reus; ad montem, ubi suspendetur ut laico.

6. Cogita quem putas cum dolore sensitisse in egressu portæ civitatis dum intra se diceret: Non sum ultra transiturus per portam hanc, nisi vinculis & catenis constrictus.

7. Cum lacrymis inspicere, quantis angustiis prematur bonus IESUS in hortum veniens. O triste spectaculum! en proinus DEI Filius, genitorum coelestium voluptas expallefcit, submittit genua, procumbit humi, divinum os solo adsternit, cum morte luctatur.

8. Imaginare, quò videas per poros & venas, sanguineas erumpere guttas. Heu qualis hortus hic est Gethsemani! in hortis aliis sunt deliciae, in hoc mæror & dolor.

9. Interroga Dominum IESUM: cur tam præmaturè ex illius corpore erumpit sanguis, sudant pori, stilant venæ, ora lacrymis rigant oculi, pluvunt cuncta membra?

10. Cogita, si primo in passu Viator sanguinem sudat, quis sperandus est tam atrocis transitus ac itineris progressus?

Affectus.

O Mi bone IESU! quò tua demum in nos abibit liberalitas? paulò antè sub extremæ coenæ finem, tuum nobis in calice sanguinem propinasti, jam illum iterum in tuo corpore, in veste, in horti pavimento propinas.

Cur

Cur ita & amor meus! ipse tormenta præcipitas? nondum adsunt carnifices, nondum te flagella lacerant, nondum aculeatæ spinæ divinum verticem perfodiunt, nondum prægrande clavi manus pedesq; configunt, & tamen jam nunc, tam uberes cruoris fonticuli fluunt? Quid cras tecum fiet, cum totum corpus unus erit livor, vulnus unum?

O nimium amorem istum! cui explendo mors una satis non fuit, sed ante mortem vitam hanc nostram mori cœgit! ita ut nostri amantissimus Dominus membratim interire, guttatim contabescere, & per lenta sanguinis stillicidia, diversis viis animam abire voluerit.

O felicem te terram! quæ Domini tui cruorem combibisti, nunquam tam pretioso rore irrigata. Quis mihi det, ut sexcentis osculis fatigem & amplectar locum, quem Salvatoris mei preßerunt vestigia, genua contigerunt.

Quid verò purpureum hunc & tam copiosum sudorem è corpore JESU eliquavit? Eheu! peccata & scelera mea. Hoc prælum fuit, hoc torcular, quo hortus succo plenus fuit expressus! sub isto culparum mearum onere bonus JESUS ingemiscit, mæret, plorat, fatiscit, sudat largiter.

Tantane res erat salus nostra mi Domine! ut eam tanti æstimares, & præditam tantis impendis sarcires? Tam pretiosæ in oculis tuis erant animæ nostræ, ut eis redimendis tantum & tam copiosum destinares pretium? Adeone diligens me, tradidisti temetipsum pro me, ne perennibus traderer flammis?

Ergo

Ergo non diligam te, sed tradam me concupiscentiis meis, tradam me juratis hostibus tuis?

Meliora DEUS meus, meliora! Potius trade me tibi, vel nunc ut disponas de me in tempore & æternitate, ut cantem miserationes tuas stupendas, & magnas in æternum & ultra.

Christus in horto comprehenditur.

1. PEnetra cor Salvatoris: vide cum qua promptitudine & charitate morti se se offerat, cum qua alacritate obviam procedat proditori Judæ & Carnificibus.

Juda quid agis? amoris signo vulnus infligis? mellis oblatione venenum propinas? charitatis officio sanguinem fundis? instrumento pacis mortem irrogas?

2. Vide, quomodo unico verbo omnes satellites straverit in terram, ne prosterneret in inferno.

3. Considera duritiam satellitum, qui nec horrore mortis perterriti, nec blandimento charitatis commoti, quem noluerunt propitium habere Salvatorem, sibi elegerunt judicem severissimum.

4. Obstupesce, quomodo viles & barbari nebulones in Agnum innocentem cum ingenti clamore irruunt: alii caput benedictum pugnis, alii fustibus cædunt: brachia cæteri fustibus tam arctè stringunt, ut sanguis proflire debeat è venis.

5. Intuere, quàm immanem catenam ferream (ut multi volunt) Carnifex injicat collo ejus.

O mi-

O miserabile spectaculum! onustum videre ca-
tenis & funibus Creatorem coeli & terræ!
Quis unquam publicus latro, quis prædo tan-
ta cum rabie tractatus?

6. Comitare alterius CHRISTUM, quem
ad impiam pertrahunt civitatem. O quot
anterius hastis & calcibus te propellunt mi
JESU! quot à tergo te lapidibus, luto, &
pulvere impellunt! Eheu! nulla fera tam ma-
le fuit habita à canibus vena icis.

7. Interea mense concine CHRISTUM ap-
propinquare torrenti Cedron. Intuere illos
gradientes per pontem, CHRISTUM verò,
tanquam indomitam bestiam reptari per ge-
lidas aquas.

8. Inspice cum lacrymis, quomodo lapides
præcui illius torrentis calcineos Domini
vulnerint, & ita eruant, ut per totam viam
sanguinis vestigia relinquant.

9. Insuper comitare CHRISTUM raptum
ad Tribunal Annæ, capite discooperto, fa-
cie livida, manibus post tergum vinctis, pe-
dibus sanguinolentis.

O prodigium! en innocentissimus sol justi-
tiæ ad iniquitatis Tribunalia consistit. Stat
sine Advocato Innocentia, sine Patrono Veri-
tas, sine voce Verbum. Quid enim loque-
retur, cui iam nuper ferale Herodis imper-
rium, ad saltatriculæ vorum, ipsam vocem
eripuerat?

10. Considera, quàm torvis & ardentibus
oculis Basiliscus ille aspiciat Salvatorem! quàm
superbè interroget & sciscitetur ab eo de doctri-
na & Discipulis.

Eheu! obstupescere, ut mox ad primam ac-
ter-

ternæ Sapientiæ vocem, à quopiam ministrorū armata manu, tam crudelissima alapa ei infligitur, ut dentes excusserit, & ex labiis sanguinem elicerit.

Exhorresce t Cœlum ad tam inauditum facinus! contremiscit terra! alapa DEUS percuti potuit! ô Angeli! quomodo manus continere potestis? an attonitos vos tener facti insolentiâ?

Loquitur interim ad focum Petrus eliquatis ad pronas verbis, cui antea pavor ora congelaverat. Loquitur, sed mendacium quia Veritas post crudelem ictum conticuerat. Loquitur, sed insipienter, quia Sapientia obmutuerat.

Affectus.

Quid retribuam tibi Domine JESU pro omnibus Indibriis, percussionibus, vilipendiis, derisionibus, & pro innumeris opprobriis, quibus pro me s t uratus fuisti?

Heu mœstissime, heu dulcissime JESU! Cur adeo ferreum ac lapideum cor habeo, quod compassione ac dolore non scinditur? cur præ dolore non tabescit anima mea, quandoquidē tam immanium dolorum & cruciatuum causa est pessima vita mea?

Potuitne fieri, ut pro me vilissimo vermiculo talia DEUS pateretur? Eheu patitur! quia pro me conculcatur, pro me DEUS ligatur, irridetur à satellitibus nefariis, nunc pugnis, nunc calcibus tunditur.

O amor infinite! quid retribuam tibi, qui pro me servo nequam, tantum, & innocentissimus, & amabilissimus luis? Fundam sanguinem: sed nocentissimus est, dignissimus, quem

quem cines lingant & porci spurcissimi conculcent. Fundā lacrymas, sed peccatrices sunt, immundæ sunt.

O æterna Sapientia dulcis JESU! pro hisce contumeliis, injuriis, irrisiōibus, infanisque clamoribus, te honorent, te glorificent, & extollant omnium Beatorum mentium agmina, vel in solo tuo nomine benedicte JESU, omne genu flectatur, cœlestium, terrestrium, & infernorum.

CHRISTUS apud Caipham.

1. **C**Ogita qualiter Dominus noster. Rex Regum & Dominus dominantium, sub vilissima specie pessimi servi. ab Anna ductus fuit ad Caipham Pontificem illius anni.

2. Considera, quomodo crudelissimi satellites, magis dæmoniorum inferni naturam gerentes, quàm hominum, non sinentes illum pedibus incedere, vi (catenâ collo circumligatâ) raptabant per terram, conculcantes & percutientes illum.

3. Attende, quia ibi juramento **CHRISTUS** adstrictus, apertè se dixit esse Filium **DEI**. Caiphas scidit vestimenta sua, dicens coram omnibus eum blasphemasse.

4. Vide nunc, quomodo eâdem omnes, quâ scelestus ille Pontifex rabie in satellites, in **JESUM** insiliunt! Unus te Domine pugnis cædit, alter convellit capillos, hic te impellit calcibus, ille calcaribus vulnerat.

5. Insuper obstupesce. En exspuunt in faciem Domini! ô novum & inauditum in terris spectaculum! ô faciem Domini alapis lividam! ô faciem fædis sputis macularam!

6. Con-

6. Considera homines sperare volentes ad sordidos domus angulos se convertere. Scilicet impii illi sordidius nihil æstimârunt facie Salvatoris, in quam desiderant Angeli prospicere.

O Pater! respice in faciem CHRISTI tui, & miserere nostri, pro quibus sic fœdatur. O si vel modò incipiant oculi mei ubertim flere, ut vel ita eluant faciem Salvatoris mei!

O Mater! nunc solvis cum usura, quod in partu non habuisti à natura, Filium pariendo, dolorem non sensisti, quem millies replicatum, Filio sic patiente, passa fuisti.

7. Ulterius obstupescere immanium bestiarum, non hominum truculentiam, quomodo hæc non contenti carnificinâ, in profundissimum carcerem, præter tenebras densissimas, plenû fætoe & horrore protrudunt Dominum ferreis constrictum compedibus.

8. Ingredere cum Domino tuo carcerem, quid ibi non tentat Carnificum rabies? en tota nox in crudelissima paupertatis CHRISTI, & innocentiae supplicia extenditur.

9. Considera anima mea celsitudinem Domini DEI tui adeo profundè exinanitam, ut verè non homo, sed vermis, & opprobrium hominum, ac abjectio plebis, nunc dici debeat.

Affectus.

O Nox! quam meus JESUS habuit ultimam in carne mortali, quale tu spectaculum exhibuisti mundo & Angelis, & hominibus! Ecce dum medium silentium tenent omnia, en DEUS & homo! ab homine & pro homine à
geben,

gehennæ circumdatur doloribus! en lamentabiles. Domini preces audiuntur ad Patrē.

O horror cœli! ô scelus mundi! ô dolor & amor DEI mei! ô luna! quæ tam luctuoso spectaculo tuis sola assistis, quando tu demum obscuraberis, si lucet? quando converteris in sanguinem, si serena es.

Quid tibi mi JESU cum terra? quid tibi cū homine? quis audivit unquam tale? ut redimeres servum, Te ipsum servo illudendū tradidisti?

O quàm indebita misratio! quàm gratuita & probata dilectio, quàm inopinata dignatio, quàm stupenda dulcedo! Regem gloriæ pro vilissimis marcipiis, iisq; suis inimicis assumere formam servi, tot suscipere labores & dolores!

Quis unquam parens simile quid fecit pro liberando filio, aut filius pro Parente, aut amicus pro amico, quale fecit DEUS pro homine, Creator pro creatura, suprema Majestas pro vermiculo?

O! cor meum plusquam lapideum, cur non accenderis amore tui JESU? lapis calore solutus in cinerem vertitur, & tu ad tantum calorem immutabilis perseveras? O utinam mi dulcis JESU! mille amoribus amem te! mille obsequiis serviam tibi, mille millenis laudibus prosequar te, omnibus diebus ac noctibus vitæ meæ; ac deinde totâ, quâ patet, æternitate.

CHRISTUS apud Pilatum & Herodem.

1. **V**ide, quòd necdum dies illuxerit, & jã rumor captivitatis Dominicæ per totam civi-

civitatem increbuerat: itaque omnes certatim currunt ad palatium iustitiæ: ubi à senioribus populus adversus Christum concitatur.

2. Observa quomodo Christum decernunt offerre Pilato Præsidi mori condemnandum. O bone DEUS! quantis cum ludibriis, improprietis per mediam civitatem rapitur!

3. Inspice Præsiden Pontium prodire ad solium plenum arrogantis; Christum verò plenum confusione, catenis ligatum coram eo consistere.

4. Audi, quomodo reprobi illi satellites adversus Dominum, tanquam canes effrænes latrant, falsò JESUM insimulantes quòd se DEUM faceret & Regem, & subverteret populum.

5. Considera, quòd cum in multis JESUS accusaretur, nec in eo præses causam mortis inveniret, remisit Christum ad Herodem, sub cuius erat potestate.

Oheu miserandum spectaculum! vix se Christus commovere poterat, & tamen barbari milites per mediam urbem JESUM trahunt, multis probis & fannis afficiunt.

6. Cogita quòd cum videret eum Herodes, putans eum mente caprum, spreverit cum exercitu suo; ac illudens remiserit iterum ad Pilatum.

O bone JESU! quàm ignominiosè ex conspectu Herodis abstractus sis! quantis ludibriis à tanto militum numero exceptus! quot sordibus petitus! nec enim stulti aliter tractari solent.

7. Contemplantur hic cum devotione & compassione, quartam Domini raptationem ad Pilatum.

Larum. Quousq; tandem ô Domine! hæc barbara mancipia te proirudent, colaphis cædent, comas eveillent?

8. Observa quòd Pilatus volens illum liberare dederit sortem ejus cum Barabba homicida scelestissimo, & concesserit populo, ut peteret ex his duobus, quem vellet dimitti.

9. Obstupesce incredibilem Christi patientiã! qui cum esset DEUS verus de DEO vero, passus est non modò se cum Barabba infami nebulone comparari, sed etiam, quod indignissimum est illi postponi.

Affectus.

O Admiranda mi dulcis JESU! tuæ circa nos pietatis dilectio! Quomodo tu, qui tribus digitis appendis terræ molem, qui sedes super Cherubim & intueris abyssos, tam crudeliter, tam immaniter torqueri à reprobis permisisti?

Quid commisisti Domine, ut sic judicareris? quid tecisti mi dulcis JESU, ut adeo crudeliter tractareris? quod scelus tuum? quæ noxa tua?

O glacies non cor! cur non liquefcis ad calorem hunc? nullum prope fingi potest, quod auribus non percepit convitium, nulli quod corpore pro te IESUS non excepit supplicium. Vincit ut fur, consputus ut blasphemator, derisus ut sacrilegus in DEUM.

O mirabilis mysterii dispositio! peccat iniquus, & punitur justus, offendit impius, & damnatur pius, quod perpetrat servus, exsolvit Dominus, quod commisit homo, iustinet DEUS.

Quid

Quid ad hæc ô anima mea? utinam nunc saltem amem te mi DEUS! sed amem ex toto corde, amem ex tota anima, amem ex omnibus viribus meis.

Utinam obverferis semper menti meæ ô vita mea! ô amor meus: utinam ad te semper suspirem ô desiderium; ad te semper confugiā ô alylum meum; semper advolvam pedibus tuis ô mi DEUS; semper exosculer manus tuas ô mi Domine; semper involem in amplexus tuos ô mi Sponse!

CHRISTUS flagellatur.

1. Vide, ut agnum mansuetum impius Præses ad sedandum populi furorem, prædæ Tigrium & Pantherarum tradit, ut eum flagellis cædant.

Ah quantâ cum rabie te mi JESU adoriuntur! vestibus violenter spoliant, & eas projiciunt humi! Quis ausit te denudare ô Rex Regum? Ah quanto cum robore nudus consistis coram illa maledicta multitudine, Virgo Virginum Sponse.

O execrandum seræ posteritati facinus! nudatur DEUS, & Virginea illa candidissimi corporis membra deteguntur! Quo uno scelere, tot mortes DEO inferri crediderim, quot sunt oculi spectatorum.

2. Inspice cum qua ferocitate CHRISTUS alligatur columnæ, aliis manus vincientibus, aliis brachia contorquentibus. Et multis aliis ita Dominum stringunt, ut carnes dirumpi, & foras sanguinem proflire compulerint.

3. Admirare nunc cum lacrymis, JESUM

ff

feriri

feriri crudelissimè, cutem dilaniari, viscera denudari, partes carnis in aëra exilire.

4. Vide in tenerrima carne Domini sulcos, vide sanguinem defluentem in terram instat rivulorum.

5. Respice humeros, brachia, pectus, ventrem, & totum corpus tui Salvatoris dilaniatum, totum corpus discerptum.

O quantum prodigium! amor cruciat, fundit sanguinem, dilacerat, & nisi ipse sibi obstinisset intermisisset.

6. Interroga Dominum JESUM, quid sit, ut post tot flagellationes, quæ ad numerum pervenerunt sex millium sexcentarum sexaginta sex, etiamnum vitam frui possit, cum decem tantum immanium percussionum suffecissent ad te occidendum?

7. Meditare hic, quomodo lictores percutiendo lassi sunt, & CHRISTUS necdum fatigatus est pro te feriri. Quare cum amplius non possent crudelitatem suam in ipsum exercere, illum à columna solvunt.

8. Vide, ut agnus innocens volutatur in suo sanguine propter nimiam debilitatem, & animi deliquitum non valens ultra pedibus insistere. Ah! ut truculentæ illæ bestiæ calcibus eum protrudunt clamantes: surge seductor: surge Rex Israël.

9. inspice, quod doloribus plenus, totus dilaceratus præ frigore tremat, nudus, dilaniatus, & sanguine madidus, ubicunq; firmat pedes, vestigia sanguinis relinquat.

Affectus.

Obstupescite cœli super hoc, & portæ ejus desolamini vehementer, JESUS DEI filius in fla-

in flagella nudatus est. JESUS meus Dominus in flagella paratus est. Nudatus, qui etiam omnia lilia agri sic vestit. Nudatus est, qui sub umbra alarum suarum nos protegit. Vides hoc sol, nec obscuraris? Aspicias Angelum, nec mortalium omnium oculos percussit cecitate?

Si hoc corpus templum Domini est, ubi nebula? si Sanctum Sanctorum? ubi velum? si tuus est Filius Virgo Mater, ubi tunica inconsutilis? si hic Filius tuus dilectus Pater aeternae, ubi nubes lucida est?

O maestissima Virgo! quos fontes lacrymarum dicam erupisse de pudicissimis oculis tuis, cum cerneres Filium tuum coram te ligari, flagellari, & carnem de carne tua tam crudeliter & immaniter dissecari.

O Virgo dolorosa, quomodo vivere poteras, quando in tuo conspectu, tot rabidi canes in teneram damulam: tot sanguinarii lupi in innocentissimum agnum, tot carnivori accipitres in simplicem columbam ungues ac dentes exercebant.

Quò obsecro Nate DEI, quò tua descendit humilitas? quò processit pietas? quò tua flagavit charitas? Ego crimen edidi, tu torture subiceris; ego fruor deliciis, tu ad columnam in sanguine natus, ego pomi dulcedinem, tu fellis gustabis amaritudinem? Quid est hoc? quid fecisti Rex meus & DEUS meus? quid retribuam tibi pro omnibus quae tu tribuisti mihi?

Benedicant te Domine millia millium, & decies centena millia Angelorum. Non hoc satis. Benedicat te benignissime JESU multitudo

titudo miserationum tuarum, & amoris tui mellisui suavissima viscera, in quibus visitasti nos oriens ex alto, in quibus redemisti nos, & lavisti nos à peccatis nostris in sanguine tuo, & vulneribus tuis.

CHRISTUS Spinis coronatur.

1. Vide novam truculentiam & immanitatem nefariorum satellitum, qui horridam coronam de spinis, & acutissimis juncis marinis capiti jam satis cruentato infigunt & imponunt.

2. Considera (ut dicit S. Bernardus) illas spinas, non solum carnes & nervos perforasse, verum etiam ipsa ossa, nec non ipsam cerebrum penetrasse.

3. Imaginare, quod videas sanguinem cerebri humore mistum ex omni parte per capillos & faciem defluere.

4. Dic ex corde: O Pater! jam istud caput non semel sudavit sanguinem! cur spinis eundem elicit iustitia tua?

O sacratae spinæ parcite! parcite sacro illi & innocuo capiti, venite potius & vertite aculei contra me, pungite cor meum puncturis penitentiae, ut si non sanguinem, saltem vel lacrymam possitis è corde duro elicere. Dilatare coronam, ut inter istas spinas caput quoque meum inferam.

5. Ulterius mente progredere, & vide quomodo velant faciem Domini turpissimam vittam, & percutientes faciem & caput ejus alapis, illudunt ei.

6. Cogita, cur velat faciem Domini hæc barbara Tenebrionum turba? An quia oculis divi-

divinis sua videri scelera pertimescebant? an quia, qui uno ejus aspectu emollitam in lacrymas petram conspexerant, suam quoque mitigandam crudelitatem metuebant?

7. Consiste hic parumper & accuratè perspice factum Pilati, qui rabiem infernalis turbæ volens sedare, Christum totum deformatum, deturpatum, & tam crudeliter dilaniatū ad propyleum jussit duci.

8. Ausculta verba Pilati Christum plebi monstrantis: Ecce homo: Ac si diceret: veniat vobis in mentem hunc esse hominem non bestiam; satis immaniter in eum sævitum, immanius quolibet latrone.

9. Converte tu hæc verba Pilati ad Patrē: O Pater! Ecce homo! ecce filius tuus dilectus, tam crudeliter dilaniatus! ecce Homo plusquam barbarā, plusquam belluinā Judæorū sævitiam tractatus.

O Mater! ecce Homo! vide an hæc non tunica, sed caro Filii tui sit? verè fera pessima devoravit eum. O Angeli pacis! ô anima Christiana! ecce Homo! sed eneu! jam verè exclamare poteris, quia non novi hominē, nam non est ei species neque decor.

O peccator! Ecce Homo! ecce caput pro te spinis coronatum! ecce facies pro te sputis & alapis livida! ecce oculi in lacrymis & morte natantes! ecce os & labia mox felle replenda.

Affectus.

O Anima mea! non diffuis lacrymis, amore non conflagras! Ecce tuus Homo! en vide novum crudelitatis inventum dolorosissimum! en furore quanto! dolore quanto! sævissi-

vilissimi lanienæ immanis ministri, coronam spinis, sentibus hispidam. vultu horrendam, soli capiti Salvatoris imponunt, & ipsum penetrant cranium!

Ah doloratissime JESU! vivis! natura non succumbit adeo læsa? miraculis opus est, ut graviora pro me patiaris.

Egredere nunc filia Sion, egredere ô Virgo Mater, & vide Filium tuum JESUM in diademate, quo coronavit eum Mater sua. Mater improba Synagoga. O Rex mundi! ô gloria cœli! hocce est regnum tuum, in quo natus es?

O! innocentissimi & divini corporis benedicta terra, rigata non jam rore tantum, sed sanguine, quomodo spinarum & tribulorum communi maledicto obnoxia facta es?

Ergone, qui me gloriâ & honore coronavit, dolore ipsemet & dedecore coronatur? Qui dedit ornamenta aurea capiti meo, servavit tegumenta spinea capiti suo? qui coronat me in misericordia & miserationibus, spinis ipse & sentibus non renuit coronari? qui mihi repositam habet coronam justitiæ, solam sibi coronam patientiæ reservavit.

O patientissime JESU! quis tibi animus? quæ summa humilitate jussu Patris adorant omnes Angeli, hunc coronatum summo ludibrio adorant caculæ vilissimi? O quale amantissime JESU opprobrium! irident, insultant, blasphemant, alapas ingeminant, & sputa fatentissima agglomerant usque & usque.

O mi Creator! ô mi Redemptor! quantum tibi debeo! ô si mille corda & linguas haberem, quibus misericordias tuas in æternum concii-

concinerem! ô si nunquam è memoria mea
exceideret amor tuus! ô si die noctuq; clama-
re possem cum omni creatura, quæ in cœlo
est & in terra: Sanctus, Sanctus, Dominus
DEUS.

CHRISTUS Crucem bajulat.

1. **I**nspecte cum lacrymis, quomodo humeris
mitissimi Agni enervatis & confractis im-
ponunt ponderosam illam crucis molem, cæ-
teris omnibus hoc lignum ferre recusantibus.
Eheu! eheu! quid facies bone JESU, quia
viribus es destitutus?

2. Cogita tecum, quis unquam reum, fer-
re crucem suam & patibulum, cui affigendus?
contra commune jus gentium est; portare ta-
men innocentissimus JESUS cogitur.

3. Contemplantur Dominum unâ manu ligatâ
alterâ crucem bajulantem. Heu quam illa
inhumaniter ô JESU corrodit, & conquassat
humeros tuos, quàm profundè carni usque ad
ossa infigitur. Quid ultra facies mi JESU?

Perge tamen, perge mi Redemptor, con-
stanter progredere, erige te mi JESU, novas
assume vires, deducat te Pater tuus cœlestis
& confortet, stipent latus tuum Angelici Spi-
ritus, & solentur.

Proficiscere mi bone Viator, proficiscere,
ut nos redimas, peccata nostra te ligârunt,
& in miseras has adduxerunt.

4. Considera, quoties ob nimiam lassitudi-
nem & Carnificum furiam, sub crucis ponde-
re in medio plateæ CHRISTUS corruit;
quoties nefarii satellites è vestigio in eum in-
insili-

filium, capillis trahunt, calcibus protrudunt, à tergo luto & lapidibus imbetunt.

O prodigium! en cadit Verbum DEI secus viam, & concalcatur ab hominibus. En cadit, per quem cuncti stant, infirmatur, per quem omnes roborantur, in terra DEUS jaceret, per quem homines eriguntur in cœlum.

5. Intuere, ut occurrat & mœsta Mater in montem Calvariae eunti Filio. Quò pergis ô Virgo Mater inter militum armatorum catervas? Ergonè dilectum filium tuum extremo supplicio affici conspicias?

6. Vide quomodo subsistit Dominus fatigatus saxo cuidam insidens, ultimo Matri inter amplexus valedicens.

7. Meditare nunc, quo cum ardore, quibus lacrymis invicem se se complexi sunt. Quoties ingemuisse putas nunc mœstam Matrem lugendo Filium & dixisse: Fili mi JESU, JESU Fili mi! quis mihi dat, ut tecum & pro te moriar, Fili mi dolcis JESU? c

8. Contemplare, cum qua rabie, canes illi, inhumano quodam impulsu improperantes ei, Matrem à Filio repellunt & eum semimortuum protrudunt.

9. Vide ô homo! quomodo patiuntur & lacrymis diffuunt pro te JESUS & MARIA! cur ergo tu ferreum cor non commoveris? cur non fies pro te ipso?

Affectus.

Tuus ô Domine ingressus in mundum! & egressus è mundo, quàm dispar est! cantantibus Angelis ingressus es. Angelis pacis amare flentibus egressus es. Inredientem te Virgo

Virgo Mater utero brachiisque portavit, egredienti tibi gravis crux, ingens illud & infame tormentum, portanda imponitur.

O potentia æterni Patris, quàm imbecillis facta es! ô virtus mundi quàm infirma effecta es! ô sustentator universæ terræ, quàm infra omnia abiectus es!

Tu æthera firmasti sursum, & nemo te confirmat, tu appendisti fundamenta terræ, & nemo te sustentat, tu cum ceciderit è nobis aliquis, supponis manum tuam; tibi postquam tam dirè collapsus, imò collisus es, nemo ex omnibus adhibet in auxilium ultimum manū suam?

O manus ita victæ! quid mali patraastis? num quem fortè occidistis, aut vulnerastis? nunquid fortè rapuistis, quod furum & prædonum instar, constrictas funibus vos intueor? absit! illæ, illæ manus sunt, quæ omnibus benefecerunt.

Quis ergo mihi nunc dabit aquas, imò, quis omnes venas, arterias, nervos, ossa, & universa membra corporis mei vertet in Oceanum lacrymarum, ut plangam in amaritudine animæ meæ, JESUM meum sanguine decoloratum, sputis sædatum, post sanguineum sudorem, post dura vincula, post crudelem flagellationem, post horridam coronationem crucifigendum!

O Angeli! ô creaturæ omnes lugentes lamentemini, currite, abundanter currite, quia ecce Filius DEI in extremis est. Ecce mundi salus extinguitur. Ecce Salvator noster ad atrociora tormenta, ad vestium spoliationem, ad vulnerum innovationem; ad fellis potum, ad

acer-

acerbissimam fossis manibus pedibusq; lanienā:
ad infame suspendium; ad novos gemitus, ad
clamorem validum & lacrymas, & amarissimam mortem pergit.

CHRISTUS Crucifigitur.

1. **S**ubfiste jam cum **CHRISTO** in monte Calvariae, & diligenter inspicere, quomodo Carnifices detrahant cum immani violentia vestes **CHRISTI**, vulneribus ob sanguinem concretum adhærentes.

2. Audi cum lacrymis, quomodo maestissimæ Matri illas vestes ostendant, horribili cum blasphemia dicentes: Aspice ô improba mulier, num hæc sint vestimenta sceleratissimi Filii tui?

3. Intuere **CHRISTUM** præ summo frigore, toto corpore trementem, cum nudus vento & aëri asperrimæ hyemis tempore exponatur.

4. Cogita quàm ingens confusio ejus fuit, cum videret se nudatum in præsentia tantæ multitudinis consistere.

5. Vide cum lacrymis quomodo ministri illi infernalibus furiis agitati, instar pantherarum rabie percitarum adoriuntur **CHRISTUM**, calcibus imperunt, & primo ictu atrocissimè in terram substernunt, horribili clamore vociferantes: Adesdum ô seductor populi; ocysus imper hoc lignum te extende, expande brachia, & manus porrige.

6. Deinceps finge animo te coram intueri unum Carnificum, **CHRISTUM** capillis tenere, ne se commoveat, alterum pedibus, tertium infigere clavos, & manus extendere.

7. Pene-

7. Penetra hic, si potes, cor benedictæ Matris, quod exanimabatur ex auditu ad tam dirum ictus. Ah! cur unus horum ictuum non dirumpit & emollit pectus meum adamantinum? Eheu! dimitte clavi istas innocentissimas manus, configite cor meum, illudq; compassione vulnerate.

8. Ulterius inspice, quâ immanitate Carnifices fune pedes constringunt, & tantâ cum rabie trahunt, ut ossa omnia laxent, ac loco moveant, & omnia vulnera dilatent, propter manuum & pedum extensionem.

9. Obstupesce, quam largi sanguinis rivi per brachia, corpus, & crucem diffuunt, lacusque roseos efficiunt humi! ô DEUS! quam lacrymabile & inauditum tormentum, & necdû CHRISTUS moritur!

10. Vide, quot machinis, quot funibus satellites illi utantur, qui CHRISTUM in cruce pendentem nunc in hanc, nunc in aliam partem impellunt: demum crucem erigunt, & in excavatum scrobem immenso cum sonitu cadere permittunt.

O quanta cum angustia ad terribilem hanc concussionem disjuncta sunt CHRISTI membra, conturbata interiora ejus, & cuncta ossa, cum incredibili dolore locô mota.

Quæristi sæpè ô anima Christiana à Domino tuo JESU, & dixisti: Indica mihi quem diligit anima mea, ubi pascas, ubi cubes in meritis? Ecce cubat in monte Calvariæ, medius inter latrones, nudus, lividus, cruentatus, illic jacet exporrectus in duro lecto crucis.

Affectus.

Affectus.

O Spectaculum ab orbe condito luctuosissimū!
DEUS suspenditur! DEUS occiditur! la-
xentur in gemitus ora, mergantur oculi nostri
lacrymarum pelago.

Veni, accurre, Oriens, Occidens, Septem-
trio, Meridies. Ecce panditur terra Sancta,
beati pedes, venerandæ manus, benigna bra-
chia, amabile pectus.

Aspice nunc ô Pater caput Filii tui pro-
pter tot canales sanguineos defecisse! intuerere
cervicem, olim instar nivis candidissimam, nunc
inclinatam & exsanguem.

Desige oculos ô mæsta Mater in faciem di-
lecti Filii tui, & in membra conquassata CHRI-
STI tui! vide quàm obscurata sit pulchritu-
do oculorum! quantum palleat color regii
vultus!

O DEUS! ô JESU mi! adoro te in hoc
throno doloris & ignominiae. O si mihi li-
ceret per te, ut sacram tuorum pedum arā
millies exosculer, manantemq; inde cruorem
lacrymarum imbæ diluam.

O si submitteres tantisper verendum cœlo &
terris caput, vultum miserabilem, sanguine
innatantem suo, ora illa plumbeo mortis ca-
lore pallentia, amoris roseo igne purpura-
scentia.

O anima mea! dic saltem à longè ultimum
vale Salvatori tuo. Vale ergo mi Redemptor!
Vale ô Frater amabilis nimis! vale ô Sponse
animarum nostrarum. Sed prius ante disces-
sum da benedictionem, da Frater amplexum.
Da crucifixoribus tuis orationis affectum,

latro.

latroni Paradisum, Matri Filium, Filio Matrem, mortuis vitam, toti mundo sanguinem tuum.

CHRISTUS clamans voce magnâ expirat.

1. Intuere anima mea, quia jam tandem ex æto tormentorum itinere, se se durissimū in lectum fessus Viator quieturus reponit: & audi quid loquatur ad te de lectulo crucis.

2. Audio, clamat JESUS: Pater dimitte illis. Quid est hoc? JESUS flagellis cæsus est, spinis coronatus, affixus patibulo, omnium tamen dolorum immemor ait: ignosce illis. Cygnea verba! is, qui hætenus in propria causa tacuit, nunc causâ inimicorum disertus est.

3. DEUS, DEUS meus ut quid dereliquisti me. Derelictus es mi JESU, sed propter me, quia ego sæpius dereliqui DEUM meum, fontem aquæ vivæ, & recessi à DEO salutari meo.

4. Sitio, clamas mi JESU! Attendite animæ, quantum diligit vos, tot dolores perpessus JESUS propter vos, adhuc tamen dolores propter vos sitit, sitit sanguinem effundere, quem adhuc celavit in corde.

5. Domine memento mei. Hiccinè nudus ô latro, sanguine perfusus socius ac particeps patibuli tui Dominus est? hæccinæ spinæ sunt diadema Regis? Beatus es latro, quia caro & sanguis non revelavit tibi, sed Pater, qui in cælo est. Memento & nostri Domine, dñi veneris in regnum tuum.

6. Ecce Mater tua. Breve testamentum, parvum peculium, facile dispensatur.

sibi

sibi ex suo restabat præter Matrem, & hanc tradidit Discipulo.

7. Ecce Filius tuus. O voces miras, mortaliumque cordibus optatissimas. Filium effici Virginis, quid dulcius? Matrem habere MATRIM, quid securius? O Mater! non dedignare nos filios, quoniam DEUS non est indignatus te Matrem.

8. Consummatum est. Quod consummatum est Domine JESU? dolores tui, passio tua, charitas tua? ita sine omnia transferunt, consummata sunt, perfecta sunt; præcipue autem charitas tua, quâ cum dilexisses nos, usque in finem dilexisti.

9. In manus tuas Domine commendo Spiritum meum. O si & meum mi dulcis JESU in agone egredientem de corpore Spiritum in manus tuas susciperes! ô si me reciperes & omnes mecum agonizatueros in lateris tui aperti patentem aulam, miserorum arcem, patientum trichnium!

10. Et inclinato capite emisit Spiritum. Ergone meus JESUS clamans voce magna, inclinato capite, ut mihi amplexum, mihi det osculum reconciliationis, inclinato capite, ut mihi dicat ad aurem cordis mei: morior, & libenter morior amore tui, inclinato capite, ut inspiret in faciem meam spiraculum vitæ, inclinato capite tradidit Spiritum?

Affectus.

O Anima mea! tradidit pro me JESUS Spiritum, & ego spiro? Verbum æternum pro me siluit, & ego loquor? DEUS meus pro me mortuus est, & pulcherrimus ille nexus purissimæ carnis cum Sanctissima anima dissolutus est, & ego vivo!

Cur

Cur non venies ô hora! ut ego moriar, si & Dominus meus JESUS mortuus est? cur non saltem compassione morior ego, cum jam exspiraverit in cruce vita mea?

Etsi non habeam mi JESU puritatem & sanctitatem tuæ Matris, ut dignè tibi compatiar, latronis tamen pravitatem habeo, ut ad latus tuum crucifigi debeam. Etsi non sum tanquã velum nobilissimum templi, ut in morte tua scindar, sum tamen monumentum fætidissimũ, ut ad apertionem tui lateris aperiri debeam.

Quid in me quæris dulcissime JESU? si in morte tua petræ scissæ sunt, & ego durior sum petrâ. Si terra mota est, & ego terrenissimus sum. Ipsum etiam ferrum voluisti tuum corpus vulnerando intrare, & me intrare per facta jam vulnera non permittes? Nunquid cor meum est durius omni ferro?

Etsi cœlestis non sim in compatiendo tibi, nec queam cum sole obscurari; tamen infernalis conversationis sum, ut saltem in triduo mortis tuæ à te debeam visitari.

Cur enim me fecisti Domine, si non debeo esse tibi conjunctus? aut si tibi sũ conjunctus, quare pariter tecum non sum vulneratus! Nolo mi JESU vivere sine vulnere, quia te pro me video vulneratum.



CAPUT



C A P U T X I.

Proponuntur Praxes colendi Deiparam
Virginem, & quosdam Sanctos in
Festis ipsorum.

In Festo Conceptionis Beatissima.

1. QUæ est ista, quæ progreditur quasi
aurora consurgens, pulchra ut luna,
electa ut sol, terribilis ut castrorum acies or-
dinata?

2. Ave ex omnipotentia Patris; ave ex sa-
pientia Filii, ave ex dulcissima bonitate Spiri-
tus Sancti MARIA cælum & terram il-
luminans.

3. Ave candidum lilium fulgidæ semperq;
tranquillæ Trinitatis. rosaq; præfulgida cœ-
licæ amænitis, de qua nasci, & de cujus lacte
pasci Rex cœlorum voluit.

4. Salve sacratum Regis palatium. Salve
thalame, in quo humanitas Christi desponsabi-
tur. Salve electa DEO antequam nata fueris.
Salve divina cum hominibus reconciliatio.

5. Saluto & veneror Animam tuam gratiâ
plenam, Tuum intellectum tam scientiâ in-
stanti Conceptionis infusâ, quàm lumine glo-
riæ & visione DEI illuminatissimum, Tuam
voluntatem impeccabilem, omnibus habitibus
& actibus virtutum ab ipsa Conceptione tua
ornatissimam.

6. Saluto & veneror tuum corpus sacratissi-
mum DEO homini in primo gradu consanguini-
neum.

neum. Tuum cor semper immaculatum, semper amore DEI ardentissimum. Tua omnia Sanctissima & purissima membra.

7. Gaudeo de omnibus virtutibus tuis, quod eas habueris origine Maternitatis altissimas, in gradu perfectissimas, in instanti tuæ Conceptionis infusas, singulis vitæ mortalis momentis crescentes, heroicæ, Angelicæ.

8. Gaudeo de tua puritate, quod sis præservata ex meritis Christi, non solum à peccato originali; sed etiam à debito proximo illud contrahendi; quod sis semper libera ab omni peccato actuali etiam veniali.

9. Gratias tibi æternæ DEUS, quia elegisti MARIAM, velut rosam de spinis, velut stellam de tenebris, velut gemmam de luto facis. Et quia sola cum filio suo de massa generis Adæ primogeniæ innocentiae, originalisq; iustitiæ hæreditatem retinuit, sola in gratia obedientiæ constitit.

10. Gratulor tibi ô pretiosissima creatura! ô Mater admirabilis! illam omnem (quam DEUS solus dare voluit, tu sola capere potuisti) abyssum gratiarum, quam pro omni existentiae tuæ puncto impleta es, ut dignum maiestati divinæ fieres habitaculum.

11. O felicissima & beatissima mulierum prævenio omnium generationum benedictiones, & loco earum omnium millies te & infinities beatam prædico, & esse gaudeo.

12. O puella sine macula concepta! tu sola eris gloria Jerusalem, tu honorificentia populi nostri. Vellem nunc capacitatem cordis mei millies amplius dilatari, ut possim aliquantulum dignè DEO congaudere & gratulari

tulisti tibi illud instans ortus tui superadmirabilis in mundum.

13. O Augustissima Mater DEI! fiat cor meum immaculatum; ut plus amet te, honoret te, apud omnes extollat te, plus quam ulla unquam creatura possit inhonorata vita sua offendere te!

14. Tu inchoasti Virgo, ora ut ego finiam vitam sine macula. Impetra cordi meo illam, quæ ad bene videndum DEUM requiritur, munditiam. Habeam cor, quod cordis tui sancti amores omnes offerat pro te Filio tuo, DEO IESU! doceat me cor tuum amores immaculatos æternos!

15. Utinam possim esse totus Virgineus, totus divinus, ut cor meum totum, sit amor Virgineus, sit amor divinus.

16. O Sancta Mater DEI! utinam Filius tuus in morte mea intuens animam meam dicere possit. Tota pulchra es amica mea & macula non est in te.

Eodem Die

Actus ante S. Communionem.

IN sole posuisse diceris tabernaculum tuum mihi optime IESU, & ipse tanquam Sponsus procedens de thalamo tuo, nimirum claustro purissimo uteri virginalis. Imò vero mi Domine! **MARIÆ** Matris tuæ pulchritudinem à primo ipsius ortus instanti & in æternum immaculatæ sol & luna mirantur.

Unde ergo mihi ô Amor divinitissime! ut tu venias de templo gloriæ tuæ, de purissimo tabernaculo tuo ad me speluncam latronum, vas
contus,

contumeliæ toties sædatum, licet toties in sanguine tuo lotum?

Quid mihi & tibi ô JESU Fili MARIE Virginis! ut invites me ad te Rex Regum & Dominus dominantium! Tu fons sanctitatis, coram quo Angeli non sunt puri! tu sol claritatis æternæ, qui lucem habitas inaccessibilem, ego verò animal immundum, filius iræ & tenebrarum? Quâ fiducia comparebo coram te iustissime Judex, ante cujus conspectum columnæ cæli contremiscunt!

Pro admirando habetur, quòd tu mi JESU filius DEI vivi non horrueris Virginis uterum, novemq; mensibus eundem inhabitaveris, qui tamen à Spiritu Sancto multiplici gratiarum, ac donorum apparatu fuit instructus, quomodo ergo nunc descendes in mea viscera facta?

Ergo ne mi Domine patieris cum servulo tuo epulari, qui nosti me in peccatis ac iniquitatibus conceptum, ac etiam iisdem demùm immersum, quia mandatorum tuorum prævaricatore? O quantus amor! tu in me vilissimo peccatore, & ego in te DEUS meus, cuius maiestas incomprehensibilis est!

Quomodo ergo sine te angustissima Mater & Virgo, sine tuis auxiliis ego pauper servus tuus dulcissimum amorem cordis tui JESUM meum recipere præsumam? Absit à me tantum audaciæ scelus. Si igitur Filium tuum à me recipi vis, exorna me meritis ac virtutibus tuis, gratiis & gloriâ tuâ, & me sic comptum Filio tuo advenienti siste, sic me exorna ô dignissima Mater Filio tuo, quem admodum te Spiritus Sanctus exornavit eidem Filio

Filio ad te venturo, & in visceribus tuis incarnando.

Veni ergo mi dulcis amor ad pauperulam animam meam. Veni misericordissime & amabilissime DEUS cum MARIA Matre tua, præparet illa tibi cor meum (ut sit sine macula) in purum habitaculum tuum, in arcam tuam, tabernaculum, thronum, templum & lectulum tuum, ut quiescas & maneas in me, ut videam te, amem te, ardeam, liquefam, consumar, & consummer in te.

Actus post S. Communionem.

Quibus te ô amorosissimum SACRAMENTUM excipiam & tractabo modis? quomodo te dulcissime Hospes amorq; mi JESU redamabo? Nihil habeo carius, & pretiosius corde Mariæ, hoc tibi dono & offero.

Per te Virgo Immaculatissime concepta DEUM meum in corde meo latentem, quem ego indignus peccator sub his Eucharisticis speciebus præsentem suscepi, amo, laudo, agnoscō, veneror, glorifico, exalto, deprecor & prædico, invoco, & possideo.

Tuo corde ô pura & Deificata, pretiosa & super omnes benedicta Virgo Mater, pro me amplectere filium tuum mihi hodie datum.

Concede mihi ô piissima Genitrix hujus ipsius corporis, quod ego sumpsi, illos tuos affectus, illas considerationes, omnesq; gratiarum, donorum ac virtutum tuarum apparatus, ut tam decenter & sanctè, tam reverenter & devotè Filium tuum tractem, sicut tu illum tractasti.

Tu enim sola Virgo Sanctissima placuisti Altissimo, tu felicissime concepta primo tuæ conversionis ad DEUM actu maximum eidem gustum exhibuisti; deinde filium DEI, quem cœli cœlorum capere non poterant, tuo gremio contulisti, de purissimo sanguine tuo & de Spiritu Sancto concepisti, de castissimis viscibus tuis genuisti, genitum ubere de cœlo pleno lactasti.

Quia verò mi Domine ego indignus peccator nihil habeo, quod possit tuam majestatem & dignitatem condecere, hanc saltem voluntatem habeo & offero tibi; quâ affectus plenitudine totam se tibi Virgo, mi DEUS! in omnem usum obsequiumque primo sui exortus instanti consecravit ac devovit, eodem ego affectu offero me ipsum totum tibi, atque trado in hæreditatem & possessionem æternam Tuus sum ego in æternum.

Ex quo affectum omnem ad omnia, & ad te unum tanquam centrum meum toto impetu tendo, festino ruo. Sufficiat mihi, Amor mi dulcissime, quod te habeam; quod te in SACRAMENTO susceperim. Nihil in hac vita mea amplius & melius desidero, te unico summo bono meo amoreque contentus sum. Amorem hunc & affectum, quo ad te feror, in omne momentum & æternitatem continuare cupio, ac quantum possum continuo.

In Purificatione.

2. **O** Mater Domini mei monstra te esse Matrem! depone Filium tuum in manibus meis.

meis, sufficit mihi ut videam & exosculer, quem diligit anima mea, antequam moriar!

2. O bone JESU! apud te os meum sine voce, & silentium meum loquitur tibi; usquequo tardat venire Dominus meus ad me? quando videbunt oculi mei ô Pater salutare tuum, quod parasti antea faciem omnium populorum?

3. Divine parvule in sinum meum licet angustissimum amore tamen tuo, & tui divini cordis dilatandum advola, requiesce in sinu meo, ut sic amore tui moriens in amplexibus tuis cantem: Nunc dimittis Domine servum tuum in pace.

4. Suscipio hodie in medio templi misericordiam, & amorem meum, gaudium & vitam meam, JESUM & DEUM meum. O delictum sine deliquio! ô exultationem sine supplicio! ô latitiam sine fastidio!

5. Intelligis tu parvule JESU! superintelligis omnia: intellige super egenum me & pauperem maxime in occasu meo.

6. O purissima Domina mea, dulcissimum amarissimi agonis solatium! da mihi JESUM morienti, & dimitte cum Simeone me servum tuum in æterna pace.

7. Festina ô Mater misericordiae, & monstra te esse mihi Matrem in hora mortis meae, veni & fac ut in occasu meo oriatur mihi sol non tam iustitiae, quam misericordiae.

8. Non recuso horrendos igitur longum illum diem purificationis meae. Mallem tamen illos DEI amore, quam pro poena culpae pati.

9. Sim-ego ô JESU! ô MARIA, sim candidus

didus vester cereus, consumar, absumar amore vestri lucens & ardens, usque dum hic felici vos amantium morte extinctus, immortaliter apud vos ardeam igne illo, cujus flammæ, sunt linguæ amoris D E I.

10. Respice parvule mi JESU, respice in templo, & accende me ac mea omnia illis tuis oculis, quos tanquam flammam ignis vidit postea Joannes tuus. Illi tui ignei oculi faciant me alis flammeis avolare illuc, ubi est templum amoris æterni, ad quod evocare soles dilectos Virginis Matris tuæ.

11. O mi JESU! rogo te per Patrem tuum, cui hodie oblatas es, per te ipsum, qui oblatas es, per Spiritum Sanctum, cujus instinctu oblatas es, per Virginem Matrem tuam & S. JOSEPHUM, à quibus oblatas es, fac ut ego & omnes tuo divino ac Matris tuæ amoris addicti, simus candelæ tuæ, quas tu (quod hodie petit Ecclesia) lumine supernæ benedictionis accendere digneris, ut corda nostra invisibili igne, id est S. Spiritus illustrata, omni victorum cæcitate careant.

12. Tibi me hodie sisto parvule JESU, quæ Patri hodie in templo sistit Mater; ut cum ante te mihi ad ultimam sententiam percipiendam sistendum erit, ad dexteram Electorum me sistere velis.

13. O Maria dulcissima, Mater mea amantissima! quid obsecro dabis nobis in hoc festo? Purifica me Virgo Sancta, purifica totum mundum. Benedic Filiò tuò mihi, quem gestas in manibus, & toti mundo. Accende me igne tuo, ut cor meum flammis amoris divini semper ardeat.

Eodem

Eodem Die

Actus ante S. Communionem.

USquequo Domine dulcissime amor mi tollis animam meam & non venis ad eam? Ecce jam tædet ipsam vitæ suæ. Quid dicam? quò vadam, quis renuntiabit tibi dilecto meo, quia amore tui langueo? Quis mihi det te ô amantissime JESU fugientem ubera Matris meæ, ut amplectar te & deosculer & introducam in domum meam, tuguriolum cordis mei?

O desideratissime hospes animæ meæ, decore nimis & amabilis super amorem hominum & Angelorum, sicut Mater amat unicum filium suum, ita ego te diligo, ac tuo suavissimo conspectu satiari volo.

Quemadmodum desiderat cervus ad fontes aquarum, ita desiderat anima mea ad te, Salvator meus Domine JESU, desiderat inquam anima mea satiari pane tuo, quem de cœlo præstisti nobis omne delectamentum in se habentem. Sitio te DEUM meum venam aquarum viventium, sitio sanguinem tuum, quem mihi in potum mirabiliter tribuisti.

An verò vis animam meam rejicere & pertransire, quia homo peccator sum? scis enim Domine quibus te malis offenderim? quibus peccatis iram tuam irritaverim? quomodo Spiritum Sanctum tuum contristaverim?

Ita est Domine JESU, agnosco & profiteor coram cœlo & terra, quia multiplicatæ sunt iniquitates meæ super arenam maris, adeoquæ non est bonum, hunc panem filiorum mihi cani putrido dare: non expedit hanc redemptionem.

nis.

nis nostræ gemmam pretiosissimam ante portum projicere.

Scio tamen Domine, quia etiã debiles & claudos ad cœnam tuam invitasti, quia cum publicanis & peccatoribus manducasti, quia filium prodigum ad te reducem vitulo saginato tractasti. Ad mensam ergo convivii tui cum timore & tremore accedere præsumo, quem ego credo firmâ fide sub accidentibus Eucharisticis esse verè & realiter præsentem una cum divinitate, anima, corpore, & sanguine tuo pretioso.

Veni ergo Domine & noli tardare, veni dulcedo mea, veni salus animæ meæ, vita mea, DEUS meus & omnia! Ecce pando tibi dulcis JESU panis viventium sinum cordis mei, & paratum offero totam animæ meæ habitaculum, dignare ad me venire, & mecum usque ad finem vitæ meæ manere. Non sum quidem justus & timoratus, quia gravissimus peccator, expecto tamen redemptionem Iherosolymam, expecto donec veniat qui mittendus est.

Ad te etiam supplex accedo piissima Mater, depone ex ulnis tuis Virgineis hunc filium tuum in sinu cordis mei. Quid enim negabis pueri, quod hodie concessisti Simeoni? fac me unum de mercenariis tuis, quia hic fame pereo, amore languo, non est qui consoletur me ex omnibus caris meis.

Quàm beatus es magne Simeon, bajulus factus amoris mei, quàm beati oculi tui, quibus desideratum cunctis gentibus Redemptorẽ mundi aspexisti! quàm beatæ manus, quibus Authorem vitæ contrectasti! ô quàm suaviter casta ludit inter brachia tua dulcis JESUS

SUS amor meus, pendet amica collo farena purpuratq; genas basis purpuraturq; tuis. Ignosce. Invideo tibi magne senex, Satis ab-
satis exultavit spiritus tuus in DEO salutari tuo. Concede etiam mihi hoc amicum pon-
dus. Morior, si denegas, paululum concede hanc sarcinam vicariam gestandam dexterâ.

Actus post S. Communionem.

O Pater æterne ac amantissime! ô Mater dulcissima MARIA! en jam induxistis Pu-
erum JESUM parentes ejus in cor meum, jã filium vestrum accepi in ulnas meas, en quod concupivi teneo, cur jam corde non ardeo?

Intuemini Sancti Angeli quantus sit iste, qui ingreditur, & ipse est Rex justitiæ. Præcur-
sor ingreditur secundum ordinem Melchisedech Pontifex factus in æternum.

Suscipio Domine JESU misericordiam tuã, quia te ipsam in medio templi tui, cordis mei, cur non clamabo cum tuo Simeone, qui dum te in ulnas suas, necdum unius ulnæ infantem suscepit tanquam cygnus latus ante letum cecinit, & petiit dimitti.

Clamabo & ego, & dicam cum eodem: Nunc dimittis servum tuum Domine secundum verbum tuum in pace. Vidi enim te, & vidi, & gustavi toties in Eucharistia: Viderunt oculi mei salutare tuum, quod para-
stisti ante faciem omnium populorum. Lumen ad revelationem gentium, & gloriam plebis tuæ Israël.

O Virgo sacratissima! quo tu affectu pignus tuum, dulcissimum ac divinissimum hodie tẽ-
plo

plo illatum, altariq; impositum divinis oculis præsentasti, & amplexa es, simili cordis devotione & affectu ego modo Filium tuum in corde meo depositum amplecti desidero.

JESU mi, dulcis hospes animæ meæ hodie à Simeone gestate, benedicte, & elevate super altare, te ego quoq; servulus tuus in corde meo elevare gestiens, totâ capacitâ meâ confirmari, finaliterq; in gratiæ tuæ amicitiaque pace dimitti in æternum postulo.

O si moriatur anima mea morte justî istius, & fiant novissima mea hujus similia. O sanctissima Mater adis & mihi in hora mortis meæ. O JESU benignissime! dum in extremo vitæ meæ dignaberis è templo sancto tuo venire ad me, & sacro viatico munire me, ne permittas me separari à te, in hora mortis meæ voca me, ut amem te.

Quis mihi det, ut in ultima vitæ meæ puncto ardere possim immensis ignibus amoris tui, ut qui aliquando remissus fui in amore tuo, nunc æstuem & accendar amore tui Seraphico. O si in puncto resolutionis meæ tantum conciperem tui amorem, qui solus sufficeret separare animam meam à corpore meo?

Obsecro te mi JESU! per illum ipsum amorem, quo te mihi in cibum communicas, & per istud amoris SACRAMENTUM, istâ mihi ex hoc gratiarum fonte præsta gratiam, ut hoc corporis tui Sacratissimi cibo confortatus, viam ingrediar universæ carnis, sistarque judicio tuo non damnandus ad mortem, sed salvandus ad vitam, in qua te summo Bono meo fruam in æternum.

In Fe-

In Festo S. Benedicti.

1. **B**enedictus sis Domine DEUS in firmamento cœli, quia Benedictum tuum Patrem multarum Religionum constituisti, filii ejus benedixisti, & multiplicasti eos sicut stellas cœli.

2. O dilecte Domini Benedicte! cuius hodie solenne festum omnes filii tui (quorum numerus uni DEO cognitus est) sub sanctissimis legibus tuis militantes concelebrant. Juva me precibus ac meritis tuis; ut ego nunc, & æternum sim dilectus & benedictus à Domino, ac diligens ac benedicens Dominum.

3. Seraphine terrestris! qui in materno utero exultare & psallere es auditus. Non potui DEUM amare & illū benedicere ante, quam nascerer, fac ut saltem nunc, & in æternum totus dulcedine divini amoris plenus, totus flammâ divinæ charitatis incensus diligam DEUM ex toto corde totisq; medullis præciorum meorum misericordias ejus concinam.

4. Cœlestis inter homines Angele! qui è visâ à te olim fœminæ recordatione, immundum Spiritum fœdis tibi cogitationibus importunum inter urticas & spinas volutatus repulisti, & tamdiu corpus tuum senticeti aculeis laceravisti, donec nesciret insidiator, liliis an rosis irasceretur; cum innoxia inter spinas lilia efflorescere frendens conspiceret; impetra mihi cor totum candidum, totum lilium, impetra mihi victoriam de mundo, carne, & diabolo.

5. O felicissimi & flammei cordis Vir! qui Discipulorum quemdam orationis tempore,
mente

mente spontè vagum, per fimbriam vestis è templo foras à nigro puero trahi vidisti, eidemque orationis Spiritum impetrasti, impetra ne me unquam irretire possit dæmon, ut denique non tradat bestiis meam hanc animam consistentem tibi DEUS meus.

6. O Thaumaturge! cujus imperio aquas pede sicco calcavit tuus Discipulus Maurus. Qui bibiturus, factò pro more, super vasculum Crucis signo, illud vi divina fractum, ne venenum biberes, vidisti. Qui rogatu cujusdam parentis filium ejus mortuum resuscitasti: Roga obsecro JESUM, ut lætitiâ Angelis DEI creet mea mors, non verò dæmonibus: ut in templo Sancto gloriæ DEUM meum una tecum benedicam, æternum benedictus.

7. Sancte mi! & in altissimo gloriæ throno à DEO colloca te Vir! qui Sanctæ Scholasticæ Sororis tuæ, & postea S. Germani Episcopi animam in cœlum abeuntem aspexisti: assume animam meam, ut in morte à corde meo abeat ad te, itinere sancto!

8. Martyr amoris DEI! qui scriptis divinâ sapientiâ plenissimis legibus, miraculorum gloriâ celeberrimus, vaticinio Spiritu multa præfagiens, sumpto Viatico, præmortua corporis per austeritates exhausti membra, in parato tumulo inter manus & lacrymas discipulorû placidissimè composuisti. Veris pænitiæ ac amoris lacrymis cor meum imbue, ut sanctâ verè amantium morte moriar. Impetra mihi Spiritum veri amoris DEI, qui corpus meum mortificatione assiduâ, & animam oratione perpetuâ DEO sacrificet.

9. O dilecte Domini Benedicte! cujus anima fulgentibus circum lampadibus, pretiosissimo pallio velut Sponsa ornata visa est abire in cœlum; & vox audita est. Hæc est via, quâ dilectus Domini Benedictus ascendit. Qui hoc tuo die. Sanctæ tuæ filiæ Gertrudi apparuisti, totus efflorescentibus ex te rosis undique corpore toto vernans. Ora pro pigro hoc, & ad dura pro æternitate sustinenda, delicato nimis corpore meo: Patiatur nunc, ne patiatur in æternum. Currat quò anima, quò DEUS vult, ut cœlum non infernum comprehendat.

10. Idem etiam nunc oro, quod hodie in solenni oratione ad te clamant alumni tui: ut excites in me Spiritum illum excellentissimū, quo tu calcare mundum, mortificare carnē, subjugare infernum didicisti ac docuisti: ut eodem repletus, Sanctissimam Regulam tuā fideliter observem, virtutes tuas imitari studē, dæmonum insidiis viriliter resistam, & te juvante feliciter moriar.

Eodem Die

Actus ante S. Communionem.

¶ Tane ab æterno cogitasti de me, & singulis etiamnum momentis cogitas de me, & in æternum cogitabis o amabilissima bonitas DEUS meus? Et ego tam diu fui oblitus tui, etiam modo vix memor tui, & in posterū tui potero oblivisci o amabilissima bonitas?

Quàm tædet, quàm pudet me mei! o magnum prodigium, quòd ab æterno amaveris mel sed numquid non majus prodigium, quod
in æter-

in æternum diliges me? O nimia charitas!
quid faciam tibi?

Et quid obsecro unquam oculis majestatis
tuæ placuit in me? quid boni ego feci? quid
merui? elegisti me ante mundi constitutionē,
ut sim sanctus & immaculatus in conspectu tuo,
& cum in peccatis jacerem, vocasti me è se-
culo. nequam in admirabile lumen tuum, in
locum sanctificationis, dissimulans peccata mea
propter poenitentiam.

Quid in me dulcissime JESU invenisti obse-
qui, quia liberaisti corpus à perditione, libe-
rasti me secundum multitudinem misericordiæ
nominis tui à rugientibus præparatis ad escā,
de manibus quærentium animam meam, à pres-
sura flammæ quæ circumdedit me, & in me-
dio ignis non sum æstuatus?

Toties ob scelera mea tradendus eram in-
ferno, cum aliis, quos in ipso fervore pecca-
torum oppressit mors, qui nunc in flammis
infernalis cruciantur, & tamen mihi, cur
autem mihi? misericordissime pepercisti?

Sis millies mi Domine benedictus, qui me
ex innumeris mundi periculis liberaisti, & ad
sanctam religionem mirabiliter evocasti. Be-
nedicta sit illa hora, quā me eduxisti de ta-
bernaculis peccatorum, quā eduxisti animam
meam ex inferno inferiori, & salvasti à descen-
dentibus in lacum. Benedicta sit hora, quā
me in Filium tuum adoptasti, & in templum
tuum consecrasti. Verè locus iste sanctus
est, verè DEUS in loco isto, ubi Panem An-
gelorum manducamus.

O Panis Angelorum! factus cibus servulorū,
reple etiam me hodie mendicum tuum sua-
vitate

vitae tuae, ut totus dulcedine amoris tui plenus, totus flammâ tuâ charitatis succensus, ad te solum æstuantissimis anhelem desideriis.

Absorbeat quæso mentem meam ab omnibus, quæ sub cœlo sunt ignita & melliflua vis amoris tui, ut tibi soli inhæream, solâq; tuæ suavitatis memoriâ pascar, te solum in omnibus & super omnia castissimo amore, omni momento diligam & amplectar.

Veni ergo ô Amator ardentissime ad pauper-
culam animam meam, hic habites quoniam elegisti eam. Ne pertrans eas servum tuum ô dilecte votorum meorum, ô dulcedo cordis mei! ô requies spiritûs mei! ô vita animæ meæ! DEUS meus & omnia.

Actus post Sacram Communionem.

O DEUS immensæ Majestatis & infinitæ bonitatis! quid retribuam tibi pro omnibus quæ tu tribulisti mihi? en non tantum ab æterno, & antequam essem, gratis adamasti me, & ex nihilo ad gloriam tuam æternamq; felicitatem meam condidisti, fecisti Angelos tuos spiritus etiam propter me, quibus mandasti, ut custodiant me in omnibus viis meis, pro me servo peccati & demonis redimendo, sanguinem & vitam dedisti, è tenebris peccati in quibus diutissime hæsi, extraxisti, tot gratiis habitualibus ornasti, & actualibus prævenisti & adjuvisti: verum etiam me toties non lacte ut Mater filium, sed corpore & sanguine tuo reficis & nunc etiam refecisti.

Agnosco mi Domine & amplector viscera pietatis tuæ, quibus me dilexisti ac diligis, agnosco

agnosco misericordes oculos, quibus respexisti super mortuum canem similem mihi. Pro his omnibus benedicam te Dominum meum, DEUM salutis meæ in omni tempore. Misericordias tuas in æternum cantabo.

Quia verò homo peccator sum, laudet te & benedicat pro me gloriosissimæ Virginis hujus sancti instituti Patronæ dignissimum cor & anima. Laudent te & benedicant infinita Sanctorum Angelorum castra ac præcipuè laudet te, & pro me benedicat nomini tuo laudabilis Confessorum numerus cum suo divinissimo Benedicto, sancta & immaculata hujus sacri Ordinis Virginum turba, & omnis Electorum tuorum Exercitus.

Clamo ad te potentissime protector salutis meæ Sanctissime Pater & dux noster Benedicte, tu de tua salute jam securus es, de me obsecro sis sollicitus, & quem in vita Patronum elegi, in morte patrocinantem experiar, victurus deinceps tecum beatè, patrocinii tui memor æternum. Subveni mihi misero peccatori, sedenti in tenebris & umbra mortis, & solve vincula captivitatis meæ. Eleva me ab hac sordida terra, ut mihi mundus crucifixus sit, & ego mundo.

In Annuntiatione.

1. ECCE Angelus Domini nuntiavit tibi Virgo beata, quia tu gratiâ plena, concipies & paries Filium, DEUM videlicet & Hominem.

2. Audisti Virgo, quòd concipies & paries Filium, expectat angelus responsum; tempus est, ut reversatur ad DEUM, qui misit illum.

H h

lum. Expectamus & nos ô Domina! verbū miserationis, quos miserabiliter premit sententia damnationis.

3. Responde Domina per Angelum Domino verbum, & suscipe Verbum, profer tuū, & concipe divinum, emitte transitorium, & amplectere Divinum. Da Virgo responsum, quod terra, quod inferi, quod expectant & superi.

4. O Archangele DEI! qui legatione fungis pro Verbo increato, fortiter & suaviter age pro Domino tuo.

5. DEO gratias. Jam utrinq; consensus datus est; jam Verbum caro factum est, & habitat in sacro Virginis utero; jam puer JESUS vocatur.

6. O Mater DEI mei! quibus tibi affectibus gratulabor Maternitatem tuam divinam? ô si omnium mihi corda essent! ô si cor ipse totus essem: quantum est totum universum, vellem Te toto me, gratulari æterno DEO! toto me Tibi gratulari Filium DEUM.

7. Benedicta & venerabilis es Virgo MARIA, quæ sine tactu pudoris inventa es MATER SALVATORIS, & quem totus non capit orbis, in tua se clausit viscera factus Homo.

8. Benedicta sis tota ô dulcissima Virgo! in corpore tuo purissimo, & anima sanctissima.

9. Benedico beatissimum uterum tuum, in quo Dominum cœli & terræ portasti. Benedico beatissimum cor tuum, quo ferventer filium tuum dilexisti. Benedico beatissima ubera tua, quibus eum lactasti. Benedico os
& la

& labia tua, quibus ei dulcissima oscula dedisti. &c.

10. Benedictus sit DEUS Pater, qui te in suam Filiam adoptavit. Benedictus sit Filius, qui te in Matrem suam elegit. Benedictus sit Spiritus Sanctus, qui te in Sponsam sibi assumpsit.

11. Sancte Gabriel Archangele MARIANE benedic & saluta mecum, & pro me MARIAM, & doce me illam salutare: ut oret pro me, oret nunc dum vivo; nunc dum oro; nunc dum in periculo damnationis æternæ, & in agone mortis meæ existam.

12. O! Virgo gratiâ plena, esto mihi MARIA, impetra, ut in gratia moriar, ut Dominus sit mecum, & ego cum Domino in æternum.

13. O benedicta in mulieribus! ora, ut benedictus fructus ventris tui JESUS, sit mihi viventi & morienti JESUS. Ita fiat ô MARIA Mater DEI! viventium & morientium, ac prædestinatorum Mater.

14. O Virgo Beatissima! quæ cum esses parvula, placuisti Altissimo, tantum te & ego diligo, ut si ego solus possiderem omnium Electorum gratissima corda, libenter illa omnia amoris tuo impenderem.

15. Si essem ô Domina! CHRISTUS, in te non in aliam flumina gratiarum derivare. Si essem MARIA, relinquerem esse MARIA, ut tu sola esses MARIA. Si essem supremus Angelus te non aliam, nomine omnium Angelorum optarem Reginam.

16. Si in me voluntates omnium hominum positæ essent, te non aliam Mediatricem redemptionis.

demptionis humanæ precarer. Si cordibus & linguis omnium loquerer, te, non aliam Dominam mundi vocarem.

Eodem Die

Actus ante S. Communionem.

Dereliquit me dulcissime amor, mi IESU. Virtus mea, & lumen cordis mei, atque robur mentis meæ, non est mecum. Formido enim & terror, tremor majestatis tuæ occupaverunt, & ceciderunt super me. Non sum dignus solvere corrigiam calceamenti tui, & dignus ero in sanctissimo SACRAMENTO recipere te? Quomodo audebo accedere ad te? Unde mihi tantum dignitatis, ut venias ad me?

Ad Virginem Matrem, non prius venisti, quam Spiritus Sanctus superveniret in eam, & Virtus Altissimi obumbrasset illi, & tamen jam illa fuerat gratiâ plena, quomodo igitur potes ad me, & Spiritu Sancto, & Virtute Altissimi, & plenitudine gratiæ destitutum, venire? Cur te mihi obtrudis Domine invito, trementi, & vilitatis meæ conscio?

Ignosce Domine, quod formidem recipere te, quia tu es DEUS meus magnus nimis, ego autem sum homuncio vilis nimis, ex nulla parte par, sustinendo tibi, declina à me Domine, quia peccator sum, quia nihil sum, quia non habeo sanctitatem Matris tuæ.

Non audeo quidem resistere voluntati tuæ, & tamen etiam non audeo te admittere ad me Domine. Consentire timeo, & dissentire per-timesco, quis enim restitit tibi, & pacem habuit?

buir? Aut quis sum ego, qui respondeam DEO pro mille? Si te cupio recipere, audacia est, si renuo ad te accedere, miseria est. Coarctor nimis & angustiae mihi sunt undique.

Scio tamen miser, quid faciam, en ad tuos pedes supplex accurro pia Mater & Virgo, quia à saeculo non est auditum quemquam ad tua currentem praesidia (teste tuo Bernardo) tua implorantem auxilia, tua perentem suffragia à te esse derelictum. Per te ergo accessum habeamus ad Filium ô! benedicta Inventrix gratiae, Genitrix vitae. Tuo Filio me reconcilia, tuo Filio me representa, ut ad me veniat, & mansionem apud me faciat.

Tu enim sola placuisti Altissimo, quæ ardore divini amoris accensa, totâ mente, totâq; virtute virium elevata, DEUM tuum ardenter diligens contemplabaris, & tunc tibi SSS. TRINITAS DEUS per vocem Angeli sui salutationem transmissit, Incarnationis Filii DEI consilium intimavit, Virginali integritati, pro qua zelabas honorificè, cavit, obedientiam acceptavit. Et quando ancillam DEI te esse professâ fuisti, in illa hora benedicta, DEI Filius in te factus est tuus Filius.

En etiam anima mea ancilla tua Domine, fiat obsecro iterum in corde meo Verbum Caro factum. Eo affectu dulcissime JESU te suscipere hodie desidero, quo te affectu & desiderio tua Mater, Spiritu Sancto cooperante in visceribus suis incarnavit, suoque purissimo Sanguine convestivit. Veni Domine JESU, salus & vita animæ meæ, & non li tardare.

Añus

Actus post S. Communionem.

O MARIA Virgo & Mater! Ecce Filius tuus.
 Homo DEUS factus mihi concorporeus!
 pro quo, ut ardentissimas illi gratias agas,
 suppliciter postulo.

Adoro te mi dulcis JESU, Fili MARIE
 Virginis. Adoro divinam Carnem & Sanguinem
 hic realiter sub Eucharisticis speciebus existen-
 tem, quam de Virginis MARIE subitancia in
 Incarnatione assumpisti.

Benedictus sis tu DEUS Creator omnium,
 qui in Uterum MARIE Virginis, ac sub te-
 ctum meum, descendere dignatus es.

Millies infinities sit benedictum ô benedictum
 Sacramentum! Benedictus sis infinities JESU
 dulcissime Amor meus, benedicta sit Caro tua,
 Sanguis tuus, anima tua, quod venire digna-
 tus es ad me.

Benedicta sis etiam millies ac millies Vir-
 go Beatissima, quod lacte proprio, magnisq;
 laboribus panem hunc ad victum nobis dede-
 ris, in Crucis ara pro nobis, & in altari in no-
 strum remedium æterno Patri offerendum,
 atq; in Sacrario cordis nostri reponendum.

*Die Dolorosæ Virgini Sacro.**De septem illius doloribus.*

1. **P**la Mater fons amoris, me sentire vim
 doloris, fac ut tecum lugeam, fac ut ar-
 deat cor meum. in amando Christum in DEUM,
 ut tibi complaceam. Ut & tibi complaceam,
 Cujus animam pertransiit gladius, & utriusq;
 dolore & amore langueat, ardeat, liquefiat
 anima mea,

2. **Ah**

2. An non toties pertransiit animam tuā gladius Virgo Beata? quando in stabulum divertisti, primogenitum tuum in præsepio collocasti, Circumcisionem eius commiserata aspexisti, in Ægyptum cum Filio fugere debuisti, ac duodennem in templo amissum triduo dolens quæсивisti?

3. En demum anima illa divina, illud delictum Cœli, tristis est usque ad mortem Filius tuus, dum ille cœlestis vultus, in quē desiderant Angeli prospicere, insasus lacrymis procumbit in terram, & factus est sudor ejus, sicut guttæ sanguinis decurrentis in terram.

4. O dolor! en etiam Filius tuus aptatur ad verbera, jam cæditur, rumpit sacram cutē violentia flagellorum, repetitis ictibus crudelia verbera scapularum terga conscindunt, jacet extentus ante hominem DEUS! Liceat rem tam immanem ac novam, novo, inusitato vocabulo exprimere? Verbum Incarnatum? carnifices excarnarunt, flagris verberibus multiplicatis velut super incudem ictibus, carnem ab ossibus mixtam sanguine per ærem disjecerunt.

5. Vidisti pia Mater Filium, & non erat ei species, neque decor, non erat aspectus, Vidisti eum despectum, & novissimum, virum dolorum, & scientem infirmitatem, & quasi absconditus vultus ejus & despectus.

6. Egredere insuper Filia Sion, egredere ô Virgo Mater! & vide Filium tuum JESUM in diademate, quo coronavit eum Mater sua, Mater improba Synagoga. Inspice, quomodo diris sentibus horrens textum, armatis ferro manibus, & fustibus in divinum JESU
verti-

verticem altè deprimitur, fluit undequaq; permixtus lacrymis sanguis.

7. Sed non stetit hic furor, cadentem te mi JESU! Virgo Mater ingressu primo in terram, & sæpius deinde labentem sollicita suo excepit sinu, fovit oculis, recreavit amplexu, at nunc in egressu ultimo sub immani Crucis pondere tories labentem, non est qui adjuvet, non est qui recreet. En jam furore quanto, extra civitatem educitur JESUS usque in Calvariae locum, gravi onustus Cruce, comitatus latronibus. Ergonè credam ejectum te Sanctum Sanctorum ex Civitate sancta, nec ulquam ampliùs comparere in ea?

8. Hæc singula confers in corde tuo, & profundè gemens dicis: Ne vocetis me Noemi, id est pulchram: sed vocate me Mara id est amaram, quia amaritudine valde replevit me Omnipotens.

9. O tristissima Matrum! te adjuvat anima mea, & qualis est Unigenitus tuus, qui occurrat tibi? Et dicis: Unigenitus meus candidus & rubicundus, sed non illo colore ad miraculum amabili, sed flebili supra omnem modum.

10. O MARIA! ô mæstissima mulierum! ô afflictissima Virginum! ubi dilectus tuus cubat, ubi nunc latitat, indica mihi? Eheu filiae Jerusalem dicunt mihi; quia ad funestum Calvariae locum, pro homine, gravi onustus trahe, coronâ spineâ confixus, post mille gemitus, post amaras lacrymas, post cruentos gressus, stipatus latronibus, pergit crucifigendus.

11. Ita est. En jam stat toto corpore nudus, expositus undique frigido aëri, perfusus stillan;

stillante cruore, oppletus doloribus, circumdatus tortoribus, Filius tuus, in loco totius mundi vilissimo, in cadaveroso furcis & crucibus infami.

12. Inspice cum lacrymis, quomodo extentas manus Carnifices trabalibus clavis perfodiunt, demum funibus extendunt, ut nervi omnes ac venæ disrumpantur. Tam atrox porro sit hæc membrorum extensio, ac tam violenta, ut ossa singula suis sedibus dimota atque divulsa numerari possint.

13. O cælum! ô terra! ô superi & inferi! ô quidquid usquam sentit aut sensûs expers est! quis audit unquam talia horribilia, quæ fecit genus filiorum hominum? O sol subtrahe te tanto facinori, obscurare, & in tenebras abi, obvolvite vos caligine sidera; excutere à fundamentis tellus, & sede tua exili, scindite vos petrae, hiate saxa ad tantum nefas.

14. Quale spectaculum porrigit oculis meis Golgotha! in medio Palestinæ. Ah! aspectum! dignum, post quem nihil aliud aspiciam.

15. O quàm flebile spectaculum illud fuit Virginis Matris, lacrymantis, suspirantis, & præ dolore deficientis; & Filii ejus in Cruce pendens & expirantis!

16. Tu verò amantissime JESU, in hoc rerû statu, in his tuis injuriis, doloribus, contemptibus, in hac hominum iniquitate & scelere, in hac universi perturbatione, quid agis? quid animo volvis? quæ tibi mens? quod consilium? Amas! Et quosnam amas? homines amas! Etiamne mi Amor homines amas? & arden-

ardentissime amas? & summe amas, & ad mortem usque amas.

17. Absit mihi jam aut gloriari, aut quiescere, nisi in Cruce tua mi JESU, in tuis vulneribus! Amore tui langueo, ac deficio, sed quaeso vos, quicumque estis, non me fulcite floribus, non me stipate malis, sed fulcite me sentibus, stipate me spinis, clavis etiam, si vultis, configite, ut CHRISTI configar Cruci.

18. Offero etiam cor meum tibi ô afflictorum & dolentium Regina! ad excipiendos dolores tuos, & liberandum ab eis cor tuum. In tuis & pro tuis acutissimis doloribus mori exopto. Instans mortis meae doloribus tuis, & doloribus Filii tui commendo, & commendo.

Eodem Die

Actus ante S. Communionem.

ERubesco verè ante conspectum innocentissimi mi Redemptoris mei, tam crudeli morte, ob scelera mea perempti, ut spectaculum immanis laniationis factus sit Angelis & hominibus luctuosum, cujus tota corporis compago, tot plagis livida, tot vulneribus lacerala est, Cor ipsum ac pectus divini amoris reclinatorium immani lanceae ictu patefactum!

Ah! tuorum est ô anima! tuorum hoc opus est peccatorum. Video tamen mi JESU! Video te extendere manus tuas, ut me ingratum, fugitivum, non filium, sed rebellem recipias. Et cum sim una turpitudine, tu tamen me amplecti, imò etiam Corpore & Sanguine tuo recreare vis. Unde verò

verò mihi tanta gratia, nisi ex speciali, ac profundissimo amore tuo?

Audeamnè ruere in amplexus tuos, & suscipere te, qui me proieci per peccata mea infra pedes Luciferi? sufficeret mihi iacere ad pedes tuos, ut caniculo, & illos lambere, atq; ad hos, omnes turpitudines meas & peccata mea evomere.

Quia tamen mi Domine: invitas me ad sacrum Convivium tuum: venite, inquit, ad me, qui in me perdendo laboratis, & hoc ipso, gravi scelerum mole onerati estis, & ego reficiam vos. Venite, bibite, & inebriamini charissimi, bibite vinum, quod torculari Crucis expressum miscui vobis. Venio gaudens Domine mi IESU! ac clamo post te: da mihi panem vitæ, qui de Cælo descendit, ut refocilletur anima mea.

Ad tuos etiam pedes accedo ô MARIA! mea tot titulis, quot ego tibi obligor beneficiis, tanto mihi benevolentior affectu, quanto propinquior partu, MATER mea es, non conditione naturæ, sed gratiæ jure sub Cruce constituta, quando me genuisti, non ex vero naturalem, sed ex corde filium Spiritualem, non quidem doloribus parturientis, certè tamen doloribus morientis, non tui, sed in te morientis Filii tui, unice dilecti.

Ecce Mater mea! Venit ad Te Filius tuus, licet Primogenito tuo longè dissimilis, & inter adoptivos tuos infimus, supplicat tibi non tantum pro salute sua sanguine Filii tui partâ lacrymis tuis impetratâ, verum etiam cû fame pereat, petit micæ panis vitæ, quem qui gustaverit, non morietur in æternum.

Monstra

Monstra igitur te esse Matrem, & respice Filium, quo nomine si ille indignus est, tu certe materno dignissima, respice ergo ut succurras, respice & non desiciet Filius. Et si quid in me offendis, unde displiceam, in te reperis unde placeam.

In Visitatione.

1. **E**Xurge Domina, surge amica mea, DEI Mater & Virgo, gratiosa mea & veni; ostende mihi faciem tuam; sonet vox tua in auribus meis: vox enim tua dulcis, vox salutis est, nuntia Salvatoris.

2. Loquere Mater, & exultabit præ gaudio cor meum. Dic verbum, & sanabitur anima mea. Tu enim habes intra te Verbum DEI, quod dat vitam mundo.

3. O Domina mea! ut facta est vox tua in auribus meis, cor meum, & caro mea, exultant in DEUM vivum. Gaudebo in Domino semper, iterum dico, gaudebo, & exultabo in DEO JESU meo.

4. O Virgo Beatissima! ad cuius hodie Elisabetham visitantis vocem infans Ioannes in Matris utero, præ gaudio exultavit! non te potui amare antequam nascerer, ora, ut saltem nunc, & in hora mortis, & per omnes beatitatis felices æternitates, sim in numero servorum & filiorum tuorum lætantium in te, & amantium te.

5. Visita me cum tuo JESU ô MARIA! ita ut nunc & in hora mortis meæ visitatio tua custodiat Spiritum meum, hinc migrantem; ut in æternum unâ tecum, magnificet anima

anima mea Dominum, & exultet spiritus meus in DEO salutari meo.

6. O quàm beati, quos respexerint illi tui misericordes oculi ô MARIA! hos etiam oculos ad me converte, & Filio tuo benignè me reconcilia, & in æternum conjunge.

7. Gaudeo Virgo Beata, quòd sis Inventrix gratiæ, quòd sis Thesauraria & Dispensatrix gratiarum, ita, ut nulla gratia de cœlo in terrā veniat, nisi transeat per manus tuas.

8. Gaudeo & exulto ô SS. Virgo, quòd DEUS te amet super omnia opera sua, & de hac re super omnia delector.

9. Gaudeo quòd sis Sponsa DEI, Mater Verbi, Ministra Incarnationis, omnium gratiarum mare, verè illuminata MARIA, Angelorum Regina, Mediatrix nostra & omnium Domina.

10. Exulto de illo amore, quo te amat DEUS Pater, DEUS Filius, DEUS Spiritus Sanctus! & de illo amore & honore quo te amant & colunt omnes Angeli & omnes Beati in cœlo, & omnes iusti in universa terra.

11. Invenisti Virgo gratiam apud DEUM: Quid non impetrabit tanta Filia à Patre, Mater à Filio, Sponsa à Spiritu Sancto?

12. Per te accessum habeamus ad DEUM ô benedicta Inventrix gratiæ, Genitrix vitæ, Mater salutis.

13. Sis mihi ô MARIA pia! semper Mediatrix apud Filium: sis de me, tanquam de Filio tuo sollicita: succurre erranti: deduc me in semitas justitiæ: misericordes oculos ad me semper converte: & mihi in morte succurre ut pia Mater cum festinatione.

Eodem

Eodem Die

Actus ante S. Communionem.

O Quanti! quamque multiplicis gaudii & exultationis! una Virginis Beatissimæ Visitatio, causa fuit! Miratur præ gaudio Mater Elisabeth, dicitque unde mihi, ut veniat Mater Domini mei ad me? Infans Ioannes ad vocem salutantis Virginis exultat in Utero: ipse demum Spiritus MARIE exultat in DEO salutari suo. Insuper illud gaudium humani generis Homo DEUS, iam nunc delectatur ludens in orbe terrarum, & tanquam sponsus gestiens procedere de thalamo suo, exultat ad currendam viam suam, viam salutis humanæ.

O JESU! nunquam satis amate, nunquam satis amande transilias licet colles, & salias in montibus simili capræ hianuloque cervorū, sequetur te pernicibus alis amor meus, assumet pennas ut columbæ, & volabit, & requiescet sub umbra tua, quem desiderat anima mea.

Ibo, ibo, te ducente Virgo, & transibo in locum tabernaculi admirabilis, usque ad domū DEI, ut inveniam, quem quæsi, quem concupivi, quem diligit anima mea, ibi renebo eum, nec dimittam, donec benedixerit mihi.

O Sponse dulcissime! sonet vox tua in auribus meis, & dicamus invicem: dilectus meus mihi, & ego illi, inter ubera mea, in corde meo commorabitur.

O dulcissima Mater! quo tu affectu & fervore filium tuum JESUM dilectissimum exurgens per montana detulisti, atque in domum
Zachæ.

Zachariæ intulisti, eodem affectu & desiderio, cupio dulcissimum Filium tuum, sub speciebus Eucharisticis inclusum, sub tectum cordis mei deferre ac deducere.

Quia verò homo peccator sum, & non sū dignus, ut intret Filius tuus sub tectum meū, sanctifica me prius pia Mater, ut Joannem, reple Spiritu Sancto, ut Elisabetham, imple benedictione illā & gratiā, ut domum illam. Fer Virgo Beatissima Dominum JESUM ad me, ut sanctificet me sanctificatione æternā, tunc exultabit Spiritus meus in DEO salutari meo.

Actus post S. Communionem.

JESU hospes amantissime, occurro tibi in Eucharistia ad me venienti, stupore & humilitate Elisabeth dicens: Unde hoc mihi, ut veniat Dominus meus ad me?

Cantabo etiam tibi in vita mea cum MARIA Matre tua, psallam tibi DEO meo, quāmdiu fuero, clamabo ad DEUM Altissimum, qui bona tribuit mihi: Magnificat anima mea Dominum, & exultavit spiritus meus in DEO salutari meo. Quia respexit humilitatem animæ meæ, ancillæ suæ, & fecit mihi magna, qui potens est. Esurientem implevit bonis, & divites dimisit inanes.

Gaudebo in Domino semper, item dico gaudebo, & exultabo in DEO JESU meo. O delictum, sine deliquio! ô exultationem sine supplicio! ô lætitiā sine fastidio! ô gaudium sine tormento! &c.

In Assumptione.

1. **U**bi est mors victoria tua? ubi est mors stimulus tuus? Non tu vitam auferis Virgini, sed ad DEUM transfers, non mortalitati subicis, sed donas immortalitati.

2. Verè fortis est mors, sed fortior dilectio **MARIÆ** in DEUM, quæ valido impetu animam Virginis à corpore separavit.

3. Non nobis Domine **JESU**, non nobis, sed **MARIÆ** Matri tuæ da gloriam! eleve-
tur hodie magnificentia ejus super cœlos, ubi
tu Rex Regum, stellato sedes solio.

4. O quis mihi daret, ut omnia membra mea, verterentur in linguas, tunc non aliud prædicarem nisi hoc: vivat, regnet, & triumphet **MARIA**!

5. Si linguis hominum & Angelorum hodie loquerer, adhuc celsitudinis tuæ dignitatem & gloriam ô Virgo pulcherrima ne adumbrare quidem, nedum effari possem.

6. Benedictus sis tu **DEUS**, qui corpus & animam **MARIÆ** Virginis Matris tuæ in cœlum assumpsisti, & super omnes Angelos juxta Deitatem tuam honorificè collocasti.

7. Gande **MARIA** Virgo, quia omnes Sanctos superas tuo honore. Gande, quia totum cœlum & orbem illuminas tuo splendore.

8. Gande, quia ad tuum nutum, tota tibi obedit cœlestis curia. Gande, quia ad tuum votum à **DEO** impetras omnia.

9. Gande, quia sola es **SSS**. Trinitati proxima. Gande, quia servis tuis dantur à **DEO** præmia maxima.

10. O **MARIA**! pulchra ut luna, electa ut sol.

sol, fac me videre pulchritudinem tuam, & ob eam adorare & laudare Divinam Majestatem in æternum.

11. Sitivit anima mea ad te DEI Matrem viventem & regnantem in cœlis! quando veniam & videbo lucidiorem sole faciem tuam?

12. Speciosa facta es in deliciis tuis dulcissima DEI Genitrix, quis non diligit te? ô Regina cordium & Mater sancti amoris! quis non amabit te?

13. Amo te Virgo Beata, & desidero amare tantum, quantum te omnes beatæ animæ in cœlo, quantum te amant omnes novæ Chori Angelorum, quantum te amat ipsum cor & anima Unigeniti Filii tui.

14. Saluto te ô Regina cœli & terræ! ô Mater gratiæ & misericordiæ! vita mea & spes mea post DEUM! Saluto te & veneror in throno gloriæ, ad quem DEUS te extulit. Video te jam in porta, dum nos iactamur procellis. Video te in patria, dum nos gemimus in exilio. O! potentissima Mater memento nostri, dum tibi bene est, & ne obliviscaris inopiæ nostræ & tribulationis nostræ.

15. Scimus quod pulchra sis mulier, dic (obsecro) quod soror nostra sis, ut bene sit nobis propter te, & vivat anima nostra ob gratiam tui.

16. Fratres tui sumus ô Virgo! os tuum, caro tua, sanguis tuus. Obsecra Filium, ut misereatur fratrum tuorum, filiorum tuorum, æ proinde fratrum suorum.

Eodem

Eodem Die

Actus ante S. Communionem.

QUod munus pro MARIA hodie assumpta, lætificante Civitatem DEI, dabis cœlum nobis? Ecce dum elevatur magnificentia Matris DEI super cœlos, majus est gaudium Angelis DEI, super una Virgine, Domina Virtutum, Regina gloriæ triumphante, quam super nonaginta novem justis.

Utique scio, quia humanis obsequiis divina vinci beneficentia non solet, quin, qui omnes benefaciendi facultate superat DEUS, vincit etiam benè merendi de omnibus voluntate. Calicem aquæ frigidæ sibi datum, divinæ voluptatis torrente compensat, & cibum esurienti exhibitum regnò remuneratur æternò.

Venientem, ut viveret inter homines, DEI Fium MARIA Virgo excepit in domum suam, domum pudici pectoris, quod templum DEI repente factum est, quid igitur Pater sanctissime pro ejus obsequio, pro sanguinis sui dato subsidio, ut Filius tuus fieret Homo DEUS, dabis nobis?

Scio equidem & certus sum, quia viventē Filiam tuam, ut vivat inter cœlites excepisti in domum tuam, & quæ humanitate circumposita & circumducta carne Virginea Filium tuum coronavit, utique illam cœlesti gloriâ & divinitate tuâ circumdata coronasti.

Optimè quidem in hoc apparuit benignitas & humanitas tua mi DEUS! cum enim sit Mater divinæ gratiæ, & Genitrix substantiæ ejus, ex æquo sedet ad dexteram Majestatis tuæ

in

in excelſis, tantò melior Angelis effecta, quan-
tò differentiùs præ illis nomen hæredit. vit.
Cui enim dixit aliquando Angelorum Filius
tuus? Mater mea es tu, tu hodie genuiſti me.

Loquar tamen ad Dominum meum, cum
ſim pulvis & cinis? Quale gaudium nobis eſt,
dum in tenebris ſedemus, & hoc lumen cœli
non videmus? ſcio verè, quia Virgo Mater
inebriatur ab ubertate domûs tuæ, & torren-
te voluptatis tuæ potatur, nos autem mendici
& pauperes hic fame perimus.

Omnis poteſtas data eſt tibi mi Domine! à
Patre, in cœlo & in terra, tibi Mater à Filio,
quæcunque ergo popoſceris à DEO, dabit
tibi DEUS, quid enim denegare poterit, qui
ſeipſum tibi donavit? pete ergo & accipies,
dic obſecro. ut panem Angelorum manducet
homo, catellus Domini.

Fac ut ambulem in fortitudine cibi illius (qui
de cœlo deſcendit) uſque ad montem DEI
Horeb.

Actus poſt Sacram Communionem.

Vivat in me JESUS, regnet JESUS, trium-
phet JESUS, DEI vivi & Mariæ Filius!
Quieſce in me ô piſſimum SACRAMENTUM,
ſufficiat mihi, Amor mi dulciſſime JESU!
quòd te habeam, quòd te in SACRAMEN-
TO ſuſceperim.

O quàm cupio dignè tractare & ſalutare te!
O! quis mihi dabit linguam Angelorum? quis
Seraphicam, ut te ô JESU mi! tuumq; Cor-
pus ac ſanguinem dignè contrectem, ac com-
plectar.

O si ferri possem illo incendio amoris tui, quo sanctissima Mater tua primum in cœlum veniens te salutans & adorans, æstuabat! O si omnes guttæ sanguinis mei mutarentur in flammæ æternæ charitatis, quibus ardent omnes Angeli & Sancti tui!

O adorande, & divinis tantummodo amoribus sat dignè redamande Amor meus! tu scis; quia amo te! utinam toto me, toto te! utinam in æternum corde MARIE amem te!

Quia verò homo peccator sum ad te recurro, ô Virgo Mater DEI! Mater amabilis, Mater admirabilis, amabilis in gaudio, admirabilis in honore. Per te nos exules filii Evæ, accessum habeamus ad Filium, per te servi à DEO profugi refugium habeamus ad Dominum, per te peccatis mortui viam inveniamus ad vitā, per te in æternum amemus DEUM nostrum.

In Feslo S. Patris N. BERNARDI Abbatis.

1. SANCTE mi JESU! MARIA, DEI JESU Mater, gratias vobis pro donis bonisque omnibus in Sanctissimum vestrum ac meum BERNARDUM largè effusis.

2. O! cordis felicissimi & flammei Bernarde, tot candidorum filiorum Pater, candidum me faciat non tam vestium, quàm animi candor. Fac ut cygneam ac candidam puritatem in moribus & cogitationibus meis præferam.

3. Mellissima JESU & MARIE ac cordium devotorum apis! fac me verum JESU & MARIE servum, impetra mihi hoc unum, hoc sanctum, ut non aliter velim vivere, nec mori velim aliter, quàm, tanquàm natus ad hoc,

hoc, ut vivam, & moriar JESU & MARIE
humillimus servus & filius.

4. Felicissime nascentis JESULI amator &
spectator! qui puer vidisti natali DEI nocte
nascentem JESUM; ora, ut cor meum vivat
in JESU, ac vicissim in corde meo nascatur,
adulescat, delectetur, & nunquam moria-
tur JESUS.

5. Triumphator mundi, carnis, & dæmonis;
qui turpes ignes aquâ gelidâ extinxisti, & no-
cte latronem pudicitie fugasti victor; arce à
me machinas immundi Spiritûs, ne quid in
carnem meam, vel in spiritum meum, dolis
suis possit.

6. Martyr amoris divini! cui fratres tuos
ad Religionem pellicienti, visa est adesse non
semel olim extincta Mater tua, quæ tibi ar-
ridens gratulabatur de consilio tam felici; ali-
às quoque à te conspecta in gloria; fac ut
per te discam DEUM amare, ita ut tu ama-
sti, DEI Matri servire, ita ut tu servivisti,
alta fugere, ut tu fugisti.

7. O cordium dulcis magnes! qui ad vale
mundo, & salve cœlo dicendum, triginta so-
cios unâ tecum traxisti, tot animas ad DE-
UM, voce, calamo, exemplo, oratione ra-
pisti. Ora ut tales hîc socios amem, qui
me ducant, vel quos ducam illuc, ubi tu es.
Juva me, ut hîc, & in cœlo, tuorum cœtu
dignus inveniar.

8. Seraphine terrestris! è cujus orantis ore
visus est ignis erumpere; quem hoc tuo die,
gloriosum vidit S. Gertrudis, mirifico quodâ
splendore de tuo pectore, ad omnia eorum
pectora erumpente, qui per tua merita fer-
ventem

ventem DEI amorem obrinere desiderant. Ecce me unum ex illis desiderantibus, desidero amorem illum, quo cor tuum, os tuum, tuus calamus abundavit.

9. Cœlestis inter homines Angelus! qui singulis tuis orantibus, singulos Angelos adesse, ac nullâ omissâ syllabâ, quidquid orando dicebant, auro, argento, vel aquâ (prout quisque flagrans erat vel tepidus in orando) adnotare vidisti. Fac ut nomen meum quotidie libro vitæ, frequentibus purissimi erga DEUM amoris & laudis actibus velut aureo caractere, inscribam.

10. Potentissime apud JESUM & MARIAM Orator! qui sæpius vilus es in altum cum Cathedra elevari. Eleva Sanctissimis precibus tuis frigiditas, arentes, & distractionum pondere prægraves orationes meas, ut constanter assuecam elevato ad JESUM & MARIAM corde, ignea hæc jacula in cœlum pleno affectu evibrare.

11. Felicissime JESU collactance! quem Virgo Beatissima dicentem sibi: Monstra te esse Matrem, purissimo sui pectoris lacte in os tuum immisso recreavit. Clamo & ego: Monstra te esse Patrem, quod melius non præstabis, quàm si propitiam mihi reddideris clementissimam misericordiæ Matrem. Irriga cor meum igneo hoc lacte, fac ut corde toto rationabile, divinique amoris plenum sine dolo lac concupiscam.

12. Sanctissime Pater! in cujus amplexus solutis de cruce brachiis, se se demisit Christus, ac tantâ dulcedinis copiâ cor tuum inundavit; ut tunc verè cantare didiceris solenne illud
tuum

tuum: *Expertus potest credere, quid sit JESUM diligere.* Inebria aridum cor meum de illa supereffluente gratiarum plenitudine, quam è fonte mellifluo Christi vulnerum bibisti. Fac ut residuum annorum meorum sit jugis meditatio dolentis & amantis JESU: nec prius dolere & amare desinam, quam vivere.

13. *MARIÆ* Deiparæ cliens intime, qui moriens cuidam apparuisti dicens te velle ad montem ascendere ad discendum, hic enim nullam, ibi omnem veri scientiam reperiri: qui denique à *MARIA* sanatus illam spei tuæ fiduciam, & ad cælum scalam esse dixisti, & cælum per illam moriens ascendisti. Commenda me *MARIÆ*, ut quamvis oculi mei vitiiis corrupti, non sint digni illam in hac lacrymarum valle spectare, illius tamen auxilio purgati non excludantur à conspectu ejus in cælo gloriæ.

14. *S. Bernarde*, ad quem, cum Spiræ ad salutationem piissimam: *Salve Regina*; à te (ut multi non dubitant) inventam devotam illā clausulam addidisses: *O clemens! ô pia! ô dulcis Virgo MARIA*: ex ejusdem Icone, audiente omni populo dulcis echo insonuit: *Salve BERNARDE*. Liceat & mihi te alloqui.

Salve BERNARDE melliflue Pater, & spes te amantium *Salve*. Ad te clamamus exules filii tui: ad te in cœlis regnantem suspiramus gementes & flentes peccata nostra in hac lacrymarum valle. Eja ergo advocate miserrum, illos tuos amabiles oculos ad nos clientes tuos converte. Et *JESUM* solutis de cruce brachiis tibi constrictum, nobis post hoc
exili-

exilium ostende placabilem. O clemens! ô pie! ô dulcis BERNARDE!

Eodem Die

Actus ante S. Communionem.

O Quantum exultavit Spiritus tuus in DEO salutarî tuo, mi suavis & ardens BERNARDE! quando totus Vox exultationis factus, cantasti Domino canticum novum, clamans & jubilans: JESU dulcis memoria, dans verâ cordis gaudia, sed super mel, & omnia, ejus dulcis præsentia.

Verè dulcis præsentia, tuâ mi DEUS & omnia! nec lingua valet dicere, nec litera exprimere, expertus potest credere, quid sit JESUM possidere, JESUM præsentem habere. Qui te gustant, esuriunt, qui bibunt, adhuc sitiunt, desiderare nesciunt, nisi te solum, quæ diligunt.

Gustem & ego mi Salvator amantissime te ipsum sub speciebus Sacramentalibus existentem. Gustem & videam, quàm suavis sis Domine mi JESU! Tu enim es balsamo suavior, omni dulcore dulcior, præ cunctis amabilior, tu in ore mel mirificum, in aure dulce canticum, in corde nectar cœlicum.

Quocunque loco fuero, te unicum desidero, quàm lætus cum invenero! quàm felix cum tenuero. Te mi hospes dulcissime, spes aspirantis animæ, te quærunt meæ lacrymæ, & clamor mentis intimæ. Desidero te millies, mi JESU quando venies? me de te quando saties?

O cordis felicissimi & flammæ BERNARDE!

ô Vir

ô Vir desideriorum! ô terrestris Seraphine! accende obsecro cor meum facibus tuis, & vivo cordis tui igne, ut totus quantus sum, ferar ad DEUM meum amore actuoso, seraphico, immortalis. Impetra mihi, ut quem quero, inveniam, quem concupisco, teneam, præsentem JESU langueam, & corde totus ardeam.

Actus post S. Communionem.

O DEUS amoris æterni! quid mihi est in cœlo & à te quid volui super terram? defecit caro mea & cor meum, DEUS cordis mei, & pars mea DEUS in æternum.

Quomodo ô dulcis hospes mi JESU! imò ipsa dulcedo cordium, excedens omne gaudium, & omne desiderium, amabo te ita amantem me? quomodo amplectar te?

Utinam ore tui BERNARDI osculer te! utinam cum ipso vel ad unicum momentum hinc lactari ab ubere Matris tuæ, hinc pasci à tuo Vulnere possim! utinam quantus, quantus sum, transferar in te. absorbearq; à te, & totus abeam in cineres dilectionis tui!

Utinam saltem haberem mi dulcis & ardens BERNARDE, vel unum è tuis illis ardoribus constantem scintillam, quæ mihi semper vivat in corde usque ad mortem, usque ad æternitatem. Utinam & vivens & moriens sic æternum ardeam illo igne æterno, qui est DEUS.

O JESU, DEUS cordis mei! sim tuus totus & tu meus in æternum. In te vivam, in te moriar, in te perennem amando te. Utinā nihil sapiat, nihil dulcescat mihi cum tuo
BER-

BERNARDO nisi tu! tu cibus meus, tu potus suavissimus, tu omnis delectatio mea, tu vita animæ meæ.

Conde in corde meo Seraphine terrestres, dulcis Pater, quidquid de amore divino scripsisti, dixisti, cogitasti. Abstrahere cogitationes meas, voluntates, potentias ab omnibus, quæ sunt super terram, ut mihi mundus crucifixus sit, & ego mundo.

In Nativitate! BEATISSIMÆ.

1. **N**ON possum tristari, quia nata est nobis puella Sancta, Mater Domini mei, & ipse fundavit eam Altissimus.

2. O Sancta felicissimorum Joachim & Annæ Filiola, Nativitas tua gaudium annuntiavit universo mundo; quæ nata es, ut ex te nascatur DEUS.

3. Ad beatissimas cunas supplex accurro ô parvula Beatissima, annuntio Tibi gaudium magnum: Ecce concipies & paries Filium & vocabis Nomen ejus JESUM.

4. Nescio quid dicam tibi puella Sancta Virgo MARIA, Regina mundi, quomodo te salutabo, dicam tibi quod per Angelum auditura es: Ave gratiâ plena, Dominus tecum.

5. Utinam omnium creaturarum corda haberem, ut ex affectu & viribus omnium te dulcissima Virgo salutarem inquitens: Ave Filia DEI Patris. Ave Mater Filii DEI. Ave Sponsa Spiritûs Sancti. Ave Templum SSS. TRINITATIS.

6. Quot maris sunt guttæ, cœli stellæ, quot beatorum Spirituum agmina, toties ex intimo

intimo cordis mei affectu te saluto Virgo Beata, tibi inclamo: Vivat MARIA, cœli Regina, Domina mundi.

7. Te saluto cum Ecclesia Sancta Catholica: Ave maris Stella, DEI Mater Alma, atque semper Virgo, felix cœli porta. Salve Regina cœlorum, ave Domina Angelorū.

8. Te saluto cum S. Bonaventura: Ave Domina mea, Mater mea, inō cor meum, & anima mea, Virgo MARIA & MARIA mea.

9. Te saluto cum S. Chrysostomo: Ave animatum DEI templum. Ave cœli terræq; pariter domicilium. Ave naturæ illius, quæ comprehendi non potest amplissimum habitaculum.

10. Æstimo te pretiosissima DEI Mater supra cor & animam meam, super omnia, solo DEO, minora, quia tu es honos totius creaturæ, (& præcipuè generis nostri,) quæ nec primam similem visa est, nec habere sequentem.

11. Toto cordis mei affectu, & quantum possum, amo te amabilissima Virgo MARIA, super omnia amabilia creata.

12. Amo te decus Angelorum, honor, gaudium Sanctorum, universis imperans. Amo te nostra Mediatrix, afflictorum consolatrix, nostri semper miserans.

13. Trado me tibi in servum perpetuum, in mancipium. te autem mihi eligo, & assumo in Dominam & Reginam.

14. En corpus & animam meam, spes & omnes res meas, Tibi devoveo, & mancipio in æternum, ut tibi vivam, moriar. Tibi æternum tuus, Tibi tuoque servitio omne tempus,

pus, quantum possum dedico: & opto momenta singula illius converti in æternitates, quibus tibi inserviam.

15. Monstra ô MARIA! te veram esse mihi Matrem, ama me usque in finem, & fac; ut te redamare totis visceribus cordis mei contendam.

Eodem Die

Actus ante S. Communionem.

EN ad te supplex accedo, ô puella Sancta! cœli terræq; Regina, etiam in periodo tuæ Nativitatis Sanctissima & potentissima. O Mater! ô Virgo! Beatam meritò te dicunt omnes generationes, Domina mundi, quæ omnibus generationibus vitam & gloriam genuisti.

In te piissima Virgo Angeli lætitiâ, iusti gloriam, peccatores veniam inveniunt. Meritò in te respiciunt oculi totius creaturæ, quia per te, & in te, & de te, benigna manus Omnipotentis, quid quid creavit, recreavit.

Audi ergo ô Mater! audi miserum ad te clamantem. Ciba hodie pauperem tuum ô Domina! plena gratiarum, rore cœlesti plena, ciba micis panis vitæ, qui de cœlo descendit.

Si verò me eiecero Domina, pace tua ô Virgo! unde quò progrediar, audi quid loquar. Unde quæso illa in te magnitudo, ut DEI Mater efficereris, nisi à me?

Fuisses quantumvis humilis & pudica, & sancta corpore & spiritu, fuisses licet omnium virtutum laude præcellentissima, nihil hæc tibi tantum ad honorem suffragata essent. Ni-

si enim scelera & peccata mea fuissent, nunquam DEI Filius de sinu Patris in sinum tuum delapsus fuisset, nisi malitia mea ascendisset ad cœlum, nunquam illa Majestas descendisset ad terram.

Etenim sine me peccatore, quid opus fuisset Redemptore? sine me ægrotante, quid opus fuisset medico visitante? Itaque nisi mei misereris, prope, dixerim, te à jure, ab æquitate, ab officio discessuram.

Grati igitur animi ratio exigit à te, ut quò peccante, DEI Matris honore ac homine gaudes, eodem etiam pœnitentiam agente, Patronæ ejusdem munere fungaris. Monstra ergo te esse Matrem, ac oculos tuos misericordes ad me in hac lacrymarum valle gementem mendicum converte. Utique nata es, ut ex te nascatur DEUS. Per te itaque sumamus panem vitæ, qui de cœlo uteri tui Virginæ, lis descendit.

In Festo Nominis BEATISSIMÆ.

1. **B**enedic anima mea Dominæ nostræ, Virgini DEI Genitrici **MARIÆ**, & omnia quæ intra me sunt nomini Sancto ejus.

2. Per singulos dies benedicam tibi ô **MARIA**! Virgo & Mater DEI Sanctissima, & laudabo nomen tuum dulcissimum in sæcula.

3. Adhæreat lingua mea ori meo, si non proposuero te ô **MARIA**! in principio lætitiæ meæ: si non meminero nominis tui, oblivioni detur dextera mea.

4. Magnificate omnes Dominam mecum, & exaltemus nomen **MARIÆ** in æternum, nam
nomen

nomen *MARIÆ*, nomen Sanctissimum, nomen dignissimum, nomen potentissimum.

5. O *MARIA* esto mihi *MARIA*! ô dulcis *MARIA*! recognosce, quod *JESU CHRISTI* Filii tui in me est, & absterge, quod mundi & amoris proprii in me est.

6. O Nomen *MARIÆ*! nomen dulce; nomen *MARIÆ*, nomen delectabile; nomen *MARIÆ*, nomen gloriosum & salutiferum. Quid enim *MARIA*? nisi *Stella maris*; ergo ô *MARIA*! propter nomen Sanctum tuum luceas mihi in procelloso mari hujus mundi naviganti.

7. Protege me dulcissima *Virgo MARIA* sub umbra alarum tuarum: & non recedat in æternum mellifluum Nomen tuum ab ore & à corde meo.

8. O! *Virgo* dulcissima & suavissima fac ut mori nequeam, nisi invocato hoc jucundissimo, hoc mellifluo, hoc salutifero nomine tuo *MARIA, MARIA*.

9. Gloriosum ô *MARIA* & admirabile est Nomen tuum: qui illud retinent & invocant, non expavescent in puncto mortis. Invocabo & ego semper nomen tuum, ut me tuearis in morte à rugientibus præparatis ad escam; ut me *Stella maris* deducas ad portum salutis.

10. Data est tibi ô *Virgo Sanctissima*! omnis potestas in cælo & in terra, & in manu tua est vita & salus nostra, loquere ergo pro me bona, loquere Filio tuo dulcissimo, impetra mihi gratiam & veniam.

11. O *MARIA*! monstra te esse Matrem, & respice filium inter adoptivos infimum. Respice & non despiciet Filius tuus; recipere & non

& non seducet inimicus. Quod ut à te impetrem vivus, & obtineam mortuus, per illud tibi charissimum, & mihi dulcissimum Nomen Matris supplico.

Eodem Die

Actus ante S. Communionem.

SCIO verè mi dulcissima MARIA Virgo & Mater, & certus sum, quia si quid petierimus Patrem in nomine tuo, dabit nobis. Peto ergo, ut per te accipiam in ulnas cordis mei dilectum Filium tuum IESUM. Peto, ut intret sub testum meum licet indignissimū Dominus meus & DEUS meus.

Tu si vis, potes me juvare, omnia etenim tibi data sunt à Filio tuo, ut jure dicat servus tuus BERNARDUS: Ex ore tuo pendet consolatio miserorum; redemptio captivorum, liberatio damnatorum, salus denique universorum.

Sperent in te, qui noverunt Nomen tuum ô MARIA! quoniam non derelinquis clamantes ad te, & quærentes per te Filium tuum, quem ego hîc sub candido specierum Sacramentalium velamine latentem, firmiter credo ac profiteor.

Nomen tuum & memoriale tuum ô Domina mea! in desiderio animæ meæ, sed etiam spiritu meo, & totis præcordiorum affectibus suspiro ad te ô IESU vita mea, DEUS meus & omnia! Et sicut desiderat cervus ad fontes aquarum, ita desiderat anima mea, suscipere Te, uniri tibi in hoc SS. Sacramento, ac transformari in te.

In Feste Omnium Sanctorum.

1. O Ter magne DEUS! supreme infinitarū perfectionum Author, gratias tibi pro bonis donisq; omnibus naturæ, gratiæ, & gloriæ, quæ in Sanctos tuos effudisti & effundes.

2. O! Sancti Sanctæq; omnes fideles, Sponsæ Christi, saluto & veneror vos, gratias ago DEO meo, quod vos elegerit & in sublimi gloria collocaverit.

3. O Sanctissima JESU ac prædestinatorum omnium Mater! monstra te esse Matrem, illos tuos misericordes oculos de summo cœlorum habitaculo ad nos converte, & JESUM benedictum Filium tuum nobis post hoc exiliū ostende placabilem.

4. Sancti Patriarchæ & Prophetæ, qui Dominum nostrum dictis prophetastis, & ardentissimis desideriis è cœlo ad terram traxistis, succendite me illo igne, quem Dominus misit in terram, & voluit vehementer accendi. Feliciter ardebo, si corde ita succendar.

5. Sancti Apostoli & Evangelistæ, impetrate obsecro mihi, ut totus dulcedine amoris divini pleus, totus flammâ divinæ charitatis incensus diligam DEUM ex toto corde meo, totisq; medullis præcordiorum meorum, habeam DEUM in corde, in ore, & præ oculis, semper & ubique.

6. Sancti Martyres, gratulor vobis, quia Salvatori vestro vitam pro vita, sanguinem pro sanguine reddidistis. Utinam & ego, sicut vos, effundere possem sanguinem, & fieri víctima in holocausto fidei, Ipei, charitatis!

Orate.

Orate, ut sim saltem DEO meo amoris victima incruenta, si cruenta non ero.

7. Sancti Pontifices & Confessores fideles dominici gregis Pastores, ad me respicite adhuc peregrinantem in hoc exilio, & mittite de cœlo opem, elevate me ab hac sordida terra, ut mihi mundus crucifixus sit, & ego mundo.

8. Sancti Monachi & Eremitæ, illibatam mihi mentis, & corporis puritatem obtinete, ut hujus vitæ cursu peracto mundus ab omni labe in conspectu Domini merear præsentari!

9. Adjuro vos Sanctæ Virgines & Viduæ filiæ Jerusalem, habitantesq; in ea animæ beatæ, si inveneritis dilectum meum, ut nuntiatis ei, quia amore langueo, præ magno faciei ejus videndæ desiderio.

10. Omnes Sancti Poenitentes, Innocentes, item Conjugati olim, impetrate mihi frequentissimos ac pretiosissimos excellentissimi erga DEUM amoris actus nunc, ac potissimum ultimo die atque momento; ut sit pretiosa in conspectu dilecti DEI, vita mea, mors mea, æternitas mea.

11. Omnes Sancti, qui SSS. Trinitati, Crucifixo JESU, SS. Eucharistiæ Sacramento, Virgini SS. singulari pietate addicti fuistis in hac vita, impetrate mihi duo hæc præsidia, Crucifixi vulnera, & MARIAM; ut vivam & moriar in osculo Domini sicut Moyses.

12. Omnes Sancti meæ nationis! omnes Sancti, qui inter prædestinatos omnes DEO estis proximi atque charissimi: omnes Sancti & Sanctæ DEI, quorum nomina sunt in li-

bro vitæ: impetrate mihi, iuvate me ut DEUM vobiscum videam; ut in templo Sancto gloriæ suæ DEUM meum unâ vobiscum benedicam, æternum benedictus.

Eodem Die

Actus ante S. Communionem.

JESU mi amantissime! quid invenisti in me, quod trahat te à summo cœlorum, ex splendoribus Sanctorum, & descendere faciat in abyssum miseriarum? Quid reperisti in me, quod elegeris ad me venire, & mansionem apud me facere?

Ecce cœli cœlorum te non capiunt, imò columnæ cœli contremiscunt, Angeli velant facies suas, reverentur Archangeli, & tu dicis: Venite ad me omnes, & ego reficiam vos?

O quàm bonus es & fuisti mi DEUS erga electos omnes, ac etiam erga me! Agnosco tuam liberalitatem, & amorem. Nam eû essem parvulus & abiectus in domo mea, de pulvere erexisti me, & constituisti cum principibus populi tui, ut comederem panem, & biberem vinum in mensa tua, omnibus diebus vitæ meæ.

Unde inveni hanc gratiam in oculis tuis mi JESU, ut ostenderes in me divitias misericordiæ tuæ, & parares mihi mensam, habentem omne delectamentum, & omnis saporis suavitatem?

Ad vos itaque clamo omnes Sancti & Electi DEI, omnes beati Cœlites, qui nunc ad mensam gloriæ cœlestis, DEO per visionem beatifi-

beatificam fruimini, impetrate mihi tantum erga Sanctissimum Sacramentum à me brevè sumendum, devotionis affectum, plenissimum Angelica puritate, profundissima humilitate, ardentissimo ac planè igneo fervore charitatis, cum quanto vos idem divinissimum CHRISTI Corpus & Sanguinem in via sumpstis.

Impetrate mihi tantam mensuram ac plenitudinem cœlestium Virtutum, donorum, ac meritorum, quantam vos omnibus Communionibus vestris, ex eodem divinæ liberalitatis fonte per JESUM Christum hausistis, & vestris precibus aliis impetrastis.

In Festo Præsentationis Beatissima.

1. O! DEO, Angelis, hominibusq; amabilis Parvula, triennis MARIA, quam Joachim & Anna, Parentes felicissimi, trimulam hodie in Sanctis Sanctorum victuram DEO, præsentarunt in templo, munus præ omnibus hætenus datis majus! offer me nunc, & in agone meo munus Sanctis Sanctorum æternis.

2. O templum DEI! ô Sancta Sanctorum! ego me tibi præsentò in servum. Ad te ô Domina unice id pertinet curare, ut ita vivam, ita moriar, sicut decet tuum, & à te in templum gloriæ in Sancta Sanctorum præsentandum.

3. Maternæ tuæ curæ Virgo Sancta hoc ipsum transcribo, ne me aliter, quàm tibi dedicatum, & prædestinatum decet, vivere permittas.

4. Fac me pia Mater vivum templum gratiæ DEI. Offer me templo gloriæ; ut sim

K k 2

adif,

ædificatio DEI, pone in corde meo altare aureum, cujus Sacerdos sit amor DEI, qui ei, alendo divino igni, ligna suggerat per singulos dies.

5. Impetra mihi ô dulcissima Parvula, ut sim inter ignitos lapides in illa urbe amoris DEI, cujus turres gemmis ædificabuntur, id est, amoris actibus pretiosis!

6. O mi DEUS! sint obsecro oculi tui, & cor tuum in hoc templo tuo, quod tibi millies dedicavi; ut oculos meos & cor meum custodiant, & faciant, ut semper te geram in oculis & in corde. Ita cor meum erit domus orationis assidue, locus Sanctus, inestimabile Sacramentum.

7. De vivis & electis virtutum, tibi maxime placentium lapidibus, architecto amore tuo, in me obsecro æternum Majestati tuæ præpara mi DEUS habitaculum: ut cor meum sit aurea domus tua, quies tua, delicia tua.

8. Nec Salomonis templum fuit adeo sumptuosum, quàm hoc meum, seu tuum in me, cujus ædificatio, expiatio, dedicatio constitit pretio magno valde, sanguine Filii tui DEUS! vestias ergo illud cedris DEI. Cogitationes meæ sint in illo tibi Sancta Sanctorum. Pone in medio ejus tuæ voluntatis oraculum, & arcam fæderis æterni. Sacratissimam Virginem Matrem, quæ est fæderis arca.

9. Nihil erat in illo templo quod non auro regeretur. Tege, imò imbue, intus & foris, quidquid cogito, dico, ago, illo tuo auro ignito, quod nascitur in montibus Sanctis, in corde

corde tuo DEUS! ut nihil in me sit, quod amore illo solido coopertum non sit.

10. Pone in me mi DEUS! auro tectos Cherubinos, qui me doceant scientiam Sanctorum, id est amoris tui, adde Seraphinos, qui me pretioso illo tui altaris igne perpurgent, illuminent ac inflamment. Ut ita igneis & aureis Seraphinorum ac Cherubinorum alis, ope tuâ, ad te subvectus intellectus meus, & voluntas mea videat te, amet te, ac immortaliter vivat in te, in templo Sancto gloriæ tuæ.

Eodem Die

Actus ante S. Communionem.

O Pretiosissima Parens! Parentum tuorum manibus hodie vel potius tua oblatione & ardentissimo affectu, DEO in ancillam, in sponfam præsentata & oblata, imperfectum meum videant oculi tui, loquere pro me bona dilectissimo Filio tuo.

Memoriam fecisti mi DEUS mirabilium tuorum dans escam timentibus te, ac panem cœli dans nobis. Veni ergo Domine & noli tardare, reple bonis tuis esurientem animam meam suscipiamus hodie misericordiam tuam in medio templi tui, per MARIAM.

Quo affectu ac devotione, puritate ac promptitudine mentis suæ præsentavit se hodie in templo Virgo Mater, æternisque tuis obsequiis mancipavit, & gratissimam gustui tuo divino ex se ipsa oblationem fecit, hoc eodē affectu feror in te Domine, ac cor meum do, dono, subjicio, ut non ampliùs sit meum, sed tuum, cupiens eadem plenitudine in te
trans.

transfundi, quâ hæc Virgo à primo sui ortûs instanti transfusa in tuam possessionem & hæreditatem fuit.

In Festo Sancti Tui Nominis.

1. **S**ANCTE N. cujus nomine ac patrocinio me, jam inde ab ipsa baptismi mei hora munivit optimus DEUS meus; commendanda me DEO, divinæ Matri, ac Sanctis omnibus; illis potissimum omnibus Electis DEI, quicumque hoc tuum, ac meum, nomen in terris olim magnâ virtute ornârunt.
2. Respice ô Sancte Patrone! ex illa æternæ securitatis ac lætitiæ urbe, me tibi cognominem, hîc adhuc inter quotidiana æternum pereundi pericula exulem ac timentem.
3. Efficce Sancte & Electe DEI, ut sicut idem tecum nomen gero, ita tuo & nomini & exemplo, Sancta heroicorum tuorum factorum imitatione respondeam.
4. Suggere cordi meo, quæ DEUS vult; & tardi cordis mei duritiam ac surditatem vince.
5. Sensus meos omnes, & cor meum gubernâ, MARIAM Reginam nostram & Sanctos omnes, ac Sanctas DEI, tibi pro auxilio adjuuge: totum me Sacratissimæ Trinitati, per JESU Sanguinem, & Mariæ manus, ex toto dedica, in holocaustum æternum: omnes omnino (etiâ quas indifferentes dicimus) actiones meas ad majorem DEI gloriam, offer ad thronum gratiæ ejus, & gloriæ.
6. Ope tuâ obsecro mihi assiste cum sociis tuis Sanctis, nunc, & in hora mortis, ut
omnia

omnia ac singula momenta vitæ ac mortis
meæ, sint mihi, tibiue æterno solatio; JE-
SU & Mariæ, æterno honori & amori,
in felici Sanctorum omnium æternitate, ad
quam, quod DEUS te prædestinaverit, &
dotibus ad illam necessariis decoraverit, gra-
tulator tibi.

C A P U T XII.

Aspirationes Viatoris pro felici
morte ad CHRISTUM.

Non intres in iudicium cum servo tuo Do-
mine JESU! quia non justificabitur in cō-
spectu tuo omnis vivens.

Ne memineris bone JESU, iniquitatum me-
arum: citò anticipent me misericordiæ tuæ,
quia pauper factus sum nimis.

Ne tradas Domine JESU, bestiis animam
consistentem tibi, & animam pauperis tui ne
obliviscaris in finem.

Illumina mansuetissime JESU! oculos meos,
ne unquam obdormiam in morte, ne quando
dicat inimicus meus, prævalui adversus eū.

Tuus sum ego, salvum me fac Domine,
& ne perdas cum impiis DEUS animam
meam.

Salvum fac servum tuum, Domine DEUS;
sperantem in te.

O JESU esto mihi JESUS! & salva me.
Jube me venire ad te, ut cum Sanctis tuis lau-
dem te & in æternum fruam te.

O mi dulcis JESU! quando corpus meū
moriatur, fac ut animæ donetur paradisi glo-
ria.
In te

In te Domine JESU speravi non confundar in æternum.

Alii Affectus ad JESUM Agonizantem.

JESU agonizans & in cruce moriens pro me, Jimmitte, quæso, Spiritum tuum in cor meum, illoque animam meam vivifica, quoniam Tuo solo Spiritu vivere volo, tam in hujus præsentis vitæ meæ tempore, quam in mortis meæ articulo.

JESU in cruce agonizans & moriens pro me; adoro te adoratione Patriæ debita Majestati tuæ divinæ, insuperque mori totis viribus cupio, ut morte mea quàm citissimè, & condignissimè agonizantem morientemq; te pro me in cruce venerer, ac morte mea quoad possum, compensem mortem tuam.

JESU in Cruce agonizans, & moriens pro me; per hunc agonem tuum, & per Spiritum, quem in manus Patris æterni commendasti, obtestor te, ut instans mortis tuæ influat in mortis meæ instans; illudque dignificet, & in conspectu SSS. Trinitatis gratum atque pretiosum reddat. Instanti igitur mortis tuæ, agonique tuo pretioso, instans mortis meæ agonemque meum humillimè repræsentem, recomendo, unio, consecro.

JESU agonizans & moriens in Cruce pro me, ibidemque orans pro crucifixoribus tuis Patrem; obsecro ut ores quoque eundem pro me crucifixore tuo, impetresque mihi mortem sanctam, & charitate perfectam consummatam.

JESU agonizans & moriens in Cruce pro me; stillantem tepentemq; amore mei sanguinem

nem Tuum colligo. & lambo devotus, optans simul ac petens à Te; ut in hora mortis meæ adesse mihi præsens cum gloriosa Matre tua. Sanctisq; tuis digneris, adnumeresq; me saltē ultimis redemptis, & electis Tuis, & in illo decretorio agonis mei momento, secundum magnam misericordiam, copiosamq; redemptionem Tuam miserearis mei.

JESU agonizans & in Cruce moriens pro me, cupio. propono, & à te peto, ut instans ultimum vitæ mortisq; meæ consummativū, sit ardentissimus tui amor, quo cor meum & accensum ignescat, & vulneratum immoriatur, & consumptum incineretur, & concrematum favillescat.

JESU agonizans & in Cruce moriens pro me; amo te quàm possum ignitissimè & æstuosissimè, quomodo etiam amare te volo, statuoque in mortis meæ agone, in quo ut cor meum amoris Tui ignibus Seraphicis Mariæque ac insuper Tuis æstuet, palpitet, concutiat, eorumque actu & æstu conficiatur, ac emoriatur, Tu mi JESU propter agonis mortisque tuæ instans, misericordissimè facito.

Ad Beatissimam Virginem.

MATER DEI memento mei nunc & in hora mortis.

Adsis mihi Domina in omnibus actionibus meis, nec me deseras in hora mortis.

O Sanctissima Virgo! per pretiosissimā mortem tuam, & illos actus amoris DEI, quos tunc eliciisti; per omnem misericordiam, quā ulli succurristi, memento mei nunc & tunc.

Gere

Gere curam mei finis, ut tua defensione munus ingrediar beatam æternitatem. Experiar te Matrem pulchræ dilectionis, & timoris, & agnitionis, & sanctæ spei.

Per te accepi gratias pia Mater, per tuas etiam manus commendo & offero Spiritum meum DEO meo; ut illum videam, videam, videam; amen, amen, amen æternum.

O JESU rogo te per MARIAM! ô MARIA rogo te per JESUM! ô JESU & MARIA rogo vos per SSS. TRINITATEM! ô SSS. TRINITAS rogo te per amorem quod te amas; miserere mei, ut felix moriar ad maiorem tuam gloriam & amorem: ut vos amen æternum.

Ad SS. Angelos & omnes Sanctos.

Succurrite, subvenite ô! vos omnes beatissimi Spiritus Sancti Angeli DEI, & cum in extremis vestram opem non amplius implorare potero, ne me deserite.


Sanctæ Angele Custos, defende me in hoc prælio, ut non peream in tremendo iudicio.

Sancti DEI omnes intercedere dignemini pro animæ meæ salute.

Moriatur anima mea morte Justorum, sed vivat prius vitâ Justorum. Amen.



H O M A



H O M A G I A

In vita & morte DEO præstanda.

Reddite quæ sunt DEI DEO. Mat: 22.

1. **A**gnosco te ô mi DEUS! ut supremũ
Dominum meum, primum Principium
& ultimum finem meum. Authorem natu-
ræ, gratiæ. & gloriæ: & profundissima cū
humilitate te adoro Dominum vitæ & mortis,
tibiq; sponte sacrifico vitam meam.

2. Credo te mi DEUS unum in essentia
& Trinum in Personis. Patrem, Filium, &
Spiritus Sanctum. Credo, teneo, ac pro-
fiteor fidem illam, quam CHRISTUS
docuit, quàm prædicaverunt Apostoli, quã
Sancta Romana DEI Ecclesia docet: ac pro-
fuitur, & singulos Catholicæ fidei articulos
paratus sum sanguine meo subsignare, & morte
mea confirmare.

3. Doleo Domine & quidem ex animo,
quod non merui vitam meam alio modo pro
obsequio tuo amittere, sanguinem scilicet fun-
dendo cum SS. Martyribus pro nominis tui
confessione, sed quia his indignus sum, en
etiam hanc mortem meam lubens amplector
in incruentum amoris tui sacrificium.

4. Spero misericors Domine, per sanguinẽ
& merita JESU Christi, ab infinita bonitate
tua, ac clementia remissionem peccatorum,
quibus te summum Bonum meum gravissimẽ
offendi. Spero firmissimẽ me à paterna li-
bera-

beralitate tua obtenturum gratiam copiosam, & gloriam sempiternam.

5. Amo te amabilissime DEUS ex toto corde meo, super omnia, propter infinitam Bonitatem tuam. Vellem si possem, amare te illo amore, quo te amant omnes Sancti, & JESUS CHRISTUS Filius tuus; & quo te ipsum infinite amas. Fac ut in aeternum amem te in regno amoris & beatitudinis.

6. Gratulor tibi de te, gaudeo de infinita gloria tua. Gaudeo de divinitatis tuæ thesauris infinitis. Utinam Cherubinorum, Seraphinorum, Angelorum omnium, Sanctorum omnium, Beatissimæ Virginis Matris, ac denique ipsius JESU corde possem amare ac laudare te, gaudere de te, & gratulari tibi.

7. Veneror, approbo, laudo, & ab omnibus laudari cupio judicia tua omnia occulta, horrenda; tuam de nobis & quidem æternum duraturam dispositionem.

8. Doleo, doleo, doleo! quod unquam ullo modo Te maximum, dulcissimum, optimum DEUM meum offenderim. Doleo! non propter infernum, vel purgatorium, quæ tamen credo & timeo. Doleo! non propter cœlestem gloriam: quam tamen credo & spero, sed doleo propter te, optime super omnia, pulcherrime super pulchra omnia, dignissime super omnia DEUS.

9. Doleo! quod ullum temporis momentū perdiderim, quo te mi DEUS non amavi. Utinam possem redimere, & excellentissimis excelsissimæ charitatis actibus implere omnes horas illas, ô DEUS, qui charitas, qui ignis consumens es!

10. De-

11. Detestor omnia peccata in toto mundo quomocunq; commissa & committenda contra te mi DEUS! utinam potuissem, ac possem omnia impedire in totidem bona convertere! utinam possem omnia instantia & momenta actionum peccaminosarum, bonis ac heroicis actibus implere.

11. Detestor omnes cogitationes præsumptuosas, & magnificantes merita mea, quas Spiritus malignus in mortis meæ articulo posset inspirare, humiliterq; confiteor, me non posse habere ex me ipso nisi nihilum, nisi peccatū, nisi damnationem æternam. Ac proinde Domine DEUS te solum & unicum Authorem salutis & felicitatis meæ agnosco.

12. Rata nunc habeo mi DEUS bona omnia, quæcunque in tota vita mea, ex Te, circa Te, propter Te habui; ratos habeo pios motus ac sensus & actus meos omnes sub omni latitudine illorum ac sublimitate eosdē nunc elicitos à me volo imò illos, qua possum elicio. Approprio mihi merita Filii tui, & facio illa mea, illisq; unio & dignifico omnia bona mea. Approprio mihi omnes actus bonos à quocunque elicitos & elicientos, eosq; tibi mi DEUS, quasi meos offero. Omnia opera totius vitæ meæ, quanta quanta sunt mala & imperfecta retracto, & corrogo ad tuum placitum.

13. Statum Religiosum (si est Religiosus) quem tot annis tenui, approbo, amplector, & exnunc ingredior, totiusq; mundi res & spes pro tuo amore & servitio calco.

14. Approbo omnia bona opera omnium hominum & Angelorum. Approbo quidquid
boni

boni unquam factum vel futurum est: & utinam augere bona illa possem in infinitum.

15. Pro omnibus, & singulis beneficiis tuis, mihi quomodocunque in tota vita mea & ante vitam præstitis, & post vitam præstandis, gratias ago tibi mi DEUS, quantas possum, ago quantas debeo, ago quantas Christus pro suis obtulit & Beatissima Virgo, quantas omnes Sancti obtulerunt & offerent; deinde ago tibi gratias pro omnibus proximorum, atque adeo creaturarum omnium bonis.

16. Volo voluntatem meam tuæ dare in victimam. Quidquid vis, quantum vis, quomodo vis, & ego volo. Visne Domine ut hoc anno moriar? hoc mense? hâc die? hâc horâ? hoc momento? an lentâ morte? an inopinata? volo & ego, visne ut in inferno omnes cruciatus & omnes damnatorum pœnas æternum sustineam? lubens hoc faciam, quoniam sic placitum est ante te.

17. Nolo, quidquid non vis ô DEUS meus! volo, quidquid vis. Doleo quòd fuerit tempus, in quo nolui, quæ volebas; & volui quæ nolebas.

18. Decretum mortis à tua divina manu, eo animo excipio, quo animo excepit Christus JESUS Filius tuus, decretum mortis suæ pro me, in instanti Conceptionis suæ & in crucis morte. Item eo animo amplector, quo animo excepit nuntium Incarnationis; expresseque illis verbis; fiat mihi &c. Pretiosissima Parens Virgo MARIA.

19. Spiritum meum non alibi, quàm in suavissima tua voluntate, JESU Christi latere, Pretio-

Pretiosissimæ Parentis meæ manibus, Ecclesiæ Romanæ Catholicæ fide (in Religione mea) emittere atque deponere exeuntem ex hoc corpore volo atque cupio.

20. Non merui quidem te mi DEUS videre beatificè, nec merebor in æternum: cupio tamen æstuantissimis desideriis videre, quia tu me ad hunc finem condidisti, sanguine Filii tui redemisti, gratiam largiris, & merendi per Christi Sanguinem, facultatem.

Desiderium bonæ Mortis.

Cupio dissolvi & esse cum CHRISTO

Rom: 7. 24.

Opto mori: quia mortalis sum naturâ meâ, & DEI Creatoris mei sic factus sum voluntate, fiat ergo voluntas ejus.

Opto mori: testimonium & protestationē, tum supremæ potestatis, dominique in me divini: tum totalis meæ rerumque omnium à DEO dependentiæ.

Opto mori: ut primi originalis peccati pœnam etiam mihi justo judicio DEI inflictam exsolvam morte, tandemque illud finaliter expiem.

Opto mori: ut sim extra periculum omne peccandi, vel in minimo, contra dignitatem, Majestatem, Sanctitatem, Bonitatem DEI mei.

Opto mori: ut mea morte mortem JESU Christi Domini mei, quâ me ille ab æterna morte redemit, honorem, imiter, eique mortuo, & ipse mortuus assimiler.

Opto mori: ut sequar exemplum Pretiosissimæ

ssimæ DEI Matris MARIE Dominæ meæ : quæ carens aliqui moriendi debito, mori tamen voluit & ipsa, ut suâ morte mortem Filii honoraret.

Opto mori : ut in articulo mortis meæ, omnes DEI mei voluntates circa me absolutissimè impleantur.

Opto mori : ut citiùs finem ultimum, ad quem creatus sum, assequar.

Opto mori : ex desiderio quàm primùm accedendi ad Sanctos, eosque videndi : tum pretiosissimam DEIMATREM Verbi quoq; Incarnati sacratissimam Humanitatem : præ omnia autem Uni-Trinam Beatissimi DEI Essentiam, ut mediante morte meâ, tandem DEO æternaliter ac beatifice conjungar in gloria consummata.

Opto mori : ne amplius exosâ vitâ mea alios scandalizem.

Opto mori : ut in Ecclesia sepultus nunquâ amplius avellar & recedam à præsentia Augustissimi Sacramenti.

Opto mori : ut exhilarem Cor Beatissimæ Virginis, cor Sancti Patris N. quando post mortem gaudens gaudebo in DOMINO, & misericordias Domini cum Sanctis omnibus in æternam cantabo.

Opto mori : ut finaliter de Thesauro Ecclesiæ Sanctorumq; communione participem.

Aspirationes Morientis.

1. PATER in manus tuas commendo Spiritum meum. *Psal. 39.*
2. Cupio dissolvi, & esse cum Christo. Infelix

felix ego! quis me liberabit de corpore mortis hujus. *Rom. 7. 24.*

3. Educ de custodia animam meam Domine ad confitendum nomini tuo: me expectant iusti, donec retribuas mihi. *Psal. 141.*

4. Latatus sum in his, quæ dicta sunt mihi, in domum Domini ibimus. *Psal. 121.*

5. Paratum Cor meum DEUS, paratum cor meum Tibi & ad Te. *Psal. 56.*

6. Ecce sponsus venit, exeamus obviam ei. *Matth. 25.*

7. Quemadmodum desiderat cervus ad fontes aquarum, ita desiderat anima mea ad te O DEUS! *Psal. 41.*

8. Sitivit anima mea ad DEUM, fontem vivum, quando veniam & apparebo ante faciem Domini. *Psal. 41.*

9. Misericordias Domini in æternum cantabo. *Psal. 88.*

10. Adjuro vos Filiæ Jerusalem, ut nuntietis Dilecto meo, quia amore langueo. *Cant. 5.*

11. Tædet animam meam vitæ meæ, quia non video Deum Deorum in Sion.

12. O quando vacabimus & videbimus! videbimus & amabimus, amabimus & laudabimus? O quando erit finis sine fine? *S. August.*

13. O Fons vitæ perennis, quando sitim meam extingues in me! O beata æternitas, & æterna beatitudo quando perennabo in te.

14 JESUS & MARIA dulcissimi mei Amores, patiar ego, moriar ego amore vestri: totus sim vester, nullus meus in æternum.

15. Æterna Sapientia dulcissime JESU, absorbeat, quæso, medullas, & viscera animæ

meæ ignita & melliflua vis amoris tui: ut amore amoris tui moriar, qui dignatus es pro me indigno in ligno Crucis mori. *S. Aug.*

16. JESU nostra redemptio. Amor & desiderium. DEUS Creator omnium, Homo in fine temporum. Quæ te vicit Clementia, ut terres nostra crimina? *Hymn. Eccl.*

17. Desidero te millies, mi JESU! quando venies; me lætum quando facies? me de Te quando saties? *S. Bernardus.*

18. Mori desidero, ut videam Christum, vivere renuo, ut vivam cum Christo. *S. Aug.*

19. Eja Domine moriar, ut te videam, videam ut hinc moriar. *Ibidem.*

20. Veni Domine, & noli tardare, veni Domine JESU, & visita me in pace, Veni & educ viactum de carcere &c.

Suspiria coram CHRISTI Crucifixi effigie.

AGnosce ô Domine! creaturam tuam non à Diis alienis creatam; sed à te solo DEO vivo & vero: Ne me perdat Domine iniquitas mea, quem fecit omnipotens bonitas tua.

Respice Domine Sancte Pater de excelso cœlorum habitaculo. Ecce vox sanguinis Fratris nostri pro nobis clamat ad te de Cruce. Audi Pater vocem sanguinis Filii tui.

Respice pie Pater innocentes manus Filii tui, quæ distillant pretiosum sanguinem, ut dimittas iniquitatem meam. Intuere illud læcæ perfoſsum pectus, & amore mei apertæ Cor, meque ex sacro illo fonte renova. Desige oculos ô Pater cœlestis in faciem hanc dilecti

dilecti Filii tui, & in membra conquassata Christi tui, & per miseras, quas ille amore mei sustinuit, miserere mei.

Eja dulcissime Redemptor Domine JESU! per illas lacrymabiles voces, quas in Cruce moriturus edidisti: DEUS DEUS meus quare me dereliquisti? ne quæso derelinquas me in hora mortis meæ.

En suavissime JESU in manibus, in pedibus, & in toto Corpore descripsisti me. Cernitur in toto Corpore sculptus amor, lege scripturam tuam hanc & salva me.

Respice in me oculis misericordiæ tuæ Domine JESU, Rex æterne, DEUS & Homo, Crucifixus propter hominem. Exaudi me sperantem in te: miserere mei pleni miseriis & peccatis, tu qui fontem miserationis nunquam manare cessabis.

Recordare Domine creaturæ tuæ, quàm tuo Sanguine redemisti. Illa ovis amissa ad Pastorem meum redeo: Vocem tuam novi non aliorum. Potesne vocem spernere balantis oviculæ tuæ & fugientis ad te?

Scio equidem me conspectum tuum non mereri; quia dum vitam meam confidero, confusio est mihi potius appellanda, quàm vita. Sed in Spiritu humilitatis, & in animo contrito suscipe me ô bone JESU salus & vita mea. Suscipe me secundum magnam misericordiam tuam, & non confundas me ab expectatione mea. Aperi mihi properanti januam vitæ, & principes tenebrarum non occurrant mihi. Tua me manus inducat in locum refrigerii, & vel in ultimam mansionem ex iis, quas parasti, servis tuis timentibus te.

Quando moribundus animi territi signa ostendit, inculcandum est ei illud de S. Bernardo Abbate, qui in agnitione extrema gravissimis & aureis planè verbis inimicum accusantem confudit; ita habet Author vitæ, qui tunc præiens aderat.

Cumque extremum jam Spiritum trahere videretur, in excessu mentis suæ ante Tribunal Domini visus est præsentari. Adfuit autem & Sathan ex adverso, impetans eum accusationibus pulsans: Ubi verò omnia ille fuerat prosecutus: & Viro D.E.I. esset pro sua parte dicendum, nihil territus aut turbatus ait: Fateor: non sum dignus ego, nec propriis possum meritis regnum cælorum obtinere. Cæterum duplici illud jure obtinens Dominus meus, hæreditate scilicet Patris, & merito Passionis, altero ipse contentus, alterum mihi donat, ex cujus dono, jure illud mihi vendicans non confundor; in hoc verbo confusus inimicus. L. 1. C. 12.

Quædam clara voce moribundo suggerenda.

Protestor, quòd morior verus Catholicus, in Fide, Spe & Charitate in DEUM. Protestor, quòd volo mori mancipium JESU & MARIE. Protestor, quòd exnunc & pro reliquo vitæ meæ tempore nolo consentire ulli tentationi Dæmonis.

In manus tuas Domine commendo spiritum meum. JESU Fili David miserere mei. DEUS in adiutorium meum intende. Domine ad adjuvandum me festina. Bone JESU dic animæ, meæ salus tua ego sum. Bone JESU, qui venisti per dolum redimere, noli redemptum damnare. Domine JESU suscipe spiritum meum. Fiat voluntas tua. *Addam*

Addantur hæc in aurem.

A Brenuntio tibi Sathana. Vade Sathana. Domine vim patior, responde pro me, ne derelinquas me Domine DEUS, ne discefferis à me.

Bone JESU, in quem credidi, miserere mei. Bone JESU in quo speravi miserere mei. Bone JESU, quem dilexi miserere mei. Recordare JESU pie, quòd sim causa tuæ viæ, ne me perdas illâ die.

O! Mater DEI memento mei. MARIA Mater gratiæ, Mater misericordiæ, tu nos ab hoste protege. & hora mortis suscipe. Eja bona Mater & Advocata nostra illos tuos misericordes oculos ad nos converte. O clemens! ô pia! ô dulcis Virgo MARIA. Angele DEI sit tibi cura mei.

O JESU & MARIA! dono vobis cor meum, animam meam. JESU MARIA, amores mei, patiar, moriar amore vestri. O JESU, esto mihi JESUS & Salvator. JESU agonizans, morti tuæ mortem meam unio. JESU pro me mortue, mors tua sit vita mea. O bone JESU exaudi me, intra Vulnera tua absconde me, & ne permittas me separari à te. Domine JESU suscipe spiritum meum. Tu es Christus Filius DEI Vivi, Dominus meus & DEUS meus.

O MARIA! sis mihi propitia.

Amore tui morior mi dulcis JESU.

O JESU, JESU, JESU, esto mihi JESUS

Cum

*Cum jam in agone sui exitus anima anxietur,
dicantur sequentes orationes.*

Proficiscere anima Christiana de hoc mundo:
In Nomine DEI Patris Omnipotentis, qui te
creavit: In Nomine JESU Christi Filii DEI
Vivi, qui pro te passus est: In Nomine Spi-
ritus Sancti, qui in te effusus est. In No-
mine Angelorum & Archangelorum. In No-
mine Thronorum, Principatum, & Potesta-
tum. In Nomine Cherubim & Seraphim. In
Nomine Patriarcharum & Prophetarum. In
Nomine Sanctorum Apostolorum & Evange-
listarum. In Nomine Sanctorum Martyrum
& Confessorum. In Nomine Sanctorum Mo-
nachorum & Eremitarum. In Nomine Virgi-
num & omnium Sanctorum ac Sanctarum DEI:
hodie sit in pace locus tuus, & habitatio tua
sit in Sancta Sion; per eundem &c.

DEUS Misericors, DEUS Clemens, DEUS,
qui secundum multitudinem miserationum
tuarum peccata poenitentium deles, & præ-
torum criminum culpas veniam remissionis e-
vacuas; respice propitius super hunc famulum
tuum N. & remissionem sibi omnium peccato-
rum suorum totam cordis confessione poscentem
deprecatus exaudi. Renova in eo piissime Pa-
ter, quidquid terrena fragilitate corruptum,
vel quidquid diabolicam fraude violatum est;
& unitati corporis Ecclesie membrum redem-
ptionis annecte. Miserere Domine gemitum,
miserere lacrymarum ejus, & non habentem
fiduciam, nisi in misericordia tua, ad tuam Sacra-
mentum reconciliationis admitte. Per Christum
Dominum nostrum. Amen.

Commen-

Commendamus tibi Domine animam famuli tui N. precamurque te Domine JESU Christe, Salvator mundi, ut propter quam ad terram misericorditer descendisti, Patriarcharum tuorum sinibus insinuare non renuas. Agnosce Domine creaturam tuam, non à Diis alienis creatam, sed à te solo DEO Vivo & Vero: quia non est alius DEUS præter Te. & non est secundum opera tua. Lætifica Domine animam ejus in conspectu tuo: & ne memineris iniquitatum ejus antiquarum, & ebrietatum, quas suscitavit furor sive fervor mali desiderii. Licet enim peccaverit, tamen Patrem & Filium & Spiritum Sanctum non negavit, sed credidit, & zelum DEI in se habuit, & DEUM qui fecit omnia, adoravit. Amen.

Oratio ad Beatam Virginem.

Intemerata & in æternum benedicta Virgo MARIA, famulo tuo in hoc extremæ necessitatis articulo subveni, illos tuos misericordes oculos ad illum converte: ostende illi dulcissimam faciem tuam, & in virtute Sanctæ Crucis inimicos ejus omnes disperse. Libera eum ex omni angustia, ut tecum & cum beatis Spiritibus Redemptori suo æternas gratiarum referat actiones. Reminiscere misericordiarum tuarum, ô Mater Misericordiæ! & secundum multitudinem miserationum tuarum animæ illius succurre.

Post expirationem.

Subvenite Sancti DEI, occurrere Angeli Domini, suscipientes animam ejus, offerentes eam in conspectu Altissimi.

y. Su-

Y. Suscipiat te Christus, qui vocavit te.
 & in sinum Abrahamæ Angeli deducant te. **R.**
 Suscipientes animam ejus, offerentes eam in
 conspectu Altissimi. **Y.** Requiem æternam
 dona ei Domine. **R.** Et lux perpetua luce-
 at ei. Kyrie eleyson. Christe eleyson. Kyrie
 eleyson. Pater noster. Et ne nos inducas &c.
Y. A porta inferi. **R.** Erue animam ejus.
Y. Requiescat in pace. **R.** Amen. Domine
 exaudi orationem &c.

Oremus.

Tibi Domine commendamus animam famuli
 tui N. ut defunctus sæculo tibi vivat, &
 quæ per fragilitatem humanæ conversationis
 peccata commisit, tu veniã misericordissimæ
 pietatis absterge, Per **CHRISTUM** Domi-
 num nostrum.

DEUS, cui proprium est misereri semper &
 parcere, te supplices exoramus pro anima
 famuli tui N. quam hodie de hoc sæculo mi-
 grare iussisti; ut non tradas eam in manus
 inimici, neque obliviscaris in finem, sed ju-
 beas eam à SS. Angelis suscipi, & ad patri-
 am paradisi perducere, ut quia in te speravit
 & credidit, non pœnas inferni sustineat, sed
 gaudia sempiterna possideat. Per Christum
 Dominum nostrum. Amen. Requiem æter-
 nam &c.

*Orationes pro omnibus CHRISTI fidelibus
 ubicunque agonizantibus.*

O JESU Crucifixe! per merita SS. Genitri-
 cis tuæ, per merita & intercessionem SS.
 Ange-

Angelorum, Patriarcharum, Prophetarū, Apostolorum, Martyrum Confessorum, Virginum, & Viduarum, itemque dilectæ Sponsæ tuæ Ecclesiæ, te supplices exoramus, ut miserearis omnium illorum, qui in hora mortis constituti turbantur, & propter vehementiam hostilis impetūs vacillant.

A morte perpetua & æterna, libera eos Domine. A terrificis visionibus inimici, libera &c. A regione gelidissima & ferventissima: libera &c. Ne audiant in regione umbræ mortis & tenebrarum blasphemari nomen tuum. Ne tradantur in manus bestię infernalis, libera &c. Ab inani fiducia & securitate non in te fundata, libera. A corde obstinato & in peccatis obdurato, libera. Per mysterium Sanctæ Incarnationis tuæ, per Nativitatem tuam, per catenas, funes, vulnera, alapas, sputa, spinas, crucem, & mortem tuam, libera. Per gloriam resurrectionis tuæ, & per triumphum tuæ in cælum ascensionis, libera eos Domine.

ꝑ. Ne tradas Domine bestiis animas confitentes tibi.

ꝛ. Et animas pauperum tuorum ne obliſ viscaris in finem.

Oremus.

Clementissime JESU invocamus clementiā tuam per charitatem illam infinitam, quæ te ad moriendum pro genere humano impulit, ut miserearis omnium agonizantium, & iis condones excessus commissos cogitatione, verbo, & opere, & ut suppleas, quod in
eis

eis desideratur, applica illis infinita merita tuæ Passionis, & pretium Sanguinis tui, quem pro nobis effudisti.

Assistat illis Sanctus Michâel Archangelus & per manus Sanctorum Angelorum deportentur ad Paradisum tuorum Electorum: ut liberati de principe tenebrarum, & abyſſo poenarum, in consortium veniant Sanctorum tuorum refuscitati cum gloria, ut filii & hæredes regni tui. Amen.


Quidam Religioſus, ut refert Caſarius, impetravit ſibi gratiam ex hac vita migrandi ſine purgatorio ad Cælum hæc precatiunculâ.

Domine IESU per illam amaritudinem, quam ſuſtinuiſti propter me in Cruce, maxime quando Anima tua Benedicta egrediebatur de corpore tuo: miſerere animæ meæ in egreſſu ſuo. *Vel* Domine IESU inſtanti mortis tuæ, & inſtanti mortis Matris tuæ, omniumq; Electorum tuorum inſtans mortis meæ commendo: benedic iſti propter illa.

Concludo Melliflui Doctoris S. BERNARDI Verbis.

Dignus eſt morte, qui ubi Dominus IESU re-
cuſat vivere (adeoque te laudare, te glorificare)
& mortuus eſt. Propter temeripſum DEUS fe-
ciſti omnia, & qui vult eſſe ſibi & non tibi, ni-
hil eſſe incipit inter omnia.

Ad M. D. G. B. M. S. V. I. C. H.
INDEX,



I N D E X.

CAPUT I. Manuductio Viatoris, cui recta	
<i>via proponitur ad Patriam. Pag:</i>	1.
<i>Viator, quasi à facie Colubri fuge peccata.</i>	10.
<i>Affectus animi contriti.</i>	15.
<i>Formula propositi emendationis.</i>	21.
<i>Via recta ad Cælum, Via Crucis.</i>	22.
<i>Actus desiderii patiendi pro Christo.</i>	33.
<i>Compendium viae cœlestis est brevissimum per</i>	
<i>Heroica.</i>	34.
<i>Affectus animæ ad heroica anhelantis.</i>	38.
CAPUT II. De prædestinatione Viatoris,	
<i>quæ est scopus & terminus via nostra;</i>	
<i>& mediis ad eandem consequendam.</i>	40.
<i>Affectuose aspirationes ad DEUM, ut est</i>	
<i>prædestinator.</i>	51.
<i>Pactum cum DEO Viatoris per totam hebdo-</i>	
<i>madam dispositum.</i>	55.
<i>De cultu Magnæ DEI Matris.</i>	79.
<i>Affectuose Salutationes Virginis Beatissima.</i>	81.
<i>Actus gratitudinis ad finem Septimana eli-</i>	
<i>ciendi.</i>	84.
<i>Decet Viatorem semper & ubique DEI sui</i>	
<i>meminisse.</i>	86.
	Oratio-

I N D E X

<i>Orationes jaculatoria, & motus anagogicæ quid sint?</i>	93.
<i>Viatori per creaturas ad Creatorem ascendendum.</i>	99.
<i>Praxis aspirationum seu affectuum pro quolibet occasione & actione.</i>	103.
CAPUT III. Diarium Viatoris, sive actio- <i>num per diem ordinatio.</i>	120.
<i>Actus Matutini.</i>	124.
<i>Actus intentionis.</i>	128.
<i>Actus diversarum Virtutum.</i>	130.
<i>Præ Viatoris desideria, sive scintilla ad flammam amoris Divini concipiendam.</i>	132.
<i>Actus ante recitationem Officii Divini.</i>	133.
<i>Post Divinum Officium.</i>	137.
<i>Actus ante meditationem.</i>	140.
Visitando SS. SACRAMENTUM.	143.
<i>Observanda circa Sacrificium Misse.</i>	144.
<i>Præxi offerendi Sacrificium Misse cum Sacerdote celebrante.</i>	145.
<i>Intentio & Preparatio, quando conceduntur Indulgentiæ.</i>	154.
<i>Deprecatio pro felici successu S. Religionis.</i>	156.
<i>Actus ad Virginem B. & Sanctos Patres.</i>	158.
<i>Votiva ad S. Josephum.</i>	163.
Ad	

I N D E X

<i>Ad S. Antonium de Padua.</i>	165.
<i>Ad S. Barbaram & S. Annam.</i>	166.
<i>Ad S. Bernardum.</i>	167.
<i>Contra pestem & morbos contagiosos.</i>	168.
<i>Modus honorandi quemcunque Sanctum in e-</i> <i>jus Festivitate.</i>	169.
<i>Actus antemeridiani.</i>	170.
<i>Actus meridiani.</i>	172.
<i>Actus ante refectiorem.</i>	173.
<i>Consideranda circa refectiorem.</i>	176.
<i>Actus pomeridiani.</i>	178.
<i>Actus antevespertini.</i>	180.
<i>Actus euntis dormitum.</i>	181.
<i>Actus brevis pro defunctis.</i>	186.
<i>CAPUT IV. Alphabetum amoris DEI per</i> <i>h. bdomadam dispositum.</i>	187.
<i>CAPUT V. Solitudo septemdiaria. Seu quo-</i> <i>tidiana familiaris cum DEO conversa-</i> <i>tio.</i>	213.
<i>CAPUT VI. De pœnitentia. vera salutis se-</i> <i>mita, quâ homo ex regione longinqua ad</i> <i>DEUM & salutis viam revertitur.</i>	283.
<i>Quedam observanda ante Confessionem Sacra-</i> <i>mentalem.</i>	292.
<i>Actus ante Confessionem.</i>	295.
<i>Actus post Confessionem.</i>	300.

CA.

I N D E X

CAPUT VII. Praxis sacrae Communionis	301.
<i>Affectuosa aspirationes ad CHRISTUM susci-</i> <i>piendum.</i>	307.
<i>Observanda post S. Communionem.</i>	311.
<i>Actus Salutationis CHRISTI.</i>	313.
<i>Actus petitionis post S. Communionem.</i>	316.
CAPUT VIII. Praxis devotè & reverenter <i>celebrandi Sacrificium Missae.</i>	321.
<i>Oblatio Sacrificii.</i>	326.
<i>Actus diversarum virtutum.</i>	331.
<i>De proxima dispositione ad Missam.</i>	338.
<i>Actus post Missam.</i>	343.
CAPUT IX. Proponuntur praxes seu exercitia <i>colendi per annum Festa CHRISTI Domini.</i>	
<i>In Adventu Domini.</i>	348.
<i>Eodem tempore, actus ante S. Communionem.</i>	350.
<i>Actus post S. Communionem.</i>	353.
<i>In Vigilia Nativitatis Domini.</i>	355.
<i>Eodem die Actus ante S. Communionem.</i>	357.
<i>Post S. Communionem.</i>	359.
<i>Die Nativitatis Domini.</i>	363.
<i>Eodem die actus ante S. Communionem.</i>	365.
<i>Actus post S. Communionem.</i>	368.
<i>In Circumcisione Domini.</i>	371.
<i>In Epiphania Domini &c. &c.</i>	377.

I N D E X

CAPUT X. *Breves meditationes de Passione Domini.* - 428.

CAPUT XI. *Proponuntur Praxes colendi Deiparam Virginem, & quosdam Sanctos in Festis ipsorum.* - 456.

CAPUT XII. *Aspirationes Viatoris pro felici morte ad CHRISTUM.* 511.

Affectus ad CHRISTUM agonizantem. 512.


Homagia in vita & morte DEO prestanda. 515.


Dilectum bonae mortis. 519.


Aspirationes morientis. - 520.

Orationes pro agonizantibus. 528.









Biblioteka Jagiellońska



std/0030681



